

ANACRISSE V
PARFAIT IUGEMENT

ET EXAMEN DES
Esprits propres & naiz
aux sciences.

Où par merueilleux & vtils secrets, tirez
tant de la vraye Philosophie naturelle, que di-
vine, est demonstree la difference des graces
& habilitiez qui se trouuent aux hommes, & à
quel genre de lettres est conuenable l'esprit
de chacun: de maniere que quiconque lira ieu-
attentiuement, découurira la propriété de son
esprit, & sçaura élire la science en laquelle il
doit profiter le plus.

Composé en Espagnol par M. Jean Huart
Docteur, natif de S. Jean du pied
Port, & mis en François, au Grand
de la Republique, par GABRIEL
CHAPPUIS Tourangeau.

À L'YON,

PAR FRANCOIS DIDIER,
à l'enfeigne du Fenix.

M D C C L X

Avec Privilège du Roy.



Extrait du privilege du Roy.

PAr grace & privilege du Roy est permis à François Didier marchand Libraire demourant à Lyon, d'imprimer ou faire imprimer en telle langue, que bon luy semblera, ce liure intitulé: *Anacrise, ou Parfait Jugement & Examen des Esprits, propres & naiz aux sciences: traduit en François de l'Espagnol de maistre Jean Huart, docteur, par Gabriel Chappuis Tourageau:* & ce pour le tēps & terme de six ans, à cōpter du iour qu'ils serōt acheuez d'imprimer. Est defendu par sadite Maiesté à tous Libraires, Imprimeurs ou autres de quelq̄ qualité qu'ils soient, d'imprimer, vēdre & debiter ledit liure, sans licence dud^t Didier, sur peine d'amende de *xx* liures. Et à fin de cause d'ignorāce, ledit Seigneur veut & entend q̄ l'extrait de ce privilege estāt mis au commencement ou à la fin desditz liures, serue pour toute notificatiō. Car tel est son plaisir, nonobstāt oppositiōs ou appellations quelconques, comme plus à plain appert par les lettres de privilege sur ce donnees à Paris le 26. iour de lanuier, 1580. Et scelees du grand seel de sa Maiesté, en cire iaune.

Ainsi signé,

Par le Roy à la relation du Conseil

DE VABRÈS.

A NOBLE ET
VERTVEUX SEI-
GNEUR PIERRE DE
Baillon, Gentil-homme ordi-
naire de la chambre du Roy, &
Guidon de la cōpagnie d'hom-
mes d'armes de feu Monsieur
de la Tour.



Monsieur, mō prin-
cipal but a tous-
iours esté depuis
six ans en çà, & est
encores à present,
de profiter au pu-

blic(comme peuent tesmoigner quel-
ques ouvrages qui sont sortiꝝ de ma
boutique, durant ce temps là) en escri-
uāt choses qui puissent reüssir au pro-
fit & auancement d'un chacun, & de
faire des amis, en vouant & dediant
mes escrits aux hommes verueux &
amateurs des lettres. Enquoy si ia-

mais ie fus heureux, ie me puis vanter
 iel maintenant, pource que ie ne pou-
 uoy mettre en auant chose qui fut tant
 utile & profitable à la Republique
 qu'est ce liure, auquel se peuvent des-
 couvrir destresors inestimables du plus
 grãd esprit d'homme, & du plus grãd
 philosophe que l'on sçauroit voir: &
 pource que ie me suis, en la dedicatiõ
 de mon labeur, principallemẽt adres-
 sè à vous qui faites cas des lettres &
 sciences (esquelles vous auez esté nour-
 ry) & qui auez la seule vertu en recõ-
 mādation, tellement que si i'ay trans-
 laté en nostre langue un liure autant
 utile & rare que l'õ puisse, ie ne diray
 seulemẽt trouuer, mais aussi inuēter (cõ-
 me vous voirrez par experience) ie
 puis me vanter aussi de l'auoir donné
 à un hõme lequel en est parfaitement
 digne, pour les bonnes parties qui sont
 en luy. Je vous presente donc hardi-
 ment cest œuure, tesmoin de la bonne
 volon

volonté que j'ay de vous faire service
 (pour les dons de vostre esprit) & à
 tous voz semblables, m'estimant bien
 heureux, de m'insinuer, par le peu d'in-
 dustrie qui peut estre en moy, en leur
 bonne grace, que j'estime plus que
 tous les biens de Cræsus. Au demou-
 rant, il vous plaira ouvrir les yeux de
 l'esprit, que vous avez surtout clair-
 voyans, pour entendre les grands se-
 crets de nature compris en ce livre:
 auquel vous pourrez noter, selon vo-
 stre sain iugement, la propre &
 naturelle inclination de vostre esprit
 & celle de tous autres, de maniere que
 ie m'assure bien que vous en recevrez
 un merueilleux contentement. vous y
 lirez maintes belles choses, non ia-
 mais ouyes ny dices, par auteur qui
 ait onques escrit, vous y voirrez un
 art nouveau, fondé sur tant visues &
 certaines raisons tirees de la philoso-
 phie, qu'il est impossible de mieux di-

re ny plus grauelement : vous assurant
 que si ce qui est icy escrit tant docte-
 ment se pouuoit prattiquer & mettre
 en vsage, ce seroit le plus grand bien
 qui scauroit iamais aduenir à la re-
 publique, comme certainement vous
 pourrez iuger par le discours des
 beaux chapitres ensuyuans. Celuy qui
 n'est pas né aux lettres ne s'y romproit
 dix ou douze ans la teste, sans aucun
 fruit, pource que les parens cognois-
 sans bien la difference de l'esprit de
 leurs enfans, par les reigles & prece-
 ptes q'en sont icy prescrites, leur feroiēt
 apprendre seulement ce à quoy ils se-
 roient nés. Et celuy au contraire qui
 est né aux lettres ou aux armes, ne se-
 roit contraint s'apliquer à ce qui repu-
 gne entierement à l'inclination de son
 esprit : chose de grande importance,
 comme i'ay desia dit, pour le bien &
 proffit public. Lisez donc, & m'excusez
 si ie vous offre un sujet tant philo-
 sophique,

sophique, tant graue & merueilleux, ne sçachant pas si vous faites profession de lire, & d'estudier choses si hautes: mais à qui doy-ie faire present des choses graues, subtiles & hautes, si n'est à celuy qui a l'esprit haut & subtil? ce que ie dy non pour vous auoir pratiqué par cy deuant au fait de voz estudes, mais pour vne certaine coniecture que i'ay de la bonté, generosité & vniuersité de vostre esprit, vous voyant tant affectionné à la vertu, & sagesse, dont vous estes amplement prouuen: ce qui ne se pourroit faire si vous n'auiez l'esprit haut, & si autres fois vous n'auiez esté imbué de la douceur, subtilité, & agreable goust des lettres, voire mesmes des profitables preceptes de la philosophie morale, principe de sagesse & vertu. Parquoy ie pourray bien inferer que ie me suis tres-bien adressé en vostre endroit, & que i'ay présenté chose conuenable à

vostre esprit, si quelqu'un d'avanture
 me vouloit reprendre de n'avoir gar-
 dé le decorum (comme l'on dit) en
 cest endroit. Car combiè qu'en ce livre
 se trouvent beaucoup de choses propres
 aux philosophes naturels & aux Theo-
 logiens, desquels la profession ne con-
 vient à la vostre, est-il defendu aux
 hommes de bon esprit de lire & co-
 gnoître les choses curieuses, & qui
 leur peuvent apporter plaisir & con-
 tentement? Si de propos deliberé l'au-
 theur avoit voulu escrire du sujet de
 la Philosophie naturelle, de la Medecine,
 ou de la Theologie, ie confesse
 bien qu'il m'eust fallu dedier mon la-
 beur à quelque Philosophe naturel, à
 quelque Medecin, ou à quelque Theo-
 logien: mais puis que son principal
 but est d'examiner les differences des
 esprits (sujet rare & qui deuroit estre
 connu de tous) ce qu'il ne peut faire
 sans alleguer à propos quelques prin-
 cipes

cipes de la Philosophie naturelle, de la
 Medecine & de la Theologie, para-
 uanture ne me seray-ie pas méconté
 en cest endroit : autrement il faudroit
 dire que l'Auteur mesme auroit failly
 d'auoir présenté son liure à un Roy &
 non pas à un Philosophe naturel, à un
 Medecin, à un Legiste, ou à un Theo-
 logien. Mais les Rois doyuent philo-
 sopher, (dira l'on) ou les Philosophes
 regner : la Philosophie est propre à
 chacun. Or pour ne vous detenir plus
 longuemēt, ie feray fin en cest endroit,
 priant Dieu Monsieur, vous auoir
 en sa sainte garde & protection, &
 vous enuoyer ce qu'il sçait vous estre
 necessaire. A Lyon ce 25. iour de
 Feburier, 1580.

Vostre humble & tres-affectionné
 seruiteur,

Gabriel Chappuis, Tourangeau,



P R E F A C E D E

L' A V T E V R , A' L A

*Maieſté du Roy Catholique, dom
Philippe I I. Roy d'Espagne.*



I R E , à fin que
les ouvrages des
artisans ayent la
perfection, pro-
pre & conuena-
ble à l'usage &
profit de la Republique, il me sem-
bleroit estre besoin ordonner sur
ce & establir vne loy. Que le Char-
pentier ne fist l'office du Labou-
reur: le Tisserant del'Architecte:
l'Aduocat du Medecin, nyle Me-
decin de l'Aduocat: mais que cha-
cun

cun exerçast & fist profession seulement de l'art, qu'il ha aprinse, & à laquelle il est né, laissant à part toutes les autres. Parquoy considerant combien est court & limité l'esprit de l'homme, à vne chose, & non à plusieurs; j'ay tousiours estimé & tenu pour certain que personne ne peut parfaitemēt sçauoir deux arts, sans manquer ou defaillir en l'vne d'icelles. Et à fin que nul ne faille à choisir celle qui luy est la plus propre & meilleure, on deuroit commettre & deputer hommes sages & sçauās, pour decourir en l'âge tendre, l'esprit de chacun enfant, & le faire estudier par force, la sciēce qui luy est conuenable, sans que luy mesme en fassē election. Dont aduiendroit, que vous auriez en vostre Royaume, les plus grāds ouuriers & plus parfaits ouurages du monde, pour

*Plato, au
liure des
Loix.*

la

la conionction de l'art & de la nature. Aussi voudroye-ie que les Academies de voz Royaumes en fissent de mesme, & voyant qu'elles ne permettent pas que l'escolier n'entédant bien la langue Latine, passe à vne autre faculté, ie voudroye qu'elles establistent pareillement examinateurs, pour sçauoir si celuy qui veut estudier en Dialectique, Philosophie, Medecine, Theologie, où aux Loix, ha l'esprit que chacune de ces sciences requiert. Car, outre le dommage que cetuy là fera depuis à la Republique, exerçant son art mal entendu, c'est vne grande presumption à vn homme de traualler & se rompre la teste en chose dont il ne peut sortir à son honneur. Pour ce qu'aujourd'huy n'est employee ceste diligence, ceux qui n'ont l'esprit propre à la faculté de Theologie,

logie, ont destruit la religiō Chrestienne : ceux qui ne sont propres à celle de Medecine, font perdre la vie des hommes : & defaut à la Jurisprudence la perfection qu'elle requiert, pour ne sçauoir à quel le puissance de raison appartient l'vſage & la vraye interpretation des loix. Tous les anciens Philosophes ont trouué par experience que l'on se trauaille en vain, es regles de l'art, là où ne se trouue la nature ou le naturel, qui dispose l'homme à quelque science. Personne aussi ne dist onques clairement & distinctement que c'est de ce naturel qui rend l'homme propre à vne science, & non à vne autre : personne ne dist onques combien se trouuent de differences d'esprit au genre humain : quels arts & sciences conuiennent particulièrement à vn chacun, ny par quels

*L'Escolier
qui estudie
la science
non conue-
nable à son
esprit, se
rend esclau
de d'elle.
Voyez Pla-
to, en son
dialogue
du Inste.*

quels signes on peut congnoistre
ce qu'en tels cas, importe le plus.
La matiere de laquelle se doit icy
traiter, comprend ces quatre cho-
ses (combien qu'elles semblent
impossibles) avec plusieurs autres
qui sont touchees à propos & con-
cernantes ceste doctrine : à fin que
les peres curieux sçachent la ma-

*Galen, liu. 9. de sa Me-
thod. cha. 4.* niere de decouvrir l'esprit & natu-
rel de leurs enfans, pour leur faire
apprendre la science en laquelle ils

*Deuant la
venue de
Christ au
monde, les
demon-
s a-
uoient fa-
milier ac-
cez aux ho-
mes : &
pour vne
chose vraye
leur disoient
mille men-
sanges.* profiteront le plus : qui est vn ad-
uis que Galé escrit auoir esté don-
né à son pere par vn demon, qui
luy conseilla, en dormant, de faire
estudier son filsen medecine, pour
ce qu'il auoit vn esprit vnique &
singulier pour apredre ceste scien-
ce. A ceste cause, il plaira à vostre
maiesté entendre combien impor-
te à la Republique faire election
& examen des esprits, pour apren-
dre

dre les sciences , attendu le profit
 & santé que Galen a apporté aux
 malades de son temps , en ce qu'il
 auoit estudié en la faculté de Me-
 decine : au moyen dequoy il nous
 ha mesmement laissé tant de re-
 medes par escrit. Balde , person-
 nage tant excellēt en la congnois-
 sance du droit, estudia en medeci-
 ne, laquelle mesmes il pratiqua au-
 cunement: mais s'il eust passé plus
 outre , il eust esté vn medecin vul-
 gaire (comme veritablement il
 l'estoit , pour n'auoir l'esprit pro-
 pre à cestescience) & les loix eus-
 sent perdu vne des plus grâdes ha-
 bilitez d'hōme , que l'on eust peu
 trouuer pour la declaration d'icel-
 les. Or voulāt reduire en art, ceste
 nouuelle maniere de philosopher,
 & la prouuer au moyen d'aucuns
 esprits, incontinent m'est souuenu
 du vostre (Sire) comme le plus
 notoi

*Il deuoit
 laisser la me-
 decine , &
 estudier les
 loix, suyuāt
 ce que dit
 Cicero, liu.
 I. de ses offi-
 ces.*

notoire, duquel tout le monde est émerueillé, voyant vn prince de si grand ſçauoir & prudence, duquel ie ne peux traiter en ceſt endroit, ſans faire tort & deſhonneur à l'œuure. Le penultieme chapitre eſt le lieu conuenable, où voſtre maieſté voirra & congnoiſtra ſon naturel, l'art & les lettres, au moyé deſquelles vous euſſiez ſeruy à la Republique, auenant que fuſſiez homme priué, comme vous eſtes noſtre Roy & Seigneur naturel.

*

PREFA



Preface au Lecteur.



QUAND Plato vou En son Ti-
loit enseigner quel. mee.
qued'etrine graue,
subtile & separee Iesus christ
de la commune opi faisoit la
nion, il choisissoit mesme ele-
de ses disciples, ceux qui luy sembloyer Etion de ses
d'esprit meilleur & plus delicat, aus disciples,
quels seuls il communiquoit son aduis: leur quand il
sachant par experience que d'ensei- loit ensei-
gner choses hautes & subtiles aux hom gner quel-
mes de petit entendement, est perdre que secret,
temps, & peine, & se rompre la teste la transfi-
en vain. Depuis qu'il les auoit choi guration.
siz, la coustume d'iceluy estoit, les pre-
uenir par certaines & manifestes sup-
positions & maximes, non elongnés

P R E F A C E

de la conclusion, pource que les propos & sentences qui de prime face, se mettent en auant, contre l'opinion du vulgaire, ne seruent du commencement (sans cete preuention) que de troubler & ennuyer les auditeurs, de maniere qu'ils viennent à perdre la bonne affection, & ont en horreur la doctrine. Je voudroy, curieux lecteur, pouuoir proceder avec toy de ceste maniere, s'il y auoit moyen de sçauoir de toy & descouvrir le talēt de ton esprit: car si d'auāture, li estoit tel qu'il fust cōuenable à ceste doctrine, te separant des autres communs, ie te communiqueroý secretement choses tant nouuelles & particulieres, que tu ne les penserois iamais pouuoir tomber en l'imagination des hommes. Mais dautant que cela ne se peut faire, & que cest œuvre doit sortir en public, pour un chacun, il n'est possible que tu ne te troubles: car si ton esprit est des communs & vulgaires,

vulgaires, ie sçay bien que tu te persuades & tiens pour certain que le nōbre des sciences & la perfection d'icelles se trouue de long temps accomplie par les anciens, meu d'une vaine raison: que depuis ils n'ont trouué que dire dauantage, d'autant qu'es choses ne se trouue autre nouveauté. Si d'auanture tu as ceste opinion, ne passe pas outre, & ne ly plus auāt, pource que tu auras peine de voir prouues l'admirable difference des esprits: mais si tu es discret, bien composé & patient, i'ay enuie de te proposer trois conclusions tres-veritables, combiē que pour la nouveauté d'icelles, on les trouue dignes de grande admiratiō. La premiere est que de plusieurs differences d'esprit, que l'on trouue au genre humain, tu n'en peux recevoir qu'une principale & eminente: n'estoit que la nature tres-puissante, quand elle te forma, eust employē toute sa force pour

en assembler deux ou trois, ou ne pouvant faire davantage t'eust laissé priué de toutes. L'autre, que à chacune difference d'esprit respond principalement vne seule science & non plus, de maniere, que si tu ne rencontres biẽ à l'eliction de celle qui est conforme à ton naturel, tu ne feras pas grand profit es autres, quoy que tu travailles nuit & iour apres. La troisieme, que ayant entendu quelle science est la plus cõforme à ton esprit, il te reste vne autre difficulté à souldre, encores plus grande, qui est de sçauoir si ton esprit s'accõmode plustost à la pratique qu'à la theorique, pource que ces deux parties, en quelque gẽre de lettres que soit, sont tellement opposees, & requierent telle difference d'esprits, que l'vne est nuisible à l'autre, cõme si elles estoient totalement contraires. Voila de dures sentẽces, ie le cõfesse, mais il y a biẽ encores plus grande difficulté & aspreté,
Que

*Que d'icelles il n'ya parduāt qui l'on
 puissc appeller ou se plaindre, pource
 que Dieu, autheur de la nature, voyāt
 qu'elle ne donne à chacun homme plus
 d'une difference d'esprit (comme i'ay
 dit cy dessus) pour la contrarietē &
 difficulté qu'il y a de les assembler, s'ac
 commode avec elle, & quant aux sciē
 ces qu'il depart gratuitement aux hō
 mes, il en donne, par merueille, plus S. Paul. I.
 d'une en degré eminent. Il ya diuisiō aux Corin-
 de graces, & vn mesme esprit: diui- thiens cha.
 sion de ministeres & charges souz I. 2.
 vn mesme seigneur & diuisiō d'œu
 ures, souz vn mesme Dieu qui fait
 & œuvre toutes choses en tous: or
 à chacun est donnee l'administra
 tion de l'esprit à vtilité: à l'vn est
 donné, par le moyen de l'esprit le
 propos de sapience: à l'autre celuy
 de science selon le mesme esprit: à
 vn autre la foy, par vn mesme es
 prit: à l'autre la grace de santé, par*

vn meſme eſprit: à vn autre l'ope-
 ration des vertuz: à vn autre la pro-
 phetic: à vn autre la diſcretion, par
 l'eſprit: à vn autre le don des lan-
 gues: à vn autre l'interpretatiō des
 lāguages. Vn ſeul & meſme eſprit
 fait toutes ces choſes, diuiſant à
 tous comme il luy plaiſt. *Ie ne dou-*
te pas que Dieu n' ayt faiēt ceste diui-
ſion de ſciences, ayant egard à l'eſprit
& naturelle diſpoſition de chacun: car

Chapit. 25. S. Mathieu eſcrit que les talens qu'il
a departiz, par luy meſmes, furent dō-
nez à chacun, ſelon ſa propre vertu.
Et de penſer que ces ſciences ſuperna-
turelles ne requierent certaines diſpo-
ſitions au ſuiēt, deuant qu'elles y ſoiēt
transmiſes, c'eſt vne grande faute.

Raiſon, Car quand Dieu forma Adā & Eue,
pource que il eſt certain qu'il leur organisa & diſ-
les ſciences poſa tresbien le cerueau, deuant que
ſurnaturel les ſe doi-les remplir de ſçauoir, à fin qu'ils le
uent transf-receuſſent avec plus de plaiſir & dou-
ceur,

ceur, & à fin que l'instrument fust ac- mettre en
 commodé de telle maniere, que par le l'ame, & l'a
 moyen de ceste science, ils peussent rai- me est su-
 sonner & discourir. Et pourtāt l'escr- iette au tē-
 ture sainte dit, Il leur a donné vn peram. et &
 cœur pour excogiter, & les a rem- composition
 pliz de la discipline d'entendement. du corps,
 Au demourant, que selon la differē- Arist. lin. 2.
 ce de l'esprit d'un chacun se irāsmette de l'Âme.
 une seule science & non autre en l'en- Eccles. 17.
 tendement d'un chacun, il appert ma-
 nifestement par l'exemple de noz pre-
 miers peres: car quand Dieu les rem-
 plit de sçauoir, il est certain qu'il ne
 donna vn tel entendement à Eue qu'il Le serpe
 auoit fait à Adam. Et pour ceste cau- a tenté la
 se les Theologiens disent que le diable femme, en
 s'atqua à Eue pour la tromper, n'o- laquelle il
 sant pas tenter l'homme, à cause de son ha cogneu
 grand sçauoir. La raison de cela (cō- moins de
 me nous prouuerons cy apres) est que raison qu'e
 la composition naturelle du cerueau l'homme, lin.
 de la femme, n'est capable de beau- 2. des sentē
 S. Thomas,

2 part. q coup d'esprit & sçauoir. Nous trouue-
 62. arti. 6. rons pareillement la mesme raison &
 égard es substances angeliques : car
 quand Dieu a voulu donner à un
 Ange, un plus haut degré de gloire,
 & luy faire dons plus excellens, il luy
 a premierement donné une nature plus
 delicate. Et si vous demandez aux
 Theologiens dequoy sert ceste nature
 tant delicate: ils respondröt que l'An-
 ge ayant l'entendement plus subtil &
 le naturel meilleur, se conuertit plus
 aisement à Dieu, usant de ses dons
 avec plus grãde efficace, & que le sem-
 blable aduiert es hommes. De là s'en
 suit apertement (puis qu'il y a election
 d'esprits, pour les sciences surnaturel-
 les, & que toute difference d'habilité
 & nature n'est pas propre instrument
 & organe pour les receuoir) qu'à plus
 forte raison les lettres humaines re-
 quierent ceste election, puis que les hō-
 mes les doiuent apprendre, par la force

& vigueur de leur entendement. Or
 est mon intention en cest œuvre, de sça
 uoir distinguer & cognoistre ces na
 turelles differēces de l'esprit humain,
 en apliquāt par art, à chacune la sciē
 ce en laquelle se congnoistra qu'elle
 peut faire plus grād proffit. Voila mō
 intention : de laquelle si ie peux venir
 à bout, comme ie me propose, nous en
 donnerons la gloire à Dieu, auteur
 de tout bien & conseil : sinon, tu sçais
 bien, sage lecteur, estre impossible in
 uenter vn art, pour le rendre parfait
 de tous poinēts : car les sciences humai
 nes sont tant spacieuses & s'estendent
 si loin, que ne suffit la vie d'un hom
 me, pour les trouuer & leur donner la
 perfection qu'elles doiuent auoir. Il
 suffit au premier inuenieur de mettre
 en auant quelques principes notables,
 à fin que ceux qui viendront apres,
 par le moyen de ceste sentence, ayent
 occasion d'amplifier l'art, luy donnāt

la perfection & limne qui luy est requi-
 se. Surce, Aristote dit que les erreurs
 de ceux qui commencerent premiere-
 ment à philosopher, doiuent estre te-
 nuz en grande veneration: car estant
 difficile d'inuenter choses nouvelles,
 & facile d'adionster à ce qui ha esté
 deia traité au precedent, les fautes du
 premier, ne meritent, pour ceste cause,
 d'estre beaucoup reprinses, & n'est di-
 gne de grande louange celuy qui ad-
 iouste puis apres. Je confesse bien que
 ce mien ouurage ne se peut exempter
 d'aucuns erreurs, pour la hauteur &
 subtilité de la matiere, & pource que
 ie ne trouue chemin ouuert, à fin de la
 biẽ traiter. Mais si nous sommes tom-
 bez en matiere, où il soit licite à l'en-
 tendement d'opiner. & assoir iugemẽt
 sur cest œuure, ie te prie en tel cas, in-
 genieux lecteur, deuant que dire ton
 opinion, que tulises entierement tout
 le liure, & que tu aueres la maniere
 de

de ton esprit, & si tu trouues en iceluy
 quelque chose qui ne te semble biẽ dirc
 considere avec iugement, les raisons
 qui l'oppaignent & luy sont cõtraires:
 & si d'auanture tu ne les peux souldre,
 valire l'onziẽme chapitre d'ice-
 luy, & tu y trouueras la re-
 sponce & solution qui
 est faite d'icelles.

A Dieu.



T A B L E D E S S O M M A I R E S.



Icy se prouue, par exé-
ple, que si l'enfant
n'a l'esprit requis
pour aprédre la scié-
ce qu'il veut estudier, il perd
têps de l'ouir de bons maîtres,
& ne gangnerien d'auoir beau-
coup de liures, & de trauailler à
les fueilleter toute sa vie. cha.1.
Icy est demonstéré que la nature est
celle qui réd l'homme habile à
aprendre les sciences. chap.2.
Quelle partie du corps doit estre
bié temperee, à fin que l'enfant
soit de bon esprit. chap.3.
Icy se demonstre que l'ame vege-
tatiue, sensitiue & raisonnable
est sçauante de soy, ayant le tē-
peramēt cōuenable, pour exer-
cer

cer son office. chap. 4.

Icy est demonstřé que de trois seu-
les qualitez, chaleur, humidité
& siccité, prouiennēt toutes les
differences d'esprits de l'hōme.
chap. 5.

Aucuns argumēs contre la doctri-
ne du precedent. chap. 6.

Có bien que l'ame raisonnable ait
besoin du téperament des qua-
tre premieres qualitez, tát pour
demourer au corps que pour rai-
sonner, il est demóstré icy qu'il
ne s'ensuit pas qu'elle soit cor-
ruptible & mortelle. chap. 7.

Comme est donnee à chacune dif-
ference d'esprit, la science qui
luy respōd en particulier: en luy
ostant la contraire. chap. 8.

Cóme il est prouué que l'Eloquēce
ne peut estre aux hommes de
grand entendement. chap. 9.

Comme se prouue que la theori-
que

que de la Theologie appartient
à l'entendement, & la predica-
tion (qui en est la pratique) à
l'imagination. chap.10.

Comme la theorique des loix ap-
partient à la memoire: l'aduo-
cater & iuger (qui en est la pra-
tique) à l'entendement : & la
maniere de gouverner vne re-
publique, à l'imaginatiõ. ch.11.

Comme se prouve qu'une partie
de la theorique de Medecine ap-
partient à la memoire: l'autre
partie à l'entendement, & la pra-
tique à l'imagination. chap.12.

Comme se declare à quelle diffe-
rence d'habilité appartient l'art
militaire: & par quels signes se
cognoist l'homme proueu de
cette maniere d'esprit. chap.13.

Comme se declare à quelle diffe-
rence d'habilité appartient l'of-
fice de Roy, & quels signes doit
avoir

auoir celuy , qui aura ceste maniere d'esprit. chap. 14.

Côme les peres doiuēt engendrer enfans sages & d'esprit tel q̄ les lettres requierent : en quoy se trouuēt choses notables. ch. 15.

Côme l'on cognoit en tout homme , quels degrez il y a de chaleur & siccité. §. 1.

Auec quel hōme la femme se doit marier, à fin de conceuoir. §. 2.

Quelles diligēces il faut employer à fin d'engēdrer garçons & non des filles. §. 3.

Quelles diligences se doyuēt employer, à ce q̄ les enfans soyent ingenieux & sages. §. 4.

Quelles diligences sont requises pour conseruer l'esprit aux enfans, depuis qu'ils sont nés & formez. §. 5.

Fin de la Table.

A MONSIEVR
DE BAILLON,

Sonnét.

N'Étoit ce pas aſſés, invincible vainqueur,
D'avoir par voz cōbas, dans l'onde Strygieuſe
Plongé des Anciens la memoire ſameuſe,
Qui triomphant des ans, étoit encore en fleur?
Sans vous monſtrer encor' nompareil en valeur,
En vainquant la Fortune, & d'ame genereuſe
Tenir dedans la main ſa rouë aduanteuſe
Ferme à vōſtre renom, vōtre bien, vōtre honneur?
Or' vous vainquez la Mort, & malgré ſon enuie,
Vōſtre renom aquiert vne eternelle vie
Par ces doctes eſcrits, de voz honneurs courriers:
Si qu'il n'y a rien plus où voz hautes vaillances
N'ayent déplié l'aile & monſtré leurs puiffances
Sur les hommes ſçauans & les hommes guerriers.

I. de Boyſſieres.



ICY SE PRO- VE PAR EXEMPLE

QVE SI L'ENFANT N'A
l'esprit & l'habilité requise pour a-
prendre la science qu'il veut estu-
dier, il perd temps de l'ouyr des bōs
maistres, & ne gangne rien d'avoir
beaucoup de liures, & de travailler
à les lire & fueilleter tout le temps
de sa vie.

CHAPITRE I.



L'ADVIS de Cice-
ro estoit bon, de
pésér que pour ren-
dre Marc son fils,
au genre & estude
des lettres par luy choisi, tel qu'il

*An pre-
mier liure
des offices.*

desiroit, il suffisoit de l'enuoyer en vne vniuersité tant fameuse & celebre par le mode, comme est celle d'Athenes, pour estudier souz la doctrine de Cratippe le plus grád philosophe de ce temps là, & le tenir en vne ville tant peuplee, en laquelle pour le grand apport & frequence du peuple qui y aborde, il ne poutroit faillir d'auoir plusieurs exemples & estranges cas, qui luy monstreroyent par experience, maintes choses touchant l'estude des lettres auxquelles il s'apliqueroit. Ce neantmoins, avec toute cete diligence, peine & sollicitude que, comme vn bon pere, il employoit, en luy achetant, en outre, des liures, & luy en escriuant d'autres de sa propre inuétion, les historiens racótent, qu'il fut homme ignorant, de peu d'eloquence, & ayant encores moindre con-

gnoissan

gnoissance de philosophie : chose fort vſitee entre les hommes, qu'à l'enfant defaille le grand ſçauoir du pere, & deuienne ignorant. Et de fait, Cicero deuoit bien penſer & imaginer en ſon eſprit, que puis que ſon fils n'auoit tiré & recueilly des mains de la nature l'eſprit & habilité requiſe pour apprédre la philosophie & l'eloquence, ſe pourroit amander le defaut de ſon entendement par l'indus-
 trie d'un ſi bõ maĩſtre, le nombre des bons liures, & exemples d'Athenes, le continu trauail du ieune homme, & par ſucceſſion & laps de temps, auquel il auoit eſperance : ce neantmoins voyons nous qu'il fut trompé à la fin & deceu de ſon attente : dequoy ie ne ſuis pas émerueillé, pource qu'il auoit beaucoup d'exemples à ce propos, qui l'inciterent à penſer que le

mesme pouuoit aduenir en son
fils. Et pourtant Cicero mesmes
recite que Xenocrate auoit l'esprit
fort rude, pour l'estude de la philo-
sophie naturelle & morale, du-

*Au liure,
du Destin.*

quel Plato dit, qu'il auoit vn disci-
ple, qui auoit besoin d'esperon, le-
quel par le moyē & industrie d'vn
tel maistre, & l'assidu trauail de Xe-
nocrate, deuint grād philosophe.
Il escrit le semblable de Cleante,
qui estoit tant lourd & rude d'en-
tendement, que personne ne le
vouloit receuoir en son escole. De
quoy le ieune homme se sentant
tout honteux & confuz, trauailla
depuis tellemēt en l'estude des let-
tres, qu'il fut appellé second Her-
cule en sçauoir. L'esprit de Demo-
sthenes ne sembloit moins rude &
mal disposé à l'eloquence, veu
qu'estant deia assez grand, on dit
qu'il ne pouuoit parler, lequel
neant

neantmoins trauaillant avec grád
foin, apres l'art, souz l'enseigne-
ment de bons maistres, fat le plus
grand orateur du monde: & spé-
cialement Cicero raconte qu'il
ne pouuoit prononcer l'R, pour-
ce qu'il bégueoit aucunement, &
que par son estude & exercice, il
la profera depuis aussi bié que s'il
n'eust jamais esté begue. C'est
pourquoy l'on dit q l'esprit del'hó
me pour aprendre les sciences, est
comme celuy qui ioué aux dés, le-
quel estant malheureux à la chan-
ce & poinct, pipe le dé par art, le
faisant couler sur le tablier, & a-
máde ainsi son malheur & sa pè-
té. Mais tous ces exemples là des-
quels Cicero se sert, ne font rien à
ma doctrine, car cōme nous prou-
uerons cyápres, se trouue y beu-
desse & faute d'esprit es enfans,
qui denote en autre âge plus grád

*L'esprit, cō-
me qui loué
aux dés.*

esprit & entendement, que si des
 leur enfance ils se monstroyent
 habiles & d'esprit : voire melmes
 estre vn signe que les hommes de-
 uiendront lourds & ignorás, quád
 ils cōmancent incontinent à rai-
 sonner & estre bien auisez : & de
 fait si Cicero eust cōgneu les vrais
 signes, par lesquels se decouurent
 les esprits, au premier âge, il eust
 trouué vn bon présage en Demo-
 sthene de ce qu'il estoit rude & tar-
 dif à parler, & en Xenocrate de ce
 qu'il auoit besoin d'esperon, &
 d'estre incité à l'estude. Je ne veux
 pas dire que le bon maistre, l'art
 & le traual n'ayent grande force
 & vertu à façonner les esprits &
 rudes & habiles : mais ie veux re-
 monstrier que si l'enfant n'a de sa
 part l'entendement disposé aux
 preceptes & reigles determinées
 de l'art qu'il veut apprendre, & nō
 d'autre

d'autre quelconque, la peine & diligence est vaine que Cicero prétend, apres son fils, & tout autre pere apres le sien. Ceux la entendront facilement la verité & certitude de ceste doctrine, qui auront leu en Plato, que Socrate (comme luy *Au Dialogue de la sage femme, laquelle, bien qu'elle fust fort experimentee en cet office, ne pouuoit neantmoins faire enfanter la femme, qui n'estoit enceinte, deuant que venir entre les mains: ainsi Socrate, faisant le* *mesme office de sa mere, ne pouuoit, par maniere de dire faire enfanter la sciéce à ses disciples, deuant qu'ils fussent enceins d'icelle.* *Il sçauoit bien q les sciéces estoient seulement naturelles aux hōmes, qui auoyent les esprits propres à icelles, auxquels aduient ce q nous voyons par experience en ceux*

science.
Ceste comparaison se peut entendre par l'entendement de Socrate, pour ce qu'il enseignoit en interro- gāt, & faisoit que le disciple aprenoit la doctrine, sans qu'il la declarast autrement.

L' E X A M E N

qui ont oublié ce qu'ils sçauoyent au precedent: car leur en touchant seulement vn mot, ils se souuiennent incontinent de tout le demourant. Le deuoir des maistres à l'endroiect de leurs escoliers, à ce que i'ay entédu, n'est autre que de leur ouuirir aucunemét le chemin à la doctrine, car s'ils ont vn esprit fecond & fertile, ceste ouuerture suffit à leur faire produire merueilleuses conceptions: autrement ils ne se font que tourméter, & ceux là pareillement qui les enseignét, ne paruiennét iamais au but qu'ils pretendét. Quant à moy, si i'estoy maistre, deuant que receuoir aucū en mon escole, ie l'esprouueroy, à tout le moins, & l'experimenteroys en plusieurs manieres, à fin de decouurir & sonder son naturel, & si ie le trouuoy propre à la science de laquelle ie feroys profession,

*La science
n'est pas v-
ne remanis-
cèce en sou-
uenir, com-
me dit Pla-
to, que nous
condamne-
rons en ce
cy apres.*

fession, ie le receuroy de bõ cœur,
 car c'est vn grand contentement
 à celuy qui enseigne, d'instruire vn
 hõme habile & propre à l'instru-
 ction, autrement ieluy conseille-
 roy d'apprendre la science plus cõ-
 uenable à son entendement & na-
 turel: mais si ie cõgnoissoy qu'il ne
 fust propre & disposé à aucun gé-
 re de lettres, ie luy tiendroy ces
 douces & amiables parolles, Fre-
 re & amy, il n'y a moyen que vous
 deueniez homme, par la voye que
 vous auez choisi; à tant ie vous ad-
 uise de ne perdre le téps & la pei-
 ne & de trouuer autre maniere de
 viure, qui ne requiere si grande a-
 dresse & habilité que fait l'estude
 des lettres. Qu'ainsi soit, nous vo-
 yõs par experiëce entrer au cours
 de quelque science vn grãd nom-
 bre d'escoliers (estant le maistre
 ou bon ou mauuais) & à la fin, les

vns deuiennent fort sçauans, les autres sont de moyenne eruditiõ, les autres, en tout le cours de leurs estudes, n'ont fait autre chose que perdre temps, consommer leur bien, & se rompre la teste, sans faire aucun profit. Je ne sçay d'où peut prouenir cela, veu que tous ont ouy vn mesme maistre, avec egalle diligence & sollicitude, ayãs les rudes parauature prins plus de peine que ceux de bon esprit & les habiles. La difficulté croist encores plus grande, de voir que ceux là qui sont rudes en vne science, sont propres & naiz à vne autre, & que ceux là qui sont de bon esprit en vn genre de lettres, passans aux autres, ne les peuuent pas cõprẽdre. Je porteray, à tout le moins bon tesmoignage de cela, pource que nous estions trois cõpagnons qui fusmes ensemble enuoyez à l'escole,

l'escole, pour apprendre le Latin: l'un l'aprint facilement, & les deux autres ne peurent iamais composer vne harangue qui fust congrue & elegante. Mais estans passez tous trois à l'estude de Dialectique, l'un de ceux qui ne peurent apprendre la grammaire, fut merueilleusement excellent & aigu és arts, & les deux autres, n'en peurent, en toute leur vie, proferer vn seul mot. Et estans tous trois venuz à l'estude d'Astrologie, fut chose digne de consideration que celuy qui n'auoit peu aprédre ny le Latin, ny la Dialectique, sceut en peu de temps, plus que le maistre qui nous enseignoit, ne pouuant rien comprendre és autres sciences. Dequoy estât émerueille, ie commençay incontinent à discourir là dessus & à philosopher, & trouuay, en fin de cōpte, que

que chacune science demâde son esprit déterminé & particulier, lequel tiré d'icelle, pour estre appliqué à autre de differente sorte ny fert aucunement. Si donc cela est véritable (comme il l'est, par la preuue q nous en ferons cy apres) & si quelqu'vn entroit au iourd'huy aux Ecoles de nostre tēps, pour sonder & faire élite des esprits, combien en r'enuoyeroit il apprendre autre maniere de viure, combien en chasseroit il au chāp, comme lourdaux, hebetéz & inhabiles pour apprendre les sciēces, & combien en restablirait il de ceux lesquels pour leur pauvreté & infortune, sont arrestez à quelques arts mecaniques, desquels neantmoins la nature a fait les esprits propres à l'estude des lettres: mais voyant qu'il n'y a plus de remede en ceux là, il les faut laisser

en leur train, & passer outre. Ce que ie dy ne se peut nier, qu'il y ait des naturels esprits propres & terminez à vne science, qui ne le sont pas à vne autre : & pour ceste cause, deuant que mettre vn enfant à l'estude, il faut decouvrir la maniere de son esprit, & voir quelle des sciences est conforme à son naturel, & puis la luy faire apprendre. Il faut bien considerer aussi qu'il ne suffit de la parole, pour le rendre consommé & parfait aux lettres, pource qu'il faut garder autres conditions qui ne sont pas moins necessaires que le naturel ou habilité. & pourtāt Hippocrate dit que l'esprit de l'homme garde la mesme proportion avec la science, que la terre avec la semence : car combien que la terre, de soy mesme, soit seconde & fertile, si est ce qu'il la faut labourer, & cul

*Au liure,
lex Hippo-
crat.*

& cultiuer , & regarder à quelle maniere de semence est plus propre la naturelle disposition d'icelle, pource que toute terre ne produit avec toute maniere de semence, sans aucune distinction. Aucunes produisent mieux du bled que de l'orge , és autres l'orge vient mieux que le bled : les vnes souffrent vne semence & sont abondantes , les autres ne la peuuent souffrir. Mais le laboureur ne se contéte de ceste distinction là: car apres auoir labouré la terre , en bonne saison , il aduise le temps conuenable pour semer , pource qu'il ne le peut faire en tout téps, & quand le bled est sorty, il le purge del'iuraye & autres mauuaises herbes , à fin qu'il puisse croistre & rapporter le frui&t qu'il attend de la semence. Ainsi faut-il estant la science choisie, la plus conuenable

ble à l'homme, qu'il commence à l'estudier en son premier âge, lequel, comme dit Aristote, est le plus propre & meilleur, pour apprendre: ioint que la vie de l'homme est fort courte, & les arts fort longs: à raison dequoy est besoin d'auoir temps suffisant pour les apprendre, & temps pour les exercer, & par le moyen d'iceux, profiter à la republique. La memoire des enfans, dit Aristote, est vuide & nue sans aucune impression, à raison dequoy, aussi tost qu'ils sont naiz, ils reçoient en icelle, facilement quelque chose, ne ressemblant pas à la memoire des hommes âgez laquelle remplit de tant de choses qu'ils ont veues, tout le temps de leur vie, ne peut receuoir aucune chose dauantage. Et pour ceste cause, Plato ha dit, que tousiours nous racontions choses honestes

En la 30. sect. probl.

4. Hippoc. 1.

des Aphor. 30. sect.

probl. 4.

*Au Dialogue, de in-
ste.*

nestes deuât les petis enfans , à fin
qu'ils soyent incitez aux œuures
de vertu , d'autant qu'ils n'oubliēt
jamais ce qu'ils aprennent en cest
âge : & ne faut suiure le conseil de

*En sa lan-
gue per-
suasive aux
bons arts.*

Galen , qui dit que depuis que no-
stre nature a atteint toutes les for-
ces qu'elle peut obtenir , il nous
faut apprendre les arts & sciences:
mais il n'a point de raison , si d'a-
uanture il ne veut vser de distin-
ction. Celuy qui doit apprendre le
Latin ou quelque autre langue , le
doit faire en sa premiere ieunesse
car s'il attend que son corps soit
endurcy & creu parfaitement , il
n'apprendra iamais chose qui vail

*En l'Ado-
lescēce l'hō
me assem-
ble toutes
les differen-
ces d'esprit,
pour ce que*

le. Au second âge, qui est l'adole-
scence, il faut trauailler en l'art de
dialectique, pource que se cōman-
ce à descouvrir l'esprit & entende-
ment, lequel en l'estude de diale-
ctique se peut rapporter aux liens

& tra

& trauers que l'on met aux pieds *cest âge est*
 d'une mule, avec lesquels chemi- *le plus tem-*
 nant quelques iours, elle apprend à *peré de*
 aller l'amble. Ainsi nostre enten- *tous, qu'il*
 dement duit & façonné aux reigles *ne faut lais-*
 & preceptes de dialectique, com- *ser passer,*
 me vne haquenee à l'amble, ha *sans apren-*
 puis apres és sciences & disputes, *dre les let-*
 vne gentile maniere de discourir *tres, qui*
 & raisonner. L'homme estant par *sont pour*
 uenu au tiers âge de iuquēce, peut *seruir à*
 apprendre toutes les autres scien- *l'homme.*
 ces qui appartiennent à l'entende-
 ment, pource qu'il est deia assez
 manifeste & découuert. Il est vray
 que Aristote excepte la philoso-
 phie naturelle, disant que le ieune
 homme n'est pas disposé, pour a-
 prendre ceste maniere de lettres,
 en quoy il semble qu'il ait raison,
 pour estre vne sciēce, de plus gran-
 de consideration & prudence que
 nulle autre. Or donc sachāt l'âge,

auquel se doiuent apprendre les sciences, il faut soudain trouuer lieu propre pour icelles, où ne se traite autre chose que les lettres, comme sont les Vniuersitez. Et pourtant doit sortir l'enfant de la maison du pere, pource que la mere, les freres, parens & amis qui ne sont de sa profession, luy sont vn grand destourbier d'apprendre. Ce la se voit clairement es escoliers natifs des villes & lieux où sont les Vniuersitez, desquels n'y a pas vn, sinon par grâde merueille, qui deuienne iamais sçauant. A quoy l'on peut facilement remedier enuoyant, par eschange des Vniuersitez, les natifs de la ville de Salamâque, estudier en la ville d'Alcala de Henares, & ceux d'Alcala, en Salamâque. Et quant à ce que l'homme doit laisser son païs natal, pour deuenir vertueux & sage, est bien de

de telle importance, qu'il n'y a
 maistre au monde, quiluy puisse
 de tât seruir & enseigner, se voyât
 speciallemēt priué de la faueur &
 plaisir de sa patrie. *Sors de ton pays* En Gene-
(dist Dieu à Abraham) *d'entre tes* se, chap. 12.
parens, & de la maison de ton pere,
& i'en va au lieu que ie t'enseigneray,
où i'agrandiray ton nom, & te donne-
ray ma benediction. Dieu en dit au-
 tant à tous ceux qui desirent la ver-
 tu & science: car combien qu'il les
 puisse benir en leur pays, il veut
 neantmoins que les hommes se di-
 sposent par tel moyen qu'il ordon-
 ne, pour obtenir ses dōs & graces.
 Tout cela se doit entendre, pour-
 ueu que l'homme soit doué d'un
 bon esprit & naturel: car autre-
 ment, quiconque va à Rome, estât Tu ne seras
 vne beste, retourne vne beste: il niē malgré
 ne sert de gueres au rude & mal ha-
 bile d'aller estudier à Salamanque, Minerve.

où il ne trouuera la chaire d'enté-
 dement ny de prudence, ny hōme
 qui l'enseigne. Pour la troisieme
 diligence, il faut trouuer vn mai-
 stre qui enseigne facilement & a-
 ucc methode, duquel la doctrine
 soit bonne & certaine, non pas so-
 phistique ny de vaines confide-
 ration: car tout ce que fait l'esco-
 lier, en tout le temps qu'il apprend
 & estudie, est de croire tout ce que
 le maistre luy propose, pource que
 il n'a pas la discretion ny l'entier
 iugement, pour discerner & sepa-
 rer le faux, du vray: combien que
 soit chose casuelle & nō au choix
 de ceux là qui apprennēt, d'aller en
 certain temps estudier aux Vniuer-
 sitéz pourueues de bons ou mau-
 uais maistres, comme il aduint à
 certains Medecins desquels parle
 Galen, & lesquels ayās esté par luy
 cōuaincus par plusieurs experien-
 ces

ces & raisons, des fautes qu'ils cōmettoient en leurs cures & pratiques, au grand preiudice de la santé des hommes, les larmes leur sortirent des yeux, & en la presence du mesme Galen, commencerent à maudire leur mauuaise fortune, d'auoir rencontré mauuais maistres qui les auoyent enseignez. Il est vray que se trouuēt en certains escoliers des esprits si heureux, qu'ils entendent incontinent les qualitez & doctrine du maistre, de maniere que si elle est mauuaise, ils la sçauēt bien reietter, & aprouer, au contraire, ce qu'ils enseignent de bon. Ceux là enseignent beaucoup dauantage le maistre, au bout de l'an, qu'ils ne sont pas enseignez du maistre: pource que doutans & interroguans subtilement, ils font sçauoir au maistre, & respondre choses fort hautes &

subtiles, que iamais il n'eut aprins, si le disciple par la bonté de son esprit neluy en eust ouuert le chemin : mais ne se trouuent gueres de tels, & les autres rudes & ignorans sont infinis, & par ainsi seroit expediēt (bien que ne se deüst faire ceste election & examen, pour apprendre les sciences) que les Vniuersitez se pourueussent tousiours de bons maistres, douez d'une saine doctrine & bon entendement, à fin qu'ils n'enseignent erreurs, ny fausses propositions, aux ignorans. Pour la quatriesme diligence qu'il conuient employer, il faut estudier la science par bon ordre, commençant par les principes & elemens d'icelle, gagnant peu à peu le milieu & puis apres la fin, sans ouir premierement autre matiere : car i'ay tousiours pensé estre vne grande faute, d'entendre plu-

sieurs

fleurs leçons de diuerses matieres,
 & de les reuoir toutes ensemble
 en son estude, pour autant que de
 cela aduient vn meflange de diuer
 ses choses qui cōfondent l'esprit,
 de maniere qu'en la pratique, l'hō
 me puis apres, ne se peut bien ser
 uir des preceptes de son art, ny les
 assoir en leur lieu conuenable; il
 vaut mieux apprendre chacune ma
 tiere à part, & par son ordre natu
 rel en la composition: car de la
 mesme maniere qu'elle est aprin
 se, elle est assise & imprimee en la
 memoire: ce que particulieremēt
 doyuent faire ceux qui de leur pro
 pre naturel ont l'esprit confus, au
 quel on peut facilēmēt remedier,
 entendant vne seule matiere, &
 puis celle qui la suit, quand elle est
 acheuue, iusques à la fin de l'art.
 Or Galen sc̄achant de combien il
 importoit, estudier les matieres

*De l'ordre
de ses li-
vres.*

avec bon ordre & methode, a fait vn liure pour enseigner la maniere que l'on doit tenir à la lecture de ses œuvres, & à ce que le Medecin ne s'y rende cōfus. Autres tiennent que l'escolier, tādīs qu'il estude, ne doit manier qu'un liure, cōprenant entierement la doctrine qu'il veut sçauoir, où il doit lire, & nō en plusieurs, à fin qu'il ne se trouble ny confonde: en quoy ils ont grande raison. En fin ce qui rend l'homme fort docte & sçauant est le long espace de temps qu'il employe à l'estude des lettres, & l'espoir que la science prenne en son esprit profonde racine: car ny plus ny moins que le corps ne se maintient de l'abōdance de ce que nous mangeons & beuuōs en vn iour, ains de ce que l'estomac cuit & digere seulēment: ainsi nostre entendement ne se paist &

nour

nourrit de ce qu'en peu de temps nous lisons beaucoup, mais de ce que peu à peu il entend & rumine souuēt. nostre esprit se dispose iournallemēt de mieux en mieux, & avec l'aps de tēps tombe en la cōgnoissance des choses, qu'il ne pouuoit ny entēdre ny sçauoir au precedēt. L'Entendement ha son principe, accroissemēt, estat ou cōstitutio & declinaison, ny plus ny moins que l'homme & les autres animaux & plantes. Il commence en son adolescence, il ha son accroissement en la iouuence & âge viril, l'estat en l'âge parfait, & cōmāce à decliner en la vieillesse. Et pour ceste cause, celuy qui veut sçauoir en quel âge son entendement est le plus fort & vigoureux, sache que c'est depuis trente trois ans iusques environ les cinquāt; auquel temps se doiuent faire les

graues autheurs, si ainsi est que
durant leur vie, ils ayēt eu quel-

*En quel
âge on doit
escrire.* ques opinions contraires. Celuy
qui veut composer & escrire des

liures, le doit faire en cet âge, &
non deuāt ny apres, s'il ne se veut
retracter ou changer d'opinion.

*Il ne faut
l'imiter
les âges se-
lon le nom-
bre des
ans. Gal.
6. de la cō-
seruation
de santé.* Mais les âges des hommes ne sont
en tous d'une mesme sorte: car au-
cuns sortēt de leur enfance, à dou-
ze ans, les autres à quatorze, les
autres à seize, & les autres à dix-
huiēt. Les âges de ceux cy sont
longs, pource que leur iouuence
arriue presque iusques à quarante
ans, leur âge arresté & parfait, ius-
ques à soixāte. Ils obtiēnent pour
la vieillesse autres vingt annees,
de maniere qu'ils viuent quatre
vingts ans, qui est le terme des
plus forts & robustes. Ceux des-
quels l'efance est termineē à dou-
ze ans, ont la vie fort courte: ils

commencent bien tost à raison-
 ner, & bien tost la barbe leur viét,
 l'esprit ne leur dure gueres, & cō-
 mancent à enuieillir & deuenir
 caducqz à quarante ans, & meurēt
 à quarante huit. De toutes les con-
 ditiōs que i'ay alleguees n'y en a
 pas vne qui ne soit fort necessai-
 re, vtile & profitable au ieune hō-
 me pour sçauoir: mais le principal

*Ainsi Bal
de eſtudia
les loix e-
stant vieil,
& fut
en icelles
grād per-
sonnage.*

poinēt est d'auoir le naturel cor-
 respondant & cōuenable à la sciē-
 se qu'il veut apprendre: car nous
 voyons que plusieurs hommes,
 leur ieunesse estant passee, ont cō-
 mancé à estudier, ont ouy de mau-
 uais maistres, en leur pays, & par
 vn mauuais ordre & neantmoins
 en peu de temps, sont deuenuz
 grands personnages. Mais si l'es-
 prit defaut, Hippocrate dit que
 toute la diligēce qui est employee
 à l'estude est perdue. Ciceron l'a

Au liure

congneu

de l'orne
ment con
venable
& decent.

congneu en fin : car estant fâché
de voit son fils tant ignorant, &
que tout ce qu'il auoit peu faire
n'auoit rien seruy en son endroit,
il dist en ceste maniere & sens.
*Car qu'est ce autre chose de guerroyer
contre les Dieux, comme firent les
Geas, sinon résister à la nature? com
me s'il eust voulu dire, y a il cho
se qui ressemble mieux à la guer
re des Geans cōtre les Dieux, que
quand l'homme se met à estudier,
ayant faute d'entendement? car
comme les Geans ne vainquoyēt
iamais les Dieux, ains demou
royent tousiours vaincus, tout es
colier qui voudra vaincre la mau
uaise nature, demeurera par elle
vaincu & surmonté. Et pour ceste
cause Cicero mesme nous conseil
le de ne forcer ny contraindre la
nature, pourchassans d'estre grans
orateurs & aduocatz, si elle ne le
veut*

veut permettre, pource que nous
trauaillerions en vain.

*Icy est demōstré que la nature est cel-
le qui rend le ieune homme propre
& habile pour aprendre les scien-
ces.*

CHAP. I I.



LE s anciens Philoso-
phes disent par vne
sentence fort commu-
ne & vsitée que la na-

ture est celle qui rend l'homme pro-
pre & habile pour aprendre: q l'art
avec les preceptes & reigles luy en
donnēt vn facile chemin, & q l'v-
sage & experiēce qu'il ha des cho-
ses particulieres, luy dōnent le mo-
yen de pouuoir venir a la pratique
& œuvre. Mais personne d'iceux
n'adit particulieremēt que c'est de
cete nature, ny souz quel gēre elle

*La nature
habilitte,
l'art facilitte,
& l'vsa-
gēd l'hō-
me maistre.*

*Hippocra-
te.*

ment

ment que venant à defaillir en ce-
 luy qui aprend, l'art, l'experience,
 les maistres, les liures & le trauail
 ne seruent de rien. Le populaire
 voyant vn homme de grád esprit
 & habilité demonstre incontínét
 que Dieu en est authcur, & ne se
 soucie d'aucune autre chose, ains
 tient pour vne vaine imaginatió
 tout ce qui ne se rapporte là: mais
 les Philosophes naturels se mo-
 quent de ceste maniere de parler.
 Car combié qu'elle soit plaine de
 pieté, & qu'elle contienne verité
 & religion, elle viét neantmoins
 de ce qu'il ignore l'ordre & esta-
 blissement que Dieu donna aux
 choses naturelles, le iour qu'il les
 crea: car pour couvrir son igno-
 rance, & de peur que personne le
 puisse reprendre, ou contredire
 à son opinion, il certiffie que
 tout se fait par la volonté de
 Dieu,

Dieu, & qu'il n'auient aucune chose que par la permission diuine: mais pourautant que cela est tres veritable & notoire, il est digne de reprehension: car comme chacune demande (dit Aristote) ne se *Aristo au I. des Topiques.* doit faire d'une mesme maniere, aussi ne doit on donner toute response d'une mesme maniere, cōbien qu'elle soit veritable. Estant *Exemple.* (à ce propos) vn Philosophe naturel, à deuiser, vn iour, avec vn Grammerien, vint à eux vn iardnier curieux, qui leur demanda pourquoy, faisant tant bien son deuoit apres la terre de son iardin à la remuer, cultiuer, becher, sarcler, & fumer, elle ne mettoit iamais, de bonne volonté, dehors ce qu'il y semoit, mais au contraire faisoit croistre facilement les herbes qu'elle produisoit du sien? Le Grāmerien respondit que cela

venoit

venoit de la diuine prouidence, & qu'il estoit ainsi ordonné de Dieu pour le bon gouuernemēt du monde : mais le Philosophe physicien se print à rire de ceste responce, voyant qu'il referoit cela à Dieu, pource qu'il ne sçauoit pas le discours des choses naturelles, ny en quelle maniere elles produisent leurs effects. Le Grammerien le voyant rire, luy demanda s'il se moquoit de luy, ou de quoy il se rioit. Le Philosophe respōdit qu'il ne se rioit pas de luy, mais du maître qui l'auoit tant mal enseigné, pource que des choses qui viennent de la prouidence diuine (cōme les œuvres supernaturelles) la cognoissance & solution en appartient aux Metaphysiciens, que nous appellons maintenāt Theologiens. Mais la question du lardier est naturelle & appartient à la iu

Il faut sçauoir les bornes & iurisdiction de chacune science. Arist. liure 1. des Etiques.

la iurisdicțiõ des Philosophes naturels, pource que cest effect prouient de certaines choses & manifestes. Parquoy le Physicien respondit que la terre ressemble à la marastre laquelle entretient fort bien les enfans qu'elle ha faits & engendrez: & oste la nourriture à ceux de son mary, de maniere que nous voyons les siens aller bien nourriz & en bompoinct, & les autres, maigres, attenuez & sans couleur. Les herbes que la terre produit du sien sont sorties de ses propres entrailles, & celles que le lardinier fait leuer par force, sont venues d'une autre mere, au moyé dequoy elle leur oste la vertu & l'aliment par lequel elles deuoyét croistre, pour le dōner aux herbes qu'elle ha engendrees. Hippocrate raconte aussi qu'ainsi qu'il fust *En l'Epi- jtre à Da-* allé voir ce grand philosophe *mageta.* De

mocrite, il luy fit entendre les fol-
 lies que le vulgaire disoit de la me-
 decine : à sçauoir que se voyans
 exempts de maladie, il certiffioit,
 que Dieu seul les guarissoit, & que
 sans la volôté d'iceluy, l'industrie
 du medecin ne seruoit pas beau-
 coup. C'est vne maniere de parler
 tant ancienne, & l'ont tant de fois
 debatue les philosophes naturels,
 que seroit peine perdue de la pen-
 ser faire oublier, ioint qu'il n'est
 conuenable de ce faire, pourautât
 que le vulgaire ignorât les causes
 particulieres de quelque effect,
 respond mieux & plus veritable-
 ment par la cause vniuerselle, qui
 est Dieu, que non pas autrement.
 Et pourtât me suis ie mis plusieurs
 fois à considerer d'où vient que le
 commun peuple attribue tant vo-
 lontiers toutes choses à Dieu, &
 non à la nature, ayant en horreur
 les

les moyēs naturels. Je ne ſçay pas ſi i'en ay peu comprendre la raiſon : toutesfois eſt il aiſé à entendre , que le peuple parle de ceſte maniere, pour ne ſçauoir quels effets ſe doiuent entierement attribuer à Dieu , & quels , à la nature: ioint que les hōmes , pour la plus part, ſont impatiens , qui veulent que leur deſir ſoit incontinent accompli. Et comme ainſi ſoit que les moyēs naturels ſoyēt de grāde eſtendue , & operent par laps & cours de temps, il n'a pas la paciēce d'y regarder:& ſachant q̄ Dieu eſt tout puisſāt, qui fait en vn moment tout ce qu'il luy plaist, ſuiuāt les exēples qu'il en ha, il voudroit qu'il luy donnaſt ſanté comme au Paralitique: ſcience, comme à Salomon, & richesses comme à Iob, qu'il le deliuraſt de ſes ennemis, comme il ha deliuré Dauid. L'au-

tre raison de ceste maniere de parler, est que les hommes sont arrogans, & presumptueux, plusieurs desquels desirēt en leur cœur, que Dieu leur fasse quelque grace speciale & particuliere : & que ce ne soit, par la voye commune (comme est de faire luire le Soleil sur les iustes & les mauuais, & faire plouuoir pour tous en general) pource que les graces sont d'autāt plus estimees qu'elles sont octroyees à moins de personnes. Et pour ceste cause auons nous veu plusieurs hommes faindre des miracles es maisons & lieux de deuotion, à fin que le peuple accoure à eux incontinent & les tiennne en grande veneration (comme personnes avec lesquelles Dieu s'est rendu familier) de maniere que s'ils sont pauures, le peuple les fauorise de grandes aumosnes, &

aucuns

aucuns en tombent en interest. La troisieme raison est que les hommes se veulent reposer, & ne veulent prendre aucune peine, veu que les choses naturelles sont tellement disposees, que pour en sçauoir les effects, il est besoin de travailler: & pourtāt voudroient ils que Dieu vst en leur endroit de sa toute-puissance, & que sans aucun travail, leurs desirs fussent accomplis. Je laisse à part la malice de ceux, qui demandēt à Dieu des miracles pour tenter sa puissance, & congnoistre s'il les pourra faire: autres, qui par vne vengeance, demandēt le feu du ciel: & autres, chastimens tres-cruels. La derniere raison vient de ce que le vulgaire est fort religieux, & desirieux de l'honneur de Dieu & auancement de sa gloire: ce qui aduiēt beaucoup plustost par les mira-

cles que par les effectz naturels: mais le vulgaire des hommes ne scait pas les œuvres supernaturelles & prodigieuses que Dieu fait, pour mōstrer à ceux qui sont ignorants, comme il est tout puissant, & qu'il les fait pour aprouver sa doctrine: sans laquelle necessité il ne les feroit iamais. Ce qui est aisé à entendre considerant que Dieu n'execute plus maintenāt ces œuvres estranges du vici & nouveau testamēt, pource qu'il a mis toute diligence d'informer les hommes, par miracles, de sa verité. De penser maintenant qu'il retourne approuver, par nouveaux signes & miracles, la sainte doctrine (en resuscitant les morts, donnant la veuë aux aueugles, & guerissant les boiteus & les paralitiques) c'est vne grāde erreur: car Dieu enseigne vne fois ce qui est cōuenable

AUX

aux hommes, le prouue par miracles, & ne le repete point. *Dieu parle vne fois, & ne repete ce qu'il ha dit.* *Iob cha. 33.* Le plus grãd indice que i'aye pour descouurir si vn homme n'a pas l'esprit apropié à la philosophie naturelle, est de le voir attribuer toutes choses au miracle, sans aucune distinction: & au contraire ne faut douter du bon enté demét de ceux lesquels ne cessent tant qu'ils sachent la cause particuliere de quelque effect. Ceux là sçauent bien que se treuuent certains effects, qui se doiuent immédiatement referer à Dieu, comme sont les miracles: & autres à la nature, comme ceux qui naissent & prouiennent de certaines causes. Mais quand nous parlons de l'vne & l'autre maniere, nous establissons Dieu auteur de tout: car quãd *Au premier liure de l'Eth.* Aristote ha dit, Dieu & la nature

ne font rien en vain, il n'a voulu entendre que la nature fust quelque chose vniuerselle ayant iurisdiction separee de Dieu : mais vn nom de l'ordonnance & reigle que Dieu establit en la composition du monde , à fin que succedent les effects qui sont necessaires pour la conseruation d'iceluy. Parainssi a l'on coustume de dire que le Roy & le droict civil ne font tort à personne: en laquelle maniere de parler , nul n'entend que ce nom (Droict) signifie aucun Prince, qui ait iurisdiction separee de celle du Roy , mais tient que c'est vn terme qui comprend, par sa signification, toutes les loix & ordonnances que le Roy a faites , pour la conseruation de sa republique. Et ny plus ny moins q̃ le Roy se reserue des cas qui ne peuuent estre determinez par le droict

droiët, tant ils sont grâds & estranges, Dieu pareillement se reserve les effects miraculeux, qui ne peuvent estre produits des causes naturelles. Mais il faut bië noter icy, *L'ignorance de la philosophie naturelle,* que celuy qui les doit congnoistre tels, & les discerner des œuvres naturelles doit estre grâd Philosophe naturel, & sçauoir de chacun effect, la certaine cause d'ice-*prend pour miracle ce qui ne l'est pas.* luy. Et neantmoins tout cela ne suffit si l'Eglise catholique ne les declare tels. Et comme les hommes de lettres trauaillët apres l'estude du droiët ciuil, & le retiennent en leur memoire, pour sçauoir & entendre la volonté du Roy, en la determinaison & arrest de tel & tel cas, ainsi nous autres philosophes naturels (comme entenduz en ceste faculté) mettons toute peine de sçauoir le discours & ordonnance que Dieu

fist, le iour qu'il creale môde, pour
 contempler & sçauoir de quelle
 maniere il ha voulu que les cho-
 ses soient succedees, & pourquoy.
 Et comme ce seroit chose digne
 de rire, si vn homme de lettres, al-
 leguoit en ses escrits, pour chose
 bien prouuee, que le Roy fait de-
 terminer tel cas, sans monstrier la
 loy & raison, par laquelle il le veut
 decider: les Philosophes se rient
 aussi de ceux qui disent, Ceste œu-
 re est de Dieu, sans denoter l'or-
 dre & discours des choses parti-
 culieres, d'où elle peut proceder.
 Et comme le Roy ne veut prester
 l'aureille à qui le requiert d'abolir
 & casser vne loy iuste, ou de faire
 decider vn cas, hors l'ordre qu'il
 fait garder & entretenir en iuge-
 ment: ainsi Dieu ne veut escouter
 celuy qui demâde des miracles &
 faits, par dessus l'ordre de nature,

sans

sans qu'il en soit besoin: car cōbié-
 que le Roy casse & establisſe tous
 les iours des loix, & change l'or-
 dre de la iuſtice (tant pour la di-
 uerſité des temps, que pource que
 le conſeil de l'homme eſt caduc
 & muable , qui ne peut, pour vne
 fois attein- dre à la droiture & iu-
 ſtice) ſi eſt ce que l'ordre naturel
 de tout l'vniuers, que nous appel-
 lons nature, eſt certain, depuis que
 Dieu a créé le monde , auquel on
 ne ſçauroit ny adiouſter ny dimi-
 nuer choſe que ce ſoit, pource que
 Dieu l'a eſtably avec telle ſageſſe
 & prouidence, que de requérir vn
 tel ordre n'eſtre gardé, eſt vouloir
 rendre les œuvres de Dieu impar-
 faites & defectueuſes. Mais retour-
 nant à ceſte ſentence tant vſitée
 des Philoſophes anciens, *La nature*
ſait babilé, il faut entendre que
 l'on trouue des eſprits & habili-
 tez

tez que Dieu departit & diuise entre les hommes , hors de l'ordre naturel, comme fut la science des Apostres, lesquels d'hômes lourds & idiots, furent miraculeusement inspirez , & remplis de science & de sçauoir. Quant à ceste maniere d'habilité & science, ne se peut verifier cecy , *Nature fait habile*, pource que c'est vn œuvre qui se doit entierement rapporter à Dieu , & non pas à la nature. Il faut entendre le mesme de la science des Prophetes , & de tous ceux auxquels Dieu a fait quelque grace. Il y a vne autre maniere d'habilité entre les hommes , qui leur vient , pource que nature les ha engédrez par l'ordre & moyen ordonné de Dieu à cest effect , & de ceste maniere dit-on certainement , *Nature fait habile*. Car, comme nous prouuerons au dernier

nier chapitre de cest œuvre, il y a vn tel ordre & cōvention és choses naturelles, que si les peres, au temps de l'engendrement, y prennent garde, & pensent à les garder, tous leurs enfans seront sages, & ne s'en faudra pas vn. Cependant ceste signification de nature est fort vniuerselle & confuse, & l'entendement n'est pas content, & ne cesse tant qu'il sçache le fait particulier & la dernière cause; & pourtant est besoin trouver vne autre signification de ce nom (Nature,) qui conuienne mieux à nostre propos. Aristote, *Au 2. liu. De Physica auscultatione.* & tous les autres Philosophes naturels, particularisent dauantage ce nom, & appellent la nature certaine forme substantielle, qui donne estre à la chose, & est principe de toutes ses œuvres: & en ceste signification, nostre ame raisonnable,

nable, à iuste raison, s'appellera nature, pource que nous tenons d'elle l'estre formel d'hommes, & elle mesme est le principe de tous noz faits & actions: mais comme ainsi soit que toutes les ames raisonnables soyent d'egalle perfection, (tant celle du sage & sçauant que celle de l'ignorant) on ne sçauroit certifier, en ceste signification, quelle est la nature qui réd l'homme habile: car si cela estoit vray, tous les hommes seroyent esgaux en esprit & sçauoir: par ainsi le

En la 30. section, probable. 1. mesme Aristote a trouué autre signification de nature, qui est cause quel homme est habile, ou inhabile: car il dit, que le temperament des quatre premieres qualitez (chaud, froid, sec, & humide) se doit appeller nature, pource que de ceste nature procedent toutes les habiletez de l'homme, toutes

tes les vertus & vices, & ceste grande varieté d'esprits q̄ nous voyôs. Ce qu'il peut apertement cognoistre & prouuer, en considerant les âges d'un homme tres-sage, lequel en son enfance n'est autre qu'un brut animal, n'usant d'autres puissances que de celles de l'ire & conuoitise : mais estant venu en l'âge d'adolescence, il commence à descouurir vn esprit admirable, qui luy dure iusques à certain temps & non plus : car suruenant la vieillesse, il va perdant son esprit de iour en iour, iusques à tant qu'il deuiene caduc. Il est certain que ceste diuersité d'esprits procede de l'ame raisonnable, laquelle en tous âges, est tousiours de mesme, sans receuoir en ses forces & substance, aucune alteration ou changement, n'estoit qu'en chacun âge l'homme obtient vn diuers temperament

Hippocrate a usé de mauvais termes, disant que

l'ame de l'homme va tousiours en auant, iusques à la mort. 6. epi. part. 5. tom.

rament & contraire disposition, à raison de laquelle, l'ame fait vne chose; en enfâce: vne autre, en ieunesse, & vne autre en vieillesse: & pourtant voyons nous euidentement, puis qu'vne mesme ame fait œuures contraires en vn mesme corps, à cause du contraire temperament en chacun âge, que quand nous voyons deux ieunes hōmes, l'vn habile & l'autre ignorant & inhabile, cela vient de ce que le temperament de l'vn est different del'autre: lequel (pour estre principe de toutes les œuures de l'ame

*Hippoc. & raisonnable) les medecins & phi
Gal. liu. 3. losophes ont appellé, nature: de la
de la nature laquelle signification est proprement
re humain verifiee ceste sentence, Nature fait
ne, & Pla habile. En cōfirmation de ceste do
to au Phe ctrine, Galen a escrit vn liure, par
dre. lequel il prouue, que les mœurs de
Les mœurs de l'ame l'ame suyuent le temperament du
suyuent le corps*

corps où elle reside, & qu'à raison *téperamēt*
 de la chaleur, froideur, humidité, *du corps.*
 & secheresse de la region en la *Gal.*
 quelle les hommes habitent, des
 viandes qu'ils mangent, des eaux
 qu'ils boient, & de l'air qu'ils re-
 spirent, les vns sont ignorans, &
 les autres sages: les vns vaillans, &
 les autres couards: les vns cruels
 & les autres misericordieux: les
 vns secrets & les autres ouverts:
 les vns menteurs, & les autres ve-
 ritables: les vns traistres, & les au-
 tres loyaux: les vns inconstans, &
 les autres arrestez: les vns doubles,
 les autres simples: les vns chiches,
 & les autres liberaux: les vns hon-
 teux, & les autres eshontez: les vns
 incredules, & les autres aisez à per-
 suader: & pour le prouuer, il s'est
 seruy de plusieurs passages d'Hip-
 pocrate, de Platon, & d'Aristote,
 lesquels certifient que la differen-

*D'où vient
la différen
ce des na
tions.*

ce des nations, tant en la compo
sition du corps, comme és condi
tions de l'ame, vient de la variété
de ce temperament. On voit clai
rement cōbien différent les Grecs,
des Scithes : les François, des He
spagnols : les Indiens, des Alemás :
& les Æthiopiens, des Anglois. Ce
qui ne se voit seulement és regiōs
tant loingtaines & separees l'une
de l'autre : mais si nous considérons
les provinces de toute l'Espagne,
nous pourrons départir les vertus
& vices susdits aux habitans d'icel
les, selon qu'ils leur seront pro
pres. Et si nous cōsiderons l'esprit
& mœurs des Catelans, Valen
cians, Murcians, Granadins, Anda
luzes, Estremegnois, Portugais,
Gallegues, Asturiás, Montagnois,
Bizcains, Nauarrois, Arragonois,
& Castillans, qui ne verra & con
noistra la différence qui est entre
eux,

eux, non seulement en la figure du visage & composition du corps, mais aussi és vertus & vices de l'ame ? ce qui vient de ce que chacune prouince des susdites nations, obtient son different & particulier temperament. Et non seulement se voit ceste diuersité de mœurs és regions tant éloignées, mais aussi és lieux, distans seulement d'une petite lieuë l'un de l'autre, où vous ne sçauriez croire la difference qu'il y a des esprits entre les habitans d'iceux. Finalement tout ce que Galen escrit en son liure, est le fondement de ce mien œuvre : & combien qu'il ne touche particulièrement aux differences du naturel & habilité des hommes, ny aux sciences que chacune demande en particulier, si a il bien entendu qu'il estoit necessaire de partir les sciēces aux

*Au 9. li-
bre De
Placitis
Hippo. &
Platonis.*

ieunes hommes, & donner à cha-
cun celle que son naturel requie-
roit: & a dit en outre, que les repu-
bliques bien ordonnees deuoyēt
establir hommes de grande pru-
dence & sçauoir, qui decouurissent
en l'âge tendre l'esprit & naturel-
le industrie d'vn chacū, pour leur
faire apprendre l'art qui leur se-
roit conuenable, sans le laisser à
leur election.

*Quelle partie du corps doit estre bien
temperee, à fin que l'enfant soit ha-
bile, ou de bon esprit.*

C H A P. I I I.



LE corps humain ha-
vne si grande varieté
de parties & puissan-
ces (chacune appliquée
à sa fin) qu'il ne sera hors de pro-
pos, ains necessaire sçauoir pre-
mierement :

mierement quel membre nature
 ha ordonné pour instrument prin
 cipal, à ce que l'homme fust sage
 & prudent: car il est certain que
 nous ne raisonnons pas du pied:
 que nous ne cheminōs, de la teste:
 que nous ne voyons, du nez: &
 que nous n'oyons pas, des yeux:
 mais que chacune de ces parties
 ha son propre vsage & particulie
 re composition, pour l'œuvre qui
 luy est conuenable. Deuant que
 Hippocrate & Plato fussent au
 monde, les Philosophes naturels
 tenoyēt pour certain, que le cœur
 estoit la principale partie ou resi
 doit la faculté de la raison, & l'in
 strumēt, au moyen duquel nostre
 ame exerce les œuvres de pruden
 ce, d'esprit, de memoire & d'en
 tendemēt. Et pourtant l'écriture
 saintes s'accommodant à la com
 mune maniere de parler de ces

L' E X A M E N

temps là , appelle en plusieurs endroits , le cœur la partie supérieure de l'homme. Mais ces deux gra-

Le cœur & ce qui est au dedans du corps a sentiment & n'est participât de sapience: mais le cerueau est cause de toutes ces choses. Hippocr. au li-ure , De morbo sa- cro. ues Philosophes estans venuz au monde , donnerent à entendre que ceste opiniõ estoit fausse, & prouuerent par plusieurs raisons & expériences , que le cerueau est le siége principal de l'ame raisonnable: ce que tous ont accepté , hormis Aristote, lequel voulant contredire du tout à Plato, est retourné re- fraischir & renoueller la premiere opinion , la rendant probable par argumens topiques, ou titez des lieux. Il ne faut pas debatre en cest endroit quelle est la plus certaine opinion : car il n'ya pas vn philosophe qui n'auoue que le cerueau est l'instrument ordonné de nature, pour rédre l'homme sage & prudent: il cõuient declarer seulement quelles doiuent estre les condi

conditions de cete partie, pour estre bien organisee & composee, & à fin que le ieune homme (à cete occasion) ait bon esprit & entendement. Le cerueau doit auoir quatre qualités, à ce que l'ame raisonnable puisse commodement faire les œuures d'entendement & prudence. La premiere est la bonne composition : l'autre, que les parties d'iceluy soyent bien vnies : la troisieme, que la chaleur n'excede ou surpasse la froideur : ny l'humeur, la siccité : la quatrieme, que la substâce soit composee de parties subtiles & fort delicates. En la bonne composition sont cōprinſes quatre autres choses : la premiere est la bonne figure : l'autre, la suffisante quantité : la troisieme, qu'il y ait au cerueau quatre ventricules separéz & colloqués chacū en son lieu : la quatrie-

me que la capacité d'iceux ne soit plus grande ne moindre qu'il faut pour leur office. Galen demonstre la bonne figure du cerueau, considerant par le dehors la forme & composition de la teste: qui seroit telle qu'il faudroit, dit il, prenant vne boule de cire, parfaitement ronde, que l'on manieroit doucement & aplatiroit par les costez, de maniere qu'elle fust vn front & le derriere de la teste vn peu esleué & comme bossu: dont s'ensuit que celuy qui ha le front bié plat, & le derriere de la teste mal fait & vny, n'a pas la figure de cerueau, demonstrent qu'il soit de bõ esprit. Quant à la quantité du cerueau, de laquelle l'ame ha besoin, pour discourir & vser de raison, c'est chose merueilleuse, qu'entre les bestes brutes, il n'y en ha pas vne qui ait tant de ceruelle que l'homme

*An liure
de l'art de
medecine,
chap. 11.*

*Quantité de
la ceruelle*

l'homme : de maniere que deux *de l'homme*
 puissans bœufs n'en ont pas tant *me.*
 qu'il s'en trouuera au cerueau de
 l'homme, quelque petit qu'il soit:
 & ce qui est le plus notable, entre
 les bestes brutes, celles qui apro- *Les ani-*
 chent le plus de la prudence & *maux apro-*
 discretion humaine (comme le *chans de la*
 Singe, le Renard & le Chien) ont *prudence*
 plus grande quantité de ceruelle *de l'homme*
 que les autres, quoy qu'ils soyent *ont beau-*
 plus grans de corps. Et pour ceste *coup de cer-*
 cause Galen dit que la petite teste *nelle.*
 en l'hôme, est tousiours vicieuse, *Au liure*
 pource qu'il ha faute de ceruelle: *de l'art de*
 & certifie pareillemēt q si la gros *medecine*
 se teste viēt de l'abôdâce de matie *chap. 11.*
 re mal apropiée, lors q nature la
 forma, c'est mauuais signe, pource
 qu'elle est toute composée d'os &
 de chair, & qu'elle n'a gueres de
 ceruelle, comme il aduient es fort
 grandes & grosses oranges, les-

quelles estans ouuertes n'ont guères de iuz & mouelle, mais beau-

coup d'escorce. Il n'y a chose qui

offense tât l'ame raisonnable que d'estre en vn corps chargé d'os, de

grosse & de chair. Et pour ceste

cause Plato dit que les chefs des

hommes sages sont ordinairement

imbéciles & aisément offésés de la

moindre occasiõ du mode, pource

que nature les a faits legers & de-

licats, & ne les ha voulu charger

de beaucoup de matiere, de peur

d'offenser l'esprit: & est tant veri-

table ceste doctrine de Plato, que

cõbien que l'estomac soit si élon-

gné du cerueau, il l'offense neant-

moins, s'il est plein de grosse &

de chair. Pour confirmation de

cela, Galen dit que le ventre gros

engendre gros entendement, &

cela vient de ce que le cerueau &

l'estomac sont liez & ioints en-

semble

*Ce qui of-
fense l'ame
raisonnãte.*

*Au dialo-
gue de la
nature.*

*Il y a deux
manieres
d'hommes
gros, les uns
plains de
chair, d'os*

semble par le moyen de certains *& de sang:*
 nerfs, qui communiquent leurs *les autres,*
 maux l'un à l'autre: & au contrai- *de gresse: et*
 re si l'estomac est sec & deschar- *ceuxcy sont*
 né, il ayde beaucoup l'esprit, com- *fort inge-*
 me nous voyons en ceux qui ont *nieux.*
 faim & nécessité. Perse s'est fon-
 dé en ceste doctrine, quand il ha
 dit que le ventre donnoit l'esprit
 à l'homme. Mais ce que plus on
 doit noter en ce cas est, que si les
 autres parties du corps sont gros-
 ses & charneuses, qui font l'hom-
 me de grande corpulence, Aristo-
 te dit qu'elles luy font perdre l'es-
 prit. Et pourtât suis-ie certain que
 si l'homme a grosse teste (cōbien *Au 4 liure*
 que nature forte en ait esté cause, *des parties*
 & que ce soit d'auature auenu par *des ani-*
 la quantité de la matiere bié apro- *maux.*
 priee) il n'a pas l'esprit si bon que
 s'il auoit la teste moyenne. Aris-
 tote neantmoins est de contraire
 opinion,

En la 30. section, proble. 3. opinion, demandant pour quelle raison l'homme est le plus sage de tous les animaux. A quoy il respõd ne se trouuer aucun animal qui ait tant petite teste que l'homme, au regard de son corps : & entre les hõmes, dit il, ceux là sont les plus sages, qui ont la teste moindre: mais il n'a point de raison en cela: car s'il ouuroit la teste d'vn hõme, pour voir la quantité de la ceruelle qui est dedans, il trouueroit qu'il n'y en a pas tant en la teste de deux cheuaux, qu'en la teste de cet hõme là. Mais i'ay trouué par *Les petits hõmes doiuent auoir grande teste :* & les *grans, petite.* experiẽce qu'en ceux qui sont petits, il est meilleur & vaut mieux que la teste soit vn peu grande: & petite, au contraire en ceux qui sont grans de corps, pource qu'en ceste maniere se trouue la moyẽne quantité, par laquelle l'ame raisonnable execute biẽ son œuvre.

Dauid

Dauantage le cerueau ha besoin de quatre vëtricules, à fin que l'ame *Le cerueau ha 4 ventricules.* raisonnable puisse discourir & philosopher: l'vn doit estre assis au costé droict d'iceluy: le second, en l'autre costé: le troisieme au milieu de ces deux, & le quatrieme en la derniere partie du cerueau. Nous dirons cy apres de quoy seruent à l'ame raisonnable ces ventricules & capacitez larges ou estroites, quand nous traiterons des differences de l'esprit de l'homme. Mais ce n'est pas assez aussi que le cerueau soit bien formé, qu'il ait vne suffisante quãtité, & le nombre des vëtricules que nous auons dit, avec leur capacité petite ou grande, si les parties d'iceluy ne gardent vne certaine maniere de continuation, sans estre diuisees. *Ce qui aduient pour les plaies de la teste.* Et pour ceste cause auôs nous veu, à cause des plaies de la teste, aucuns hommes

hōmes perdre la memoire:autres,
l'entendement, & autres l'imagi-
nation:& combiē que le cerueau,
apres la guatison, se vienne à re-
ioindre, il n'a toutesfois l'vnion
naturelle qu'il auoit au precedēt.
La troisieme condition, des qua-
tre principales, estoit du cerueau
bien tēperé d'vne chaleur mode-
ree, & sans l'exces des autres qua-
litez:nous auōs dit autre part, que
ceste disposition là s'appelle bon-
ne nature,pouestre celle qui prin-
cipalement rend l'homme habi-
le:& la contraire, inhabile. Mais
la quattiesme, du cerueau cōposé
de parties subtiles& fort delicates
est de plus grande importāce que
toutes les autres, comme dit Ga-
lé:car voulant demonstrier la bon-
ne composition du cerueau, il dit
que l'esprit subtil monstre que le
cerueau est formé de parties subti-
les

*An liure
de l'art me-
dical, ch.*

les & fort delicates:& si l'entéde-
ment est tardif, il denote vne gros-
se substance & ne fait mētion du
temperament. Le cerueau doit a-
uoir ces qualitez, à fin que l'ame
raisonnable puisse deuēmēt exer-
cer son office: mais il y a icy vne
grande difficulté, qui est q̄ si nous
anatomisons ou faisons dissectiō
de la teste de quelque beste brute,
nous trouuerons que le cerueau
d'icelle est composé de la mesme
sorte que celuy de l'homme, avec
toutes les susdites conditiōs. Arai-
son dequoy peut on entendre que
les bestes brutes se seruent pareil-
lement de prudence & de raison,
au moyen de la composition de
leur cerueau, ou bien faut dire que
nostre ame raisonnable ne se sert
de ce mēbre pour instrumēt prin-
cipal, par lequel elle fait son offi-
ce: ce qui ne se peut certifier. Ga-
len

En la harangue persuasive aux bons arts. len respōd à ce doute, disant, Certainemēt on peut douter si au gēre des animaux, appellé irraisonnable, il y a point quelque raison. Car s'il est exēpt de celle qui cōsiste en la voix. q̄ l'on appelle parole, parauanture tous animaux sont participās de celle qui est conceuē en l'esprit, que l'on dit iugement: combien qu'elle soit donnee aux vns moins & aux autres pl⁹. Mais, certes, personne ne doute, que par ceste mesme raison, l'homme ne soit beaucoup plus excellent que les autres animaux. Galen donne à entendre par ces parolles (bien que ce soit avec quelque crainte) que les bestes brutes participēt de raison, les vnes plus que les autres & qu'elles se seruent d'argumens & discours, combien qu'elles ne les puissent exprimer de parole, & que la difference qu'il y a d'elles à l'hom

à l'homme, cōsiste en ce que l'homme est plus raisonnable & se sert plus parfaitement de prudence. Le même Galen prouue aussi par plusieurs experiences & raisons que les ames (qui sont entre les bestes brutes les plus stupides) peuvent atteindre par leur esprit à choses plus hautes & subtiles que Platon & Aristote n'ont iamais trouué. *En la 29. sec. prob. 6.* Aristote a voulu dire cela même, demandant pourquoy l'homme est plus prudent que tous les animaux: & en vn autre lieu, pourquoy l'homme est le plus iniuste de tous les animaux: en quoy il declare cela même que Galen a dit au lieu sus allegué. La difference qu'il y a de l'homme à la beste brute, est la même qui se trouue entre l'homme ignorant & le sage: & ne faut douter de cela, excepté que les bestes brutes ont la me-

moire, l'imagination & autre puissance qui ressemble l'entendement comme le singe ressemble l'homme, estant chose certaine que leur ame s'aide & se sert de la composition du cerueau, laquelle estant bonne & telle qu'il est conuenable, exerce fort bien son œuvre & avec grande prudence: & si le cerueau est mal composé, elle fait mal son office. Ainsi voyons nous des asnes qui sont proprement du naturel allegué cy deuant: l'on en trouue d'autres tant malicieux qu'ils surpassent leur espèce. Entre les cheuaux s'en treuent plusieurs vicieux, & autres genereux: les vns plus aisez à dresser que les autres: ce qui vient du cerueau qu'ils ont bien ou mal composé. Nous donnerons au chapitre ensuiuant la raison & solution de ce doute, pour ce que là est encores touchée cete matiere.

matiere. On trouue au corps, autres parties, du temperament desquelles depend l'esprit aussi bié q̃ du cerueau: desquelles nous traiterōs au dernier chapit. de ce liure: mais hors mis icelles & le cerueau, il y a au corps vne autre substāce, de laquelle se sert en ses œuures l'ame raisonnable: & veut les trois dernieres qualitez aussi bié que le cerueau, qui sont la suffisante quantité, la substance delicate & le bon temperament. Ce sont les espritz vitaux, & le sang des arteres, qui courent par tout le corps, adherans & ioinctz à l'imagination & suiuaus la contemplation. L'office de cete substance spirituelle est de réveiller les puissances de l'homme & de leur donner force & vigueur, à ce qu'elles puissent exercer leurs actions: & congnoist on cela apertement si l'on vient à conside

*Office de
la substāce
spirituelle.*

rer les mouuemens de l'imaginatiue, & ce qui aduient apres en l'œuure: car si l'homme se met à imaginer en quelque hôte qu'on luy aura faite, le sang des arteres accourt incontinent au cœur, & reueille la puissance de l'ire, & luy dōne chaleur & forces pour s'en vanger. Si l'homme pense en quelque belle femme, ou que par l'imagination il cuide estre en l'acte veneriē, ses esprits vitaux accoutēt incōtinēt aux mēbres genitaux, pour leur dōner force & vigueur: le mesme auiet quād il nous touuient de viā de delicate & saoureuse; car incōtinēt ils caccourent à l'estomac & font venir l'eau à la bouche: & est leur mouuement si leger que si quelque femme enceinte a enuie de manger quelque chose & qu'elle se l'imagine tousiours, nous voyons par experiēce, qu'elle viēt à auorter,

à auorter, si bien tost on ne luy en fait passer son enuie, en la luy bail lât. Cela vient de ce que ces esprits vitaux, deuant que ce desir suruiue- *Comme & pourquoy les femmes auortent.* ne, sont au ventre, aydans la femme à soustenir la creature, de maniere que par la nouvelle imagination du manger, ils viennent à l'estomac, à fin de réueiller l'appetit: ce pendant si le ventre n'est pourueu d'une grande force, & vertu de retention, il ne la peut soustenir: & par ce moyen la femme viét à auorter. Galen entendant la condition de ces esprits vitaux, con- *Aut des Aphorif. com. 7.* seille aux medecins de ne donner à manger aux malades, estans les humeurs crus & à cuire, pource qu'aussi tost qu'ils sentent qu'il ya à manger en l'estomac, ils laissent ce qu'ils faisoient & s'en viennent à l'estomac, à fin de luy ayder. Le cerueau reçoit ce mesme bien &

& secours par ces esprits vitaux, quand l'ame raisonnable veut contempler, entendre, imaginer & exercer la memoire, sans lesquels, elle ne peut faire son office. Et comme la grosse substance & mauuais temperament du cerueau, font perdre l'esprit, ainsi les esprits vitaux & le sang des arteres (n'estans delicats & de bon temperament) empeschent l'homme de discourir & raisonner.

Au Dialogue de la science.

Et pour cete cause Plato a dit que la douce & bonne temperature du cœur rend l'esprit aigu & subtil, ayant proué ailleurs que le cerueau & non pas le cœur est le principal siege de l'ame raisonnable: & cela vient de ce que ces esprits vitaux s'engendrent au cœur, & reçoivent telle substance & temperament qu'a celui qui les forme. De ce sang
des

des arteres s'entend ce qu'Aristote a dit que les hommes ayans le sang chaud, delicat & pur, sont bien cōposez, & ont ensemble les forces corporelles, & l'esprit prôt & vif. Les medecins appellent ces esprits vitaux, Nature : pource que ils sont l'instrument principal, par lequel l'ame raisonnable exerce son office, desquels aussi se peut verifier ceste sentence, *Nature fait l'homme habile.*

Icy se demonstre que l'ame vegetative, sensitive, & raisonnable sont sçauantes sans que nul les enseigne, ayans le temperament conuenable pour exercer leur office.

CHAP. I I I I.



Le temperament des quatre premieres qualitez, (qu'ailleurs nous appelons nature) ha si gran

de force pour faire que les plâtes, les bestes brutes & l'homme exercent certainemēt le deuoir & office propre & conuenable à chacune espece, que s'il vient d'auanture au point parfait qu'il peut auoir, tout soudain & sans que personne les enseigne, les plantes sçauent former racine en terre, attirer l'aliment pour elles, le retenir, le cuire, & reietter les excremens: les bestes brutes cōgnoissent aussi tost qu'elles sont nées, ce qui est conuenable à leur naturel, & fuiēt ce qui leur est mauuais & nuisible.

Et ce qui est ône le plus ceux qui ne sçauent la philosophie naturelle, est que l'homme ayant le cerueau bien temperé & disposé selon que requiert quelque science, incontnēt & sans l'auoir onques aprins de personne, dit touchant icelle,

icelle, & met en auant choses si hautes & subtiles qu'on ne lesçau-
 roit croire. Les philosophes vul- *Opiniõ des philosophes vulgaires touchât les œuvres des bestes.*
 gaires voyans les œuvres meruei-
 leuses des bestes brutes, disent que
 il ne s'en faut émerveiller, pource
 qu'elles font telles choses par vn
 instinct de nature, laquelle ensei-
 gne à chacun, en son espee, ce
 qu'il doit faire. Ils disent bien en
 cela, pource que deia nous auons
 dit & prouué que nature n'est au-
 tre chose que le temperament des
 quatre premieres qualitez, lequel
 est le maistre qui enseigne aux a-
 mes comme elles doiuent exercer
 leur office: mais ces philosophes
 appellent instinct de nature cer-
 tain amas de choses, qu'ils cui-
 dent entendre, mais ils n'ont ia-
 mais peu declarer ny donner à
 entendre que c'est. Les graues phi-
 losophes, comme Hippocrate,

Platon & Aristote, referent toutes ces œuvres merueilleuses à la chaleur, froidure, humidité & siccité, comme premier principe & ne passent plus auant: & demandant qui ha enseigné aux bestes brutes de faire œuvres desquelles nous sommes émerueillez, & aux hommes à discourir par raison? Hippocrate respond, *Les natures de tous sans docteur & maistre*, comme s'il vouloit dire, Les facultez ou le temperament auquel tout ce que dessus consiste, sont toutes sages & sçauâtes, sans auoir rié apptins de personne. Ce qui est assez manifeste, considerant les œuvres de l'ame vegetatiue & de toutes les autres qui gouernent l'homme: car si elle ha vn peu de semence humaine, avec vne bonne temperature, bien cuite & assaisonnée, elle fait vn corps tât bien composé, si par

*Au liure
de l'alimēt.*

si parfait & beau , q̃ les meilleurs
 statuares du monde ne le , sçau-
 roient contrefaire. De maniere
 que Galen émerueillé de voir vne *Au liure*
 tant merueilleuse fabrique, le nō- *intitulé*
 bre des parties d'icelle, le siege, la *De factū*
 figure & l'vsage de chacune d'icel- *formatione*
 les, vint à dire qu'il n'estoit possi-
 ble que l'ame vegetatiue & le tem-
 peramēt sceussent faire vn œuure
 tant admirable: & que Dieu estoit
 auteur d'iceluy, ou bien quelque
 intelligence tres-sage. Mais nous
 auons deia reprouué ailleurs ceste
 maniere de parler, car il n'auient
 pas bien aux philosophes naturels
 de rapporter les effects immédia-
 tement à Dieu, laissant les causes
 moytoiennes & secondes, princi-
 palement en ce cas, auquel nous
 voyons par experience que si la
 semence humaine est de mauuai-
 se substance, & n'est de conuen-
 ble

ble temperament, l'ame vegetatiue, fait mille choses non conuenables: car si la semence est plus froide & humide qu'il ne faut, Hippo-

Au liure de l'air, des lieux & des eanes. 14. sect. probable. 4. crate dit que les hommes deuiennent Eunuques, ou Hermaphrodits: si elle est trop chaude & seche, Aristote dit qu'elle les fait contrefaits, ayans les iambes tortues, & le nes plat camuz comme ceux d'Ethiopie: si elle est humi-

Au liure de la meilleure cōstitution du corps. chap. 4. de (dit le mesme Galen) les hommes deuiennent grans & puissans: & si elle est seche, elle les fait de petite stature. Ce qui est vn grand deshonneur & deformité au genre humain: & en tels cas, n'y a occasiō de louer la nature, & de l'estimer sage. Si Dieu en estoit auteur, nulle de ces susdites qualitez pourroit empescher qu'ils ne fussent parfaits: & n'y a que les premiers hommes qui furent au monde,

de, qui ayent esté faits de la main de Dieu, comme dit Plato : car *Au dialogue de la nature.* tous les autres sont naiz despuis par le moyen des secondes causes, lesquelles se trouuans bien ordonnées, l'ame vegetatiue exerce tres bien son office : mais si elles se trouuent autrement, elle produit, comme i'ay deia touché, mille absurditez & inconueniens. Le bon ordre de nature à cet effect, est quand l'ame vegetatiue est bien temperée : autrement que Galen & tous les philosophes du monde, ameinent la raison pourquoy l'ame vegetatiue a tant de sçauoir & puissance, au premier âge de l'homme (à former le corps, le croistre & le nourrir) & estant venue la vieillesse, elle ne le peut faire : entant que si à l'homme vieil vient à tomber vne dent, il n'y a moyen

moyen qu'elle retourne iamais, au lieu: que si l'enfant perdoit toutes les dents ensemble, nous voyons que nature luy en fait venir d'autres: & puis comme il est possible qu'une ame, qui n'a fait autre chose en tout le cours de la vie, sinon attirer la viande, la retenir, la cuire, reietter les excréments, & r'engendrer & refaire les parties qui defaillent, en fin de la vie, se soit oubliée, & ne puisse plus faire ce qu'elle auoit accoustumé? il est certain que Galen respondra que l'ame vegetatiue est sage & puissante en l'enfance, à cause de la grande chaleur & humidité naturelle: & qu'elle n'a le sçauoir & puissance en vieillesse, à cause de la froideur & siccité du corps en cet âge là. Le sçauoir de l'ame sensitive depend aussi du temperament

*Pourquoy
l'ame vege
tatiue fait
en enfance
ce qu'elle
ne peut fai
re en age
muer & en
vieillesse.*

ment du cerueau : car s'il est tel que l'œuure d'icelle requiert & demande, elle exerce bien son office: autrement elle y commet faute, aussi bien que l'ame vegetatiue. Galen, pour cōtempler & con-
 gnoistre, à veuë d'œil, le sçauoir & l'industrie de l'ame sensitue, print vn cabry en naissant, lequel mis en terre, commença à aller, comme si on luy eust dit & enseigné que les pieds seruoient à tel vsage: & ce pendant il secoua la superflue humidité, qu'il auoit apportee du ventre de la mere, & leuant le pied, il se grata par dessus l'aureille, & luy ayant mis plusieurs escuelles deuant luy plaines de vin, d'eau, de vinaigre, d'huile & de laiët, apres auoir senty de tout, ne mangea autre chose que du laiët. Ce que veu par plusieurs
 philo

*Au liure
 6. des liures
 affectez
 chap. 6.
 Cōme Ga-
 len experi-
 mēte le sça-
 uoir de l'a-
 me sensiti-
 ue.*

philosophes lors presens, ils com-
 mancerent à dire tout haut que
 Hippocrate auoit grande raison
 de dire que les ames sçauoyent
 sans auoir esté enseignées d'aucun
 maistre : & non seulement Galen
 se contenta de cela , mais deux
 moys apres, il le fit mener au cháp
 quasi mort de faim , où sentant
 plusieurs herbes , il mangea seule-
 ment de celles desquelles les che-
 ures ont coustume de paistre. Mais
 si Galen , qui se mit à contempler
 l'œuure de ce cabry, l'eut aussi con-
 templé de trois ou quatre ensem-
 ble , il eust veu les vns cheminer
 mieux que les autres , se secouër
 mieux , se grater mieux , & faire
 mieux ce que nous auons raconté.
 Et si Galen eust nourry deux pou-
 lains d'un mesme pere, il eust con-
 gneu que l'un eust esté de meilleu-
 re grace,

re grace, eust mieux couru, & eust esté plus fidele que l'autre: & s'il eust prins vn nid d'espreuiers pour les nourrir & éleuer, il eust trouué le premier grand voleur, l'autre grand chasseur & le troisieme goulu & de mauuaises mœurs. Autant en trouuera l'on és chiens, sortis d'une mesme chienne, l'un desquels ne fait que clabauder à la chasse: l'autre ny fait non plus qu'un mastin qui garde le bestail. Tout cela ne se peut rapporter à ces vains instincts de nature, que les philosophes feignent: car si on leur demande pourquoy vn chien a meilleur instinct que l'autre, attendu qu'ils sont tous deux d'une mesme espece, & venuz d'un mesme pere, ie ne sçay qu'ils pourrôt respondre s'ils ne disent, selon leur commune respõce, que Dieu a enseigné l'un plus que l'autre, &

luy ha donné plus grand instinct naturel. Et si on leur demande de-
rechef pourquoy ce bon chien, e-
stant ieune, est grand chasseur, &
quand il est vieil, n'a en soy habi-
lité aucune : & au contraire, pour-
quoy estant ieune, il ne sçait pas
chasser, & estant vieil, il est caut &
ruzé, ie ne sçay qu'ils pourront re-
spondre : quant à moy ie diroy ad-
uenir, que le chien lequel se mon-
stre à la chasse plus habile que l'au-
tre, est mieux temperé de cerueau
que l'autre : & quant à ce d'autre-
part, qu'il chasse bien en ieunesse,
& ne peut chasser estant vieil, que
cela prouiét de ce qu'en vn temps
il a le temperament que requie-
rent les habilitéz & adresse de la
chasse : & en vn autre, non. Dont
s'ensuit, qu'estant la temperature
des quatre premieres qualitez la
raison pour laquelle vne beste bru-
te fait

te fait mieux son office qu'une autre de son espèce, le temperament est le maistre, qui monstre à l'ame sensitive ce qu'elle doit faire. Si Galen eust considéré la voye & le chemin de la formy, contemplant la prudence, misericorde, iustice & gouvernement d'icelle, il se fust émerueillé de voir un ani

Voyez le passage de la fourmy. aux Proverbes chapitre 6.

mal si petit pourueu de si grande industrie, sans auoir maistre quelconque qui l'ait enseigné : mais sçachant la temperature du cerueau de la formy, & voyant qu'elle est appropriée au sçauoir, (comme sera monstre cy apres) nous ne serons pas émeruillez, & congnostons que les bestes brutes, par le temperament de leur cerueau & fantasies qui leur entrent par les cinq sens, font avec habilité, ce que nous leur voyons

D'où vient qu'un animal est plus docile & ingénieux qu'un autre de même espèce.
Un chasseur ha affecté qu'il avoit un faucon très habile à la chasse, qui retour- na insensé, & qu'il luy fit un caute- re en la t- ste : dont il guarit.

faire. Et quant à ce que d'entre les animaux d'une même espèce, l'un est plus docile & plus ingénieux que l'autre, cela vient du cerueau qu'il a mieux temperé, de manie- re que si par quelque occasion ou maladie se venoit à changer & al- terer ceste bõne température du cerueau, il perdrait incontinent la prudẽce & habilité, comme fait l'homme. Maintenant s'offre la dif- ficulté de l'ame raisonnable, pour entendre comment elle est tant bien prouuée de cest instinct na- turel, aux œures & exercice de son espèce, qui sont sçauoir & pru- dẽce, & comme tout soudain, par le moyen de la bonne tempera- ture, l'homme peut sçauoir les scien- ces, sans les auoir entendues de personne: attendu que l'experien- ce nous demonstre que si elles ne sont apprinses, personne ne naist avec

avec elles. Entre Plato & Aristote
 y a vne grande question pour sça-
 uoir d'où peut proceder le sçauoir
 de l'homme. L'vn dit que nostre *Plato.*
 ame raisonnable est plus ancienne
 que le corps, pource que deuant
 que nature le cōposast l'ame estoit
 deia au ciel, en la compagnie des
 Dieux, d'où elle est sortie pleine
 de science & de sçauoir: mais ve-
 nant à former la matiere, à cause
 de la mauuaise temperature d'i-
 celle, l'ame vient à perdre ceste
 science, iusqu'à ce que par succes-
 sion de temps, se vient à amander
 ceste mauuaise temperature, par
 vne autre meilleure, au moyen de
 laquelle (pour estre plus propre &
 commode aux sciences perduës)
 elle vient peu à peu à se souuenir
 de ce qu'elle auoit oublié. Ceste
 opinion est fausse & m'ébahy de
 Plato, lequel estant vn si grād phi-

losophe n'a sceu dōner raison du
sçauoir humain : voyant que les

*Reprehen-
sion de Pla-
ton.* bestes brutes sont prouueuës de
leur prudence & habilité naturel-
le sans q̃ leur ame sorte du corps,

*Plato ha
pris de la
sainte escri-
ture les
meilleures
sentences : à
raison des-
quelles il a
esté dit Di-
uin.* pour aller au ciel l'apprédre : à rai-
son dequoy il n'est exempt de fau-
te, ayant leu principalement en
Genese (auquel il aioustoit foy)
que Dieu composa le corps d'A-
dam, deuant qu'il creast l'ame. Le
semblable aduiët encores de pre-
sent, excepté que la nature engen-
dre le corps, & finalement Dieu
cree l'ame au mesme corps sans
demourer hors d'iceluy, ny tēps,
ny aucun momēt. Aristote a prins

*Au l. liure
de Poste-
rior. resolu.
chap. I.* vn autre chemin, disant, Toute
doctrine & toute discipline vient
de la cognoissance precedente:
comme voulant dire, Tout ce que
sçauent & aprennent les hommes
vient de l'auoir ouy, veu, senty,
gousté

gousté & touché: pource qu'en l'entendement ne peut estre aucune cognoissance, qui n'ait passé premieremēt par quelque vn des cinq sens. Et pour ceste cause a il dit que ces puissances viennent des mains de la nature, & que nostre ame est comme vn tableau plain auquel n'y a aucune peinture: laquelle opinion est aussi fausse que celle de Plato: & à fin que nous le puissions mieux donner à entendre & prouuer, il faut premiere-ment conuenir avec les philosophes vulgaires qu'au corpshumain n'y a pas plus d'une ame, qui est la raisonnable, laquelle est principe de tout ce que nous faisons & mettons en execution, (quoy qu'il y ait des opinions) & toutesfois se trouue qui maintient au contraire qu'avec l'ame raisonnable y en a deux ou trois autres. Ainsi dōc

*Au 3. li-
ure, de l'a-
me.*

*Plato con-
stitue en
l'homme,
trois ames.*

es œuures que fait l'ame raisonna-
 ble, comme la vegetatiue, nous a-
 nons deia prouué qu'elle sçait for-
 mer l'homme & luy donner la fi-
 gure qu'il doit auoir : elle sçait at-
 tirer l'aliment, le retenir, le cuire
 & reietter les excremens: & si viét
 à defaillir au corps, quelque par-
 tie, elle la sçait biẽ refaire de nou-
 ueau, & la former selon son vsage.
 Et es œuures de la sensitiue & mo-
 tifue, l'enfant aussi tost qu'il est
 nay, sçait tetter & demener les le-
 ures, à fin de tirer le laiët, de ma-
 niere q̃ ne sçantroit aduenir à aucũ
 homme, tant sage soit il, d'en faire
 ainsi. Avec ce il ha les qualitez qui
 sont conuenables à la conserua-
 tion de sa nature & fuit ce qui luy
 est nuisible & dõmageable: il sçait
 plorer & rire, sans l'auoir aprins
 de personne. Et sil'on demãde aux
 Philosophes vulgaires, q̃ ha ensei-
 seigné

gné aux enfans de ce faire , ou par
quels sens ils sont induits à ce fai-
re, ie sçay bien qu'ils répondront
que Dieu leur ha donné cest in-
stinct naturel , comme aux bestes
brutes : enquoy ils ne disent pas
mal, si l'instinct naturel & le tem-
perament sont vne mesme chose.
L'homme , aussi tost qu'il est nay,
ne peut pas exercer les propres
œuvres de l'ame raisonnable , qui
sont entendre , imaginer & faire
actes concernâs la memoire, pour
ce que le temperamēt des enfans
est mal cōuenable pour telles cho-
ses, & fort propre pour la vegeta-
tue & sensitive, comme celuy de
la vieillesse est propre & cōuenable
à l'ame raisonnable , & mau-
uais à la vegetative & sensitive. Et
comme le temperament qui sert à
la prudence, s'aquier peu à peu au
cerueau, s'il pouuoit y entrer tout

*Hippocra-
te a mieux
respōdu di-
sant, Natu-
re est sçauā
te, biē qu'el
le n'ait a-
prins. à biē
faire.*

*Au liure
de Alimē.
& 6. Epid.
p. 5. com. 2.*

à coup, l'homme ſçauroit tout à coup & à l'improuiſte diſcourir & philoſopher mieux que ſ'il l'auoit aprins aux eſcoles : mais comme la nature ne le peut faire, ſinon avec laps de temps, ainſi val l'homme aquerant peu à peu la ſcience. Que ce ſoit la raiſon & la cauſe ſe void manifeſtement quand l'on conſidere que depuis que l'homme eſt fort ſçauant il vient peu à peu à ſe rendre ignorant, pource que iournellement (iuſques à la grande vicilleſſe & fin) il aquier autretéperament contraire. Quât à moy, ie cognoy que comme la nature fait l'homme de ſemence chaude & humide (qui eſt le temperament qui enſeigne à la vegetatiue & ſenſitiue ce qu'elles doyuent faire) ſi elle le formoit de ſemence froide & ſeche, il ſçauoit, en naiſſant incontinent diſcou-

*Le tempe-
rément ſe
changetous
les iours.*

rir & raisonner : & n'auroit l'adresse de tetter, pource q̄ ceste température ne s'accorde à telles choses mais à fin q̄ l'on cōgnoisse par expérience que si le cerueau est temperé, selon que les naturelles sciences le requierēt, il n'est pas besoin de maistre qui nous enseigne, il faut auoir égard à vne chose laquelle aduient chacun iour : qui est que si l'homme tombe en quelque maladie, à raison de laquelle le cerueau change soudain son temperament (comme est la manie, melancolie & frenaisie) il luy aduient de perdre (s'il est prudent) tout ce qu'il sçauoit, & extrauague en ses propos : & s'il est ignorāt, il acquiert plus grand esprit & habilité qu'il n'auoit au parauant. I'ay ouy vn rustique laboureur, estant frenetique, discourir merueilleusement, recommandant son salut aux assistans,

stans, & les prians d'auoir egard
à ses enfans & à sa femme, s'il plai
soit à Dieu l'appeller de ce mode,
auec tant de lieux de rhetorique,
aussi grãde elegãce & purité de vo
cables, que Ciceron eust peu trou
uer; en parlant deuant le Senat:
dequoy les assistans esmerueillez

Quand le me demanderēt d'où pouuoit pro
cerueau se ceder vne si grande eloquence &
fait chaud sçauoir en vn hōme, lequel estant
au premier en santé ne sçauoit parler: & me
degré, l'hō- souuient que ie fis responce que
me est ren- l'oratoire est vne science qui pro
dueloquent uient de certain poinct & degré
& s'offrēt de chaleur, & que ce laboureur y
à luy main estoit paruenue à raison de sa mala
tes choses à die. Je pourroy bien parler d'un
dire: ainsi autre frenetique, lequel en plus de
ceux qui se huit iours ne dist iamais parole
taisent sont qui ne fust bien à propos & accor
froids de dante: & le plus souuent faisoit vn
cerueau, & couple de vers bien formez: & les
ceux la qui assistans
parlēt beau
coup, sont
chauds.

assistans estónez d'ouir parler en La frenai-
vers vn homme, lequel estant en ^{fic vient de}
santé n'en sçeur iamais faire vn, ie ^{la colere a-}
dis, qu'il n'auenoit gueres que ce- ^{masse en}
luy fust poëte en la frenesie, qui ^{la substan-}
l'estoit en santé : pource que le té- ^{ce du cer-}
peramēt du cerueau, propre à l'hō- ^{ne in : hu-}
me sain, pour la poëlie, ordinaire- ^{meur pro-}
ment se doit changer en la mala- ^{pre pour le}
die & faire choses contraires. L'ay ^{Poëte.}
souuenance que la femme de ce
frenetic, & vne sienne sœur (qui
s'appelloit Marigarcia) le repre-
noyent de ce qu'il disoit mal des
sainctz : dequoy le patient ennuyé,
parla à sa femme en ceste manic-
re, le renie Dieu pour l'amour de
vous : sainte Marie, pour l'amour
de Marigarcia, & S. Pierre pour l'a-
mour de lean d'Olmede : & ainsi
il discourut par plusieurs sainctz,
qu'il faisoit correspōdre aux au-
tres assistans. Mais cela est peu de
chose

*Chose mer-
ueilleuse
d'un ma-
nisque.*

chose au respect des hauts propos
que tint vn iour vn page d'un grãd
seigneur de ce Roiaume, estãt ma-
nisque: lequel, en sant , estoit re-
put  pour vn ieune h me de peu
d'esprit: mais estant tomb  mala-
de, il auoit bonne grace en ses pro-
pos: il respondoit tant bien   ce
qu'on luy demandoit, & estoit t t
merueilleux   descrire la forme
pour bien gouverner vn Royau-
me (dont il s'estimoit seigneur),
que chacun le venoit voir & ouir,
& son propre maistre ne parloit
gueres d'aupres de luy, priant
Dieu qu'il ne luy r'enuoiaſt sa
sant  & qu'il demourast touſ-
ſiours malade: ce que depuis
se manifesta clairement: car e-
stant le page deliur  de ceste ma-
ladie, le medecin qui le pensoit
s'en alla prendre cong  du sei-
gneur, & maistre d'iceluy, en eſpe-
rance

rance de receuoir quelque recom
 pense ou bonnes parolles: mais il
 luy dist aĩnsi, le vous assure, mon
 sieur le docteur, que ie ne fus on-
 ques tāt fáché d'infortune qui me
 soit aduenue, que ie suis mainte-
 nant de voir mon page guarý:
 pource qu'il ne me sembloit con-
 uenable de changer vne tant sage
 folie à vn iugement tant lourd &
 endormy qui luy demoure quand
 il est en sánté: il m'est aduis que de
 sage & auisé qu'il estoit, vous l'a-
 uez fait deuenir vn sot & vne be-
 ste, comme au parauant: qui est la
 plus grande misere qui puisse ad-
 uenir à vn homme. Le pauvre me-
 decin voyant le peu de grē qu'on
 luy sçauoit de ce qu'il auoit fait,
 s'en alla vers le page, & en fin, a-
 pres plusieurs propos tenuz de
 part & d'autre, le page luy dist, Mō
 sieurs ie vous remercie humble-
 ment

ment & vous baise les mains du
 grád bien que vous m'auez fait, de
 m'auoir fait recouurer mon iuge-
 ment, toutesfois ie vous iure ma
 foy, qu'il me fait mal aucunement
 d'estre guarý, pource qu'estant en
 ma folie, ie viuoýe en la plus gran
 de consideration du monde, &
 pésoý estre si grand Seigneur, que
 ie croyoy ne se trouuer Roy sur la
 terre, qui ne me fust vassal. Et com
 bien que ce fust mensonge, que
 m'en importoit il, puis que ie pre-
 noý aussi grand plaisir en cela que
 s'il se fust trouué veritable? mais
 ie suis bien pis maintenant que ie
 me trouue vn pauvre page, qui
 doy commâcer demain au matin
 à seruir celuy que n'eusse daigné,
 estant malade, prendre pour mon
 laquais. Que les philosophes re-
 çoyuent tout cela & croyent se
 pouuoir faire, est peu de chose:

mais

mais si e leur certiffioy maintenant par histoires tres veritables, que quelques hommes ignorans (souffrâs cete maladie) ont parlé en latin, sans l'auoir aprins estans en santé, que diroyent ils? le pour roye parler d'une femme frenetique qui disoit à tous ceux qui alloient la voir, leurs vertus & vicces, & aucunes fois rencontroit, avec telle certitude qu'ont de coustume ceux qui parlent par coniectures & signes: & pour cete cause personne n'osoit aller la voir, craignant la verité qu'elle découuroit: & ce qui est encores dauantage, comme le barbier la saignoit, vn iour, elle luy dist, Regarde que tu fais, car tu n'as plus gueres de iours à viure, & ta femme se doit remarier avec vn foulon: ce qui se trouua veritable (combien qu'il fut dit d'auanture) & s'accomplit

Chose merueilleuse à aucuns.

Exemple notable d'une femme frenetique.

deuant qu'il fust demy an. Il m'est
 aduis que deia i'entēs dire à ceux
 qui fuient la philosophie naturel-
 le, que tout cela est vne moquerie
 & mensonge (& si d'avanture il
 est vray) que le Diable, selon qu'il
 est cauteleux & subtil, par la per-
 mission de Dieu entra au corps
 de cete femme, & des autres fre-
 netiques que nous auons dit, &
 leur fit dire ces choses merueilleu-
 ses : mais ils se trompent grande-
 mēt, pource que le diable ne peut
 sçauoir ce qui est à venir, n'ayant
 l'esprit de prophetie. Ils tiennent
 pour vn fort argumēt de dire, ce-
 la est faux, pource que ien'entens
 pas comme cela peut estre, com-
 me si les choses difficiles & fort
 hautes estoient suiettes aux rudes
 entendemens & se laissoiēt enten-
 dre d'iceux. Je ne veux pas icy con-
 uaincre ceux qui ont faute d'entē-
 dement

*C. luy par-
 le au dor-
 mant qui
 n'arre au*

dement, pource que seroit trauail-
 ler en vain: mais ie leur veux faire
 dire par Aristote que les hommes
 tempereront selon que leurs œures
 requerēt, peuēt sçauoir plusieurs
 choses, sans en auoir particuliere-
 ment ouy parler, & sans les auoir
 aprinses de personne. Voicy dōc
 qu'il dit, *Plusieurs aussi à cause que*
cete chaleur est prochaine des excres-
mens ou affaissemens, sont empeschez
& surprins des maladies de folie, ou
biē bouillent & sont échaufez de l'in-
stin & furieux: à raison de quoy ils de-
uiennent sibilles & prophetes & ceux
que lon cuide estre inspirez de l'ora-
cle diuin, ven que cela aduient nō par
maladie, mais par vne naturelle intē-
perature. Le poete Marc citoyē de Sy-
racusa estoit meilleur poète lors qu'il
estoit aliené de son esprit. Ceux qui
ont cete chaleur lasche & modérée,
sont entierement melancholiques,

fol la sa-
pience. Ec-
clesiast sha-
pit. 22.

Les Sibil mais beaucoup plus sages. Aristote
les admises confesse apertement, que pour la
par l'eglise demesuree & extreme chaleur du
se Catholi- cerueau, plusieurs hommes con-
que auoiēt gnoissent les choses à venir, cōme
ceste dispo- les Sibiles: ce qu'il dit ne proceder
sition natu- à raisō de la maladie, mais de l'in-
relle que egalité de la chaleur naturelle:
dit Aristote : & par ce qu'il prouue par l'exemple de
dessus, l'e- Marc Siracusain, q̄ estoit merueil
sprit pro- leux en son poeme, lors que pour
phetique la trop grāde chaleur du cerueau,
de Dieu, il estoit hors de soy, & quand cete
 chaleur se venoit à moderer, il per-
 doit cete industrie: mais il demeu-
 roit plus prudent & plus sage: de
 maniere que non seulement Ari-
 stote admet, pour cause principal-
 le de ces estranges cas, le tempera-
 mēt du cerueau, mais aussi reprēd
 ceux là qui disent, que c'est vne re-
 uelation diuine & nō pas vne cho-
 se naturelle. Hippocrate fut le pre-
 mier

au premier
 liure des
 prognost. 7.

mier qui appella ces choses mer-
 ueilleuses, diuinitez, s'il y a quelque
 chose de diuines maladies, elle demõ-
 stre la prouidẽce diuine. Par laquelle *Quand les*
 sentẽce, il en charge aux medecins *malades ti-*
 de prendre garde, sur ce, aux pro- *ennent pro-*
 pos que tiendront les malades, à *pos diuins,*
 fin d'auiser ce qu'ils ont à faire. *c'est signe*
 Mais ce qui plus me rẽd émerueil *que l'ame*
 lé est que demãdant à Platõ d'où *raisonnable*
 viẽt que de deux enfans d'un mes- *est desir*
 me pere, l'un sçait faire des vers *de l'ice du*
 (sans que personne luy ait ensei- *corps et par*
 gné) & l'autre trauaillant en l'art *ainsi nul*
 de poesie, ne les peut faire, il res- *n'echape.*
 pond que celuy qui est nay poète,
 est inspiré de la fureur poëtique,
 & l'autre nõ. Parquoy Aristote ha
 eu raisõ de le reprẽdre, pouuãt biẽ
 rapporter cela au tẽperamẽt, com-
 me autres fois il ha fait. Quãt à ce
 que le frenetique parle en latin,
 sans l'auoir aprins, cela mõstre la

consonance qu'il y a de la langue latine avec l'ame raisonnable : & comme nous prouuerôs cy apres, il y a vn esprit particulier & propre, pour inuenter les langues, & font les vocables latins & manieres de parler en cete langue, tant conuenables & raisonnables au sens de l'ouye, que l'ame raisonnable trouuant le temperament necessaire pour inuenter vne langue fort elegante rencontre incontinent la latine & se plaist en icelle. Voire mesme est il facile à entendre que deux inuêteurs de l'âgues peuvent inuenter mesmes vocables, ayâs tous deux mesme esprit & habilité, si l'on vient à considerer que comme Dieu crea Adam, & mit toutes choses deuant luy, à fin de leur donner le nom qu'elles deuoient auoir, s'il en eust formé vn autre de mesme perfection &

grace

grace supernaturelle, & que Dieu
 meſme luy euſt enioin& de don-
 ner nom à toutes choſes, il eſt cer-
 tain & ne faut faire doute aucun,
 que les noms qu'il leur euſt donné,
 n'euffent t'écôtré avec ceux là d'A-
 dam, pource que tous deux auoiét
 à regarder à la nature de la choſe,
 qui n'eſtoit qu'une. De ceſte ma-
 niere, le phrenetique peut rencon-
 trer avec la langue Latine, & par-
 ler Latin ſans l'auoir appris, eſtât
 en ſanté: pource que ſe changeât,
 à cauſe de la maladie, le tempera-
 ment naturel de ſon cerueau, il le
 peut faire ny plus ny moins que ce
 luy qui inuenta la langue Latine,
 & peut former côme les meſmes
 vocables (non pas avec telle di-
 ſpoſition & elegance continuée)
 car c'eſt vn ſigne que le diable fait
 mouuoir ſa langue, comme l'egli-
 ſe enſeigne à ſes exorcistes. *Aristo- 11. ſect. pro
 ble. 27.*

te dit que cela meſme eſt aduenu à aucuns enfans, qui en naiſſant, ont dit quelques expreſſes parolles, que depuis ils ont tenës, & reprend les philoſophes vulgaires de ſon temps, leſquels ſignorans la cauſe naturelle de ceſt eſſect, l'attribuent au Diable. Toutesſois il n'a peu trouuer la raiſon pour laquelle les enfans peuuent parler auſſi toſt qu'ils ſont naiz, & pourquoy ils ne diſent rien en après, combié que, ſur ce, il ait dit maintes choſes. Mais il ne luy entra iamais en l'entendement que ce fuſt inuention du diable, ny eſſect ſurnaturel, côme penſent les philoſophes vulgaires, leſquels ne pouans comprendre la raiſon des choſes hautes & ſubtiles qui concernent la philoſophie naturelle, font entendre à ceux qui ne ſçauent gueres, que Dieu ou le diable ſont auteurs des eſſects

effects rares & prodigieux, pource
 qu'ils ignorent les causes naturel-
 les d'iceux. Les enfans qui sont en- *Pourquoy*
 gendrez de semence froide & sei- *les enfans*
 che, cōme sont les enfans que l'on *parlēt aussi*
 ha en vieillesse, peu de iours & *toſt qu'ils*
 mois apres qu'ils sont naiz, cōmā *sont naiz.*
 cent à discourir & à philosopher:
 pource que le temperament froid
 & sec (comme nous prouuerōs cy
 apres) est fort approprié aux œu-
 ures de l'ame raisonnable, de ma-
 niere que la soudaine temperature
 du cerueau suplee à ce que deuoit
 faire la lōgueur du temps: & pour
 plusieurs raisons est hastee & com-
 me anticipée ceste soudaine tēpe-
 rature. Aristote fait mention d'au- *II. ſect. pro*
 tres enfans, qui commencerent à *ble. 27.*
 parler aussi toſt qu'ils furent naiz,
 & depuis ſe teurent, tout le temps
 qu'ils n'eurent l'âge ordinaire &
 conuenable, pour parler: & cest

effect conuient à ce que nous auõs dit du page, & des autres maniaques & frenetiques, & mēmes se peut rapporter à ce que nous auõs dit de celuy qui parla incontinent Latin, sans l'auoir aprins en santé. Au demourant on ne sçautroit nier que les enfans, estans au ventre de leur mere, & aussi tost qu'ils naissent, ne puissent souffrir ceste mēme infirmité. Quāt au deuinemēt de la femme frenetique, i'en pourray mieux donner à entendre la raison à Cicero, qu'à ces philosophes naturels : car Cicero dechi-

*An liure,
de Diuina
tione.*

*pelle Animal pouruoyant, caut, sage:
de mainte sorte, d'esprit, ayant me-
moire, plain de raison & de conseil.*

*Ceux qui
par le vice
de la santé
ont esté &*

Et dit particulièrement qu'il y a vn naturel d'hommes qui surpassent les autres en la congnoissance de ce de ce qui est à venir. Il y a, dit-il,

une certaine force & nature qui an- sont dits
nonce les choses à venir &c. Les phi- melancoli-
 losophes naturels errêt en ce que ques, ont
 ils ne cōsiderent pas, comme fait en leurs es-
 Plato, quel l'homme ha esté fait à prits quel-
 la semblance de Dieu: qu'il parti- que divini-
 cipe de sa diuine prouidence, & té & pro-
 qu'il ha les puissances pour con- phetic, Ci-
 gnoistre toutes les trois differēces cero du de-
 de temps: memoire pour le païsé: uinement.
 les sens, pour le present: imagina-
 tion & entédement pour l'auenir.
 Et comme se trouuent aucuns hō-
 mes surpassans les autres en la me-
 moire des choses passées: & autres,
 en la cōgnoissance des presentes:
 ainsi se trouuent plusieurs qui na-
 turellement sont plus habiles que
 les autres à imaginer ce qui est à
 venir. L'vn des plus grans argu- Argumens
 mens qui ont contraint Cicero de principal
 croire q l'ame raisonnable estoit de Cicero
 incorruptible, ha esté de voir de pour prou-
uer que l'a-
me est in-
corrupti-
ble.
 quelle

quelle certitude les malades di-
 soyent les choses à venir, special-
 lement estans proches de la mort.
 Mais la differéce qu'il y a entre l'e-
 sprit profetique & l'esprit naturel,
 est que ce q̄ Dieu a dit par la bou-
 che des Prophetes est infallible,
 pource que c'est sa parole expres-
 se: & ce que l'homme predit par la
 force de l'imaginatiue n'a pas ce-
 ste certitude. Ceux qui disent que
 la femme frenetique découuroit
 les vertus & vices des personnes
 qui l'alloyent voir, par art diabo-
 lique, sçachent q̄ Dieu donne aux
 hommes certaine grace surnatu-
 relle, par laquelle ils peuuent sça-
 uoir & cōgnoistre quelles œures
 sont de Dieu, & quelles, du diable:
 & S. Paul la met entre les dons di-
 uins, & l'appelle, *Discretion d'e-*
sprits, par laquelle on congnoit si
 l'esprit qui nous vient toucher est
 bon

bon ou mauuais. Car le diable viét
souuent à nous, en apparence de
bon ange, pour nous tromper : au
moyen dequoy auons nous bié be
soin de ceste grace & don superna
turel, pour le cõgnoistre & discer
ner, du bon. Ceux là qui n'ont pas
l'esprit propre à la philosophie na
turelle, sont les plus éloignez de
ceste grace, pource que cestescien
ce & la furnaturelle que Dieu dô
ne tombét en vne mesme puissan
ce, qui est l'entendement : s'il est
vray que, pour la plus part, Dieu
s'accommode à departir ses gra
ces, au bon naturel de chacũ, com
me il a esté dit. Estant Iacob à l'ar- *Gen. chap.*
ticle de la mort (temps où l'ame *49.*
raisonnable est la plus libre, pour
voir ce qui est à venir) tous ses
douze fils entrerét en sa chambre
pour le voir, & annonça à chacun
particulièrement ses vertuz & vi
ces.

ces, & prophetisa ce qui leur de-
 uoit auenir & à leurs nepueux pa-
 reillement. Il est certain qu'il fit
 cela en l'esprit de Dieu : mais si
 l'écriture sainte & nostre foy ne
 le nous certifioyent, comment ces
 philosophes naturels congnoi-
 stroyent ils que c'estoit là œuvre
 de Dieu, & œuvre du diable ce que
 faisoit la femme frenetique qui de
 claroit les vices & vertus à ceux
 qui l'alloyent voir, veu que ce fait
 est semblable en partie, à celuy de
 Iacob? Ils pensent que la nature de
 l'ame raisonnable est fort élon-
 gnee de celle du diable, & que les
 puissances d'icelle, qui sont l'entē-
 demēt, l'imaginatiue & la memo-
 re, sont d'autre genre fort differēt:
 & sont enseignez par ce que si l'a-
 me raisonnable informe vn corps
 biē organisé, comme estoit celuy
 d'Adam, elle sçait vn peu moins
 que

que le plus aduisé diable qui soit : & hors du corps , est pourueü de puissances aussi hautes qu'il sçau-
roit estre. Et si les diables trouuēt
ce qui est à venir, en coniecturant
& discourant par aucuns signes,
l'ame raisonnable en peut autant
faire, quād elle se deliure du corps,
ou qu'elle ha cete differēce de tem-
perament , qui est propre pour la
prouidēce. Parquoy est il aussi dif-
ficile à l'entendement de trouuer
comme le diable peut sçauoir ces
choses tant hautes & cachees, que
d'en atribuer la cōgnoissance à l'a-
me raisonnable. Il ne leur peut en-
trer en l'entendement qu'il y ait si-
gnes és choses naturelles, par les-
quels on puisse congnoistre ce qui
est à venir : & ie dy q se treuēt in-
dices pour congnoistre le passé, &
le présent & cōiecturer l'aduenir,
& aussi pour coniecturer quelques
secrets

Aux Ro- secrets du ciel. *Les choses inuisibles*
maines, cha d'iceluy, sont entendues de la creature
pitre.1. du mode par les choses qui sont faites.

Celuy qui aura puissance à cest effect, le trouuera : & l'autre sera tel que dit Homere, L'ignorant entend le passé & non pas l'aduenir :

L'homme mais celuy qui est auisé & discret
auisé & di est le Singe de Dieu, qui l'imite en
cret, singe plusieurs choses : & combien qu'il
de Dieu. ne le puisse faire avec telle perfection, si est ce qu'il ha quelque semblance à le retirer & contrefaire.

*Icy est demonst*ré & prouué que de
trois seules qualitez, chaleur, humi
dité & siccité, prouiennent toutes
les differences d'esprits qui se trou-
uent en l'homme.

C H A P. V.



L S T A N T au corps l'a-
 me raisonnable, il est
 impossible qu'elle puis-
 se faire œuures cōtrai-
 res &.

res & differentes, ayât son propre & particulier instrumēt pour chacune d'icelles. Cela se voit clairement en la faculté de l'animal, laquelle exerce œuures diuerses és sens extérieurs, pource que chacū ha sa particuliere & propre composition. Les yeux en ont vne: l'ouye, vne autre: le goust; vne autre: le sentir ou flairer vne autre: le toucher vne autre. Car sans cela, ne se trouueroit qu'une sorte d'œuure: le tout consisteroit ou en la veüe, ou au goust, ou au toucher: pource que l'instrument determine & mesure la puissance, à vne action ou œuure seulement & non pas à plusieurs. Estant donc clair & manifeste ce que i'ay dit de ceste faculté qui passe és sens extérieurs, nous pourrons recueillir de là ce qu'il y a és sens intérieurs. Par ceste mesme vertu de l'ani-

mal, ou animale, nous entendons, nous imaginons, & auons souuenance. Mais s'il est vray, que chacune œuure, requiere son instrument particulier, il faut dire necessairement qu'il y a dedans le cerueau, vn instrument pour entēdre: vn autre, pour imaginer: & vn autre, pour la memoire: car si le cerueau estoit entierement composé & organisé d'une mesme maniere, le tout cōsisteroit, ou en la memoire, ou en l'entendement, ou en l'imaginatiō: & toutesfois nous y remarquons & voyons des œuures fort differentes, au moyen dequoy il est force d'auouër qu'il y a diuersité d'instrumens. Mais si l'on ouure la teste, & que lon fasse anatomie ou dissection du cerueau, on trouuera que le tout est composé d'une mesme substance, sans diuersité de parties: seulement s'y trou

trouuent quatre petits lieux, lesquels estans bien regardez, sont faits & composez d'une meſme ſorte, ſans auoir aucune choſe en quoy ils poiſſent differer. Il n'eſt pas aiſé d'acertener de quoy ils ſeruent en la teſte, pource que Galen & les Anatomistes, tant modernes qu'anciens, ſe ſont efforcez de trouuer le vray vſage d'iceux: mais il n'y a pas vn qui ait dit certainement ny en particulier de quoy ſert le ventricule droit, ny le ſeñestre, ny celuy qui eſt au milieu, ny le quatrieſme duquel le ſiege eſt au petit cerueau, en la partie de derriere de la teſte: ils ont ſeulement affirmé, avec crainte & doute encores, que ces quatre cauitez eſtoient les lieux es-

*Au liure
huitieme
des decrets
d' Hipp. &
de Pla. &
au liure 8.
de l'vſage
des parties.*

mouuemēt à toutes les parties du corps. Auq̃l œuure Galen a dit vne fois que le vētricule du milieu est le plus excellent & le premier : & en vn autre endroit, il pense que celui de derriere est de plus grande efficace & valeur. Mais ceste doctrine n'est pas veritable, ny fondee en bonne philosophie naturelle, pource que ne se trouuent au corps humain, deux operatiōs tant cōtraires ne qui s'empeschēt tant cōme l'arraisonnement & la cōcoctiō des viādes & alimēts : la raison est, que la contemplation demande repos, trāquilité & clarté es esprits animaux : là où la cōcoctiō se fait aūec bruit & tempeste : de laquelle operation s'eleuent plusieurs vapeurs qui detourbent & obscurcissent les esprits animaux, de maniere que l'ame raisonnable ne peut voir les figures
des

*Livre 4
des decrets
d'Hipp. &
de Plat. &
au livre 8.
de l'vsage
des parties*

des choses. Et puis, la nature n'estoit pas si mal aduisee q̄ d'assembler en vn mesme lieu, deux choses, qui se font avec vne si grande repugnance & contrarieté. Ains *Au Dialogue de la nature.* Platon louë grandement la prudence & le sçauoir dont elle nous a formez, d'auoir, par vne si grande distance, separé le foye du cerueau, de peur que par le bruit qui se fait en la mixtion des alimens, & par l'obscurité & tenebres qui causent les vapeurs es esprits animaux, l'ame raisonnable ne fust empeschée à raisonner & faire ses discours. Mais sans que Platon nous note cete philosophie, nous le voyons à toute heure par experience, en ce que nonobstant que le foye & l'estomac soyent fort éloignez du cerueau, quand l'on acheue de manger, & bonne piece apres, il n'y a hōme qui puisse estu-

dier. La verité qui se trouue en ce poinct est, Que l'office & propriete du quatrieme ventricule est de cuire & chager les esprits vitaulx & les conuertires animaux, à la fin que nous auons dit. Et pour ceste cause nature l'a ainsi separé des trois autres, & l'a mis à part, elongné commel'on voit, de peur que par l'operation d'iceluy, la cõtemplation des autres ne fust empeschee. Car quant aux trois petis lieux ou ventres de deuât, ie croy que Nature les ha faits pour discourir & philosopher: ce qui se prouue clairement, par ce que es grands estudes & contemplatiõs, tousiours fait mal la partie de la teste qui respond à ces trois concauitez. La force de cest argumēt se cognoist en considerant que les autres puissances estans lasses d'exercer leur office, tousiours deul-

lent

lent & font mal les instrumens, avec lesquels elles se font exercees: comme à regader trop & excessiuellement, les yeux font mal, & à cheminer trop, les plantes des pieds nous deulent. La difficulté est maintenant de sçauoir auquel de ces petis ventres consistel'entendement: auquel la memoire, & auquel l'imaginatiõ, pource qu'ils sont tant proches & voisins que l'on ne sçauroit distinguer ny cognoistre cela, par le susdit argument, ny par aucun autre indice. Ceneantmoins, considerans que l'entendement ne peut faire son office, sans que la memoire soit presente, laquelle luy monstre & offre les figures & phantasies, suyuant cecy d'Aristote, *Il faut que* *En liure*
celuy qui entend contemple les phan- *3. de l'A-*
tasies, ny la memoire, sans estre as- *me.*
sistee de l'imaginatiõ, ainsi qu'il-

leurs nous l'auons déclaré, nous
 entendrons aisément que toutes
 les trois puissances sont iointes &
 assemblees en chacun lieu ou ven-
 tricule: q̃ l'entendement seul n'est
 en vn, ny la memoire seule en vn
 autre, ny l'imagination, au troisie-
 me, comme les Philosophes vul-
 gaires ont pensé. Ceste conion-
 ction & assemblee de vertuz &
 puissances ha coustume de se faire
 au corps humain, quand l'vne ne
 peut exercer son office, sans l'aide
 de l'autre, cōme l'on void es qua-
 tre vertuz naturelles, de Cuire, de
 Retenir, de Tirer, de Repousser
 ou reietter, lesquelles pour estre
 necessaires les vnes aux autres, ont
 esté par nature assemblees en vn
 lieu, & non pas separees l'vne de
 l'autre. Mais si cela est vray, à quel
 propos nature a elle fait trois pe-
 tits ventres, & en chacun d'iceux
 assemblé

assemblé toutes les trois puissances raisonnables, puis que c'estoit assez d'un pour entendre, & faire l'office de la memoire ? On peut respōdre à cela, que la mesme difficulté est de sçauoir pourquoy nature ha fait deux yeux, & deux oreilles, puis qu'en chacune de ces choses là gist la puissance de voir & d'ouir, & que l'ō peut voir d'un œil tant seulement ? Aquoy l'on peut respondre que les puissances sont ordonnees & establies pour la perfection de la creature, & que ceste perfection est d'autant plus certaine & asseuree qu'elle est appuyee de plus grand nombre d'icelles : pource que l'une ou deux, par quelque accident, peuuent de faillir, & est bon & conuenable qu'autres demourēt de mesme sorte, pour l'operatiō. En la maladie *Exemple* que les medecins appellent reso-

lution ou paralysie, ordinairement se perd l'operation ou œuvre du ventricule respondant à la partie malade, de maniere que si les autres deux ne demeuroyent en leur entier & sans lesion, l'homme seroit fol & priué de iugement: & neantmoins, pour ce qu'il ha faute d'un seul ventricule, on le voit & remarque fort lasche & debilité en l'exercice de l'entendement, de l'imagination & de la memoire: comme celuy qui ha accoustumé voir de deux yeux, sentiroit grand perte & detrimement à la veüe, si on luy en creuoit vn. Au moyen de quoy peut l'on entendre clairement qu'en chacun ventricule se trouuent toutes les trois puissances, puis que par la lesiõ d'une, toutes les trois sont debilitées. Et attendu que tous les trois ventricules sont compolez d'une mesme sorte,

sorte, & qu'en iceux ne se trouue
 aucune diuersité de parties, nous
 ne pouuons laisser de prédre pour
 instrument les premieres qualitez
 & faire autant de differences prin-
 cipalles d'esprit, qu'il y a, d'icelles.
 Car de penser que l'ame raisonna-
 ble, estant au corps, puisse exercer
 son œuvre, sans instrument corpo-
 rel, qui luy ayde, c'est contre toute
 la philosophie naturelle. Mais des
 quatre qualitez qui se trouuent,
 la chaleur, froideur, humidité &
 siccité, tous les medecins reiet-
 tent la froideur, comme inutile
 à toutes les œuvres de l'ame rai-
 sonnable: & ainsi se voit par expe-
 rièce en toutes les autres facultez,
 que quand elle surpasse la chaleur,
 toutes les puissances de l'homme
 sont lentes & tardifues à leur offi-
 ce, de maniere que l'estomac ne
 peut cuire la viande: les couillons
 faire

faire leur semence: les muscles, biē demener le corps, ny le cerueau discourir & raisonner: & pour ce-

*Au liure, 1^{re} cause Galen a dit, que la froi-
Quod ani-
mi mores,
chap. 5.* deur nuit apertement à tous les of-
fices de l'ame: comme s'il vouloit
dire, qu'elle ne sert au corps, que

*Au liure
2. de parti.
ani, cha. 4.*

de temperer la chaleur naturelle,
& faire qu'elle ne brusle pas tant:
mais Aristote est d'opinion con-
traire, disant que le gros sang &
chaud rend l'homme fort & puis-
sant: & que le délié & froid, le fait
de bon entendement. Au moyen

*14. section,
proble. 15.*

dequoy peut on voir apertement
que de la froideur prouiēt la plus
grande difference d'esprit qui soit
en l'homme, à sçauoir l'entende-
ment. Aristote demande aussi pour-
quoy les hommes qui demourent
en païs chauds, comme l'Ægypte,
sont plus ingenieux & aduisez, que
ceux là qui demourēt en païs froid?

Aquoy

Aquoy il respond que l'excessiue chaleur du païs gaste & consomme la chaleur naturelle du cerueau, & le rend froid, au moyen dequoy, les hommes deuiennent fort raisonnables. Et au contraire la grande froideur de l'air, fortifie la chaleur naturelle du cerueau, & ne permet pas qu'elle sorte & perisse: & ainsi ceux qui ont le cerueau fort chaud (dit il) ne peuvent discoutir ny philosopher, ains se voyent inconstans & instables en vne opinion. Aquoy il semble que Galen fasse allusion, disant q l'hō- me est muable, pource qu'il ha le cerueau fort chaud: & au contraire, qu'il est ferme & stable en son opinion, à cause du cerueau qu'il ha froid. Mais la verité est que de ceste qualité ne prouient aucune difference d'esprit, de maniere, qu'Aristote n'a voulu dire que le sang

*An livre
de l'art
med. ch. 12.*

sang froid en extremité fasse l'en-
 tendement meilleur, si au moins
 il n'est chaud. Il est bien vray que
 l'inconstance de l'homme proce-
 de d'une trop grande chaleur, la-
 quelle eleue les figures qui sont au
 cerueau, & les fait bouillir: à rai-
 son dequoy se representent à l'a-
 me plusieurs images des choses,
 quil appellent & inuitent à la cō-
 tēplatiō d'icelles: & pour iouir de
 toutes, elle laisse les vnes, & prēd
 les autres. Il aduient autrement
 de la froideur, laquelle rend l'hō-
 me ferme & stable en vne opiniō
 pour ce qu'elle tient les figures re-
 serrees de maniere qu'elle ne les
 permet s'eleuer: ce qui se fait pour
 ce que ne se presente à l'hom-
 me autre image quil appelle. La
 froideur est de ceste nature qu'elle
 empesche les mouuemens, non
 seulement des choses corporelles,

mais aussi rend les figures & especes que les philosophes appellent spirituelles, immobiles au cerueau & ceste fermeté & demeure semble plustost vne setardise & endormissement que difference d'esprit & habilité. Il est vray qu'il y a vne autre difference de fermeté qui vient de l'entendement bien cōpris & non pas de la froideur du cerueau. En après, la siccité, humidité & chaleur demourent pour instrument de la faculté raisonnable. Mais il n'y a pas vn philosophe qui sache dōner certainemēt à chacune difference d'esprit, la sienne. Heraclite a dit, *Splendor siccus, animus sapientissimus*, que l'esprit tres-adiuisé est vne splendeur seche. Par laquelle opinion & sentence nous est donné à entendre que la siccité est cause de la grande prudence & sçauoir de l'homme.

Galen le recite au liure, Quod animi mores. chap. 5.

*Au dialo-
logue de la
nature.*

ma: mais il n'a pas déclaré en quel genre de sçauoir l'homme est excellent, par le moyen de ceste siccité. Platon ha entendu cela mesme, quand il ha dit, que l'ame entre au corps, tressage: mais que la grâde humidité qu'elle trouue en iceluy, la rend endormie & ignorante. Toutesfois ceste humidité venant à se perdre & consommer, avec l'âge, & le corps deuenât sec, l'ame decouure le sçauoir & prudence qu'elle auoit au parauant. Entre les bestes brutes (dit Aristote) celles la sont les plus aduisees qui tiennent, en leur tēperament, le plus de froideur & siccité, cōme les fourmis & abeilles, lesquelles en prudence conuiennent avec les hommes fort raisonnables. Outre plus, il n'y a pas vne beste brute qui tienne plus d'humidité que le pourceau, & qui ait moins d'esprit &

*Horace
pour men-*

& pour cete cause Pindare, pour *strer qu'il*
 taxer les Beociens d'ignorāce, les *lisse ne fut*
 appelle pourceaux, & fots, depour *pas igno-*
 ueuz de iugement, Galen dit aussi *rant, dit*
 que le sang, pour la trop grande *qu'il ne fut*
 humidité qu'il a, rend les hōmes *pas conuer*
 simples: & le mesme Galen recite *ty en pour-*
 que les comiques taxoient de cela *ceau.*
 les enfans d'Hippocrate, disans *Au Liure,*
 qu'ils auoient beaucoup de cha- *Quod ani-*
 leur naturelle, qui est vne substan- *mi mores,*
 ce humide & réplie de vapeurs. *chap. 6.*
 Les enfans des hommes sages doi *Au liure*
 uēt tenir de ce vice: de quoy ie dō- *de la natu-*
 neray cy apres la raison. Des qua- *re humaine*
 tre humeurs aussi que nous tenōs, *com. II.*
 ne s'en trouuera pas vn qui soit si
 froid & sec que la melancolie: &
 de fait, Aristote dit que tous les *En la 30.*
 hommes qui furent iamais signa- *sect. probl. I*
 lez es lettres, ont esté melancholi-
 ques. Finalement chacun accorde
 que la siccité red l'homme sage &

auisé: mais les philosophes ne de-
 clarent pas à laquelle des puis-
 sances & vertus raisonnables, elle
 sert le plus. Il n'y a que le prophete
 Esaie, qui luy impose nom, quand
 Chap. 28. il dit, *Vexatio dat intellectum*, pour
 ce que la tristesse & l'affliction ga-
 ste & consomme non seulement
 l'humidité du cerueau, mais aussi
 desseiche les os, au moyen de quoy
 l'entendement se fait plus subtil
 & aigu. Ce qui peut estre euidem-
 ment demonsté, en considerant
 plusieurs hommes lesquels reduits
 en pauureté & misere sont venuz
 à dire & escrire choses dignes d'ad-
 miration, & depuis ayans eu la for-
 tune prospere, & s'estans trouuez
 à leur aise ayans tout à souhait,
 n'ont rien dit ny escrit de bon: car
 la vie à souhait, le contentement,
 le bon succes & plaisir relasche &
 humecte fort le cerueau, côme dit
 Hippo

Hippocrate, *Gaudium relaxat cor*, 6. *epilep. p.*
 comme s'il vouloit dire, Le contē^{s. tom. 9.}
 tement & la lieſſe amplifie & dila
 te le cœur, & luy donne chaleur &
 l'engraiſſe. Ce qui eſt facile à prou
 uer vne autre fois : car ſi la triteſ
 ſe & l'affliction deſeiche & con
 ſomme la chair, & ſi pour cete rai
 ſon l'homme aquiert meilleur en
 tendement, il eſt certain que ſon
 contraire, qui eſt l'alegreſſe, doit
 humecter le cerueau & abaiſſer l'é
 tendemēt. Ceux là qui ſont douēz
 de cete maniere d'eſprit, & qui l'a
 querent, s'addonnent volontiers
 aux paſſetemps, aux feſtins & ban
 quetx, à la muſique, hantent les
 ioyeuſes cōpagnies & fuient au cō
 traire cequ'autresfois leur ſouloit
 donner plaſir & contentement.
 De là le vulgaire pourra ſçauoir
 d'où vient que l'homme ſage &
 vertueux ayant eſté pauvre, & mō

*Le cœur
 des ſages,
 où eſt la
 triſteſſe : le
 cœur des
 ſots, là où
 eſt la lieſſe,
 Eccle. ch. 7.*

tant en quelque grande dignité, change incontinent de mœurs & de manière de viure: ce qui aduiét pource qu'il a aquis vn nouveau temperament, humide & rendant plusieurs vapeurs, qui fait que se viennēt à effacer les figures qu'il auoit au precedent empraintes en la memoire, & son entendement s'appesantit & s'abastardit. Il est bien difficile de sçauoir quelle difference d'esprit peut proceder del'humidité, veu qu'elle contredit si fort à la faculté de la raison. Au moins, selon l'opinion de Galen, tous les humeurs de nostre corps, qui sont excessifs, font l'homme fol & ignorant: & partant a il dit ainsi, *Animi dexteritas & prudentia à bilioso humore proficiscitur: integritatis & constantia erit autor humor melancholicus: sanguis, simplicitatis & stupiditatis: pituita natura,*
ad mo-

*Au 1. liure
de la natu-
re humai-
ne, com. 11.*

ad morum cultum nihil facit, C'est à dire, La prudence & dexterité de l'amie raisonnable, ou de l'esprit vient de la colere: l'integrité & cōstance de l'homme prouient de l'humeur melancolic: la simplicité & stupidité, du sang: le flegme ou la pituite ne sert à rien qu'à faire dormir: de maniere que le sang, pource qu'il est humide, & le flaigme aident à ruiner & perdre la faculté de la raison: mais cela s'entend des facultés ou esprits raisonnables, discourans & actifs & non pas des passifs: comme est la memoire, laquelle depend de l'humidité, ainsi que l'entendement, de la siccité. Or appellons nous la memoire, puissance de la raison, pource que sans elle ne sert de riē l'entendement ny l'imagination. Elle donne à toutes matiere & fi-

gures, pour raisonner, suiuant le
Et pourtāt dire d'Aristote, Oportet intelligen-
Cicero de- *tem phantasmata speculari*, de ma-
finissant la niere q̄ le propre office de la me-
nature de moire est de garder ces figures &
l'esprit met moire est de garder ces figures &
la memoire fantasies, pour la contemplation
en sa desti- de l'entendement: & pourtant si
gnation. elle se perd, il est impossible que

les autres puissances puissent exer-
 cer leur office. Or que le deuoir
 de la memoire ne soit autre que
 de garder les figures des cho-
 ses, sans autre propre inuention,

An liure Galen le dit ainsi, *Ac memoriam*
de l'office *quidem recondere ac seruare in se ea*
du mede- *qua sensu & mente cognita fuerint,*
ch. com. 4. *quasi cellā quādam & receptaculum*
eorū, non inuentricem. Et estant là
 son office, on peut entendre clai-
 remēt, qu'elle depend de l'humidi-
 té, qui rend le cerueau mol, auquel
 la figure s'imprime, par estrainte.

Ce qui se peut euidemment prouuer par le moyen del'enfance: car en cest âgelà, l'homme ha meilleure memoire qu'en toutes les autres, pource qu'il ha le cerueau fort humide. Et pour ceste cause, Aristote demande pourquoy estàs *En la 30. sect. probl.* vieux, nous auons meilleur entendement, & estans ieunes nous ap-⁴ prenons plus viste & avec plus grâ de facilité: à quoy il respond que la memoire des vieilles gens est remplie de tant de figures des choses qu'ils ont veu & ouy, durant leur vie, qu'en icelle ne se trouue plus aucun lieu vuide, pour receuoir aucune chose; mais que celle des ieunes enfans, vn peu apres qu'ils sont nez est vuide & nō empeschee, à raison de quoy ils retiennent incontinent en leur memoire tout ce qu'on leur dit & enseigne. Ce qu'il nous donne à enten-

dre apertement , en comparant la memoire du matin avec celle du soir, & disant que nous apprenons mieux le matin, pource qu'à ceste heure là, la memoire semble deschargée & vuide , mais au soir elle est plaine des choses qui se sont passees le iour, entre nous. Aristote ne peut pas bien respondre à ce probleme, pource que les especes & figures qui sont en la memoire, n'ont ny corps ny quantité, de maniere qu'elles ne peuvent tenir place: voire mesmes voyons nous par experience, que plus la memoire s'exerce, receuant chacun iour, nouuelles figures, & plus elle deuient grande. Selon ma doctrine, ie donneroy ceste response, & diroy que les vieilles gens ont bon entendement , pource qu'ils sont fort secs: & qu'ils n'ont point de memoire; pource qu'ils n'ont

n'ont gueres d'humidité. A raison dequoy s'endurcit la substance du cerueau, de maniere qu'elle ne peut receuoir l'impression des figures ny plus ny moins que la cire dure malaisement peut receuoir la figure du seau, & la molle la reçoit si facilement. Il auient au contraire és ieunes gens lesquels pour l'abondance de l'humidité de cerueau, sont depourueuz d'entendement, & ont bonne memoire, à cause de la douceur & mollesse du cerueau, auquel aisément s'impriment les especes & figures qui viennent de dehors, par le moyen de l'humidité. Que la memoire soit meilleure le matin que le soir, on ne le peut nier : mais ce n'est pas pour la raison qu'Aristote met en auant : le somme de la nuit en est cause, lequel humecte & fortifie le cerueau, que la veille de tout

le iour desseiche & endurecit. Et

Au 5. A. phor. com. 26. pour ceste cause Hippocrate dit, Que ceux là qui ont soif de nuict,

font bien si s'endormēt là dessus, & que la soif les laisse, d'autāt que le dormir humecte le corps & fortifie toutes les facultez qui gouvernent l'homme. Que le somme

En la 4. se. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. produise cest effect, Aristote m'es-

s'en suit clairement que l'entendement & la memoire sont puissances opposees & contraires, de maniere que l'homme pourueu d'une grāde memoire, doit auoir faute d'entendement: & celuy au contraire qui est prouueu de grād entendement, ne peut auoir bonne memoire, pource qu'il est impossible que le cerueau soit sec & hu-

An liure de la memoire & de la miniscro. mide tout ensemble. Aristote se fonde en ce maxime, pour prouuer que la memoire est puissance

disse

differente de la reminiscence & souuenance: car il forme son argument en ceste maniere, Ceux qui ont grande souuenance & reminiscence sont hommes de grand esprit, & ceux qui ont bonne memoire sont depourueuz d'entendement: & pourtant la memoire & la reminiscence sont puissances contraires. La maieur, selon ma doctrine, est fausse, pource q̃ ceux là qui ont grande reminiscēce ou souuenance, ont faute d'entendement, & sont pourueuz d'une grande imagination, comme ie prouueray bien tost: mais la mineur est veritable, combien qu'Arístote n'ait trouué la raison sur laquelle est fondee l'inimitié qui est entre l'entédement & la memoire. L'imagination, prouient de la chaleur qui est la troisieme qualité, pource qu'il n'y a au cerueau au-

tre puissance raisonnable ny autre qualité qu'on luy peult dōner, attendu que les sciences qui appartiennent à l'imagination, sont celles que disent ceux qui radottiēt & sont transportez en la maladie, & non pas celles qui appartiennent à l'entendement & memoire. Et veu que la frenesie, la manie & la melancholie sont passions chaudes du cerueau, par cest argument on peut prouuer que l'imaginatiō cōsiste en la chaleur. Il n'y a qu'une chose en quoy ie trouue difficulté: c'est que l'imagination est contraire à l'entēdement, & aussi à la memoire: dequoy la raison ne se peut donner par l'experience, pource qu'une grande chaleur & siccité se peuuent bien assembler au cerueau: cōme aussi la chaleur & humidité en degré d'intēfion ou force: & pour ceste cause, l'homme

me peut auoir grand entendement, & grãde imagination: grande memoire, avec vne grande imagination: & certainement est ce vne chose merueilleuse de trouuer vn homme de grande imagination, ayant bon entendement & memoire. La cause de cela est que l'entendement a besoin que le cerueau soit composé de parties subtiles & fort delicates, comme ailleurs nous l'auons prouué, de Galien. La grande chaleur gaste & cōsomme le plus delicat, & laisse le gros & terrestre. Par la mesme raison, la bonne imagination ne se peut assembler, avec beaucoup de memoire, pource que la chaleur excessiue resoult l'humidité du cerueau, & le laisse dur & sec: au moyen dequoy, il ne peut facilement receuoir les figures. Ainsi ne se trouuēt en l'homme plus de

*Au liure
de l'art me-
dic. cha. 12.*

*Tout ce qui
est intēperé
ne peut lon-
guemēt du-
rer. Galien
liure 6. de
la cōserua-
tion de san-
té.*

trois principales differences d'esprit, pource que ne se trouuét que trois qualitez d'où elles peuuent venir: Mais dessous ces trois generalles differéces sont cōtenues plusieurs autres particulieres, à raison des degrez ou force d'intésion que peuuent auoir la chaleur, l'humidité & la siccité. Toutesfois ne faut entédre que de chacun degré de ces trois qualitez, resulte & prouiéne vne differéce d'esprit, pource que la siccité, la chaleur, & l'humidité peuuent venir à tel poinct, & estre telles, qu'entierement la faculté animale en est interessée, suyuant ceste sentence de Galen,

Au 2. des Aphorif. com. 20. *Omnis immodica intemperies, vires exoluit.* Tout ce qui est trop intemperé resoult & anichille les forces: ce qui est vne chose certaine: car combien quel'entédement se serue de la siccité, elle peut neantmoins

moins estre si grande, qu'elle consume les œuvres. Ce q̄ n'approuue Galen, ny les philosophes anciens: qui affirment q̄ si le cerueau des vieilles gēs ne se refroidissoit, *Au liure, Quod animalis motus, chap. 5.* jamais ils ne deuiēdroyēt caducs, bien qu'ils se fussent rédus secs au quatriesme degré. Mais ils n'ont point de raison en cela, pour ce q̄ nous prouuerons en l'imaginatiō: car combiē que les œuvres se fassent avec chaleur, passant le troisieme degré, elle cōmance incōtinent à se perdre & ruiner: autāt en aduient de la memoire, au moyen d'vne trop grande humidité. Je ne peux dire maintenant en particulier cōbien de differences d'esprit prouiēnent à raison de l'intēsiō & force de chacune de ces trois qualitez, iusqu'à tant que cy apres, nous veniōs à deduire & raconter toutes les œuvres & actiōs de l'entende

entendemēt, de l'imaginatiō & de la
 memoire: ce pendāt il faut ſçauoir
 qu'il y a trois principalles œuures
 de l'entendemēt. La premiere eſt,
 inferer: l'autre, diſtinguer: & la
 troiſieſme, elire. Et de là ſe font &
 eſtabliffent trois differences d'en
 tendement. La memoire ſe diuiſe
 en trois autres, qu'elle reçoit faci
 lemēt, & les oublie auſſi toſt. L'au
 tre tarde à perceuoir & retiēt lōg
 tēps. La troiſieſme reçoit avec fa
 cilité & tarde beaucoup à oublier.
 L'imagination cōprend beaucoup
 plus de differences: car elle a les
 trois comme l'entendement & la
 memoire, & de chacū degré reſul
 tēt & procedēt trois autres. Nous
 en parlerons cy apres plus diſtin
 ctement, quand nous donnerons
 à chacune la ſciēce qui luy reſpōd
 en particulier. Mais celuy qui vou
 dra conſiderer trois autres diffe
 rences

rences d'esprit, trouuera y auoir certaines habiletez en ceux qui estudient: les vnes, naturellement disposees aux cōtemplations claires & faciles, de l'art qu'ils apprennent: mais quand ils sont mis aux obscures, hautes & difficiles, c'est en vain que le maistre en traite: en vain l'on tasche de les représenter par bons exemples, ou d'en comprendre vne autre figure, par le moyen de l'imagination, pource qu'ils ne peuvent cōprendre cela. En ce degré sont constituez tous les mauuais lettrez de quelque faculté que soit, lesquels enquis des choses faciles de leur art, disent tout ce qui se peut entendre: mais estans venuz aux choses plus hautes & subtiles, disent mille absurditez. Autres esprits montent vn degré plus haut: car ils sont mols & faciles pour receuoir impres-

sion de toutes les reigles & considerations de l'art, claires, obscures, faciles & difficiles: mais la doctrine, l'argument, la responce, le doute & la distinction, leur doit donner beaucoup à faire. Ceux là

Liure 3. de l'Am. coup, auoir quantité de liures & estudier en iceux, sans cesser: car

De ces moins ils liront & trauailleront deux ma- & moins ils sçauront. De ceux là nieres d'es se peut auerer ceste sentence tant prise. *Aristote a dit, celebre d'Aristote, Intellectus noster est sicut tabula rasa, in qua nihil est depictum.* Nostre entendement est comme vn tableau vuide, auquel n'y a rien qui soit de peint. Il faut donc qu'ils entendēt premierement d'vn autre, tout ce qu'ils doyuent sçauoir & apprendre: car ils n'ont surce aucune inuention. Nature fait, au troisiēme degré

degré certains esprits tant parfaits, qu'ils n'ont besoin de maîtres qui les enseignent & leur montrent la maniere de philosopher : car d'une consideration en laquelle ils sont acheminez par le maître, ils en tirent cent, & sans dire mot, ils ont le cerueau plein de sçauoir. Ces esprits là tromperent Platon, & luy firent dire que nostre sçauoir est vne certaine maniere de reminiscence ou resouuenance, les entendans parler & dire ce, quin'entra onques en la consideration des hommes. A ceux là est permis escrire des liures, & aux autres, non : car l'ordre & moyen que l'on doit tenir, à ce que les sciences reçoient tous les iours accroissement & plus grande perfection, est d'assembler la nouuelle inuention de nous qui uiuons maintenant,

Galen dit que l'on imite les arts, & que l'on cōpose les liures, ou par le moyē de l'entendement, ou par la

memoire, avec ce que les anciens ont laissé
ou par l'i- par escrit, en leurs liures: car si cha
maginatio: cun faisoit cela en son temps, les
mais celuy arts viendroyent à croistre, & les
qui escrit, hommes qui viédront apres, ioui-
pourcequ'il roient de l'inuention & trauail
a memoire de ceux qui ont vescu premiere-
de plusieurs ment. La Republique ne deuroit
choses, ne pas permettre ny consentir que
peut rien tous les autres qui ont faute d'in-
dire de nou uention, escriussent liures, & les
ueau. Au fissent imprimer: car ils ne font au-
liure de l'of tre chose qu'un cercle des dictz &
fice du me- sentéces des auteurs graues, & ne
des.com. 4. font que repeter & redire: de ma-
 niere que prenant vne piece deçà,
 l'autre de là, il n'y a celuy q ne fas-
 se vn œuure. Les esprits inuêteurs,
 sont dits en langue Tos cane, tenir
 du capricce, c'est à dire d'une pro-
 te fantasie, pour la semblâce qu'ils
 ont avec la chieure, en leur aller
 & aduis. La chieure ne veut iamais
 chemi

cheminer par vn lieu plain, mais ^{spirit est fort}
 cherche tousiours les endroits ^{dangerense}
 hauts & montagneux: elle va ^{pour l'atheo}
 par lieux scabreux & dificiles, où ^{logie, à la-}
 n'apparoist aucun chemin, & ne ^{quelle doit}
 veut aller en cōpagnie. Telle pro- ^{estre propre}
 prieté se trouue en vne ame rai- ^{l'entende-}
 sonnable, prouueuë d'un cerueau ^{declare l'E}
 bien composé & temperé: iamais ^{glise Catho}
 elle ne s'arreste à contempler: elle ^{lique.}
 n'est iamais en repos: elle veut sca-
 uoir & entēdre choses nouuelles.
 De ceste maniere d'ame se verifie
 ce dit d'Hippocrate, *Anima deā-* 6. Epi. p. 5.
bulatio, cogitatio hominibus. Car on ^{com. 5.}
 trouue autres hommes qui ne sor-
 tent iamais d'une cōtemplation,
 & ne pensent point que l'on puis-
 se decouurir autre chose au mode.
 Ceux là ont la proprieté de la bre-
 bis, laquelle iamais ne se deuoye
 du chemin accoustumé, & n'ose
 cheminer par les lieux deserts: elle

ne va q̃ par les chemins cogneuz;
 & ne marche, sans que quelqu'un
 aille deuant. Ces deux differences
 & manieres d'esprit, sont fort or-
 dinaires entre les hommes de let-
 tres. Ils'en trouue qui sont hors
 de la commune opinion: qui iu-
 gent & traitent les choses d'une
 differente maniere, qui sont libres
 à donner leur aduis & ne suyuent

Ceste disc- personne. Autres se recueillent,
rence d'e- sont humbles, fort paisibles, se de-
sprit est bõ- fians d'eux mesmes, & se tenans à
ne pour la l'aduis d'un graue auteur, qu'ils
la theolo- ensuiuent, desquels ils tiennent les
gie: où il propos & sentēces pour vne scien-
font suivre ce & demonstration, & iugent va-
l'autorité nité & m'en songe ce qui est dit au
dinine, de- contraire. Ces deux manieres ou
claree par differences d'esprit estans iointes,
les saints seruent beaucoup: car ny plus ny
conciles, moins qu'en un grād troupeau de
par les S. brebis, les bergers ont accoustu-
docteurs. mé

mé de mettre vne douzaine de cheures, pour les mener & conduire promptement au pasturage nouveau & non encores trouué: ainsi est il conuenable de trouuer, es lettres humaines, certains esprits fantastiques & tenans du capricce pour decouurir aux entendemens arrestez & comme de brebis, nouueaux secrets de nature, & donner contemplations nouuelles, pour s'exercer en icelles: car par ceste maniere, les arts croissent, & les hommes deuiennent plus sçauans tous les iours.

Aucuns doutes & argumens contre la doctrine du precedent chapitre: & la responce à iceux.

CHAP. VI.



NE des raisons, pour laquelle la sagesse de Socrate a esté iusques au iourd'huy tant ce-

lebrée, est de ce que depuis qu'il fut iugé par l'oracle d'Apollon pour l'homme le plus sage du monde, il dist en ceste maniere, *Hoc unum scio, me nihil scire*. Je sçay vne seule chose, que ie ne sçay rien. Tous ceux qui ont leu & entendu ceste sentence, tiennent qu'elle ha esté dite, pource que Socrate estoit vn homme treshumble, ayât en mespris les choses humaines, portant honneur & respect aux diuines, & estimant toute autre chose de nulle valeur. Mais certainement ils sont trompés, car il n'y eut onques philosophe ancien, qui ait trouué ou aquis ceste vertu d'humilité, & mesme qui ait sceu que c'est, deuant la venue de Dieu, au mode, lequel nous l'a enseigné. Socrate ha bien voulu donner à entendre le peu de certitude qu'il y a aux sciences humaines, & combien est mobile

& temeraire l'entendement du philosophe, en tout ce qu'il sçait: voyant par experience que tout est plain de doutes & argumens, & que sans crainte de la partie contraire on ne peut cōsëntir à chose quelconque: & pour ceste cause a esté dit, *Cogitationes mortalium timida Sapiencia, & incerta prouidentia nostra.* Les chap. 9. pensees des hōmes timides & noz prouidences incertaines. Et celuy qui doit auoir la vraye science des choses, se doit tenir ferme & reposé, sans aucune crainte ou doute d'estre trompé: & le philosophe qui n'est tel peut veritablement dire & affirmer qu'il ne sçait rien. Galen eut ceste mesme consideration, quand il dist, *Scientia est conueniens, firma & nunquam à ratione declinans cognitio: eam neque apud philosophos presertim, dum rerum naturas perscrutantur inuenies, multo*

*Au liure
introduc
re, chap. 5.*

sanè minus in re medica, imò vt verbo expediam, ne ad homines quidem venit. Sciēce est vne cognoissance conuenable, ferme & laquelle iamaïs ne s'elonne de la raison: vous ne la trouuez es philosophes, quand principalement ils recherchent les natures des choses: encores moins en l'affaire de medecine, & pour le dire en vn mot, elle ne paruiēt aux hommes. Suiuant cela, l'homme ne peut auoir la vraye cognoissance des choses: il ne peut auoir qu'vne certaine maniere d'opinion, qui le tient incertain & craintiffans aucunē resolutiō de ce qu'il doit croire ou faire. Mais ce que principalement Galen note en cecy, est que la philosophie & la medecine sont les sciences les plus incertaines, qu'ayēt les hommes. Et si cela est vray, que dirons nous de la philosophie

sophie que nous traitons, en laquelle se fait, par l'entendement, anatomie de chose tât obscure & difficile, comme sont les puissances & habilités de l'ame raisonnable: en laquelle matiere s'offrent tant de doutes & argumens, qu'il n'y a rien surquoy on se puisse fonder & arrester. Vne desquelles & la plus principale, est que nous auons fait à l'entendement vne puissance instrumentalle (comme à l'imagination & à la memoire) & l'auons donné au cerueau, avec siccité, pour instrument, duquel il puisse exercer son office: chose fort éloignée de la doctrine d'Aristote & de tous ses sectateurs, lesquels (côstituant l'entendement séparé de l'organe corporel) prouoyent facilement que l'ame raisonnable estoit immortelle, & qu'estant sortie du corps, elle dure à iamais

*En liure
3. de l'ame.
chap. 4.*

à iamais; & se pouuant disputer & debatre l'opinion contraire, la porte demeure close, pour ne se pouuoir demonstrier. Dauantage, les raisons esquelles s'est fondé Aristote, à fin de prouuer que l'entendement n'estoit puissance corporelle & composée, sont de telle efficace, que l'on ne sçauroit conclure autre chose, pource qu'il appartient à ceste puissance de cognoistre & entendre la nature & estat de toutes les choses matérielles qui sont au monde: de maniere que si elle estoit coniointe à aucune chose corporelle, elle mesme empescheroit la cognoissance des autres, comme nous le voyôs es sens extérieurs: en ce que si le goust est amer, tout ce que la langue touche, tiét la mesme saueur; & si l'humeur cristallin est verd, ou de couleur palle, l'œil iuge tout

tout ce qu'il void, de la couleur
 mesme qu'il tient. La cause de cela
 est que *Intus existēs prohibet extra-*
neum. Ce qui est dedans, empes-
 che le dehors. Aristote dit aussi
 que si l'entendement estoit meslé
 avec quelque instrumēt corporel,
 il seroit en qualité, pource que à
 celuy qui se ioint avec le chaud ou
 le froid, necessairement luy doit
 estre la chaleur congeluee. Et de
 dire que l'entendement est chaud,
 froid, humide ou sec, c'est vn pro-
 pos abominable à l'ouye des phi-
 losophes naturels. L'autre princi-
 pal doute est qu'Aristote & tous
 les Peripatetiques cōstituent deux
 autres puissances, outre l'entende-
 ment, l'imagination & la memo-
 re: qui sont la Reminiscence, ou le
 resouuenir, & le sens commun, se-
 fondans sur ceste reigle, *Potentia*
cognoscuntur per actiones. Les puis-
 sances

fances se cognoissent par les a-
 ctions. Ils trouuent qu'outre les
 ceuures de l'entendement, imagi-
 nation & memoire, s'en trouuent
 deux autres fort differentes. Par
 cōsequēt de cinq puissances naist
 & procede l'esprit de l'homme &
 non detroit tant seulement, com-
 me iusques icy nous auons prou-
 ué. Nous auons dit pareillement,
 au chapitre precedent, suiuant l'o-
 piniō de Galé, que la memoire ne
 fait autre chose au cerueau q̄ gar-
 der les figures especes des choses,
 ny plusny moins qu'un coffre tiēt
 & a en garde les accoustremēs les
 quelsy sont mis. Et si par vne telle
 comparaisō, nous deuons enten-
 dre l'office de ceste puissance, il
 est besoin constituer autre faculté
 de la raison, qui tire & fasse sortir
 les figures de la memoire, & les re-
 presente à l'entendement, ny plus
 ny

ny moins qu'il est necessaire de
trouuer qui ouure le coffre pour
en tirer ce qui a esté mis dedans.
Dauantage, nous auons dit, que
l'entendement & la memoire es-
toient puissances contraires &
quel'vne combatoit avec l'autre,
pource que l'vne demande beau-
coup de siccité: & l'autre, beau-
coup d'humidité & mollesse au
cerueau. Et si cela est vray, pour-
quoy est ce q'Platō & Aristote ont *Au 1. liure*
dit que les hommes ayans la chair *de l'Ame,*
molle & delicate, ont bon enten-
dement, veu q'la douceur & mol-
lesse est vn effect d'humidité? No⁹
auons dit aussi, que pour auoir bō-
ne memoire, il falloit que le cer-
ueau fust mol, d'autant que les fi-
gures se doiuent imprimer en ice-
luy, en pesant dessus, comme on
fait le cachet sur la cire molle: car
s'il estoit dur, il ne pourroit pas fa-
cilement

cilement receuoir telle impres-
 sion. Il est bien vray que pour re-
 ceuoir proutement la figure, il est
 necessaire d'auoir le cerueau mol:
 mais pour conseruer & garder lō-
 guemēt les especes des choses qui
 s'y impriment, tous les philoso-
 phes tiennent que la durté & sic-
 cité est necessaire: cōme il appert
 en la cire & autre chose molle q̃
 la figure imprimee en icelle, s'effa-
 ce aisemēt, laquelle ne s'en va ia-
 mais en matiere dure & seche. Par
 ce moyen voyons nous plusieurs
 hommes, qui mettent aisemēt les
 choses en leur memoire, mais ils
 les oublient incontinent. Dequoy
 Galen donne la raison, & dit que
 ceux là, par vne grande humidité,
 ont la substance du cerueau cou-
 lante & non ferme, au moyen de-
 quoy la figure imprimee en icelle,
 est incontinent effacee, ny plus ny
 moins

*An liure
 de l'art de
 med. ch. 12.*

moins que si l'on vouloit sceller en l'eau. Autres au contraire, mettent en memoire avec grande difficulté, mais ils n'oublient iamais ce qu'ils ont aprins vne fois. Et pourtāt semble il chose impossible d'auoir cete difference de memoire que nous auons dit, d'aprédre facilement & de retenir long temps. Aussi est il difficile d'entendre comme il est possible d'imprimer tant de figures ensemble au cerueau, de maniere que les vnes n'effacent les autres, comme nous voyōs aduenir en vn morceau de cire molle, en laquelle si l'on imprime diuerses figures, il est certain, que les vnes effaceront les autres, par le mélange d'icelles. Et ce qui nous donne plus de peine & difficulté, est de sçauoir d'où vient que s'exerceant la memoire, elle se rend plus facile à receuoir les si

gures, estant certain, que l'exercice, non seulement du corps, mais aussi encores plus, de l'esprit, desfeiche & essuye la chair. Encores est, il difficile d'entendre comment l'imagination est contraire à l'entédement (s'il n'ya chose plus vrgente que la resolution des parties subtiles du cerueau, par le moyen de la chaleur, qui laisse les grosses & terrestres) attendu que la melācholie est vn des plus gros & terrestres humeurs de nostre corps. Aristoté dit que l'entendement ne se sert de nul autre tant que de cetuy la: mais la difficulté est plus grande, quand on vient à considerer que la malancholie est vn humeur gros, froid, & sec, & la colere de substance delicate, & de temperament, chaud & sec: & ce neantmoins la melancholie est plus propre à l'entendement qu'
n'est

n'est la colere. Ce qui semble repugner à la raison: pource que cet humeur ayde, par le moyen de deux qualitez à l'entendement, & luy contredit pour vne seule, qui est la chaleur: & la melancholie ayde par la siccité, & non dauantage: & contredit & nuit par la froideur & grosseur de substance, qui est ce que plus l'entendement ha en horreur. Ainsi donc Galéa donné plus d'esprit & de prudence à la colere qu'à la melancholie, quand il a dit, *Ani mi dexteritas & prudentia à bilioso humore proficiscitur, integritatis & constantia erit author humor melancholicus.* La dextérité & prudence viét de la colere: l'intégrité & constance, de l'humeur melancolic. Finalement on demande d'où vient que le trauail & la continuelle cōtéplation, en l'estude, en fait plu-

*Au liur. x.
de la nature
humaine,
com. II.*

sieurs ſçauans & ſages, leſquels
 au cōmancement auoyēt faulté de
 la bonne nature des qualitez que
 nous auōs dit: de maniere que dō-
 nant & receuant, par le moyen de
 l'imaginatiō, ils viēnent à aquerir
 la cognoiſſāce de maintes choſes
 qu'ils ignoroyēt au precedēt. Ils
 n'auoyēt pas le tēperamēt requis
 à icelles: car s'ils en euſſent eſté
 pourueuz, il ne leur euſt pas eſté
 beſoin d'y travailler beaucoup.
 Toutes ces difficultez & pluſieurs
 autres ſont contre la doctrine en-
 ſeignée au precedent chapitre,
 pource que la philoſophie naturel-
 le n'a pas ſes principes tāt certains
 cōme les ſciēces mathematiques,
 eſquelles le medecin & philoſo-
 phe (eſtant enſemble mathemati-
 cien) peut touſiours faire demon-
 ſtrance: mais venant à exercer ſon
 office

office, selon l'art de médecine, il y
 commettra plusieurs fautes, & non
 pas toutes les fois par sa coulpe,
 (s'acertenât tousiours par les ma-
 thematiques) mais par l'incertitu-
 de de son art: & pour cete cause A-
 ristote a dit, *Non ideo malus medi-*
cus, si non semper sanat, dum nihil
omiserit eorum quæ sunt ex arte, Si le
 medecin ne guarit tousiours, ce
 n'est pas à dire qu'il soit mauuais,
 pourueu qu'il n'ait obmis aucune
 chose qui concerne son art: mais
 si le mesme faisoit quelque faute,
 es mathematiques, il ne pourroit
 estre excusable: car employant, en
 telle science, toutes les diligences
 requises, il est impossible de fail-
 lir. Parquoy, combien que nous
 ne fassions demonstrence de cete
 doctrine, il ne faut pas, touteffois,
 atribuer toute la faute à nostre

*Au liure
 I. des Topi-
 ques.*

esprit, ny penser estre faulx ce que nous auons dit. Au premier & principal doute peut l'on respondre que si l'entendement estoit separé du corps, & qu'il n'eust que faire avec la chaleur, la froideur, l'humidité & la siccité, ny avec toutes les autres qualitez corporelles, s'ensuiuroit que tous les hommes seroient d'un mesme entendement, & que l'arraisonnement de chacun seroit egal. Et nous voyôs par experience, qu'un homme entend mieux que l'autre, & qu'il discourt mieux que l'autre, à cause de la puissance organique de l'entendement, qui est en l'un mieux disposé qu'en l'autre: & non pour autre raison. Car toutes les ames raisonnables & leurs entendemens, separez du corps, sont d'egalle perfection & sçauoir.

Ceux

Ceux qui suyuent la doctrine
 d'Aristote, voyans par experien-
 ce qu'aucuns hommes discourent
 mieux que les autres, ont trouué
 vn echapatoire tout apparant, di-
 sans que l'un ne discourt mieux
 que l'autre à raison de la puissance
 organique de l'entendement, &
 pource que le cerueau est mieux
 disposé, es vns qu'aux autres, mais
 pource que l'entendement humain
 (cependant que l'ame raisonna-
 ble demoure au corps) a besoin
 des figures & fantasies qui sont en
 l'imagination & en la memoire.
 A faute dequoy, l'entendement
 vient à discourir mal, & non par
 la faute, ny pour estre ioint à vne
 matiere mal organizee. Mais ce-
 ste responce est contre la doctri-
 ne du mesme Aristote, lequel *Au liure*
 prouue, que l'entendement est *de la me-*
 d'autant meilleur que la memoire *moire & re-*
miniscence.

est mauuaise : & au contraire que plus la memoire est grande , plus l'entendement est lasche & abastardy : ce que nous auons prouué ailleurs , touchant l'imagination. Et pour la confirmation de cela ,

En la 30. sect. probl. Aristote demande , pourquoy , estans vieux , nous auons tant mauuaise memoire , & bon entendement : & quand nous sommes ieunes , nous auons bonne memoire & mauuais entendement : vne chose nous monstre l'experience de cela , & ainsi le note Galen , que quand en la maladie se corrompt le temperament & la bonne composition du cerueau , souuésfois se perdent les œuvres de l'entendement , & demourent en leur entier celles de la memoire & de l'imagination : ce qui ne pouuoit auenir si l'entendement n'eust prins pour soy vn instrument particulier,

lier, outre celuy que les autres puissances tiennent. Je ne sçay que l'on peust respondre à cela, si n'est par quelque relation metaphysique composée d'acte & puissance: car ils ne sçauent pas eux mesmes ce qu'ils veulent dire, & n'y a homme qui les entende. Il n'y a rien qui fasse tant de dommage & nuisance au sçauoir de l'homme que le mélange des sciéces: que de traiter, en la metaphysique, ce qui est de la philosophie naturelle: & au contraire, ce qui est de la philosophie naturelle, en la surnaturelle.

Les raisons sur lesquelles Aristote se fonde, sont de peu d'efficace: car il ne s'ensuit pas que, pource que l'entendement doit congnoistre les choses materielles, il ne doive auoir vn organe ou instrument corporel, pource que les qualitez corporelles qui ser-

uent à la composition de l'organe; n'alterent & ne changent pas la puissance, ny d'elles sortent les

Empedocle fantasies: & sont comme, *Sensible* disoit que *positum supra sensum, quod non cau-* les puissance *sat sensationem*. Cela se voit claire- ces de voyer ment au toucher: car estant com- auoir la mesme na- posé de quatre qualitez materiel- ture de l'ob- les, & ayât en soy quâtité & mol- iect, à fin lessé ou dureté, ce neantmoins la de le pou- main congnoist si vne chose est voir perce- chaude ou froide: dure, ou molle: voir: & grande ou petite. Et si l'on deman- pourtant il de dit en ce- de comment la chaleur naturelle ste manie- qui est en la main, n'empesche au- re, Nous toucher, de cognoistre la chaleur sentons la qui est en la pierre: nous respon- terre, parla drons que les qualitez qui seruent terre: la li- à la composition de l'organe, ne queur par changent point ny n'alterent le la liqueur: propre organe, ny d'icelles sortét la substan- ce aerée, especes pour les cognoistre. Il ap- par l'air: & partient à l'œil de cognoistre tou- le feu. Ce

tes les figures & quâritez des choses, & nous voyons que l'œil mesme a sa propre figure & quantité: & des humeurs & tuniques qui le composent, aucunes ont couleurs: & les autres sont transparoissantes: ce qui n'empesche point que par le moyen de la veüe, nous ne cognoissions les figures & quantitez de toutes les choses, qui sont mises deuant nous. Et c'est, pource que les humeurs & tuniques, la figure & quantité seruent à la composition de l'œil, & ces choses là ne peuuent alterer ny changer la puissance de la veüe: au moyen dequoy elles n'empeschent pas la cognoissance des choses de dehors. Nous en auons autant dit de l'entendement: que le propre instrument d'iceluy (bien qu'il soit materiel, & ioint avec luy) ne le peut entendre, pource que d'iceluy

*que Galien
aprouue au
7. liure, De
Placitu.*

luy ne sortēt especes intelligibles
 qui le puissent alterer ou changer:
 & la cause est que *Intelligibile posi-*
tum supra intellectum, non causat in-
tellectionem. Et ainsi demoure il li-
 bre, pour entendre toutes les cho-
 ses materielles de dehors, sans a-
 uoir qui l'empesche. L'autre rai-
 son sur laquelle se fonde Aristote
 est plus legere que l'autre: car ny
 l'entendement ny aucun autre ac-
 cident peut estre (qualis) attendu
 qu'ils ne peuvent estre, de soy, su-
 iect d'aucune qualité. Et ainsi il im-
 porté peu que l'entendement ait
 le cerueau pour organe, avec le
 temperament des quatre premie-
 res qualitez, à fin q̄ par ce moyen,
 il s'appelle (qualis) puis que le
 cerueau est le suiet de chaleur,
 froideur, humidité & siccité, &
 non l'entendement. Quant à la
 troisieme difficulté qu'ameinent
 les

les Peripatetiques, disans que pour faire à l'entendement, vne puissance organique, se laisse vn principe qu'il auoit, pour prouuer l'immortalité de l'ame raisonnable: nous disons qu'il y a autres argumens plus certains, pour ce faire, desquels nous traicterons au chapitre ensuiuant. On peut respondre au second argument que chacune difference d'œuvre, ne demontre pas diuersité de puissances: car comme nous prouuerons cy apres, l'imagination fait des cas tant estranges, que si ceste maxime estoit aussi vraye que les philosophes vulgaires pensent, ou si elle auoit l'interpretation qu'ils luy donnent, se trouueroient d'auantage, dix ou douze puissances au cerueau. Mais pource que toutes ces œuvres conuiennent en

vne

vne principale raison, elles ne de-
 notent pas plus d'une imagina-
 tion, laquelle se diuise, en apres, en
 plusieurs particulieres differéces,
 à raison des diuerses actions d'i-
 celle. Composer les especes en
 presencé des objets, ou en leur
 absence, ne denote ie ne diray
 seulement diuersité de puissances
 generalles (comme sont le sens
 commun & l'imagination) mais
 n'aussi de particulieres. On peut
 respondre au troisiemé argument
 que la mémoire n'est qu'une mol-
 lesse de cerueau, disposée (par une
 certaine maniere d'humidité) à
 receuoir & garder ce que l'imagi-
 nation perçoit, en la mesme sor-
 te que l'on voit au papier blanc,
 & en celuy qui doit escrire : car
 comme l'escriuant escrit au pa-
 pier les choses qu'il ne veut estre
 mises

prises en oubly, & lesquelles il retourne lire apres les auoir couché par escrit: ainsi doit-on entendre quel'imagination escrit en la memoire les figures des choses que les cinq sens & l'entéde ment ont cogneu, & autres qu'elle forge elle mesme. Et quand elle se veut souuenir d'icelles, Aristote dit *An 4. liure de l'ame.* qu'elle retourne les voir & contempler. Platon s'est seruy de ceste maniere de cōparaison, quand il a dit, que craignant le peu de memoire de la vieillesse, il se ha estoit d'en faire vne autre de papier (qui sont les liures) à fin que son trauail ne se perdist, & que celuy qui le voudroit lire, en apres, se le representast. L'Imagination en fait autât, escriuât en la memoire ce qu'elle retourne à y lire, quand elle s'en veut souuenir. Aristote a touché

touché le premier ceste sentence:
 & puis apres Galen , lequel a dit
 en ceste maniere , *Pars enim ani-*
ma que imaginatur quaecunque ca-
sit , hac eadem recordari videtur.

*Au 3. liure
de l'ame.*

*Au 2. liure
du mouue-
ment des
muscles.*

Car la partie de l'ame , laquelle
 imagine , quelle elle soit , semble
 rememorer les mesmes choses.
 Ainsi voit on clairement , pour-
 quoy les choses que nous imagi-
 nons songneusement & avec vn
 grand soucy, s'impriment bien en
 la memoire : & ce que nous trai-
 tons , par vne legere considera-
 tion , s'oublie incontinent. Et
 comme l'escruiant qui fait vne
 bonne lettre , la rend propre à li-
 re , ainsi aduient à l'imagination;
 car si elle imprime ou sceelle avec
 force , la figure demoure au cer-
 ueau bien imprimee & marquee;
 autrement , à peine se peut elle
 cognoi-

cognoistre. Cela mesme aduient aussi aux escrits anciens, lesquels, pource qu'une partie est entiere, & l'autre gastee, (avec le temps) ne se peuvent bien lire, si n'est avec grande peine & discretion. L'Imagination en fait proprement autant, (quand se sont perdues, en la memoire, aucunes figures & qu'autres demourent) de quoy est procedé l'erreur d'Aristote, qui ha pensé que la reminiscence, par ceste raison, estoit puissance differente de la memoire : & outre ce, il a dit, que ceux là qui ont une grande reminiscence ou souuenance, sont de grand esprit: ce qui est pareillement faux, pour ce que l'imagination (qui est celle qui cause la souuenance) est contraire à l'entendement. De maniere que mettre en memoire

les choses, & se souuenir d'icelles, apres les auoir sceu, est œuvre de l'imagination : comme escrire quelque chose, & la retourner li-
re, est œuvre de l'escriuain & non pas du papier. Et ainsi la memoire demoure pour puissance passiue & non actiue, comme le blanc du papier n'est autre chose qu'une commodité, à ce qu'un autre y puisse escrire. Au quatriesme doute se peut respondre, que ne sert rien à l'esprit d'auoir la chair dure ou delicate & douce, si le cerueau ne tient aussi la mesme qualité: lequel nous voyons souuentefois auoir un temperament separé de toutes les autres parties du corps: mais quand bien ils conuiendroyent en la mesme qualité & mollesse, c'est un mauuais signe pour l'entendement, & pour l'i-

magination aussi. Si nous consi-
 derons la chair des femmes & des
 enfans, nous trouuerons qu'elle
 est plus douce & delicate que cel-
 le des hommes : & ce neâtmoins,
 les hommes communement, ont
 meilleur esprit que les femmes.
 La raison de cela est naturelle, que
 les humeurs qui font la chair dou- *Les mols,*
 ce, sont flegme & sang, pource *blancs &*
 qu'ils sont tous deux humides *gras n'ont*
 (comme nous l'auons desia noté) *l'humeur*
 desquels Galen a dit, qu'ils font *melancolie.*
 les hommes simples & bons : & *Gal. au li-*
 au contraire les humeurs qui en- *ure, des*
 durcissent la chair, sont la colere *lieux affe-*
 & la melancholie : dont procede *ctez, ch. 6.*
 la prudence & le sçauoir des hom-
 mes : de maniere que d'auoir la
 chair douce & delicate, c'est vn
 plus mauuais signe, que de l'auoir
 seche & dure. Parquoy es homes

Entre les bestes brutes, nulle n'a proche de la prudence humaine tant que fait l'Eléphant qui ha la chair la plus dure & rude de tous.

ayans vn egal temperament, par tout le corps, il est fort aisé de recueillir la maniere de leur esprit, par la douceur ou mollesse, ou dureté de la chair: car si elle est dure & aspre, elle demonstre ou bon entendement ou bonne imaginatiō: & si elle est molle & delicate, elle denote le contraire (qui est bōne memoire, & peu d'entendement & moins d'imagination) & pour sçauoir si le cerueau est correspondant, il faut cōsiderer les cheveux: car s'ils sont gros, noirs, aspres & espais, c'est l'indice d'une bonne imagination, ou d'un bon entendement: & s'ils sont delicats & doux, c'est signe d'une grande memoire & non d'autre chose. Mais celuy qui voudra distinguer & cognoistre si c'est entendement ou imagination (quand les cheveux

sont

sont de ceste maniere) doit considérer de quelle forme est le ieune homme, quant au rire: car ceste passion découure fort que telle est l'imagination. Quant à l'occasion du ris, plusieurs philosophes se sont efforcez la sçauoir; mais per-

Le ris des dents & le marcher de l'homme de clarent icy. Eccle. chap. 19.

sonne n'en a dit chose qui se puisse entendre: toutesfois chacun cō- uient en ce que le sang est vn humeur qui prouoque l'homme à rire; combien que nul ne declare quelles sont les qualitez de cest humeur plus que des autres qui fassent l'homme subiect à rire. *Dest-Hippo. 6.*

pientia qua cū risu sūt securiores: quādes Apho- verò cum solitudine, periculosiores. *lib. 53.*

Comme s'il vouloit dire, Quand les malades transportez rient, c'est bõ signe, & s'õt plus asseurez: mais s'ils sont souciés & fachez, ils sont en dāger: car le premier se fait par le moyen du sang, qui est vne hu-

meur fort benine:& l'autre, au moyen de la melancolie. Mais cela repugnant à la doctrine que nous traitons, on vient facilement à entendre tout ce qu'en ce cas, on desire sçauoir. La cause du ris n'est autre (à mon aduis) qu'une approbation de la puissance d'imaginer (quand l'on voit ou que l'on entend quelque fait ou dit, qui agree & conuient fort bien) & comme ceste puissance reside au cerueau, estant contente d'aucune de ces choses, il en est mené, comme sont menez pareillement les muscles de tout le corps: à raison dequoy, nous aprouuons souuentefois les propos aiguz & subtils, en baissant la teste. Dauantage, quand l'imagination est fort bonne, elle ne se contente de chacun propos, mais seulement de ceux, qui viennent fort bien: de maniere que s'ils

ne sont bien cōuenables & à propos, elle en reçoit plustost peine qu'alegresse. De là vient que nous voyons tire, par grande merueille, *Chose notable.* les hommes de grande imagination : & ce qui est encores plus notable, nous voyons que ceux là lesquels ont grace à parler, & qui sont facetieux, ne rient iamais de ce qu'ils disent, ny de ce qu'ils entendent dire aux autres : pource qu'ils ont l'imagination tant delicate & subtile, que la propre grace de leurs parolles & gentils deuis, ne correspond & ne leur agree, comme ils voudroient. Aquoy l'ó peut aiouster que la grace (outre la bonne proposition qu'elle doit auoir) doit estre nouvelle & non iamais ouye ny veüe : ce qui n'est propre seulement à l'imaginatió, mais aussi aux autres puissances qui gouuernét l'homme. Parquoy

nous voyons que l'estomac s'en-
 nuye d'une mesme viande & qu'il
 l'abhorre, quād il en vse deux fois:
 la veüe, en ceste maniere, ha en
 horreur vne mesme figure & cou-
 leur: l'ouye, vne mesme resonnant-
 ce, pour bonne qu'elle soit: & l'en-
 tendement, vne mesme contēpla-
 tion. C'est aussi pourquoy le beau
 parleur ne rit de la grace qu'il ha
 en son parler: car deuāt que la gra-
 ce sorte de sa bouche, il sçait deia
 ce qu'il doit dire. Parquoy ie con-
 clu que ceux qui sont beaucoup fa-
 cetieux, sont tous deprouueuz d'i-
 magination: & ainsi toute grace
 & propos sortant de leur bouche
 (bien qu'il soit parauanture assez
 maigre & froid) leur conuiēt fort
 biē. Et pource que ceux là qui sont
 fort sanguins, ont beaucoup d'hu-
 midité (laquelle nous auons dit
 estre contraire & nuire à l'imagi-
 nation)

natiō) ils sont au ſſi fort facetieux.

C'eſt le propre de l'humidité, laquelle, pour ſa molleſſe & douceur, oſte les forces à la chaleur, & fait qu'elle ne bruſle pas tant. Et

ainſi elle ſe trouue mieux avec la ſiccité, pource qu'elle aguife ſes actions: ioint que là où ſe trouue beaucoup d'humidité, c'eſt ſigne que la chaleur eſt laſche & remiſe:

*Galen li-
ure 6. de la
conſervatiō
de la ſanté.*

car il ne la peut reſoudre ny conſommer: & avec vne chaleur tant petite, la puiſſance imaginatiue ne peut exercer ſon operation. De là ſ'enſuit que les hommes de grand entendement ſont fort facetieux, pource qu'ils ſont deprouucz d'i-
magination. Comme on lit de ce grand philoſophe Democrite & de pluſieurs autres que i'ay veu & noté. Ainſi nous cognoiſtrons par le moyen du ris, ſi les hommes ou les ieunes gens, de chair dure, &

alpre, ayans les cheueux noirs & espais, durs & aspres, excellent ou en entédement ou en imaginatiō: de maniere qu' Aristote se trompe en cest endroit, & ne rencontre bien en ceste doctrine. On peut respondre au cinquiesme argumēt que se trouuent deux sortes d'humidité au cerueau: vne qui vient de l'air (quand cest element domine en la mixtiō) & l'autre de l'eau, de laquelle se sont amassez les autres elemens. Si le cerueau est mol avec la premiere humidité, la memoire sera fort bonne, facile à receuoir & puissante à retenir long temps les figures: pource que l'humidité del'air est fort gluante & grasse, à laquelle les especes des choses tiennent fort, comme l'on voit aux peintures faites à huyle, lesquelles ne reçoient aucun dōmage du Soleil ny de l'eau: de maniere

niere que si l'on épand de l'huyle, sur quelque escriture, il n'est possible, en apres, de l'effacer: voire mesme celle qui est gastee & tellement effacee qu'on ne la peut lire, se rend lisible avec l'huyle, qui la fait reluire & transparoistre. Mais si la mollesse & douceur du cerneau vient de la seconde humidité, l'argument vient fort bien: car s'il recoit aisemét, la figure se viét aussi à effacer aussi aisemét, pource que l'humidité de l'eau n'a point de gresse, à laquelle les especes se puissent cōglutiner & joindre fermement. Ces deux humiditez se cognoissent es cheuaux: celle qui vient de l'air les rend gras, & replets: & l'eau les réd humides, maigres & plats. On respōd au sixiesme argument, que les figures des choses ne s'impriment pas au cerneau, comme la figure du seau en

la

la cire, si n'est en penetrant, pour y estre assise: ou en la maniere que les oiseaux se prennent à la glus, & les mouches, au miel, pour ce que ces figures n'ont point de corps & qu'elles ne se peuuent mesler ny corrompre les vnes les autres. On peut respondre à la septiesme difficulté que les figures adoucissent & amollissent la substance du cerueau (ny plus ny moins que la cire s'amollit, en la maniant entre les doigtz) biẽ que les esprits vitaux, ayent la vertu d'amollir & humecter les membres durs & secs, cõme la chaleur le fait par dehors, par le moyen du fer. Et que les esprits vitaux fassent ce que i'ay dit cy dessus, & amollissent le cerueau, pour le rendre propre à la memoire, nous l'auons deia prouué en vn autre endroit. Or tout exercice corporel & spirituel des-

seiche,

seiche, voire mesme les medecins disent que le moderé engraisse. On respond à l'argument huietisme qu'il y a deux gères de melâcholie: vne naturelle, qui est cōme la lie du sang, duquel le tēpera mēt est froideur & siccité, avec vne fort grosse subitâce: elle ne sert de rien à l'esprit, ains rend les hōmes ignorans, lasches & subiects à rire: & pource qu'ils ont faute d'imagination, elle s'appelle (*atrabilis*) ou colere aduste & brulante, laquelle selon l'opinion d'Aristote, fait les hommes tressages, de laquelle le tēperament est diuers, comme celuy du vinaigre. Aucunes fois ha l'effect de chaleur, aucunes fois il refroidit: mais il est tousiours sec & de substance fort delicate. Ciceron confesse qu'il estoit tardif d'esprit, pource qu'il n'estoit pas melâchologique aduste:

*Gal. au li-
ure 2. de la
conseruatiō
de la santé.*

*En la 3.
sect. prob. 1.*

en quoy il dit vray: car s'il eust esté tel, il n'eust pas esté si eloquent, pource que les melancholiques

Horace dit adustes ont faute de memoire, à laquelle appartient le parler avec *d'Oreste* grand appareil. Ceste colere ha vne *qu'est at fol,* autre qualité, qui sert beaucoup à *il ne faisoit* l'entendement, qui est d'estre res- *mal à per-* plandissante, comme l'agathe, au *sonne: mais* moyen de laquelle splendeur, elle *qu'il trou-* donne lumiere au dedans du cer- *uoit des pro* ueau, à fin que les figures se voyent *pos fort sub* bien. Et ceste est l'opinion d'He- *tils, à cause* raclite, quand il ha dit, *de la splen-* *deur de sa* *colere: &* *pourtant il* *a dit, In-* *fit quod* *splēdida bi-* *lis serm.3.*

Or nous prouuerons cy apres cō-
me l'ame raisonnable ha besoin
d'auoir au cerueau vne lumiere &
d'estre éclairce, pour voir les figu-
res & especes. On peut respondre
au neufiesme argumēt, que la pru-
dence

dence & dexterité de l'esprit que dit Galen, appartient à l'imagination, par le moyen de laquelle se cognoist ce qui est à venir: & pour ceste cause Ciceron a dit, *Memo-*
ria prateritorum, futurorum pruden-
tia. c'est à dire, La memoire est du passé, & la prudence de ce qui est à venir. La dexterité de l'esprit, est ce que nous appellons subtilité, engin, finesse & ruse: & pourtant Ciceron a ainsi dit, *Prudentia est*
calliditas qua ratione quadam potest
delectum habere bonorum & malo-
rum. Prudence est vne ruse, laquelle par certain moyen, peut auoir le choix du bien & du mal. Les hommes de grand entendement n'ont pas ceste maniere de prudence, pource qu'ils ont faute d'imagination: & ainsi le voyons nous par experience aux hommes de grand sçauoir, es lettres qui appartiennēt
à l'en

Au Dia-
logue de la
vieillesse.

Aux Tus-
culanes.

à l'entendement: lesquels tirez de
tel exercice, ne valent rien aux au-
tres affaires du monde. Galen ha-

En l'Epi- stre à Da- ma. tresbien dit que ceste maniere de
prudēce, procede de la colere: car

Hippocrate contant à Damagete
cōme il trouua Democrite, quand
il le fut voir & medeciner, escrit
qu'il estoit au champ, deffouz vn

Notez que les hommes de grād en- tendement ne se souciēt pas de l'or- nement de leur corps: ils sont tous malpropres ords & cras- seux. nous en donnons la raison au Plane debout sur la plante des
pieds & sans habillemens, appuié

d'vne pierre, & environné de bes-
tes brutes, mortes & dépecees: de-

quoy Hippocrate fut émerueillé,
& luy demanda que luy seruoient

ces animaux ainsi: à quoy il respō-
dit qu'il cherchoit l'humeur qui

rend l'hōme vacillāt, rusé, double
& cauteleux: & qu'il auoit trouué

(en faisant anatomie de ces bestes
brutes) que la colere estoit cause

d'vne proprieté tant mauuaise: &
que pour se vanger des hommes

rusiez

rusez & cauteleux il vouloit faire
 en eux, ce qu'il auoit fait, au re-
 nard, au serpent, & au singe. Cete
 maniere de prudence est non seu-
 lemēt odieuse aux hommes, mais
 aussi S. Paul d'it d'icelle, *Prudentia* ^{Aux Rom.}
carnis inimica est Deo. La prudēce ^{chap. 8.}
 de la chair est ennemie de Dieu.
 Platon en donne la raison, quand
 il dit. *Scientia qua est remota à iusti-*
tia, calliditas potius, quam sapientia
est appellanda. La sciēce qui est élo-
 gnee de iustice, merite plustost le
 nō de ruse & finesse que de sapien-
 ce. Comme s'il vouloit dire, il
 n'est pas raisonnable qu'une scien-
 ce laquelle est separee de la iustice
 s'appelle science: mais elle se doit
 appeller astuce ou malice: de la-
 quelle le Diable se sert tousiours,
 quād il veut faire mal aux hōmes.
Ista sapientia nō est de sursum descē- ^{Chap. 3.}
dens, sed terrena, animalis & diaboli

ca, c'est à dire, Cete sapiëce ne descend du ciel; mais elle est terrienne, inhumaine & diabolique. Il y a vne autre maniere de sapience ou science, cōiointe à la droiture & simplicité: par laquelle les hommes cognoissent le bon & repré-
 nent le mauuais: Galen dit qu'elle appartient à l'entendement, pour ce qu'en cete puissance n'est point comprinse la malice ny l'astuce, & qu'elle ne sçait pas comme se peut faire le mal: le tout est en icelle, droicture, iustice, simplicité & clarté. L'homme qui recontre cete maniere d'esprit, s'appelle droit & simple: & pour cete cause Demosthene voulât captiuer la bienueillâce des iuges, en vne harague qu'il fit contre Æschinès, les appelle droicts & simples, eu egard à la simplicité & integrité de leur office, duquel Ciceron dit ainsi, *Simplex est*

*Au liure 3.
des progn.
com. 2.*

*En la harague pour
Sylla.*

plex est efficiū, atque vna bonorū om-
niū causa. L'office est simple & iu-
ste, & la cause de tous les bōs, vne.
La froideur & siccité de la melan-
cholie sert d'instrument à cete ma-
niere de sçauoir ou science: mais
elle doit estre composee de par-
ties subtiles & delicates. On peut
respondre au dernier doubte, que
quand l'homme se met à contem-
pler quelque verité qu'il veut sça-
uoir, s'il ne la treuve incontinent,
c'est pource que son cerueau est
priué d'un temperament à ce con-
uenable: mais demourāt vn peu en
la contemplation de ce qu'il veut
sçauoir, incōtinent acourt au chef
la chaleur naturelle (qui sont les
espritz vitaux & le sang des arte-
res) qui surmonte le temperamēt
du cerueau, iusqu'à tāt qu'elle vic-
ne au poinct necessaire. Il est vray
que la grande consideration nuit

*Notez com-
biē importe
de travail-
ler aux let-
tres, puis
que defail-
lant au cer-
ueau le tē-
perament
cōuenable,
la verité
d'une cho-
se s'aquiert
par la con-
tinuelle cō-
templation.*

aux vns & sert aux autres : car si au cerueau defaut peu, pour venir au poinct, de la chaleur conuenable, il faut auffi contépler, peu de téps: car s'il passe outre, & s'il contéple plus long téps, incôtinent l'entendement se trouble, par la presence de beaucoup d'esprits vitaux: au moyen dequoy il ne paruiét & ne touche à cete verité qu'il cherche. Parquoy nous voyôs plusieurs hōmes lesquels, sans premediter, tout soudain disent fort biē: mais quād ils ont pensé à ce qu'ils doiuent dire, ils ne tiennent propos qui vaille. Les autres ont l'entendement si petit (ou à cause de la grande froidur, ou siccité) qu'il leur est besoin mettre & employer beaucoup de temps, à la contemplatiō, à fin que la chaleur demoure bonne picce en la teste, & fasse en sorte que le temperamēt viēne aux degrez

degrez qui luy defaillent : & ainſi ceux là diſent mieux quād ils ont premedité, que ſans y penſer.

Combiẽ que l'ame raiſonnable ait be ſoin du temperament des quatre premieres qualitez, tant pour demourer au corps que pour diſcourir & raiſonner, il eſt demonſtré icy, qu'il ne ſ'enſuit pas qu'elle ſoit corruptible & mortelle.

CHAP. VII.



Platon tient pour choſe *Au Phen*
veritable que l'ame rai *dre.*
ſonnable eſt vne ſubſtā
ce ſans corps, ſpirituel
le, non ſuiette à corruption, ni à la
mort, comme celle des beſtes bru
tes: laquelle (ſortie du corps) ha
vne autre meilleure vie, & plus
tranquille: mais cela ſ'entend, dit

*En l'Apo-
logie.*

Platon, quand l'homme ha vescu
seló la raison: car autremét mieux
eust valu à l'ame, demourer touf-
iours au corps, que souffrir les
tourmens, desquels Dieu chastie
les mechans. Cete conclusion est
bien tant illustre & catholique,
que s'il l'a trouuee par la felicité
de son esprit, à iuste cause, est il sur
nommé le diuin Platon. Mais
bié qu'elle soit telle que l'on voit,
iamais toutesfois Galen ne la peu
comprendre en son entédement:
ains tousiours la eu pour suspecte
voyant radoter l'homme, & sor-
tir de son sens, quand il ha le cer-
ueau trop echaufé: & au cōtraire,

*Platon di-
uin.*

*Auliane,
Quòd ani-
mi mores;
ch. 3. & 9.
de placit.
Hippo. &
Plat.*

le voiát retourner en son bõ sens,
en luy apliquant medecines froi-
des. Et pourtant il a dit, qu'il eust
esté bien aise, que Platon eust esté
envie, pour luy demáder, côme il
estoit

estoit possible que l'ame raisonna-
 ble fust immortelle, veu qu'elle se
 change & altere si aisement, par
 la chaleur, froideur, humidité &
 siccité: attédu mesmement qu'el-
 le s'en va du corps par vne grande
 ardeur de fieure continue, ou par
 vne grande perte de sang, ou en
 beuuant la cigue, ou par autres al-
 terations corporelles qui ont ac-
 coustumé d'oster la vie. Et si elle
 estoit sans corps, & spirituelle (cô-
 me dit Platon) la chaleur (estant *Au dialo-
 gue de la
 nature.*
 qualité materielle) ne luy feroit
 perdre ses puissances, & ne luy em-
 pecheroit ses operations. Ces rai-
 sons ont confondu Galen, & l'ont
 fait desirer que quelque Platonique
 l'en resolust; & pense qu'il
 n'en ait trouué en sa vie: mais de-
 puis qu'il fut mort, l'experience *Il est cer-
 tain que*
 luy monstra ce que son entende-
 ment ne peut comprendre. Par *Galen, en
 mourât, de
 siendit en*

enfer, & quoy, il est certain que la certitu-
vid par ex de infallible de l'immortalité de
periēce que nostre ame, ne se tire pas des rai-
le feu mate sons humaines, & encores moins
riel bruloit les ames, ne se trouuent argumens, qui prou-
les pouuāt uent qu'elle soit corruptible: car
cōsommer: on peut facilement respondre aux
ce medecin vns & aux autres: nostre seule foy
ent cognois sance de la diuine nous fait certains & reso-
sance de la luz de l'immortalité d'icelle. Ce
doctrine e- neantmoins Galen n'a point eu
uāgēlique, raison de s'empescher & embaras-
& ne la re serrez. de disser en ceste maniere par argumēs
cent: au li- si legers: car ce n'est pas bien re-
urez. de dis cueilly en philosophie naturelle,
ser puls. ch. de dire que les œuures qui se doy-
 3. uent faire, par le moyen de quel-
 que instrument, defaillent en l'a-
 gent principal, pour ne sortir à l'a-
 uanture. Le peintre qui peint biē,
 tenant le pinceau conuenable à
 son art, n'est pas coupable, quand
 avec le mauuais, il fait quelques
 traits

traits & lignes mauuaises : aussi n'est ce bien argumenté de penser que l'escriuain ait aucune leſion ou defaut en la main, quand par faute de bonne plume, force luy eſt d'eſcrire, avec autre choſe. Galen conſiderant les œuures merueilleuſes qui ſont en l'vniuers, & de quel ſçauoir & prouidence elles ſont faites & ordonnées, a recueilly qu'il y auoit vn Dieu au monde : encore que nous ne le voyons pas des yeux corporels, duquel il a dit ces parolles, *Deus nec factus eſt aliquando, cum perenniter ingenitus ſit, ac ſempiternus.* Dieu n'a point eſté fait, veu qu'il eſt increé & eternal. Et en vn autre endroit, il dit, que l'ame raiſonnable n'y la chaleur naturelle ne faiſoit pas le baſtiment & compoſition du corps humain : mais Dieu, ou quelque intelligence fort ſage. De

*Au liure,
de la forma
tion du
fœtus.*

là se peut former vn argument
contre Galen, pour rembarrer &
desfaire sa mauuaise consequen.

*Argument
contre Ga-
len, qui pen-
se l'ame cor-
ruptible.*

ce, qui est de ceste maniere. Tu as
suspçon que l'ame raisonnable
soit corruptible, pource que si le
cerueau est bien temperé, il vient
à bien discourir & philosopher; &
s'il se chauffe, ou refroidit plus
qu'il ne faut, il radotte & dit mille
absurditez. Cela mesme se peut in-
ferer & conclure en considerant
les œures que tu dis estre de
Dieu: car s'il fait vn homme en
lieux temperez (esquels la chaleur
n'excede la froideur, ny l'humidi-
té, la siccité) il le rend fort inge-
nieux & discret: mais si la region
n'est temperee, tous les hommes
qui y sont engendrez sont fols &

*Au Livre,
Quod ani-
mi mores,
cap. 10.*

ignorans. Et pour ceste cause le
mesme Galen dit, qu'en Scithie
par merueille, naquit vn homme

sage,

sage, & qu'en Athenes tous nais-
sent philosophes. Dauantage, de
penser que Dieu est corruptible,
de ce que par certaines qualitez il
fait bien ces œuures là, lesquelles,
par les contraires, se font mauuai-
ses, Galen ne le peut auouër, puis
qu'il ha dit que Dieu est eternal.

Platon va par vn autre chemin
plus certain, disant que combien
que Dieu soit eternal, tout puis-
sant & de science infinie, il s'ac-
comode au peuple naturel, en
ses œuures, & s'assuiettit à la dis-
positiō des quatre premieres qua-
litez: de maniere que pour engen-
drer vn homme tres-sage & sem-
blable à luy, il a esté besoin trou-
uer vn lieu le plus temperé qui
fust en tout le monde, où la cha-
leur de l'air ne surpassast point la
froideur: ny l'humidité, la seche-
resse:

Au Dialo-
gue de la
nature.

resse: & pourtant il ha dit. *Deus
verò quasi belli ac sapientie studio-
sus, locum qui viros ipsi simillimos
producturus esset, electum, imprimis
incolendum præbuit.* Et si Dieu vou-
loit faire vn homme tres- sage en
Scithie, ou en autre region intem-
peree, ne se seruant de sa toute-
puissance, il sortiroit, par neces-
sité, lourd & ignorant, à raison de
la contrariété des qualitez pre-
mieres. Mais Platon n'infereroit
& ne concludroit pas (comme Ga-
len) que Dieu soit corruptible ny
suiet à aucune alteration, pource
que la chaleur & la froideur luy
empeschent ses œures. Cela mes-
me se doit recueillir, quand l'ame
raisonnable (demourant en vn
cerueau enflammé) ne peut vs-
er de discretion & prudence: & ne
faut penser, qu'à ceste occasion là,
elle

elle soit mortelle & corruptible.
 Et quât à ce qu'elle sort du corps,
 ne pouuant souffrir la grande cha-
 leur, ny les autres alterations qui
 tuent les hommes, cela argue &
 montre seulement que c'est vn a-
 cte & forme substâtielle du corps
 humain; & que pour demourer en
 iceluy, elle requiert certaines dis-
 positions materielles, accommo-
 dees à l'estre de l'ame qu'elle ha:
 & que les instrumens desquels elle
 doit ouurer, soyent bien compo-
 sez & vniz, avec le temperament
 requis à ses œuures: ce que defail-
 lant du tout, il luy est force d'errer
 & s'absenter du corps. L'erreur de
 Galen est en ce qu'il veut auer
 par principes de la philosophie
 naturelle, si l'ame raisonnable
 (sortant du corps) meurt incon-
 tinent ou non: veu que c'est vne
 question

question qui appartient à vne autre science superieure & de principes plus certains : en laquelle nous prouuerons que son argument n'est valable, & que ce n'est pas bien conclud de dire que l'ame de l'homme soit corruptible, souz ombre qu'elle demoure paisiblement au corps avec quelques qualitez, & qu'elle s'en absente, à raison d'autres qualitez contraires. Ce qui n'est difficile à prouuer : car autres substances spirituelles de plus grande perfection que l'ame raisonnable, elisent lieux alterez par qualitez matérielles, esquels, elles semblét habiter à leur contentement : mais si autres dispositions contraires viennent en leur place, incontinent elles s'en vont, pource qu'elles ne les peuvent pas souffrir. Ainsi donc il est

certain

certain que se trouuent au corps, certaines dispositions, que le diable appete tellement, que pour iouyr d'icelles, il entre en l'homme qu'il les ha: au moyen dequoy, il demoure endiablé: mais estans corrompues & alterees par medecines contraires, & ayant esté faite euacuatiō des humeurs noirs, pōurris & puants, naturellement il vient à sortir de là. Cela se voit clairement par experience, en ce que, s'il y a vne grande maison, obscure, sale, orde, puante, triste, & inhabitee, incontinent y accourent les esprits familiers & demōs succubes & incubes: mais si on la nettoye, si l'on ouure les fenestres & portes d'icelle, à fin que le Soleil & la clarté y entre, incontinent ces esprits & demons s'en vont, speciallement si plusieurs y demourent, si l'on y a plaisirs & passe-temps,

setemps, & mesmes si l'on y touche plusieurs instrumens de musique. Or que l'harmonie & bonne proportion offense grandement le diable, est clairement demonsté parce que dit le texte de l'écriture sainte: que quand David prenoit sa harpe & qu'il en touchoit, incōtinent le diable fuioit, & sortoit du corps de Saul. Et cōbien qu'il possedast son esprit, i'en tens que naturellement la musique molestoit le diable, & qu'il ne la pouuoit pas souffrir. Le peuple d'Israel sçauoit deia par experience que le diable estoit ennemy de la musique: & pour ceste cause, les seruiteurs & domestiques de Saul

Au 1. des Rois, chap. 10. dirent en ceste maniere, *Ecce spiritus Dei malus exagitat te: inbeat dominus noster rex, ut serui tui qui coram te sunt, querant hominem scientem psallere cithara, ut quando arripuerit*

*arripuerit spiritus domini malus,
psallat manu sua, & leuius feras.*

De maniere qu'il y a des parolles
& coniurations, qui font trem-
bler le diable, lequel, pour ne les
ouyr, abandonne le lieu, qu'il a-
uoit choisi, pour son habitation.

Et ainsi Iosephe raconte que Sa-
lomon laissa par escrit certaines
manieres de coniurer, par le moyē
desquelles non seulement, pour
l'heure, on chassoit dehors le dia-
ble, mais aussi cest esprit malin
n'osoit iamais retourner au corps
d'où vne fois il estoit sorty. Le
mesme Salomon monstra pareil-
lement vne racine d'vne odeur
tant abhominable, pour le dia-
ble, que l'appliquant aux narines
du patient, on chassoit incont-
inent le diable dehors. Le diable
est si ord, triste & ennemy des
choses nettes, gayer & cleres, que

*Au 3. liu.
des antiqui-
tez, cha. 2.*

Iesus Christ entrant au pays des Geraſeens, ſainct Mathieu racôte qu'il trouua en ſon chemin certains diables, qui s'eſtoient mis en deux corps morts, qu'ils auoiēt tiré du monument, leſquels parloyent & diſoyent, Iesus fils de Daud, quelle indignation as tu contre nous, d'eſtre venu deuant le temps nous tourmenter? nous te prions, que ſi tu nous chasses du lieu où nous ſommes, tu nous laisſes entrer en ce troupeau de porceaux qui eſt là. Et pour ceſte cauſe, la ſaincte eſcriture les appelle eſprits immondes: au moyen dequoy eſt clairement entendu, que l'ame raſonnable non ſeulement veut, au corps, les diſpoſitions qui le puiſſent informer & eſtre commencement de ſes œuvres, mais auſſi, pour demourer en luy, comme en lieu propre & accomplir

commodé à son naturel; & puis les diables (estans de substance plus parfaite) abhorrent aucunes qualitez corporelles, & reçoivent plaisir & contentement des contraires. Parquoy l'argument de Galen ne vaut rien (l'ame raisonnables'en va du corps, par vne grande & excessiue chaleur, elle est donc corruptible) puis que le diable fait cela (de la manière que nous auons dit) lequel neantmoins n'est point mortel. Mais ce qui est le plus à noter, à ce propos, est que le diable non seulement appetes les lieux alterez avec qualitez corporelles, pour y demourer à son plaisir, mais aussi quand il veut faire quelque chose qui luy importe beaucoup, il se sert des qualitez corporelles, qui aydent à ceste fin. Et pourtant si se demande main-

tenant pourquoy le diable, voulant decettoir Eue, se transforma en vn serpent veneneux plus tost qu'en vn cheual, en vn ours, en vn loup & en plusieurs autres animaux qui n'estoient pas de si espouventable figure? ie ne sçay pas que l'on me pourra respondre: ie sçay bien que Galen ne receoit pas les dits & sentéces de Moyses ny de Christ, nostre redépteur, pource que tous deux, dit il, parlét sans demōstration. Mais i'ay tousiours desiré sçauoir la solution de ce doute, & personne ne me la peut dōner. Il est certain (comme nous l'auons deia prouué) que la colere aduste ou bruslee, est vne humeur qui enseigne à l'ame raisonnable comme se doiuent brasser les embusches & tromperies. Entre les bestes brutes, ne se trouue aucun animal, qui participe tāt

de

*Au liure
2. de la dif.
du pouls.
chap. 3.*

de ceste humeur que fait le serpent: Mais le serpent estoit
 voire mesme l'escriture sainte por- plus caute-
 te tesmoignage qu'il en ha plus q- leux que
 tous les autres, pource qu'il est fin tous les au-
 & malicieux. L'ame raisonnable, tres ani-
 posée le cas qu'elle est la moindre manx de la
 de toutes les intelligences, est de terre que
 la mesme nature que le diable & Dieu avoit
 les anges. Et comme elle se sert de faits. Gen.
 ceste colere veneneuse, afin que chap. 3.
 l'homme soit fin & cauteleux, aus-
 si le diable (mis au corps de ceste
 cruelle beste) se fit plus ingenieux
 & subtil. Ceste maniere de philoso-
 pher n'est onera pas beaucoup les
 philosophes naturels, pource qu'il
 le ha quelque apparence de veri-
 té: mais ce qui leur parfera le iuge-
 ment, est que Dieu voulant deli- En cela se
 urer & comme desenchanter le- cognoist la
 monde qui estoit deceu, & luy en- Dieu, le-
 seigner, à plain, la verité (œuvre qu'il est int
 contraire à celuy diable) il vint tout puis-
 sant, & sans

*auoir aucun
ne neceſſité
de ſes crea-
tures, ſe ſert
d'elles, com-
me ſ'il eſtoit
agent natu-
rel.*

en figure de colôbe, & non d'aigle
ny de paon, ny d'autres oiſeaux,
qui ſont de plus belle figure: ce
qu'il fit pour ce que la colôbe par-
ticipe fort de l'humour qui tend à
droiture, verité & ſimplicité: & n'a
point de colere, qui eſt l'inſtru-
ment de l'aſtuce & malice. Galen
n'accepte aucune de ces choſes,
ny les philoſophes naturels, pour
ce qu'ils ne peuvent entendre côm-
me l'ame raifonnable & le diable
(qui ſont ſubſtances ſpirituelles)
ſe peuvent alterer ou changer par
qualitez materielles (comme eſt
la chaleur, la froideur, l'humidité
& la ſiccité) car ſi le feu introduit
vne chaleur au bois, c'eſt pour ce
que tous deux ont corps & quan-
tité, pour ſuiect: ce qui deſaut es
ſubſtances ſpirituelles, mais il eſt
impoſſible que les qualitez corpo-
relles puiſſent changer la ſubſtan-
ce

ce spirituelle. Quels yeux a le diable, & l'ame raisonnable, pour voir les couleurs & figures de choses? quel sentiment & flair, pour recevoir les odeurs? quelle ouye pour la musique? quel toucher, pour estre offensez de la grande chaleur? à quoy sont necessaires les organes corporels. Et si l'ame raisonnable separee du corps, est offensee, reçoit douleur & tristesse, il n'est possible que son naturel ne change & ne vienne à se corrompre. Ces difficultez & argumens ont trompé Galen & les philosophes de nostre temps, mais ils ne me font rien: car quand Aristote a dit que la plus grande propriété que la substance tierce, est d'estre sujet des accidens, il ne la pas liee à la corporelle ny spirituelle, pource que les especes participēt également de la propriété du gé-

re:& pour ceste cause il ha dit, que les accidens du corps passent à la substance de l'ame raisonnable:& ceux de l'ame, au corps: sur lequel principe, il s'est fondé, pour escrire tout ce qu'il ha escrit de la phisionomie: ioint que les accidens desquels se changent & alterent les puissances, sont tous spirituels, sans corps, sans quantité & matiere:& ainsi se multipliét en vn moment, par vn milieu ou moyen, & passent par vne verriere sans la rompre: & deux contraires accidens peuuent estre en vn mesme suiet, avec toute l'estendue qu'ils peuuent auoir: & à raison de ces proprietiez, le mesme Galé les appelle, (Indiuisibles) & les philosophes vulgaires (Intentionnels) & estans de cestemaniere, ils se peuuent bien proportionner avec la substance spirituelle. Je ne peux
laisser

laisser d'entendre que l'ame raisonnable (separee du corps) & le diable aussi, ayent puissance, de voir, de sentir, d'ouir & de toucher. Ce qui me semble facile à prouver: car s'il est vray q̄ les puissances se cognoissent par les actiōs il est certain que le diable a la puissance de sentir & flerer, puis qu'il sentoit la racine que Salomon enuoyoit apliquer aux narines des demoniaques: & qu'il ha la puissance d'ouir, puis qu'il entendoit la musique que David donnoit à Saul. Mais de dire que le diable receuoit ces qualitez avec l'entétement, cela ne se peut pas affirmer, en la doctrine des philosophes vulgaires: car ceste puissance est spirituelle, & les obiects des cinq sens, sont materiels: & pour ceste cause est besoin trouuer autres puissances en l'ame raisonnable, &

au diable, avec lesquelles ils se
 puissent proportionner. Autrement
 posons le cas que l'ame du riche
 auare, obtiendra d'Abraham que
 l'ame du Lazare, vienne au mon-
 de, à prescher ses freres & leur per-
 suader d'estre bons, à fin de ne ve-
 nir au lieu destourmés, où il estoit.
 Je demande à ceste heure, comme
 l'ame du Lazare pourra certaine-
 ment venir en la ville, & en la mai-
 son de ceux là: S'il les rencontrera
 en chemin (en compagnie d'au-
 tres) s'il les cognoistra par leurs
 visages, & s'il les sçaura remar-
 quer & choisir certainement d'en-
 tre ceux qui seront en leur compa-
 gnie? Et si ces freres du riche au-
 re luy demanderont qu'il est, &
 qui l'euoye: s'il ha aucune puissan-
 ce pour ouyr leurs parolles? On
 peut demander cela mesme, du
 diable, quand il alloit apres Iesus-
 Christ

Christ nostre redempteur, qu'il
 entendoit prescher, & faire mira-
 cles, quand ils disputerent & eurer
 propos ensemble, au desert: on
 peut demander par quelle ouye, le
 diable entendoit les parolles &
 responce de Iesus Christ. C'est
 certainement faute d'esprit & bõ
 entendemēt, penser que le diable,
 ou l'ame raisonnable (separee du
 corps) ne puisse cognoistre les
 obiects des cinq sens, combien
 qu'elle soit priuee d'instrumēs cor-
 porels: car par la mesme raison, ie
 leur prouueray q̃ l'ame raisonna-
 ble (separee du corps) ne peut en-
 tendre, imaginer, ny exercer offi-
 ce de memoire, en ce que si elle
 ne peut voir dedans le corps, qui
 a perdu les deux yeux, elle ne peut
 aussi raisonner ny mesmes se sou-
 uenir, si le cerueau est enflammé.
 Et puis apres, de dire que l'ame
 raisonna

raisonnable, estât separee du corps, ne puisse raisonner & entendre, pource qu'elle n'a point de cerveau, c'est vne grâde folie. Ce qui se prouue par la mesme histoire d'Abraham. *Fili, recordare, quia accepisti bona, in vita tua, & Lazarus, similiter mala: nunc autem hic consolatur, tu verò cruciaris: & in ijs omnibus inter nos & vos, chaos magnū firmatū est, vt hi qui volunt hinc trāsire ad vos, non possint: nec inde, hūc transire. Et ait, Rogo ergo te, pater, vt mittas eum in domum patris mei: habeo enim quinque fratres, vt testetur illis, ne & ipsi veniant in hunc locum tormentorum.* Fils, souuienne toy que tu as eu des biens en ta vie, & le Lazare semblablement des maux: lequel maintenant est consolé & tu demoures en tourment: & en tout cela, il y a vne grande confusion entre vous & nous, de

maniere

maniere que ceux qui veulent venir icy, ne le peuvent : ny ceux qui veulēt aller où vous estes aussi. Et il dist , le vous prie donc pere , de l'enuoyer en la maison de mô pere: car i'ay cinq freres, qu'il aduertira de ne venir en ce lieu de tourmens. De là ie concluds, que comme ces deux ames s'arraisonnerēt ensemble, & que le riche auare se souuint qu'il auoit cinq freres en la maison de son pere: qu'Abrahā luy remit en memoire, la bonne vie qu'il auoit menee au monde, & les traualx du Lazare, sans qu'il fust besoin du cerueau : ainsi les ames peuvent voir sans yeux corporels; ouir sans oreilles: gouter, sans langue: sentir, sans nés: & toucher, sans nerfs ny chair: voire mesmes beaucoup mieux sans comparaison. Cela mesme est entendu du diable, leq̃l est doué d'une mes-

me

me nature que l'ame raisonnable. L'ame du riche auare pourra res-
souldre tous ces doutes là: duquel
S. Luc raconte qu'estant en Enfer,
il leua les yeux: & vid le Lazare
qui estoit au sein d'Abraham: au
moyē dequoy il parla & dist ainsi,
Pere Abraham ayez pitié de moy:
enuoyez le Lazare, mouiller seu-
lement le bout du doigt en l'eau,
à fin de refraichir ma langue: car
ceste flamme me tourmēte beau-
coup. On peut recueillir par la do-
ctrine susdite, & par ces parolles
du riche auare, que le feu qui brus-
le les ames en enfer, est materiel,
comme celuy que nous auons icy,
& qu'il fait mal au riche auare &
aux autres ames (par la volonté &
disposition de Dieu) au moyen de
la chaleur: & que si le Lazare luy
portoit vne seillée d'eau froide, il
sentiroit vne grande recreation,

en se mettant en icelle. La raison en est fort claire: car si l'ame de ce riche n'a peu demourer au corps, par l'excessiue chaleur de la fièvre: & quád il beuuoit de l'eau froide, s'il est certain que son ame sentoit vne grande recreation, pourquoy n'entendrós nous cela mesme, estant iointe aux flâmes du feu infernal? Le leuer des yeux du riche auare, la langue alteree, & le doigt du Lazare, sont tous noms des puissances de l'ame, à fin que l'escriture se puisse expliquer: ceux qui ne vont par ce chemin, & qui ne se fondent en la philosophie naturelle disent mille absurditez. Mais aussi peu encores peut on inferer & conclure que si l'ame raisonnable est atteinte de douleur & tristesse (pource que son naturel est alteré & changé par qualitez contraires) elle est corruptible

&

& mortelle. On voit que les cédres
 sont cōposées de quatre elemēs, &
 neātmoins de fait ny de puissance
 il n'y a agent naturel au mōde qui
 les puisse corrōpre, ny qui leur fas-
 se perdre les qualitez cōuenables
 à leur naturel. Nous sçauons tous
 que le naturel temperament des
 cendres, est froid & sec: & neant-
 moins combiē que nous les met-
 tions dedās le feu, elles ne perdrōt
 iamais leur froideur radicale: &
 combien qu'elles demourent cēt
 mille ans dedās l'eau, il est impos-
 sible, estans tirees, qu'elles demou-
 rent avec humidité propre & na-
 turelle, & neātmoins on ne laisse-
 ra pas de confesser que par le mo-
 yen du feu, elles reçoieēt chaleur:
 & par le moyen de l'eau, humidi-
 té. Mais ces deux qualitez sont su-
 perficielles es cendres & durent
 peu au sujet: pource qu'estans se-
 parees

parees du feu, elles retournēt prendre leur propre qualité froide, & apres qu'elles sont tirees de l'eau, l'humidité ne leur dure pas vne heure. Mais vn doubte se presente au propos & colloque du riche auare, auēc Abraham, qui est, pour quoy & cōment l'ame d'Abrahā sceut raisons plus subtiles & hautes, que celles du riche auare, veu que nous auons dit ailleurs, que toutes les ames raisonnables (sorties du corps) sont d'egalle perfection & sçauoir? Auquel on peut respondre en deux manieres. La premiere est, que la science & le sçauoir qu'eut l'ame, estant au corps, ne se perd, quand l'homme se meurt, ains deuiet plus parfaite, pource qu'elle se resoult d'aucuns erreurs. L'ame d'Abraham, partit, tres-sage, de cete vie, & plaine de plusieurs reuelations &

secrets que Dieu luy cōmuniqua,
 pource qu'il luy estoit amy:mais il
 estoit force que celle du riche aua
 re,sortist sans sapience:premiere
 ment,pour le peché,que l'ignorā
 ce nourrit en l'hōme,& puis pour
 ce que les richesses produisent ef
 fect cōtraire à celuy de la pauvre
 té:laquelle donne esprit à l'hōme,
 comme nous prouuerōs cy apres,
 & la prosperité & richesse le luy
 oste.Il y a vne autre responce,sui
 uant nostre doctrine, qui est Que
 la matiere de laquelle ces deux
 ames parloient, estoit theologie
 scolastique:car de sçauoir si, estāt
 en enfer, il y auoit lieu de miseri
 corde,& si le Lazare pouuoit pas
 ser du Limbe en Enfer, s'il estoit
 conuenable d'enuoyer au monde
 quelque mort, qui declarast aux
 viuans, la peine & les horribles
 tourmens des condamnez, sont
 tous

tous poinçts scolastiques, desquels la decision appartient à l'entendement, comme ie prouueray en apres: & entre les premieres qualitez, ne s'en trouue pas vne qui trouble tât cete puissance, que fait l'excèsiue chaleur, de laquelle le riche auare estoit fort tourmenté: mais l'ame d'Abrahâ demouroit en vn lieu fort temperé, où elle receuoit grand plaisir & recreation: au moyen dequoy ne se faut pas ébahir si ses raisons estoient meilleurs. Parquoy ie cōclus que l'ame raisonnable & le diable ou l'esprit malin se seruent en leurs œuures des qualitez materielles, & que par aucunes ils sont offensez, & par autres contraires, ils reçoioiēt cōtèntemēt. Et pour cete cause ils appetent de demourer en certains lieux & fuient la demeure d'autres, sans estre corruptibles.

Comme est donnee à chacune difference d'esprit, la science qui luy respond en particulier : en luy ostant celle qui luy est repugnante & contraire.

C H A P. V I I I.

*Pour Ar-
chie. Poete.*



Tous les arts (dit Cice-
ron) sont constituez &
establiz souz certains
principes vniuersels,
lesquels se peuent aprendre, par
estude & travail. Mais l'art de poë-
sie est en cela, tant particulier, que
si Dieu ou la nature ne font l'hom-
me poëte, on ne gaigne gueres de
luy enseigner par reigles & prece-
ptes, comme il doit faire des vers:
& pour cete cause il dit. *Ceterarū
rerū studia & doctrina & praeceptis
& arte constant: Poeta natura ipsa
ualet & mentis viribus excitatur &*
quasi

*Est dens in
nobis, &c.
Ouid. de
fastis.*

quasi diuino quodam spiritu afflatur.

Les estudes & doctrine des autres choses gisent en preceptes & art: le Poete se sert de la nature, & est excité par les forces de l'esprit, & quasi inspiré de l'esprit diuin. Mais Cicéron n'a point de raison en cela: car de fait ne se trouue science ny art inuenté en la republique, que l'homme puisse apprendre, luy defaillant l'esprit, combien qu'il traueille toute sa vie pour apprendre reigles & preceptes: au lieu que si dauanture il s'adonne à celle que requiert son habilité naturelle, nous voyôs qu'il y est enseigné en deux iours. Cela mesme se voit en la poesie, sans aucune difference: car si ce luy duquel le naturel y est propre, se met à composer des vers, il les fait avec grâde perfection: autrement, il est tousiours vn mauuais

Poete. Estant dōc ainſi, il m'eſt ad-
 uis qu'il eſt temps de ſçauoir par
 art , à quelle difference d'eſprit
 reſpond en particulier chacune
 difference ou maniere de ſcien-
 ce , à fin que chacun entende
 avec diſtinction (ſachant deia
 ſon naturel) à quel art l'on peut
 eſtre naturellement diſpoſé. Les
 arts & ſciences qui s'aquerent par
 le moyen de la memoire, ſont cel-
 les qui ſ'enſuiuent, la Grammaire
 latine ou de quelque autre lan-
 gue: la theorique de la Iuriſpruden-
 ce ou du Droit: la Theologie po-
 ſitiue: la Coſmographie & l'Arith-
 metique. Celles qui appartiennent
 à l'étendement ſont telles, la Theo-
 logie ſcolastique : la theorique
 de Medecine: la Dialectique : la
 Philoſophie naturelle & morale:
 la pratique de Iuriſprudēce, que l'ō
 appelle Aduocacerie. De la bōne
 imagina

imagination naissent & procedēt
 tous les arts & sciences qui confi-
 stent en figure, correspondance,
 harmonie & proportion: qui sont
 la Poésie, l'Eloquence, la Musique
 & sçauoir prescher. Quāt à la pra-
 tique de medecine, mathemati-
 ques, Astrologie, art militaire, gou-
 uernemēt d'vne republique: quāt
 à peindre, tracer, escrire, lire: quāt
 à ce que nous voyons vn homme
 gracieux, affable, beau parleur,
 gentil & subtil: quant à tous les es-
 prits, desseings & œuures que font
 les ouuriers, & quant à la grace
 aussi de laquelle le vulgaire s'es-
 merueille, qui est de dicter à qua-
 tre esctiuains ensemble, matieres
 diuerses, de maniere qu'elles soiēt
 toutes bien ordonnees, nous ne
 pouuons en faire euidente de-
 monstrance, ny prouuer chacu-
 ne chose à part, pource que ce

ne seroit iamais fait : mais le faisant en trois ou quatre sciences, la mesme raison pourra servir aux autres. Au catalogue des sciences que nous auons dit appartenir à la memoire, nous auons mis la langue Latine, & les autres que parlent toutes les nations du monde: ce que nul homme sage ne peut nier : car les langues ont esté inuentees par les hommes, à fin de communiquer ensemble, & expliquer les conceptions les vns aux autres, sans plus grand mystere, ny autres principes naturels : de s'estre les premiers inuenteurs assemblez, ie veux bien (comme dit Aristote) former les vocables & donner à chacun sa signification. De là vient vn si grand nombre d'iceux, & tant de manieres de parler, sans principe ny raison, de sorte que si l'homme n'a bonne memoire,

*Au 1. liure
de l'inter-
pretation.*

moire, il luy est impossible les cō-
 prendre, par aucune autre puissan-
 ce. Et quāt à ce que l'imagination
 & l'entendement ne sont propres
 pour apprendre les langues & ma-
 nieres de parler, l'enfance le prou-
 ue clairement, qui est l'âge auquel
 l'homme est le plus de prouueu de
 ces deux puissances: & neātmoins
 Aristote dit que les enfans apren-
 nent mieux quelque langue que *En la 30.
sect. probl.*
 soit, que les hommes faits, bien-
 qu'ils soyent plus raisonnables, &
 qu'ils ayēt meilleur entēdemēt. Et
 sans que personne nous le die, l'ex-
 perience nous le monstre claire-
 ment: car nous voyons que si vñ
 Bizcain de trente ou quarāte ans,
 vient demourer à Castille, il n'a-
 prend iamais le naturel language:
 mais s'il est ieune hōme, en deux
 ou trois ans, il semble natif de To-
 lede. Autant en est de la langue La

tine & de toutes les autres du monde: car ceste mesme raison sert en tous lieux. Veudonc qu'en l'âge auquel regne le plus, la memoire, (& moins sert l'entendement & l'imagination) l'on apprend mieux les langues, que quand il y a faute de memoire (estant l'entendement en vigueur) il est certain qu'elles s'aquierét par la memoire, & non par aucune autre puissance. Aristote dit que les langues ne consistét en discours ny raison, & que par ce moyen on ne les peut auoir: & pourtant est necessaire ouyr d'un autre le vocable & la signification d'iceluy, & le mettre en memoire: au moyen dequoy, il prouue, que si l'homme naist sourd, necessairement il doit estre muet: pource qu'il ne peut entendre d'un autre, la prononciation des mots, ny la signification q̃ les inuenteurs leur ont

*An 4. liure
de l'histoire
des ani-
maux, cha-
pit. 9.*

ont donné. Que les langues soyēt inuentees au plaisir & volôté des hommes, se prouue clairemēt, par ce qu'en toutes, se peuuent enseigner les sciences, & en chacune se peut dire & declarer ce que l'autre veut entendre. Parquoy ne se trouuera pas vn des graues auteurs, qui ait esté chercher vne lāgue estrangere, pour donner à entendre ses cōceptions: ains les Grecs ont escrit en Grec: les Romains, en Latin: les Hebrieux, en Hebrieu: & les Mores en Arabic: & ainsi ay-
 ie *Pourquoy* escrit en Hespagnol, pource que *l'Auteur a*
 ie sçay mieux ceste langue q̄ nulle *escrit en*
 autre. Les Romains comme sei- *Hespagnol*
 gneurs du monde, voyās leur estre necessaire auoir vne langue cōmune, au moyen de laquelle, toutes nations peussent cōmuniquer ensemble: & eux mesmes ouyr & entendre ceux qui viendroyent vers
 eux,

eux, leur demander iustice, & choses
 cōcernant leur gouuernemēt,
 commâderēt d'ouurir escoles par
 tous les endroits de leur empire,
 en laquelle l'on enseignast la lan-
 gue Latine: à raison dequoy elle
 ha duré iusques aujourd'huy. Il est
 certain que la theologie scolasti-
 que appartient à l'entendement,
 attendu que les œuures de ceste
 puisſâce, ſont, Distinguer, inferer,
 raisonner, iuger & elire, pource
 que rien ne se fait en ceste facul-
 té, que ne ſoit douter, par inconue-
 niens: répondre, par distinction,
 & contre la responce inferer ce
 qu'en bonne consequence se peut
 recueillir: & retourner répondre
 iusqu'à tant q̃ l'entendement s'ap-
 païſe & ſoit content. Mais la plus
 grande preuve qui ſe puiſſe faire
 ſur ce poinct, eſt de dōner à enten-
 dre, avec cōbien grande difficulté
 s'assem

s'assemble la lāgue Latine avec la theologie scolastique:& cōme ordinairement on ne voit aduenir, qu'vn homme soit ensemble bon Latin & profond scolastique. Duquel effect se sont emerueillez certains curieux (qui s'y sont rencontrés) lesquels en ont voulu trouuer la cause & raison, & ont veu que comme ainsi soit que la theologie scolastique est escrete en langue plaine & cōmune, & que les bons Latins prestent volōtiers l'oreille au stile elegant de Ciceron, ils ne se peuent accommoder à icelle. Ce pourroit bien là estre la cause aux Latins, pourquoy forçant l'ouye (par l'vsage) leur mal reçoit remede: mais à parler à la verité, c'est plustost douleur du chef, que mal del'ouye. Ceux qui sont bons Latins, ont cōsequemment vne grāde memoire: car autremēt ils

ils ne pourroyent deuenir si excellens, en vne langue, qui n'est à eux propre. Et pource que la grande & heureuse memoire est cōme contraire au grand & haut entendement, en vn suieēt, elle l'abaisse & deprime aucunemēt. Et de là viēt que celuy qui n'a tant bon & haut entendement (qui est la puissance à laquelle apartiēt, distinguer, conclure, raisonner, iuger & elite) n'a quiert le parfait poinēt de la theologie scolastique. Quiconque ne se contentera de ceste raison, lise S. Thomas, l'Escot, Durād & Caictan (qui sont les premiers & principaux de ceste faculté,) & il trouuera grādes subtilitez en leurs œuvres, dites & escrites en gros & cōmun Latin. Dequoy n'y a autre raison, sinō q̄ ces graues auteurs ont eu, des leur enfance, fort pauvre memoire, pour estre excellens
en

en langue Latine. Mais estans venus à la Dialectique, Metaphysique, & Theologie scolastique, ils ont obtenu la cognoissance telle que nous voyons, pource qu'ils auoyent vn grand entendement. J'ay cogneu vn Theologien scolastique, (& plusieurs autres l'ont cogneu & hanté) lequel estant le premier en ceste faculté, ne parloit tant s'en faut elegammét, que mesmes en lisant, ses disciples notoient qu'il parloit grossieremét Latin : au moyen dequoy, ils luy cōseillerent, cōme gens qui ignoroient ceste doctrine, de laisser aucunesfois l'estude de la Theologie scolastique, pour employer secretemét quelques heures, à la lecture de Ciceron. Et cognoissant que ce cōseil luy estoit baillé, par ses bons amis, il tascha de remédier à ce defaut non seulement en secret,

secret, mais aussi en public : car acheuât de lire la matiere de la Trinité (ou comme le Verbe diuin a peu prendre chair humaine) il entroït pour ouyr vne leçon en Latin : mais c'est vne chose notable qu'en long temps qu'il fit ainsi, il n'aprint nō sculemēt aucune chose de nouueau, mais par ce moyē il vint à perdre le Latin cōmū qu'il sçauoit au parauant, à raison de quoy force luy fut lire en sa lāgue maternelle. Et comme le pape Pie quatriesme demandaſt quels theologiēs estoÿēt au Cōcile de Trēte, pour les plus signalez, on luy dist qu'il y auoit vn singulier Theologien Hespagnol, duquella resolution, argumens, respōces & distinctions estoÿent dignes d'admiration. Et le Pape desirāt voir & cognoistre vn hōme tant signalé, il luy māda qu'il vint à Rome, pour
luy

luy ſçauoir dōner raiſon de ce qui ſ'eſtoit paſſé au concile: & quand il fut à Rome, le Pape luy fit beaucoup de faueurs, l'enuōya querir & le prenant par la main, le mena en ſe promenant, iuſques au chasteau S. Ange: & luy deuifa en Latin fort elegant, de certains baſtimens, qu'il y faiſoit faire, pour le fortifier dauantage, & luy en demanda ſon aduiſ. A quoy il reſpōdit avec telle peine & ſi confuſément (pource qu'il ne ſçauoit parler Latin) q̃ l'embassadeur d'Heſpagne (qui eſtoit lors don Loys de Requeſenes grand cōmendeur de Caſtille) vint luy faire honneur avec ſon Latin, pour distraire le Pape à autre matiere differēte. En fin le Pape diſt à ceux de ſa chambre, qu'il n'eſtoit poſſible qu'un hōme entendant ſi peu Latin, fuſt ſi ſçauant en theologie que l'on diſoit.

Mais cōme il l'esprouua en ceste
 lāgue (qui est œuvre de la memoire)
 & au bastiment (qui appartient
 à la bonne imagination) s'il
 l'eust sondé en choses concernans
 l'entendement, il luy eust dit & a-
 mené cōsiderations diuines. Nous
 auons mis du commencement, la
 poesie au catalogue des sciences
 qui appartiennent à l'imaginatiō,
 non point d'auanture, ny par fau-
 te de cōsideratiō : mais pour don-
 ner à entendre, cōbien sont élon-
 gnez d'entendement ceux qui ont
 bōne veine, pour faire des vers. Et
 ainsi trouuerōs nous, qu'il y a telle
 difficulté & encores plus grande,
 sans comparaison, entre ceste fa-
 culté & l'art de versifier, qu'il y a
 de joindre la langue Latine avec
 la theologie scolastique. Cest art
 est tant contraire à l'entendement,
 q̄ par la mēme raison qu'aucun se
 rendra

rēdra excellēt en la poēsie, il peut
 donner congé à toutes les sciēces
 qui appartiennent à ceste puissan-
 ce : & mesmes à la langue Latine,
 pour la contrariété qui est entre la
 bōne imagination & la bōne me-
 moire. Aristote n'a point trouué
 la raison du premier : mais cōfirme *En la 30.*
 mon opiniō, par vne experiēce, di *sect. probl.*
 sant. *Marcus cinis Syracusanus poe-*
ta erat praestantior, dum mente alie-
naretur. C'est à dire, Marc de Siracuse
 estoit meilleur Poete, quād il
 estoit hors du sens : & c'est pour-
 quoy la differēce de l'imaginatiō
 (à laquelle appartient la poēsie) est
 celle qui requiert trois degrez de
 chaleur : & ceste chaleur si grāde,
 comme nous auōs dit autre part,
 fait perdre du tout, l'entendēmēt.
 Ainsi la noté le mesme Aristote :
 car il dit que Marc de Siracuse se
 venant à moderer auoit meilleur

entédemét: mais qu'il ne cōposoit pas si biē, pour le defaut de la chaleur, par laquelle ceste difference d'imagination vient à exercer son œuvre. De laquelle Ciceron estoit priué, comme il ha monsté voulant escrire en vers les faits heroïques de son consulat, & l'heureuse naissance de Rome, en ce qu'elle auoit esté par luy gouuernee: car il dit ainsi,

O fortunatã natã, me cõsule, Romã!

Et pource que Iuuenal n'entédoit pas, que la science de Poësie estoit contraire à vn homme de si bon esprit que Cicero, il le taxe en ses satyres, & dit. Si tu eusses dit & prononcé tes Philippiques, contre Marc Antoine, au ton de ce vers tât mal raboté, il ne t'eust pas cousté la vie. Platon a dit que la poësie n'estoit science humaine, mais reuelatiõ diuine, pource que
les

*Ausophi-
Ar.*

les Poëtes n'estés hors d'eux mesmes & plains de Dieu, ne peuuent composer ny dire chose qui soit excellëte. Ce qu'il prouue par vne raison, disant que l'homme estant en son libre iugement, ne peut faire des vers: mais Aristotele le repréd disant que l'art de poësie n'est pas habilité humaine, mais reuelatiõ *En la 30. sect. prabl.* diuine: & auouë quel'homme d'esprit, & qui est en son bon & libre iugement, ne peut estre Poëte. La raison est que là où il y a beaucoup d'esprit, il est force d'auoir faute d'imagination, à laquelle appartient l'art de composer: ce qui peut estre demonstré plus clairement, sachant que depuis que Socrates eut appris l'art poetique, il ne peut avec tous ces preceptes & regles, faire vn vers: & neantmoins il fut iugé, par l'oracle d'Apollon, le plus sage homme du monde.

Ainsi dōc ie tiens pour chose certaine & manifeste q̄ le ieune homme lequel a bonne veine, pour faire des vers, & qui trouue legèrement ce qui y est necessaire, sans grande consideration, ne scait ordinairement avec eminence la lāgue Latine, la Dialēctique, la Philosophie, la Medecine, la Theologie scolastique, ny les autres arts & sciences qui appartiennent à l'entendement & memoire. Et ainsi le voyons nous par experience: car si nous baillons à vn de ces ieunes là, vn nominatif à apredre par cœur, il ne le sçaura en deux ny trois iours: mais si on luy baille vn papier escrit en vers, pour presenter quelque comedie, il retient incontinent tout le contenu d'iccluy. Ceux là se gastent à lire les liures de cheualleries, Roland, Boscan, Diane de Monte-maior

& autres semblables , pource que toutes ces œuvres là appartiennēt à l'imagination. Et puis que dirōs nous du chant , & des musiciens, desquels l'esprit est fort mal propre au Latin, & à toutes les autres sciences qui appartiennent à l'entendement & memoire ? Autant en est du toucher des instrumens & de tout genre de musique. Par ces trois exemples que nous auōs tiré du Latin, de la theologie scolastique & de la poesie, nous entendrons que ceste doctrine est veritable : & que nous auons bien fait la diuisiō susdite, cōbien que nous ne fassions preuve particuliere des autres arts & sciences. L'escriture decouure pareillement l'imagination : & par ainsi voit on peu d'hōmes de grand entendement qui escriuent bien : dequoy i'ay noté plusieurs exemples : & speciale-

ment i'ay cogneu vn theologien
scolastique fort sçauant, lequel fa-
ché de voir la mauuaise lettre qu'il
faisoit, n'osoit escrire aucunes
missiues à personne, ny respondre
à celles qu'on luy enuoioit, tant
qu'il delibera faire venir secrete-
mēt vn maistre en sa maison, pour
luy enseigner aucunemēt à mieux
escrire qu'il ne faisoit. Mais ayant
trauailé plusieurs iours en cesa, il
perdit son temps, pource qu'il n'y
fit aucun profit: & pourtant il lais-
sa là tout: & le maistre qui l'ensei-
gnoit fut ébahy de voir vn hom-
me si sçauant en sa faculté, tant in-
habile à l'escriture. Mais quant à
moy qui sçay bien que la bonne
escriture depend de l'œuure de l'i-
magination, i'ay prins cela pour
vn effect naturel. Si siquelqu'un
le veut voir & noter, considere les
estudians qui gagnent leur vie
aux

aux vniuersitez à esctire & copier papiers, en bonne lettre, & l'on trouuera qu'ils sçauét peu de Grammaire, peu de Dialectique & peu de Philosophie: & s'ils estudient en Medecine ou en Theologie, ils n'y sont iamais profonds. Parquoy le ieune homme lequel avec la plume sçaura fort bien peindre & tirer vn cheual, & vn homme, & faire vn bõ traict, n'est propre à aucun genre de lettres: mais doit estre mis avec vn bon Paintre, pour faciliter son naturel, par le moyen de l'art. Lire bien & facilemēt decouure aussi vne espeece d'imagination: & si est ce chose fort notable que celuy qui lit ainsi, n'a que faire de perdre le tēps, à l'estude des lettres, mais faire seulement qu'il gangne sa vie, à lire des proces. Il y a en cela vne chose digne de noter: c'est que la difference de

l'imagination, qui rend les hōmes gracieux, affables, & beaux parleurs, est contraire à celle, qui est necessaire à l'homme pour lire facilement: & ainsi nul ayant ceste grace que i'ay dit, peut apprendre à lire parfaitemēt. Sçauoir iouër à la prime, & enuyer faussement & au vray, vouloir & ne vouloit en son temps, & par coniectures cognoistre le poinct de son contraire, & sçauoir bien descarter, est œuvre appartenant à l'imagination. Autant en est de iouer au cēt, & à la trionfe, combien qu'il semble qu'il y ait plus d'imagination en la prime, qui demonstre nō seulement ceste difference d'esprit, mais aussi decouure toutes les vertuz & vices de l'homme, pource qu'à toute heure s'offrent en ce ieu, occasions par lesquelles l'hōme demonstre ce qu'il feroit aussi bien

bien en autres choses plus grandes, s'il y estoit. Le ieu des Eschets est vne des choses qui decouure le plus l'imagination : & pour ceste cause celuy qui entend fort bié ce ieu, est en danger d'estre mal propre aux sciences qui appartiennét à l'entendement & memoire : si n'estoit qu'il eust deux ou trois puissances assemblees, cōme nous l'auons deia noté. Et si vn certain Theologien scolastique que i'ay cogneu fort sçauât, eust aquis ceste doctrine, il eust eu resolution d'vne chose, de laquelle il doutoit. Cestuy iouoit souuent avec vn sien domestique, & perdant il luy disoit, Qu'est cecy? tu ne sçais ny Latin, ny Dialectique, ny Theologie (combien que tu y ayes estudié) & tu mē gangnes, non obstât que i'esois plain de l'Escot & de S. Thomas. Est-il possible q̄ tu ayes
 meilleur

meilleur esprit que moy? ie pense
 que le diable te reuelle ce ieu, &
 ne le puis croire autrement. Tout
 le mystere qui estoit en cela est q̃
 le maistre auoit grand entende-
 ment, par le moyen duquel il par-
 uenoit aux subtilitez de l'Escot &
 de S. Thomas & estoit deprouueu
 de la differēce d'imagination, par
 laquelle on ioue aux eschets: mais
 le ieune hōme auoit mauuais en-
 tendement & memoire, & l'ima-
 gination fort grande. Les estudiās
 qui ont leurs liures bien dressez &
 arrāgés en leur estude (estāt chacū
 ne chose en son lieu ppre) ont vne
 certaine difference d'imaginatiō
 fort contraire à l'entendement &
 memoire. Les hommes propres,
 mistes, neets & gentils, qui vont
 chercher les poils de la cappe, &
 qui sont fachez des rides & plis
 d'vn accoustrement, sont d'vn
 mesme

*L'habillem-
 ent du
 corps ieune*

mesme esprit: ce qui procède cer- ^{indice de}
 tainement de l'imagination: car si ^{l'homme,}
 vn hōme ne sçauoit faire des vers, ^{Ecccl. ch. 19.}
 & qu'il y fust mal propre, si dauan-
 ture il devient amoureux, Aristote ^{Es sphi-}
 dit qu'il se fait bō Poëte: pource q̃ ^{ses.}
 l'amour échaufe & deseiche le cer-
 ueau, qui sont les qualitez de l'i-
 magination. Iuuenal note que l'in-
 dignatiō en fait de mesme, qui est
 vne passion laquelle pareillement
 eschaufe le cerueau.

*Si natura negat facit indignatio ver-
 sum.*

C'est à dire.

*Si nature ne veut, l'indigné fait le
 vers.*

Les beaux parleurs, plaisans, & qui
 sçauent donner vn bon trait, ont
 aussi vne certaine difference d'i-
 magination fort contraire à l'en-
 tendement & memoire. Et pour
 ceste cause ils ne sont iamais bons.

Grammaï

Grāmairiēs, Dialecticiens, Theologiēns scolastiques, Medecins ny Legistes. Ceux qui sont subtils, fins & rusez en tout ce qu'ils entreprenēt: pronts à parler & respōdre à propos, sont propres pour seruir au palais, pour solliciter, & manier les affaires des marchands, & mēmes pour acheter & vendre: mais ils ne sont pas bōs aux lettres. En cecy le vulgaire se trompe grandemēt de penser que ceux qui sont ainsi adroits & subtils à toutes choses, seroient propres à l'estude des lettres s'ils y ēstoient mis: car, de fait, il n'y a aucun esprit, qui soit plus contraire & repugnant aux sciences, que de ceux là. Les ieunes hōmes qui tardent beaucoup à parler, ont en la langue & au cerueau beaucoup d'humidité: & quand elle est consommee par laps de temps, ils deuiennent

viennent fort eloquents, & grāds
 parleurs, à cause de la grande me-
 moire qu'ils ont, depuis que ceste
 humidité se vient à moderer: ce
 que nous sçauons estre autrefois
 aduenü à ce grand Orateur De-
 mosthene, duquel nous auons dit
 que Ciceron s'estoit émerueillé,
 sachāt que de ieunesse il auoit esté
 fort rude à parler, & qu'à ceste heu-
 re là il estoit deuenü si eloquent.
 Les ieunes hommes aussi qui ont
 bonne voix, & qui fredonnent de
 leur gorge, sont fort ineptes &
 mal propres à toutes les sciences,
 pource qu'ils sont froids & humi-
 des: lesquelles deux qualitez, ioin-
 tes ensemble, font perdre la partie
 raisonnable. Les estudians qui re-
 citēt leur leçon ny plus ny moins
 que le maistre la leur a faite, de-
 monstrent bien qu'ils ont bonne
 memoire: mais l'entendement le
 doit

doit bien payer, lequel ils n'ont pas bon. Aucuns Problemes & doutes se presentent en ceste doctrine. La respõce ausquels, pourra parauanture mieux seruir, pour entendre estre veritable ce que nous auons dit. Pour le premier, on peut demander d'où vient que les bons Latins sont plus arrogãs & presomptueux, en leur sçauoir que ne sont les hõmes fort doctes au genre de lettres qui appartiennent à l'entendement : de maniere que pour entendre que c'est du Grammairiẽ, on peut dire en cete maniere, *Grammaticus ipsa arrogantia est.* Le Grammairien n'est autre chose que la mesme arrogãce. Pour le second, d'où vient que la langue Latine est tant contraire à l'esprit des Hespagnols, & tãt propre & naturelle aux François, Italiens, Alemãs, Anglois & à tous les

L'Esprit
des Hespä-
gnols repu-
gnant à la
langue La-
tine.

les autres qui habitent vers le septentrion: cōme l'on voit par leurs œuures: car voyans vn liure couché en bon Latin, nous cognoissons incontinent que l'auteur d'iceluy est estrangier, & si nous en voions vn autre en langage barbare & mauuais Latin, nous cognoissons qu'il ha esté fait par vn Hespagnol. Pour le troisieme, cōme les choses qui se disent & escriuent en langue Latine, sonnent mieux, sont plus agreables & ont plus d'elegance, qu'en quelque autre langue, tant bonne soit elle: ayant dit autrefois que toutes les langues dépendent de la volonté & plaisir de ceux qui les ont inuētees, sans aucun fondement naturel. Pour le quatriesme, comment se peut faire, qu'estans routes les sciences qui appartiennent à l'entendement, escrites en Latin, ceux

qui sont depourueuz de memoire, les peuuent lire & estudier dedans les liures, veu que par cete raison, la langue Latine leur est repugnan te. On peut respondre au premier, que pour cognoistre si vn homme est depourueu d'entendement, ne se trouue plus certain signe, que de le voir, hautain, presomptueux, enflé, ambicieux, poignât, & plain de ceremonies. La raison de cela est, que tout cela est œuvre d'une differēce ou maniere d'imagina tion, qui ne demāde pas plus d'un degré de chaleur, avec lequel com patit aisement vne grande humi dité, qui demande la memoire, pour n'auoir la vertu & force de la resouldre. Au contraire, l'hom me qui est naturellemēt humble, qui ne fait cas de soy, ny de ses be songnes, qui ne se vante ny ne se loue, mais se fache des louanges que les

que les autres luy dōnent & qui est ennemy des lieux & ceremonies honorables, demonstre certainement & par vn indice infalible, qu'il est pourueu d'vn entendemēt merueilleux, & qu'il a peu d'imaginatiō & memoire. I'ay dit naturelle-
 mēt hūble : car s'il l'est avec artifice, ce signe la n'est pas certain, c'est *On trouue qui s'humilie malicieusement :*
 pourquoy l'ō voit, que cōme ainsi *duquel l'interieur est plain de tromperie.*
 soit que les grammeriens sont de *Eccles.*
 grāde memoire, & assemblent l'imagination avec cete difference, *chap. 19.*
 par consequent ils sont deprou-
 ueuz d'entendement, & tels que
 dit le prouerbe, Que le gramme-
 rien n'est autre chose qu'vne pure
 arrogance. Quant au second, on
 peut respondre, que Galen recher-
 chant l'esprit des hommes, par le
 temperament de la region, en la- *Aulin. que les mœurs de l'esprit.*
 quelle ils habitēt, dit que ceux qui *chap. 9.*
 demourent au deüssus de septen-

trion, ont tous faute d'entendement & ceux qui sont situez entre le Septentrion & la zone torride ou brulante, sont fort prudents & aduisez: laquelle situation respond iustement à nostre pays d'Espagne, qui n'est pas si froid que le Nort, ny si chaud que la zone torride du milieu. Aristote est de cete opiniõ, quand il demande pourquoy ceux qui habitent en pays fort froids, n'ont pas tant bon entendement que ceux qui naissent en regions plus chaudes? En la respõce il traite fort mal les Flamans, Alemans, Anglois & ceux de ces regions là, disant que leur esprit ressemble à celuy des yurongnes: à raison dequoy, ils ne peuuent sçauoir la nature des choses. Dequoy est cause la grande humidité qu'ils ont au cerueau, & es autres parties du corps: ce que demõstre la blâcheur
du vi

*En la 14.
sect. pro-
hie. 15.*

du visage & la couleur iaune des cheueux: car c'est merueille, quād on voit vn Alemā chauue: ils sont tous grands, à cause de la grande humidité qui est en eux, qui leur fait dilater les membres. Ce qui se trouue tout au contraire, aux Hespagnols, qui sont vn peu basanez avec le poil noir, de moyenne stature, & la plus part, chauues: qui est vne disposition que Galen dit venir du cerueau qui est chaud & sec. *Au liure de l'art medec. chap. 14. & 15.* Ce qu'estât vray, il est force, qu'ils ayent mauuaise memoire & grand entendement: au cōtraire des Alemans, qui ont grande memoire & peu d'entendement. Au moyē de quoy les vns ne peuēt sçauoir Latin, & les autres l'apprennent facilement. La raison que dōnc Aristote, pour prouuer le peu d'entendement de ceux qui habitent au dessouz du Septentrion, est, Que

la grande froideur de la region, reuoque & fait retirer la chaleur naturelle au dedans, & ne la permet s'espandre: au moyē de quoy ceux là ont vne grande humidité & chaleur, qui fait qu'ils sont prouuez d'vne grande memoire, pour les langues, & d'vne bonne imagination, pour faire orloges, trouuer les moyens d'aller souz l'eau, forger machines & œuures de grand esprit, que les Hespagnols ne peuvent faire, pour estre priuez d'imagination: mais s'ils sont mis sur les poincts de Dialectique, Philosophie, Theologie scolastique, Medecine & Loix, vn Hespagnol dira sans comparaison, de plus grandes choses, en ses termes barbares, que ne fera pas vn estrangier en son beau Latin, lequel hors mis l'elegance & netteté du parler ne dit chose qui soit excellēte.

Galen dit, pour aprobatation de ce- ^{Au liure,}
 ste doctrine, *In Scythijs, vnus vir fa* ^{Que les}
ctus est philosophus: Athenis autem ^{mœurs de}
multi tales. C'est à dire, En Scithie ^{l'esprit. cha} *pit. 10.*
 prouince Septétrionale, par mer-
 uelle est sorty vn homme philo-
 sophe, & en Athenes tous naissent
 tels. Mais combien que ces Septé-
 trionaux ne soyent nez à la philo-
 sophie, ny aux autres sciences que
 nous auôs dit, les Mathematiques
 & l'Astrologie leur sont conuena-
 bles, pource qu'ils ont bonne ima-
 gination. La responce au troisié-
 me probleme depend d'une que-
 stion fort celebre qui est entre Pla-
 ton & Aristote. L'vn dit se trouuer ^{In Cratic.}
 noms propres, qui naturellement
 signifient les choses, & qu'il faut
 vn grand esprit pour les trouuer:
 qui est vne opinion que la saincte
 escriture fauorise, disant qu'Adam
 imposoit nom propre & conue-

nable à toutes les choses que Dieu

*Au liore 1.
de l'inter-
pre. chap. 2.* auoit mis deuant luy : mais Aristote ne veut pas accorder qu'il y ait, en aucune langue, nom ny maniere de parler qui signifie naturellement la chose, pource que tous les termes & noms sont inuentez à l'appetit & volonté des hommes. Et ainsi voit on par experience que le vin ha plus de soixante noms & le pain autant (vn, en chacune langue) & ne peut on dire lequel est le propre, naturel, & cōuenable, pource que tous les hommes du monde en vseroyent. Ceneantmoins l'opinion de Platon est plus veritable : car, posé le cas que les premiers inuenteurs des vocables & termes, les ayent forgez à leur plaisir, ils ont eu, neantmoins, vne volonté raisonnable, communicee à l'ouye, à la nature de la chose, & à la grace de la

la prononciation , ne faifans les mots courts ny longs : autrement n'eust esté neceffaire mōſtrer vne laideur de la bouche , au temps de la prononciation, en mettant l'accent au lieu conuenable, & gardāt autres conditions que doit auoir la langue , pour eſtre elegante & non barbare. De ceſte opinion de Platon fut vn cheualier Heſpagnol, qui prenoit tout ſon plaifir à eſcrire liures de cheualleries, pour ce qu'il eſtoit prouueu d'une certaine maniere d'imagination, qui conuie & appelle l'homme à fictions & menſonges. On dit de ceſtuy là qu'introduifant en ſes œuvres vn geāt furieux, il demoura lōg temps à imaginer vn nom, qui fuſt du tout correfpondant à ſon audace : & iamais ne le peut trouuer , iuſqu'à ce que iouant vn iour, aux cartes , en la maiſon d'un

lien amy, il ouit dire au maistre de la maison ces mots, *O là mochacho traquitantos à esta mesa* : c'est à dire, O garçon apporte icy des iettons ou marques pour mettre en ieu. Incontinent il trouua ce mot, *traquitantos* de bonne grace, & le sentit bien sonner à ces oreilles; & sans regarder dauantage, il se leua, disant. Messieurs, ie ne iouë plus, car il y a long temps que ie cherche vn nom conuenable à vn geât furieux que i'introduy en certaines fictions que ie compose: & ie ne l'ay peu encores trouuer iusques à ceste heure, que ie suis venu en ceste maison, où ie reçois tousiours quelque plaisir & faueur. Les premiers inuenteurs de la langue Latine, auoyēt la curiosité de ce cheualier, & par ce moyē ont trouué vn langage bien sonnant aux oreilles. Parquoy ne se
faut

faut pas ébahir si les choses qui se disent & escriuent en Latin sonnent tant bien, & aux autres langues, si mal: pource que les premiers inuêteurs d'icelles ont esté barbares. I'ay esté cōtraint de mettre le dernier, pour satisfaire à plusieurs, qui s'y sont trôpez, veu que la solution en est fort aisée: car ceux là qui ont grād entendemēt, ne sont pas du tout priuez de memoire: pource que n'en ayāt point du tout, l'entendemēt ne pourroit iamais discourir ny raisonner, d'autāt que ceste puissance est celle, qui ha la matiere & les fantasies, sur lesquelles se fondēt les cōsideratiōs: mais pource qu'elle est remise ou lasche de trois degrez de perfection qui se peuuent aquerir en la langue Latine, qui sont, l'entendre, l'éscrire & le bien parler, elle ne peut passer la premiere,

si ce

si ce n'est mal & grossierement.

Comme il est prouué que l'eloquẽce & netteté de parler, ne peut estre aux hommes de grand entendement.

C H A P. I X.



E vulgaire pense & se persuade, que l'hóme est fort sage & prudent, quand il l'entend parler avec vne grande eloquence, & ornement de langage, avec vne quantité de vocables elegans & gracieux, vsant de plusieurs exemples accommodez à propos, en la matiere qu'il traite: ce qui vient d'une cõionction qui se fait de la memoire avec l'imagination, au degré de chaleur: laquelle ne peut pas resouldre l'humidité du cerueau, & sert à eleuer les figures & les faire soudre: au moyen dequoy se decouurent plusieurs conceptions

*Ciceron dit
que l'honneur
de l'hóme
est d'auoir
l'esprit
propre à l'e
loquence.*

Ceptions & choses à dire. Il est impossible que l'entédement se trouue en ceste assemblée, pource que nous auons deia dit & prouué vne autre fois, que ceste puissance abo mine grandement la chaleur, & que l'humidité ne la peut souffrir. Que si les Atheniëns eussent eu ceste doctrine, ils ne se fussent pas tant émerueillez de voir vn homme si sage que Socrate, qui ne sca- uoit parler, de maniere que ceux qui entédoyent parler de sa grande sagesse, disoyent que ses paroles & sentences ressembloyent à certaines caisses de matiere rude & mal polie par dehors, qui auoyét au dedás besongnes riches & peintures dignes d'admiration. En la mesme ignorance ont esté ceux lesquels voulans donner raison del'obscurité & mauuais stile d'Aristote, dirét que expressement,

à fin

*Platon le
côte au dia
logue de la
science, &
au bāquet.*

à fin que les œuvres eussent plus
 grâde autorité, il ha escrit sans or-
 nement de l'âguage & belles phra-
 ses de parler. Et si nous considérons
 pareillement comme Platon y
 procede, le rude stile d'iceluy & la
 briefueté de laquelle il escrit, l'ob-
 scurité de ses raisons, la mauuaise
 collocation des parties de l'orai-
 son, nous trouuerons que la cause
 n'en est autre. Si nous lisons les
 œuvres d'Hippocrate, voyons nous
 pas comme il procede aux noms
 & verbes? comme il colloque mal
 ses dits & sentences; la mauuaise
 liaison de ses raisons, le peu de
 chose qu'il ha à dire, pour emplir
 ceux qui sont vuides de doctrine?
 Que diray-je plus? sinon que vou-
 lant raconter à Damagete son a-
 my, cōme Artaxerxe Roy des Per-
 ses l'auoit mandé, avec promesse
 de luy donner tout l'or & l'argent
 qu'il

*Ciceron
 louant l'e-
 loquēce de
 Platon dit,
 que si Iupi-
 ter eust vou-
 lu parler
 en Grec, il
 eust parlé
 comme Pla-
 ton. De cla-
 riss orator.*

qu'il voudroit, & de le tenir entre les plus grands de son royaume, (ayant surce plusieurs demâdes & responce) il dist ainsi, *Persarum rex accersuit, ignarus quòd apud me maior est sapientia ratio quàm auri.* Vale. C'est à dire, Le Roy des Perles m'a mandé, ne sçachât que i'estime plus la sagesse que l'or. Si ceste matiere fust tombee entre les mains d'un Erasme ou de quelque autre de bõne imaginatiõ & memoire. cõme luy, il en eust emply plus d'une main de papier d'escri-ture pour la dilater. Mais qui eust osé amener exemple de ceste doctrine, par l'esprit naturel de S. Paul, & affirmer qu'il estoit homme de grand entendement & de peu de memoire, & qu'il ne pouoit, par ses forces, sçauoir les langues, ny les parler avec ornement & elegance, s'il n'eust dist ainsi?

Nihil

2. Cor. cha-
pit. II.

Nihil me minus fecisse à magnis Apostolis existimo : nam imperitus sum sermone, sed non scientia. C'est à dire, le cōfesse que ie ne sçay parler, toutesfois en sçauoir & sciēce, personne des Apostres ne me surpasse. Ceste difference & maniere d'esprit estoit fort propre à la publication de l'Euangile, & n'eust esté possible en choisir vne meilleure : car en ceste charge n'estoit pas conuenable d'estre eloquent, ny se seruir d'vn ornement de langage: attendu que la force des orateurs de ce tēps là se découuroit, à faire entendre au peuple les choses fausses pour vrayes, & luy persuader par les preceptes de leur art, le cōtraire de ce qu'il receuoit pour bon & profitable: qu'ils soustenoyent mesmes qu'il valloit mieux estre pauvre que riche: malade, que sain : ignorant que sça-
uant,

uant, & autres choses qui estoient manifestement contre l'opinion du vulgaire: & pour ceste cause les Hebrieux les appelloyēt *Genanin*, qui signifie trompeurs. Caton le vieil fut de ce mesme aduis, & trouua qu'il estoit dangereux de tenir telle maniere de gens à Rome: veu que les forces de l'empire Romain estoient fondées sur les armes, & que ceux cy commençoient deia à persuader qu'il estoit bon que la ieunesse Romaine les laissast, pour s'adonner à ce genre de science: & ainsi en brief il les fit chasser de Rome, de maniere que la demeure en icelle leur fut defendue. Dauantage si Dieu eust trouué vn prescheur eloquent, qui fust entré en Athenes ou dedans Rome, pour certifier que les Iuifs ont crucifié en Hierusalem vn homme qui estoit

vray Dieu , & qu'il est mort de sa propre & agreable volonté , pour racheter les pecheurs : qu'il est resuscité le troisieme iour , & qu'il est monté au ciel où il est maintenant , qu'eussent pensé les auditeurs de ce theme , sinon quelque folie & vanité telle que les orateurs ont coustume de mettre en auant par la force de leur art ? Et pour ceste cause saint Paul a dit,

1. Cor. ch. 1. *Non enim misit me Christus baptizare sed euangelizare , non in sapientia verbi, ut non euacuetur crux Christi.* C'est à dire , Iesus-Christ ne m'a pas enuoyé pour baptiser , mais pour prescher , non par l'art oratoire , à fin que le peuple ne pensast que la croix de Christ fust quelque vanité , de celles que les orateurs ont coustume de persuader. L'esprit de saint Paul estoit propre à ce ministere : car il auoit grand

grand entendement pour soustenir & prouuer aux sinagogues & aux Gentils que Iesus Christ estoit le Messie promis en la loy : & que il n'en falloit attendre vn autre : ce neantmoins il estoit de peu de memoire : à raison dequoy il ne pouuoit parler avec ornement de parolles douces & miellees : aussi la publication del'euangile auoit besoin d'vn tel ministre. Je ne veux pas dire pourtant que saint Paul n'eust le don des langues : car il parloit en toutes aussi bien qu'en la sienne : i'entens aussi peu, que pour defendre le nom de Christ, les forces de son grand entendement fussent suffisantes, sans la grace particuliere que Dieu luy auoit faite : ie veux dire seulement que les dons supernaturels œuurent & produisent meil-

leurs effectz en vne bonne nature , qu'en vn homme de soy-mesme tardif & ignorant. A quoy fait ce que dit saint Hierosme en son proeme sur Esaie & Hieremie, quand il demande pourquoy n'y ayât qu'un S. Esprit qui a parlé par la bouche de Hieremie & d'Esaie, l'un propose les choses qu'il escrit, avec vne grande elegance, & Hieremie à peine peut parler. Il respôd à ce doubte que le S. Esprit s'accômode à la maniere naturelle de proceder de chacû prophete , sans changer leur naturel & leur enseigner le langage par lequel ils doiuent publier la prophetie. Et partât faut sçauoir qu'Esaie estoit vn cheuallier illustre nourry en la court & cité de Hierusalem: & pour ceste cause il parloit avec elegance & ornement.

Mais

Mais Hieremie estoit né & auoit esté nourry en vn village de Hierusalem, qui s'appelloit Anathothites, au moyen dequoy il fut rude & grossier en sa maniere de proceder, & parler: & neantmoins le S. Esprit s'est bien voulu seruir de son stile en la prophetie qu'il luy a communiqué. L'on en peut dire autant des Epistres de S. Paul, laquelle le S. Esprit assistoit, en les escriuant, à fin qu'il ne peust errer: ce neantmoins S. Paul parloit son naturel langage, propre & accommodé à la doctrine qu'il escriuoit, pour ce q̄ la verité de la theologie scolastique abhorre l'abondance de parolles. A la Theologie positive se ioint fort bien l'industrie des langues, & l'ornement du langage, pour ce que ceste faculté appartient à la memoire, & n'est autre chose qu'un amas de dicts &

*Bien que
l'Epistre
aux He-
breux soit
de S. Paul,
plusieurs
ont voulu
dire, à cau-
se du stile di-
uers, qu'il
ne l'auoit
faite: ce que
l'Eglise s'en
pour hereti-
que.*

sentences Catholiques, prises des
 S. Docteurs & de l'escriture sain-
 te, & gardees en ceste puissan-
 ce, comme fait vn Grammairien,
 des fleurs des Poëtes, Virgile, Ho-
 race, Terence, & de tous les autres
 auteurs Latins qu'il lit: lequel co-
 gnoissant l'occasion de les alle-
 guer, met en auant quelque chose
 de Ciceron ou de Quintilian, au
 moyen dequoy il monstre aux au-
 diteurs son sçauoir & erudition.
 Ceux là qui ont ensemble l'imagi-
 nation avec la memoire, & qui
 traouillent à recueillir le grain de
 tout ce qui ha esté dit & escrit en
 leur faculté, lesçauent bien met-
 tre en auant, quand l'occasion se
 presente, avec vn grand ornemét
 de parolles & gracieuses manie-
 res de parler, desquels l'industrie
 en toutes sciences, est si grande,
 qu'il semble à ceux qui ignorent
 ceste

ceste doctrine, qu'ils sont fort profonds, & hauts: mais quand ils viennent à sonder les fondemens de ce qu'ils disent & affirment, ils découvrent leur imperfection. Ce qui vient de ce que l'entendement (auquel appartient sçavoir la verité des choses des leur racine) ne se peut joindre à l'ornement du langage & abondance de parolles. De ceux là l'escriture sainte parle en ceste maniere, *Vbi verba sunt plurima, ibi frequenter egestas.* comme voulant dire, L'homme ayant beaucoup de parolles est volontiers deprouvé d'entendement & de prudence. Ceux qui sont prouvez de l'imaginatio & de la memoire, entrent de grand courage à l'interpretation de la sainte escriture, leur semblant adués q̃ pour sçavoir beaucoup d'Hebreu, beaucoup de Grec & de La-

Proverbes.

14.

tin, ils ont le chemin ouuert pour tirer le vray sens de la lettre: & de fait, ils se perdent: premierement pource que les vocables de la sainte escriture & les manieres de parler d'icelle, ont plusieurs autres significations que celles que sçauoit Ciceró: & puis, pource que telles gens ont faute d'entendement (qui est la puissance qui verifie si vn esprit est Catholique ou depraué) elle peut élire, par la grace supernaturelle, de deux ou trois sens de lettre, celuy qui est le plus veritable & Catholique. Platon dit que les tróperies & deceptiós n'auiennent iamais es choses dissemblables & fort differentes, sinon lors que plusieurs se presentent qui ont gráde similitude entre elles: car si nous mettons deuant vn clair voyant vn peu de sel de sucre, de farine & de chaux vive,

ue, le tout bien broyé & moulu à part, que feroit vn homme priué du gouſt, ſi avec les yeux il penſoit remarquer & cognoiſtre chacune de ces choſes ? diſant, C'eſt là du ſel: c'eſt là du ſucre: voila de la farine: voila de la chaux: ie ne fay pas doute qu'il ne ſe trôpaſt, pour la grâde ſimilitude que toutes ces choſes ont enſemble. Mais ſ'il voioit vn mōceau de Bled, vn autre d'auoyne, vn autre de paille, vn autre de terre, & vn autre de pierre, il eſt certain qu'il ne ſe trôperoit iamais à remarquer chacune choſe, encores qu'il ne viſt gueres, pource q̃ chacune de ces choſes eſt de tant diuerſe maniere & figure. Nous voyons tous les iours la meſme choſe aduenir au ſens que les Theologiens donnent à la ſaincte eſcriture: car, de prime face, tout ſens a apparence d'inter-

pretation catholique, qui conuiēt bien à la lettre, combien qu'il ne soit tel, & q̄ le saint Esprit n'ait voulu dire ny entendre telle chose. Pour elire de tels sens le meilleur & reprouuer le mauuais, il est certain que le Theologien ne se sert pas de la memoire ny de l'imagination, mais de l'entendement seul: parquoy iedy que le Theologien positif se doit conseiller au scolastique pour le requerir deluy donner de ces sens & interpretations, celle qu'il trouuera la meilleure, s'il ne veut tomber en l'inquisition. C'est pourquoy, les heresies ont en telle horreur la theologie scolastique, & taschent de l'oster & extirper du monde, pour ce qu'en distinguant, inferant, raisonnāt, & iugeant se vient à scauoir la verité & decouurir le mensonge.

Comme se prouue que la theorique de la Theologie appartient à l'entendement, & la predication (qui en est la pratique) à l'imagination.

CHAP. X.



EST vne questiō fort commune non seulement entre les hommes sçauans, mais aussi entre les vulgaires de demander pourquoy vn theologien estant grand scolastique, subtil, facile à respondre, & d'une doctrine admirable à escrire & à lire, ne peut prescher quand il est monté en chaire: & au contraire celuy qui est excellent predicateur, eloquēt & agreable au peuple, ne sçait pas beaucoup de theologie scolastique: & pour ceste cause n'est ce pas bien conclu, Vn tel est grand theologien scolastique, il sera dōc bon

bon predicateur. Et au contraire ne peut on accorder cecy, Vntel est grand predicateur, il s'ensuit qu'il sçait beaucoup de theologie scolastique: car pour desfaire l'vne & l'autre consequence, s'offriroyent à chacun plus d'instances, qu'il n'y a de cheueux en la teste. Personne, iusques à ceste heure, n'a peu respondre à ceste demande, autre chose quel'ordinaire, qui est d'attribuer le tout à Dieu, & à la distributiõ de ses graces. Ie trouue bon que l'on n'en sçache plus particulièrement la cause: ce neâtmoins nous auonsaucunemétrespondu à ce doute, au chapitre passé, mais non pastanten particulier qu'il est conuenable. I'ay dit que la theologie scolastique appartient à l'entendement: maintenant ie dy & veux prouuer que la predicatiõ (qui en est la pratique) est œuvre

do

de l'imagination : Et comme il est difficile d'assembler en vn mesme cerueau & grand entendement & imagination, aussi ne se peut faire qu'un homme soit grand theologien scolastique & fameux predicateur. Que la theologie scolastique soit œuvre de l'entendement, nous l'auons demonsté ailleurs, prouuant comme elle est contraire & repugnante à la langue Latine : & pourtant n'est besoin vser en cest endroit de redite. Je veux seulement donner à entendre que la grace des bons predicateurs & le moyen qu'ils ont d'attirer à eux le peuple, depend du tout de l'imagination, & en partie de la bonne memoire, qui besongne en cela. Et fin q'ie me puisse mieux expliquer, & que ie fasse toucher cecy au doigt, il faut supposer premierement que l'homme est animal

mal raisonnable, politique & amateur de société: & à fin que la nature d'iceluy se fist & dressast mieux avec l'art, les philosophes anciens

La science humaine consiste en deux : au langage orné & en la distinction des choses. Paul. en la 1. aux Col. chap. 1.

ont inuenté la Dialectique, pour luy monstrier, comme il deuoit discourir, par quelles reigles & preceptes: comme il deuoit definir les natures des choses, distinguer, diuiser, inferer, discourir, iuger & elire: desquelles œuvres il est impossible qu'aucun se puisse passer. Et à fin de pouuoir estre sociable & politic, il estoit necessaire qu'il sceust parler & donner à entendre aux autres hommes les choses qu'il conceuoit en son esprit. Et à fin qu'il ne les explicast sans ordre ny raison, ils ont trouué vn autre art, qu'ils appellent Rhetorique, laquelle par ses preceptes, luy embellit sa parolle par le moyen des beaux termes, & elegantes manie

res de parler, par affections & couleurs gracieuses. Mais ny plus ny moins que la Dialectique n'enseigne pas l'homme à discourir & philosopher en vne seule science, ains en toutes sans distinction: la Rhetorique aussi enseigne à parler en la Theologie, en la Medecine, en la science des loix, en l'art militaire & en toutes les autres sciences & conuersations traitees par les hommes: de maniere que si nous voulons faindre vn parfait Dialecticien, ou Orateur, il n'est possible de le considerer, sans qu'il sçache toutes les sciences, pource qu'elles sont toutes de leur iurisdiction, & qu'ils peuvent en chacune d'icelles, sans aucune distinction, pratiquer leurs reigles & preceptes: non comme la Medecine, de laquelle la matiere est limitee: comme la philosophie naturelle,

relle, morale, Metaphysique, Astrologie & les autres: & pour ceste cause Ciceron dit, *Oratorẽ ubi-
 du parfait cunque constiterit, consistere in suo.*
Orateur. Et en vn autre endroit, *In Oratore
 perfecto, inest omnis Philosophorum
 scientia.* Et pour ceste cause le mesme Ciceron a dit, Qu'il n'y a ou-
 urier plus difficile à trouuer qu'un
 parfait Orateur: ce qu'il eust dit a-
 uec plus de raison, s'il eust sceu la
 repugnance qu'il y a d'assembler
 toutes les sciences, en vn particu-
 lier. Les Iurisconsultes estoient
 anciennement en grand prix par
 le nom & office d'orateur, pource
 que la perfection de l'auocacerie,
 requiert la cognoissance de tous
 les arts du monde, à cause que les
 loix iugent vn chacun. Et pour
 sçauoir le droit & la deffence que
 chacun art s'atribue, il estoit be-
 soin auoir vne particuliere cognois-
 sance

fance de tous: au moyen dequoy Ciceron a dit, *Nemo est in oratorum munero habendus, qui non sit omnibus artibus perpolitus.* Mais voyât Au liure, de l'Orateur. qu'il estoit impossible d'apprendre toutes les sciēces, à cause de la briueté de la vie, & mesmes pource q l'esprit del'hōme est limité, ils ont laisse cela, & au besoin se sont contentez, d'aiouster foy aux maistres de l'art qu'ils entreprenent deffendre. Apres cete maniere de deffendre les causes, est venue incōtinēt la doctrine Euāgelique, laquelle se pouuoit persuader par art oratoire mieux que tout tant de sciences qu'il ya au monde, pour estre la plus certaine & veritable: mais Christ nostre redempteur enuoya S. Paul, pour n'estre annōcée par art oratoire, qu'il dit, en *la sapiēce du mot*, à fin que le peuple ne pensast point q ce fust mēsonge fardé

semblable à ceux que les Orateurs
 ont accoustumé de mettre en
 auant & persuader, par la force de
 leur art. Mais estant deia la foy re
 ceuë, depuis tant d'annees, il est
 maintenant bien permis de pres
 cher par lieux cōmuns, & se seruir
 du bien dire, pource que nous ne
 craignons maintenant le danger
 & l'inconuenient qui pouuoit ad
 uenir du tēps de S. Paul: ains voyōs
 nous que le predicateur eloquent
 profite plus, & a beaucoup plus
 d'auditeurs, que celuy qui ne se
 sert des couleurs de Rhetorique,
 & qui n'a les cōditiōs d'vn parfait
 orateur. La raison en est toute ma
 nifeste: car si les anciens orateurs
 faisoient entendre au peuple, les
 choses fausses pour vrayes (s'ay
 dās en cela de leur art) l'assemblée
 des Chrestieś se gagnera mieux, si
 on luy persuade, par ce mēme ar
 tifice,

tifice, ce q̄ elle entend & croit de là :
attēdu q̄ la sainte escripture est, en
certaine maniere, toute chose,
pour la vraye interpretation de la
quelle toutes sciences sont neces-
saires, suivant ce dict tāt celebre, *Aux Pro-*
Misit ancillas suas vocare ad arcem. *verb.*

Il n'est pas besoin en charger cela *chap. 9.*
aux predicateurs de nostre temps,
ny de les auiser de ce faire: car (ou-
tre le profit qu'ils pretendent fai-
re par le moyen de leur doctrine)
leur principal estude est de trou-
uer vn bon suiet, auquel ils puis-
sent apliquer, à propos, plusieurs
gētiles sentēces tirees de la sainte
escripture, des saints docteurs, des
Poetes, historiens, medecins & le-
gistes sans obmettre aucune scien-
ce, & parlent auēc elegance & quā-
tité de parolles. Au moyē de quoy
ils dilatent & estēdent leur suiet,
par l'espace d'vne heure ou de

deux, s'il est besoin. Ciceron mes-
me dit que c'estoit là proprement

Au liure de l'Orateur. la professiō du parfait Orateur, en
son tēps. *Vis oratoris professioq; ipsa*

bene dicēdi, hoc suscipere ac polliceri
videtur, ut omni de re quacunque sit
proposita, ab eo ornatē copioseq; dica-

tur. C'est à dire, La force de l'ora-
teur & la professiō mesme de biē
dire semble entreprendre & pro-
mettre de traiter & parler avec or-
nement & elegance de toute cho-
se que l'on puisse proposer. Or si
nous prouuons maintenāt que les
graces & conditions que doit
auoir le parfait orateur, appartiē-
nent toutes à l'imagination & à la
memoire, nous sçauōs q̃ le Theo-
logien, qui les aura, sera grand pre-
dicateur: mais si on le met en la do-
ctrine de S. Thomas & del'Escot,
il n'y entendra gueres de choses,
pour estre vne science, qui appar-
tient

tient à l'entendement: en laquelle puissance, il est force, qu'il soit beaucoup remis, c'est à dire lasche & tardif. ¶ Nous auôs deia dit ailleurs quelles choses appartiennent à l'imagination, & commēt on les doit cognoistre: & maintenant nous le retournons dire, pour en refraichir la memoire. Tout ce qui est dit bonne figure, bon propos & suieſt, qui est bien compris & deduit, dépend des graces de l'imagination, comme les faceties, louanges, broquards, figures & comparaisons. Pour la premiere chose que doit faire le par-

Sçavoir choisir parfaitement
 fait orateur (qui sçait deia ce qu'il *reillement*
 doit deduire) il doit chercher argu- *un theme,*
 mens & sentences accommodees, *entre plu-*
 pour dilater & prouuer son fait *seurs, ap-*
 nō avec toutes sortes de parolles, *partient à*
 mais seulemēt avec celles qui son- *l'imagina-*
tion.

nent bien aux auteilles, & pour
 cete cause Cicetō a dit, *Oratorem*
eū esse puto, qui & verbis ad audien-
dum iucundis & sententiis accom-
modatis ad probandum uti possit:
 C'est à dire, l'estime celuy Ora-
 teur qui peut se seruir de ioyeu-
 ses parolles, pour delecter, & de
 sentences propres & accommo-
 dees à prouuer. Il est certain que
 cela appartient à l'imagination,
 puis qu'il y a consonance de pa-
 rolles gracieuses, & bonne pro-
 position aux sentences. Seconde-
 mēt le parfait Orateur, ne doit a-
 uoir faute de beaucoup de lecture
 & d'inuentiō: car s'il faut qu'il di-
 late & prouue quelque theme qui
 se presentera à luy, par plusieurs
 dicts & sentences tirees à propos,
 il ha besoin d'estre prouueu d'v-
 ne grande imagination, qui soit
 comme

comme le chien veneur qui cherche & luy mette en la main sa proye & pourchas: & quand il ne sçaura plus que dire, qu'il fasse vne fin, comme s'il auoit assez parlé. Pour ceste cause, nous auons dit vne autre fois q̄ la chaleur estoit l'instrument par lequell l'imagination exerce son office, pour ce que ceste qualité eleue les figures & les fait bouillir. Et pourtant se decouure tout ce que l'on peut voir en icelles: & s'il n'y a rien plus à considerer, l'imaginatiō est contrainte, non seulement de composer vne figure qui s'accommode avec les autres, mais aussi de joindre celles qui sont estrāges & impossibles, selō l'ordre de nature, de maniere que d'icelles il vienne à faire des montagnes d'or & des bœufs qui volent. Au lieu de la propre inuention les orateurs se peu-

uent seruir de la grande lecture, quand l'imagination defaut: mais ce que les liures enseignēt est desfiny & limité: & la propre inuention est comme la bonne source & fontaine, qui iette tousiours l'eau fresche. Pour retenir ce que l'on ha leu, il est besoin d'auoir grande memoire: & de le reciter aisement deuant vne assemblee, ne se peut faire, sans la mesme puissance: & pour ceste cause Ciceron a dit, *Is Orator erit, mea quidem sententia, hoc iam graui dignus nomine, qui quacunque res inciderit, qua sit dictione explicanda, prudenter, copiose, ornatè & memoriter dicat.* C'est à dire, L'Orateur à mon aduis, sera digne d'un si grāue nom, qui pourra deduire tout ce qui se presentera, prudemment (qui est de s'accommoder aux auditeurs, au lieu, au temps, &

occasion) elegamment , & par cœur. Nous auons deia dit & prouué autre part, que la prudence appartient à l'imagination: l'elegance & quantité de vocables & sentences à la memoire : & l'ornement & appropriation encores à la puissance imaginative: & de reciter tant de choses sans se reprendre & faire pause, il est certain que cela se fait par le moyen de la bonne memoire. Et à propos de ce que Ciceron a dit que le bon Orateur doit parler par cœur & non par escrit, il faut sçauoir que maître Anthoine de Nebrix estoit venu , à cause de la vieillesse, à tel defaut de la memoire , qu'il lisoit en vn papier , la leçon de rhetorique qu'il faisoit à ses escoliers : & selon qu'il estoit excellent en sa faculté , ayant son intention bien prouuée, il ne regardoit point son

escrit : mais ce qui ne se peut souffrir , fut que mourant soudainement d'apoplexie , il recommanda l'vniuersité d'Alcala , & la harangue funebre d'iccluy à vn fameux predicateur , lequel inuenta & disposa ce qu'il deuoit dire le mieux qu'il luy fut possible : mais le temps fut si court, qu'il n'eut loisir d'apprendre sa harangue par cœur : à raison dequoy il monta en chaire , avec le papier en la main , & commença à dire ainsi, Messieurs , i'ay deliberé faire comme faisoit ordinairement cest excellent personnage, quand il lisoit à ses disciples : & ce à cause de sa mort tant soudaine : il m'a enchargé de faire sa harangue funebre : mais il est mort si soudain que ie n'ay eu ny le temps ny le loisir d'estudier ce qu'il falloit dire , ny mesmes de le mettre en memoire :

re : j'ay par escrit en ce papier , ce que j'ay peu faire ceste nuit. Je vous supplie l'entendre avec patience , & excuser ma petite memoire. Ceste maniere de prescher par escrit sembla si mauuaise au peuple , que l'on ne fist que souzrire & murmurer : & pourtant Ciceron a bien dit , qu'il falloit harâguer par cœur & non par escrit. Ce predicateur, de fait, n'auoit aucune propre inuention : il la deuoit tirer tout des liures : & pourtant est besoin de grande estude & memoire : mais ceux qui inuentent de leur teste , n'ont besoin d'estudier, n'ont besoin du temps ny de la memoire , pource qu'ils trouuent tout ce qu'ils ont à dire, heureusement en leur cerueau. Ceux là pourroyent prescher toute leur vie, à vn peuple, sans redire

deux

deux fois ce qu'ils ont presché
vingt ans au parauant : & au con-
traire, ceux qui n'ont point d'in-
uention, en deux Carefmes cueil-
lent & leuent la fleur de tous les
liures du monde, & acheuent avec
leurs petits papiers & memoires:
de maniere qu'à la troiefme, il
est befoin qu'ils s'en aillent pres-
cher ailleurs: autrement on diroit
d'eux, Cestuy-cy ou cestuy là pres-
che cōme il faisoit l'année pāsée.
Tiercēment le bon Orateur doit
sçauoir disposer ce qu'il ha inuen-
té, mettant chacun dit & sentence
en son lieu, de maniere que par v-
ne conuenable proportion, toute
chose responde à l'autre : & pour-
tant Ciceron a dit, *Dispositio, est or-
do & distributio rerum qua demon-
strat quid quibus in locis, collocan-
dum sit.* comme s'il eust dit, La
dispo

*En sa rhe-
thorique à
Herēnius.*

dispositiō n'est autre chose qu'un ordre & moyen qu'il faut tenir à distribuer les dictz & sentences que l'on doit alleguer, demon-
strant en quel lieu, chacune chose doit estre assise, à fin qu'estât bien accommodée avec le demourant, il en reuienne vne bonne figure.

Ceste grace (n'estant naturelle) a coustume de donner beaucoup de peine aux predicateurs: car apres auoir trouué dedans les liures beaucoup de choses à dire, chacun ne les peut pas aisement disposer en lieu conuenable. Il est certain que ceste propriété d'ordonner & distribuer, est œuvre de l'imagination, puis que par conuenable figure & forme le tout doit estre bien correspondant en soy. La quatriesme propriété des bons Orateurs, & la plus importante de toutes, est l'action, par laquelle ils donnent

donnent estre & vie aux choses qu'ils disent, & par laquelle mesme, ils mouuent l'auditeur, & l'incitent à croire estre veritable ce qu'ils luy veulent persuader : & pourtāt Ciceron a dit en ceste maniere, *Actio qua motu corporis, qua gestu, qua vultu, qua vocis confirmatione ac varietate moderanda est.*

*Au liure,
du parfait
Orateur.*

C'est à dire, L'Action se doit moderer par le mouuemēt du corps, par les gestes, qui sont requis, par la contenance du visage, en haussant la voix & l'abaissant, en se fâchant, & retournāt soudain à s'apaiser: parlant aucunes fois viste, aucunes fois à loisir : en tançant, & adoucissant, demenāt le corps ores d'un costé, ores de l'autre, retirant les bras, & les depliant, en riant & plorant, & donnant vn coup, ou frappant, à bonne occasion. Ceste grâce est de si grande importance

aux predicateurs, qu'elle leur suffit, sans l'invention & disposition des choses de peu de conséquence, à faire vn sermon qui réde le peuple tout émeruillé; à cause de ceste action qui s'appelle autrement esprit ou prononciation. Il y a en cela vne chose notable par laquelle se découure, combien peut ceste grace: qui est que les sermons qui se trouuent tant excellens par le moyé de l'esprit & de l'action, ne valent rien en vn papier, par escrit, & ne se peuuent lire: & la cause de cela est que par le moyen de la plume, il n'est possible de peindre & représenter les gestes & mouuemens de l'action, qui fait trouuer les prediciōs agreables, en vne chaire. Autres sermons se trouuent bons par escrit, lesquels estans preschez ne se peuuent oyr, pource qu'on ne leur donne l'a-

ction

*En l'Apo-
log.*

ction qu'ils requerent. Et pour ceste cause Platon a dit, que la maniere de parler est bien differente de la maniere que requiert l'escriture: & pour ceste cause voyons nous plusieurs hommes qui parlēt fort bien, & escriuent mal: autres, au contraire, escriuent fort bien, qui discourent fort mal. Ce qui se doit entierement reduire & rapporter à l'action, laquelle est certainement ceuvre de l'imagination, pource que tout ce que nous auons dit d'icelle fait figure, corre spondance & bonne consonance, qui sont ceuvres de l'imagination. La cinquiesme grace qu'il doit auoir est de sçauoir dire le mot, tirer exemples propres & bonnes cōparaisons: ce que les auditeurs goustent plustost qu'aucune autre chose: car par vn bon exemple, ils entēdent facilement la doctrine,

& sans

& sans exemple, ils ne comprennent rien : & pourtāt Aristote demande, pourquoy ceux là qui entendent les orateurs prennent plus grand plaisir aux exemples & fables dont ils vsent, pour prouuer ce qu'ils veulent persuader, qu'à tous les argumēs & raisons qu'ils alleguent. A quoy il respond que par les exemples & fables, les hōmes aprennent mieux, pour estre preuue laquelle appartient au sens: ce qu'ils ne font pas tant bien, par les argumēs & raisons, pour estre chose qui requiert grand entēdemēt. Et pour ceste cause Christ nostre redēpteur vsoit en ses sermōs de plusieurs similitudes & paraboles, par le moyen desquelles il dōnoit à entendre beaucoup de secrets diuins. Or est il certain que ceste maniere de faire & de remonstrer par fables & comparai-

*En la 18.
sect. probl.
3.*

sons appartient à l'imagination:
 pource que c'est figure, qui corre-
 spond & ha consonance. La sixie-
 me propriété du bon Orateur est
 d'auoir bon langage, propre &
 non affecté, termes purs, & main-
 tes gracieuses manieres de parler:
 desquelles graces nous auôs parlé
 maintesfois ailleurs, prouât que
 vne partie d'icelles appartient à l'i-
 magination, & l'autre partie à la
 memoire. Le septieme poinct que
 doit auoir le bon Orateur, est ce q̃
 dit Ciceron, *Instructus voce, actio-
 ne, & lepore*. Instruit & doué d'vne
 bonne voix, action & grace: d'vne
 voix sonnante, paisible, non as-
 pre, enrouée ny trop deliée. Et cō-
 bien qu'il soit vray que cela vien-
 ne du temperament de l'estomac
 & de la gorge, si est-il certain que
 du mesme temperament que viét
 la bonne imagination (qui est la
 chaleur)

chaleur) vient aussi la bonne voix : ce qu'il faut bien sçauoir, pource que les Theologiens scolastiques (pour estre de froid & sec temperament) ne peuuent auoir bonne voix & organe, ce qui leur est vne grãde imperfection, pour mōter en chaire. Aristote le prou- *En la sect. II probl. 34* ue ainsi, par l'exemple des vieilles gens qui sont froids & secs. Pour auoir bonne voix, est besoin de beaucoup de chaleur, pour dilater les chemins, & d'vne modérée humeur, pour les adoucir. Et pour ceste cause Aristote deman- *En la sect. II. probl. 63* de pourquoy ceux qui sont naturellement chauds, ont tous vne voix ferme & bonne. Nous voyōs cela ; par le contraire, aux femmes & aux eunuques, lesquels pour la grande froideur de leur temperament, comme dit Galen, *Au liure de la semēce, chap. 16.* ont la voix fort delice, de maniere

que quand nous entendrons quelque bonne voix, nous sçaurons bien dire qu'elle viét de beaucoup de chaleur & humidité de l'estomac: lesquelles deux qualitez (venans iusques au cerueau) font perdre l'entendement, & causent vne bonne memoire & bonne imagination, qui sont les deux puissances desquelles se seruent les bons predicateurs, pour contenter les

*Au liure
de l'Orateur.*

escoutans. Ciceron dit que la huitieme propriété du bon Orateur, est d'auoir la langue à commandement, pronte & bien pendue: grace qui ne peut échoir aux hômes de grand entendement: car pour estre pronte, est besoin de beaucoup de chaleur & de ficcité moyenne: ce qui ne peut aduenir aux melâcholiques tant naturels, que

En la sect. par adustion. Aristote le prouue
11. probl. 33. quand il demande pourquoy ceux

là qui hesitent & sont longs à parler, sont tous de complexion melancholiques : à quoy il respond fort bien, disant que les melâcholiques ont vne grâde & forte imagination, & que la langue ne peut proferer si vite que l'imagination va dictât : & ainsi elle la fait faillir & hesiter en parlant. Ce qui ne vient d'autre chose sinon que les melâcholiques ont tousiours grâde abondance d'eau & de salive en la bouche : au moyen dequoy ils ont la langue humide & fort lasche : chose qui se peut voir clairement par l'abondance de la salive qu'ils crachent. Aristote donne *En la sect. 1. probl. 53.* ceste mesme raison, quâd il ha demandé pourquoy aucuns hesitent & demourent à parler : à quoy il répond que ceux là ont la langue fort froide & humide, qui sont deux qualitez, qui l'endormissent

& la rendent tardifue, tellement qu'elle ne peut pas fuiure l'imagination. Pour à quoy remedier il dit qu'il est bon de boire vn peu de vin: on deuât qu'aller discourir en la presence d'vn peuple, exercer la voix & parler fort & ferme, à fin que la langue s'échaufe & se dessèche. Mais Aristote dit aussi que ce defaut de la parole peut venir aussi de la trop grande chaleur & siccité de la lague, & amène l'exemple des coleriques, lesquels estans faschez ne parlent certainement & quand ils sont sans aucune passion, ils sont fort eloquens, au cōtraire des hōmes flegmatiques, lesquels estans en paix, ne peuvent parler: mais estans faschez, ils alleguent sentēces & parlent avec eloquence. La raison de cela est fort manifeste: car combien qu'il soit vray que la chaleur ayde à l'ima-

à l'imaginatiō, & à la langue aussi, si est ce qu'il se peut faire qu'elle ayde à la perdre: d'un costé, pource que ne luy viennent les dits & sentences aigues, & pource que la lāgue ne peut biē proferer à cause de la grāde siccité d'icelle, & ainsi, voyons nous que beuvant vn peu d'eau, l'homme parle mieux. Lescoleriques, estans en paix, parlent bien & certainement, pource qu'ils ont la chaleur moderee qui est necessaire à la langue & pource qu'ils ont bonne imagination: mais quand ils sont fachez, la chaleur monte plus qu'il ne faut, & trouble l'imaginatiō. Les flegmatiques estans sans facherie, ont beaucoup de froideur & humidité au cerueau: au moyen dequoy ils ne sçauent que dire, & leur langue est trop lasche, à cause de la grande humidité. Mais quand ils sont

fachez & mis en colere, la chaleur monte incontinent, & éleue l'ima-
gination: & pourtant ils ont de-
quoy parler, & n'est leur langue
empeschée, pour ce qu'elle s'est é-
chauffée à raison de ceste colere.
Ceux là n'ont pas bonne veine
pour faire des vers, à cause qu'ils
sont froids, de cerueau, & quand
ils sont fachez ils font de meilleurs
vers, & avec plus grande facilité,
contre ceux qui les ont irrités: &
à ce propos Iuuenal a dit;

*Si natura negat, facit indignatio
versum.*

C'est à dire.

*Nature ne voulant, l'indigné fait
des vers.*

Les hommes de grand entende-
ment ne peuuent estre bons ora-
teurs ny bons prescheurs, pour ce
defaut de la langue: ioint que l'a-
ction requiert aucunes fois de par-
ler

ler haut, aucune fois bas. Et ceux
 qui sont trauaillez de la langue,
 ne peuent orer ny haráguer sans
 crier à haute voix: ce qui est vne
 des choses qui degousté les audi-
 teurs. Et ainsi Aristote demande, *En la sect.*
 Pourquoi les hommes qui hesitét *11. prob. 35.*
 de la langue ne peuent parler à
 voix basse: à quoy il respond fort
 bien disant, que la langue laquelle
 tient au palais, à cause de la gran-
 de humidité, se denouë mieux a-
 uec force que sans effort: comme
 celuy qui veut leuér vne lance, en
 la prenant par la pointe, la leue
 mieux aueques force & tout d'un
 coup que peu à peu. Il m'est auis
 que i'ay suffisamment prouué que
 les bonnes proprietéz de nature
 que doit auoir l'orateur parfait,
 viennent pour la plus part de la
 bonne imagination, & aucunes,
 de la memoire. Et s'il est vray que

les bons·predicateurs de nostre
 temps, contentent les auditeurs,
 pour estre douëz des mesmes gra-
 ces, il s'ensuit que celuy qui sera
 grand·predicateur, sçaura peu de
 theologie scolastique; & le grand
 scolastique nescaura pas prescher
 à cause de la cōtrarieté qui est en-
 tre l'entendement & l'imaginatiō
 avec la memoire. Aristote a bien
 veu par experience que combien
 que l'Orateur aprenne la philoso-
 phie naturelle & morale, la Me-
 decine, Metaphysique, Iurisprudē-
 ce, Mathematiques, Astrologie &
 toutes les autres sciēces, il ne sçait
 de chacune que les fleurs & sentē-
 ces auerees, sans sçauoir la raison
 d'icelles: mais il pensoit que de ne
 sçauoir le Theologie, ny la raison
 des choses, venoit de ce que l'on
 nes'y estoit point adōné: & pour-
 tant il demande en quoy nous
 pensons

pensons que le philosophe differe
 de l'orateur, puis qu'ils estudiant
 tous deux en philosophie. A quoy
 il respond que le Philosophe em-
 ploye tout son estude à sçauoir la
 raison & cause de chacun effect:
 & l'orateur, à cognoistre seule-
 ment l'effect & non plus. Ce qui
 aduient pource que la Philoso-
 phie naturelle appartient à l'en-
 tendement; de laquelle puissan-
 ce les orateurs sont priuez: & ainsi
 ne peuuent ils auoir de la philo-
 sophie autre chose qu'une super-
 ficieuse cognoissance. Ceste mes-
 me difference est entre le Theo-
 logien scolastique & le positif: car
 l'un sçait la raison de ce qui tou-
 che & concerne la faculté: & l'autre,
 les propositions auerees & non
 d'auantage. Parquoy, il y a dan-
 ger que le predicateur ait la char-
 ge & autorité d'enseigner au peu-
 ple

ple Chrestien la verité, & que
l'auditeur soit obligé à le croire:
Or que leur defaille la puissance,
par laquelle on cognoist la verité
des choses & les causes d'icelles,

*En S. Ma-
thieu, chap.
15.*

nous pourrons alleguer cecy de
Christ nostre sauueur, *Laissez les:
ils sont auengles & conducteurs des
auengles: or si l'auengle conduit l'auen-
gle, ils tomberont tous deux en la fosse.*

C'est grand cas de voir de quelle
hardiesse se mettēt à prescher ceux
qui ne sçauēt pas vn mot de theo-
logie scolastique, & n'ont habili-
ténaturelle, pour la pouuoir appré-

*En la 1.^a
Ti. chap. 1.*

dre. S. Paul se plaint grandement
de ceulx là dilant, *Or la fin de la loy
de Dieu est la charité, de cœur pur, de
bonne conscience & de foy non fain-
te: desquelles trois choses tous se sépa-
rans, se tournent & ont recours à vne
vaine maniere de parler, voulans
estre docteurs de la loy, sans entendre*

nyce qu'ils disent, ne ce qu'ils affirment. Le vain langage & parler des theologiens Alemãs, Anglois, Flamans, François, & de tous les autres qui habitent le Septentriõ, a fait perdre & gaster l'assemblee Chrestienne, par vne si grãde cognoissance des langues, par vn tel ornemẽt & grace à prescher, pour ce qu'ils n'ont l'entendemẽt propre pour trouuer la verité. Or auõs nous deia prouué que ceux là sont deprouueuz d'entendement, suyuant l'opiniõ d'Aristote, sans plusieurs autres raisons & experiences que nous auons amenees à cest effect. Mais si les auditeurs Anglois & Alemãs sçauoient bien ce que S. Paule scrit aux Romains (qui estoient pareillement seduits d'autres faux predicateurs) ils ne se fussent par auanture pas trompez si tost. *Or ie vous prie, mes freres,* Chap. 16.
 ESTIMO que

que vous regardiez à ceux qui causent dissensions & scandales & qui vous enseignent autre doctrine que celle que vous auez aprins: separez vous d'eux: car ils ne seruent pas à nostre Seigneur, mais seulement à leur vèire, & par leurs douces parolles & benedictions ils seduisent les cœurs des innocēs, & abusent ceux là qui ne sçauent gueres. Suiuant cela, nous auōs prouué autre part, que ceux là qui sont prouuez de grāde imaginatiō, sont coleres, fins, malitieux & cauteleux, lesquels sont tousiours enclins à mal, & le sçauent faire avec vne grāde astuce & prudēce.

*En la 18.
sec. prob. 4.*

Aristote, touchant les orateurs de de son temps, demāde, poutquoy nous appellōs l'orateur fin & cāt & non pas le musicien ny le baste leur: & la difficulté eust esté plus grande, si Aristote eust sceu que la musique & la representation sont
ceures

œuvres de l'imagination. Aquoy il respond que les musiciens & les representans n'ont autre fin que de donner contentement à ceux qui les entendent: mais l'orateur tasche d'aquerir pour soy: & pour ceste cause il ha besoin d'vser d'astuce & cautelle, à fin que les auditeurs n'entēdent à quel but il tēd. Ces choses là sont propres à ces faux predicateurs, desquels l'Apostre escrit ainsi aux Corinthiens. 2. chap. 11.

Orie grains que comme le serpent a seduit Eve, par son astuce, voz sens soyent ainsi corrompuz: car ces faux apostres sont cauteleux ouvriers, qui se transforment en apostres de Christ: dequoy ne se faut pas émerveiller: car Satan mesmes se trāsforme en Ange delumiere: il ne se faut d'oc pas ébahir si ses ministres se changent comme en ministres de iustice, l'œuvre desquels sera leur fin.

L'on entend bien que toutes ces proprietez sont œuvres de l'imagination, & qu'Aristote a tresbien dit q̄ les orateurs sont cauteleux & fins: pource qu'ils p̄sent tousiours à leur profit. Nous auōs deia dit vne autre fois, q̄ ceux là qui ont vne forte & grande imagination, sont de temperament fort chaud: & de ceste qualité procedent trois principaux vices de l'homme, l'Arrogāce, la Gloutonnie & la Luxure: & pour ceste cause l'Apostre a dit, *Telle maniere de gens, ne seruent pas à Christ nostre Sauueur, mais à leur vêtre.* Et pourtāt ils mettent peine d'interpreter l'escriture sainte de maniere que ce soit selon leur inclination naturelle, donnans à entendre à ceux qui ne s̄cauent gueres, que les prebstres se peuuent marier: qu'il n'est pas besoin d'vn careſme, ny de ieusnes, qu'il ne
faut

faut pas manifester au confesseur les pechez que nous commettons cōtre Dieu. Et vsans de cete ruse, par l'escriture mal apropiée, ils font paroistre leurs vices, vertuz, & le peuple le sestime sains. Que de la chaleur prouiennent ces trois mauuaises inclinations, & de la froideur, les vertuz contraires, Ari
 stote le prouue disant, *Et quoniam* En la 30. sect. probl.
*vim eandem obtinet morum insti-
 tuendorū, mores enim calidum cōdit
 & frigidum omnium maximè qua in
 corpore nostro habentur: idcirco nos
 morum qualitate afficit & informat.*
 Comme s'il vouloit dire. De la
 chaleur & de la froideur proced-
 dēt toutes les coustumes & mœurs
 del'homme: pource que ces deux
 qualitez alterent plus nostre natu-
 re que nulle autre. Et de là vient
 que les hommes de grande i magi-
 nation sont ordinaiремēt malins

& vicieux, pource qu'ils se laissent aller apres leurs naturelles inclinations & volonte, & qu'ils ont l'esprit & habilité pour faire mal. Et

En la 19. sec. prob. 7. pourtant Aristote demande, Pour quoy l'homme de tant grande erudition est le plus iniuste de tous les animaux. Aquoy il respõd que cet homme a grãd esprit & grãde imagination: à raison de quoy il trouue maintes imaginations à faire mal: & dautant qu'il appete naturellement ses plaifirs, & d'estre plus grand & plus heureux que les autres, ils s'ensuit qu'il doit offenser & faire mal, pource que ces choses là ne se peuvent acquerir, sans faire tort à plusieurs. Mais Aristote n'a pas bien sceu coucher ce probleme, ny respondre à iceluy cõme il falloit: il eust mieux fait de demander, Pourquoi les mauuais ordinairement sont de grãd esprit?
entre

entre lesquels ceux qui ont meilleur esprit ou habilité plus grâde, font de plus grâdes mechâcetez & desordres, veu qu'il est raisonnable, que le bon esprit de l'homme s'incline plustost à la vertu & bonté qu'aux vices & maux: à quoy l'ô peut répondre que ceux là qui ont beaucoup de chaleur, sont hômes de grande imagination, & que la même qualité qui les fait ingenieux les semôd à estre mauuais & vicieux. Mais quand l'entendement domine, l'homme ordinairement s'incline à la vertu, pource que ceste puissance téd à froideur & siccité, desquelles deux qualitez procedent plusieurs vertuz, côme la contiënce, l'humilité, & la temperance: au lieu que de la chaleur procedent les contraires. Si Aristote eust trouué cete philosophie, il eust sceu respôdre à ce probleme,

*En la 30
sec. prob. 9.*

par lequel il demâde, *Cur genus id hominũ, quod Dionysiacos technitas id est, artifices bacchanales aut histriones appellam⁹, improbis esse morib⁹, magna ex parte cõsueuerũt?* Cõmes'il demâdoit, Parquoy les comediẽs, cabaretiers, cuisiniers & ceux qui se trouuẽt en tous les bāquets & festins, pour ordonner les viādes, sont ordinairement mauuais & vicieux? Aquoy il rēpõd, disant, q̃ pour estre occupez en ces offices de Bacche, ils n'ont eu le moyen d'estudier, & qu'ils passent ainsi leur vie avec incontinẽce: à quoy mesme fait la pauureté, laquelle ha de coustume d'amener beaucoup de maux: mais de fait, ce n'ẽ est pas la raison: ains faut dire q̃ la representation des comedies, & la maniere de cõmander aux festes de Bacche, viẽt d'vne differẽce d'imaginatiõ, laquelle inuite l'hõme à

me à cete maniere de viure. Et pource que cete difference d'ima-
 gination consiste en chaleur, tous
 ceux là ont bon estomac, & vn
 grand appetit de boire & de man-
 ger : & cōbien qu'ils s'addonna-
 sent aux lettres, ils n'y feroiēt au-
 cun proffit, voire mesmes enco-
 res qu'ils fussent riches, ils ne lais-
 seroient pas d'estre affectionnez
 à tels offices, quād bien ils seroiēt
 beaucoup plus vils, pource que
 l'esprit & habilité attire vn chacū
 à l'art, qui luy correspond en pro-
 portion. Et pour cete cause Ari-
 stotele demāde, *Cur in ijs studijs qua* En la 18.
aliqui sibi delegerint quamquam in- Probl. 6.
terdum prauis, libentius tamē quam
in honestioribus versantur? verbi gra-
tia, prestigiatores aut mimū, aut ci-
bicinem se potius esse, quam astrono-
mum aut oratorem velit, qui hac si-
bi delegerit? C'est à dire, Pourquoi

se trouuent aucuns qui ayment mieux estre Comediens, basteleurs, ou ioueurs d'instrumés, que Orateurs & Astrologues? Aquoy il respond fort bien disant, que l'homme sent incontinent à quel art il est naturellement disposé: pource qu'il ha en soy mesme qui le luy enseigne: & peut bié tát la nature, par son instigatiõ & poursuite q̃ cõbié q̃ l'art & office soit mal seát à la dignité de celuy quil'apprend, il faut neátmoins qu'il s'y addõne, & qu'il laisse tous les autres honorables exercices. Mais puis q̃ nous auõs reietté cete maniere d'esprit, cõme mal propre à la charge de la predicatiõ, & puis q̃ nous sommes tenuz dõner & departir à chacune differēce d'habilité, les lettres qui luy respõdēt en particulier, il faut mōstrer quelle sorte d'esprit doit auoir celuy, q̃ l'on doit cõmettre à

la charge de la predication: qui est vne chose de grande importance à la Republique Chrestienne. Il faut donc sçauoir que combien que nous ayôs prouué autre fois qu'il y a vne naturelle repugnance & contrarieté de ioindre & assembler vn grand entendement avec vne grande imagination & memoire, il n'y a toutes-fois reigletant generalle en tous les arts, qui n'ait quelque exception. Nous prouuerons au chapitre penultieme de cest œuure, fort au long, qu'estant nature avec ses forces, & n'ayant aucune chose qui l'empesche, elle fait vne difference d'esprit tant parfait, qu'elle assēble en vn mesme suiet, grand entendemēt, avec vne grāde imagination & memoire, comme si ces trois choses n'estoyent contraires & ne fussent naturellemēt

opposees. Ceste est la propre & conuenable habilité, pour l'office & charge de la predication, si se trouuoient plusieurs suiects qui la peussent obtenir: mais cōme nous dirons au lieu allegué, il y en a si peu, que de cent mille esprits à peine s'en trouue vn qui soit tel. Et pourtant nous faudra trouuer vne autre difference d'esprit plus familiere, bien qu'elle ne puisse estre si parfaite que la susdite. A ceste cause, il faut sçauoir qu'entre les medecins & philosophes, il y a grande dissention pour auerir le temperament & les qualitez du vinaigre, de la colere aduste, & des cendres, voyans que ces choses là produisent aucunesfois effect de chaleur: aucunesfois, de froideur: au moyen dequoy leurs opinions se sont trouuées differentes: mais la verité est que toutes ces choses

qui

*Galen au
liure 1. des
Simpl. cha-
pit. 19.*

qui souffrét le bruler, & que le feu a consommé, sont de diuers temperament. La plus grâde partie du suiect est froid & sec: mais se trouuent entre-deux, autres parties tât subtiles & delicates & de si grâde chaleur & ferueur, que combien qu'elles soyent en petite quantité: elles sont neâtmoins de plus grâde efficace à exercer leur œuure, què tout le demourât du suiect. Et par ainsi voyons nous que le vinaigre & la melancholie par adustion ouurent la terre, à raison de la chaleur, & ne la ferment, combien que la plus grande partie de ces humeurs soit froide. De là peut on inferer, que les melancholiques par adustion, assemblent vn grâd entendement avec vne grande imagination: mais ils sont tous deprouuez de memoire, à cause de la grande siccité & durté que

l'adustió a fait au cerueau. Ceux là sont bós pour prescher, au moins les meilleurs qui se puissent trouuer, hors mis ces parfaits que nous auós dit cy dessus: car cóbié qu'ils ayent faute de memoire, leur propre inuention est si grande que la mesme imagination leur sert de memoire & de resouenance, & leur suggere plusieurs figures & sentéces, à alleguer, sans auoir faute d'aucune chose. Ce que ne peuvent faire ceux, qui aprennét leur sermon mot apres mot, lesquels venans à faillir demourent tout court, sans auoir qui leur fournisse matiere, pour passer outre. Que la melancholie, par adustion, ait ceste varieté de temperament, froideur & siccité pour l'entendement, & la chaleur pour l'imagination, Aristote le dit en ceste maniere,

Homines melancholicis varij inequalisq;

lesq^z sunt : quia vis atrabilis varia & inaequalis est, quippe quae vehementer tum frigida, tum calida reddi eadem possit. C'est à dire, Les hōmes melācholiques, par adustion, sont diuers & de complexion inegale, pource q̄ la colere aduste est fort differente, & inegalle : aucune fois fort chaude : aucune fois, fort froide. Les signes par lesquels se co-

gnoissent les hommes qui tiennēt *Aussi ont*
 : ce temperament, sont tres-mani- *ils la renē*
 festes : ils ont la couleur du visage *courte à*
 passe & cendree : les yeux fort en- *cause de la*
 flammez & ardans : à raison de- *grande sic-*
 quoy se dit (Il est homme qui a du *cité du cer-*
 sang en l'œil) le poil noir, & la te- *veau. A-*
 ste chauue : peu de chair, aspre & *rif. au lieu*
 velue : les veines grosses : ils sont af- *du Dormir*
 fables & de bonne cōpagnie : mais *& veille.*
 ils sont luxurieux, superbes, hauts, *augm. de la*
 renieurs, cauteleux, doubles, iniu- *leur de la*
 rieux, vindicatifs & enclins à faire *leur de la*
 mal,

mal. Cela s'entend lors que la melancholie s'enflamme: mais si elle se refroidit, incontinent naissent en eux les vertus contraires, Chasteté, Humilité, crainte & reuerence de Dieu, Charité, misericorde & grande recognoissance de leurs pechez, avec soupirs & larmes. Et pour ceste cause ils viuent en vne perpetuelle guerre, sans auoir aucun repos. Aucunefois le vice surmôte en eux: aucunefois, la vertu: mais nonobstât toutes ces imperfectiōs, ils sont les plus ingenieux & habiles au ministere de la predication, pour ce qu'ils ont entendemēt pour trouuer la verité, & grande imaginatiō pour la sçauoir persuader. Sinon, voyōs que fit Dieu, quand il voulut former vn homme au ventre de sa mere, à fin qu'il fust habile, de decouurir au monde la venue de son fils, & qu'il eust la charge

*Quand il a
pleu à
Dieu qui
m'a separé
du ventre
de ma me-
re, & m'a
appelé par*

charge de prouuer & persuader, *à grace,*
 que Christ estoit le Messie promis *pour reue-*
 en la loy: & nous trouuerons que *ler son fils,*
 le faisant de grád entendement & *en moy. S.*
 imagination, par consequent (re: *Paul aux*
Gal. cha. I.
 gardant à l'ordre naturel) il la tiré
 & fait colere & aduste. Cela se voit
 clairement, en cōsiderant le grád
 feu & ardeur de laquelle il perse-
 cutoit l'eglise, & la peine q̄ receu-
 rent les Sinaguogues, quand elles
 le virent conuerty, cōme s'ils eus-
 sent perdu vn homme de grande
 consequence, qui leur eust peu gá-
 gner & vaincre la partie cōtraire.
 Cela se voit aussi manifestement
 par les repliques & deffences de
 colere raisonnable, qu'il amenoit
 aux proconsuls & iuges qui le pre-
 noyent, deffendant sa personne &
 le nom de Christ, avec telle dexte-
 rité, qu'il les rendoit tous confuz.
 Il estoit aussi imparfait de la lan-
 gue,

gue, & n'estoit fort prompt à parler: qui est vne propriété, à laquelle Aristote dit que les melancholiques par adustion, sont suiets. Les vices desquels il cōfesse auoir esté entaché, deuant sa conuersion, demonstrent pareillemēt qu'il auoit

En la 1.^{re}

Tim, cha. I.

ceste téperature. Il estoit blasphemateur, injurieux & persecuteur: ce qui vient entieremēt de la trop grande chaleur. Mais le signe plus euident qui le demōstre auoir esté coleric aduste, se prent de ceste bataille continuelle: que luy mesme confesse auoir esté en luy, entre la partie superieure & inferieure, disant, *Video aliam legem in membris meis repugnantem legi mētis meae & ducētem me in captiuitatem peccati.* Le voy vne autre loy en mes membres qui repugne à la loy de mon ame, & qui me conduit en captiuité du peché. Nous auons prouué, suyuant l'opinion d'Aristote, que

les melancholiques par adustion, ont ceste mesme guerre & debat: il est vray qu'aucunse expliquent & fort bien, que ceste bataille proce de du desordre que fait le peché originel, entre l'esprit & la chair: & quant à ce qu'elle estoit si grande, ie croy biē aussi, qu'elle venoit de l'inegalité de la colere aduste, que lon dit bile noire, qu'il auoit en sa naturelle cōposition. Le prophete Royal Dauid participoit egallēmēt du peché originel, & ne se plaignoit pas tant que faisoit S. Paul: ains disoit qu'il trouuoit la partie inferieure accordant avec la raison, quand il se vouloit réiourner avec Dieu. *Cornuū & caro* *Pseal. 82.*
mea exultauerunt in Deum viuum.
 Mon cœur & ma chair se sont éioui en Dieu viuant. Et comme nous dirons au chapitre penultieme, Dauid auoit la meilleure tem-
 pera.

perature, qu'il estoit possible à la nature de donner, laquelle nous prouuerons, par l'opinion de tous les philosophes, incliner ordinairement l'homme à l'estat de vertu, sans grande contradiction de la chair. Donques les esprits qui se doyuent élire pour prescher, sont en premier lieu, ceux qui assemblent vn grand entendement avec vne grande imagination, & mémoire: dont nous alleguerons les signes au penúltime chapitre. A faute de ceux là, succedent en leur place, les melancholiques par aduersion, lesquels ioignent vn grand entendement, avec vne grãde imagination: mais ils sont deprouuez de memoire. Et pourtāt ils ne peuvent auoir abondãce de parolles: ny prescher par vn torrent d'eloquence devant vn peuple. Au troisieme lieu succedent les hommes de

de grand entendement, lesquels neantmoins sont deprouueuz d'imagination & memoire. Ceux là prescheront avec vne grande disgrâce : mais ils enseigneront la verité. Les derniers, auxquels ie ne voudroy recommander la charge de la predication, sont ceux qui assemblent beaucoup de memoire avec vne grande imagination, & sont deprouueuz d'entendement. Ceux là attirent vn peuple à eux, & le tiennent émerueillé & content: mais quand nous n'y pensons point, ils tombent en l'inquisition, pource que *par douces*

*Aux Rom.
chap. 16.*

parolles & benedictions, ils

seduisent les cœurs

des innocens.

* * *

y

Comme la theorique des loix appartient à la memoire: l'aduocacer & iuger (qui en est la pratique) à l'entendement: & la maniere de gouverner une republique, à l'imagination.

CHAP. XI.

EN langue Hespagnolle, ce mot (*letrado*) est vn terme cōmun pour tous les hōmes de lettres, theologiens, legistes, medecins, dialecticiēs, philosophes, orateurs, mathematiciens & astrologues: & neantmoins en disant, *Fulano es letrado*, nous entendons d'vn commun consentement, que la professiō d'vn tel est la cognoissance des loix, comme si c'estoit vn nom propre & particulier. La respōce à ce doute est facile: mais pour la donner telle qu'il faut, est propre

propre de ſçauoir premierement que c'eſt de la loy: & à quoy s'obligent ceux qui ſe mettent à eſtudier en ceſte faculté: pour ſe ſeruir d'icelle eſtans iuges ou aduocats. La loy n'eſt autre choſe, qu'une *Que c'eſt, la Loy.* volonté raiſonnable du legiſlateur, par laquelle il explique & declare en quelle maniere il veut que ſe determinent les cas, qui ordinairement aduiennent en ſa republique, pour entretenir les ſuiets en paix, & leur enſeigner comme ils doiuent viure, & de quoy ils ſe doiuent garder. I'ay dit, que la loy eſtoit volonté raiſonnable, pource qu'il ne ſuffit pas que le Roy & l'Empereur (qui ſont la cauſe efficiente de la loy) expliquent & declarent leur volonté en quelque maniere que ſoit, à fin que elle ſoit loy: car ſi elle n'eſt iuſte & conforme à la raiſon, elle ne

peut estre appelée loy , pource qu'elle nel'est pas aussi: comme ce luy ne seroit pas homme , qui seroit priué d'ame raisonnable. Et pourtāt a esté aduisé que les Rois establissent leurs loix par le conseil des hommes soit sages & entenduz, à fin qu'elles se fassent avec droicteure & equité , & que les sujets les reçoient de bon cœur, & soient davantage tenuz à les garder & accóplir. La cause materielle de la loy est qu'elle se fasse des cas qui ordinairement écheent en la Republique, suyuant l'ordre de nature , & non des choses impossibles & qui n'aduiennent pas souvent. La cause finale est ordóner la vie del'hóme , & luy enseigner ce qu'il doit faire & ce qu'il doit fuir , à fin que la Republique bien ordonnée soit entretenue en paix & tranquillité. Et pour ceste cause
ils

ils font eſcrire les loix par paroles claires, non equiuoques, ny obscures, ny ayãs diuers ſens: ſans chiffres ny abreuatures, & tāt manifestes que chacun les peut facilement entendre & retenir en ſa memoire. Et à fin que nul n'en pretende cauſe d'ignorance, ils les font publier à ſon de trompe & cry public, à fin que celuy qui les enſraindra puiſſe eſtre chaſtié. En apres, veu le ſoing & diligēce, que les bons legiſlateurs employent, à ce que leurs loix ſoient iuſtes & manifestes, ils enioignent aux iuges & aduocats que, *Nemo in actio* Ne ſaites,
nibus vel iudiciis ſuo ſenſu utatur, ſed à part, ce
legum autoritate ducatur. comē ^{qui vous}
voulans dire, Nous deſſendons à ^{ſemble bon:}
tous iuges & aduocats d'vſer de ^{man ſay}
leur entendement, de diſputer ſi la ^{ſeu' emēt ce}
loy eſt iuſte ou iniuſte, & de luy ^{que ie te cō}
donner autre ſens que celuy que ^{māle: n'a-}
^{ionſte rien}
^{de ſon-}

gneur, ny declare la compositiõ de la lettre,
ne diminue. Dont sensuit que les Legistes doi-
Deuter. ch. uent cõstruire le texte de la loy, &
 12. prendre le sens qui resulte de la
 construction & non autre. Ceste
 doctrine donc estant ainsi suppo-
 see, c'est vne chose fort claire de
 sçauoir, pourquoy le Legiste s'ap-
 pelle *Letrado*, & nõ pas tous les au-
 tres hõmes de lettres: c'est pour-
 ce qu'il est (*à letrado*) adonné
 à la lettre, c'est à dire, homme qui
 n'a liberté d'opiner selon son en-
 tẽdement, mais qui est cõtraint de
 suyure la composition de la lettre.
 Et pour entendre cela, ceux qui
 sont fort excellens en ceste pro-
 fession, n'osent nier ny affirmer
 aucune chose, touchant la decisiõ
 de quelque cas, s'ils n'ont deuant
 eux la loy, qui le determine en pro-
 pres termes. Et si aucunes fois ils
 parlent de leur teste, & entremes-
 lent

lent leur iugement & raison, sans s'arrester au droict, ils le font avec vne crainte & hôte : & pour ceste cause ils disent en commun proverbe, *Erubescimus dum sine lege loquimur*. C'est à dire, Nous auons honte de iuger & conseiller, quand nous n'auons loy au deuant, laquelle determine le fait qui nous est proposé. Les Theologiens ne se peuvent appeller lettrez en ceste signification, pource qu'en la sainte escriture, *Littera occidit : spiritus autem viuificat*. La lettre occit, & l'esprit viuifie. La sainte escriture est pleine de misteres, de figures, & chiffres : elle est obscure & non manifeste à tous. Les termes & manieres de parler d'icelle, ont vne signification fort differente de celle que sçauent les vulgaires lettrez. A raison dequoy, celuy qui construira la lettre & qui prendra

1. Cor. ch. 3

le sens qui resulte de la cōstruction grammaticalle, tombera en plusieurs erreurs. Les medecins aussi ne s'assuiettissent à la lettre: pource quē si Hippocrate & Galen & les autres graves auteurs de ceste faculté, disent & affirment vne chose, & l'experience & raison montrent le contraire, ils ne sont tenuz de les suiure, pource qu'en la medecine l'experience ha plus de force que la raison: & la raison, plus que l'autorité. Mais aux loix aduient tout le contraire: car l'autorité d'icelles, & ce qu'elles decernēt ha plus de force & vigueur que toutes les raisons q: i se peuvent alleguer au contraire. Ce qu'estant ainsi, nous auons deia le chemin ouuert, pour remarquer l'esprit que les loix requerent: car si le Legiste doit auoir l'entendement & l'imagination propre à
suyure

suyure ce q̄ dit la loy, sans y aiou-
 ster ny diminuer, il est certain que
 ceste faculté appartient à la me-
 moire:& que l'on doit trauailler à
 sçauoir le nombre des loix & rei-
 gles dudroict& se souuenir de cha-
 cune à part, dire par cœur la sen-
 tence & decision d'icelle, à fin que
 l'occasion se presentât l'on sache
 qu'il y a vne loy qui determine ce
 qui se presente, de telle & telle
 maniere. Et pourtât il m'est aduis
 qu'il est meilleur au Legiste d'a-
 uoir grande memoire, & peu d'en-
 tendement, que beaucoup d'en-
 tendement & peu de memoire.
 Car s'il ne se doit seruir de son es-
 prit & habilité, & regarder à vn si
 grand nombre de loix qu'il y a,
 tant differâtes les vnes des autres,
 avec tant d'imperfections, limi-
 tations & amplifications, il vaut
 mieux sçauoir par cœur, ce qui est

determiné au droit, pour chacune chose qui se presente, que discourir avec l'entendement, cōme elle se pourra determiner : car l'vn est nécessaire, & l'autre impertinent, ioint q̄ ne doit auoir l'aduis d'autrū plus d'efficace que la decision de la loy. Parquoy il est certain que la theorique de la iurisprudence appartient à la memoire & nō à l'entendement ny à l'imagination. Ainsi donc veu que les loix sont tant positives, & que les Legistes ont l'entendement tant adonné à la volonté du Legislateur, ne pouuans entremesler leur opinion, sans sçauoir certainement la decision de la loy, quand quelque plaidant va au conseil à eux, ils ont cōgé de dire, Je regarderay mes liures sur ce fait: ce q̄ si le medecin disoit, quād on luy demāde remede sur quelque maladie, oule

Theolo

Theologiē en cas de la cōscience, on les tiendroît pour gēs peu sçauās en leur faculté. La raison est q̄ ces deux sciences ont leurs définitiōs & principes vniuersels, au des-souz desquelles choses, sont cōtenūz les cas particuliers. Mais en la science de droict, chacune loy cōtient seulemēt vn cas, sans q̄ celle qui suit, en depende, cōbien qu'elles soiēt toutes deux souz vn mesme tiltre. Et partant est necessaire sçauoir toutes les loix, estudier chacune particulierement, & les garder distinctement en la memoire. Mais au contraire de cela, Platon *Au liure des loix.* note vne chose digne de grāde cōsideratiō : c'est qu'en son temps, il soupçonnoit le lettré, qui sçauoit beaucoup de loix par cœur, (voyāt par experience que tels n'estoient pastāt bōs iuges & aduocats, cōme il sembloit à les voir) duquel effect il ne

il ne deuoit toucher la cause , puis
qu'il ne la dit en lieu tant cōuenable:
il vidseulemēt par experiēce, q̄
lesLegistes ayans bōne memoire,
qui venoient deffendre vne cause
ou la iuger, n'apliquoyent le droit
tant bien qu'il estoit conuenable.
Il est aisé, selon ma doctrine, de
donner la raison de cela , supposé
que la memoire est contraire à l'ē
tendement & que la vraye inter-
pretation des loix , amplification,
restriction & composition d'icel-
les, avec leurs opposez & contrai-
res, se fait en distinguant, inferant,
discourant, iugeant & élisant: qui
sont œures de l'entendement,
lesquelles le lettré ayant gran-
de memoire ne peut faire en sorte
quelconque. Nous auons deia dit
vne autre fois, que la memoire n'a
en la teste, autre office que de gar-
der fidelement les figures & fan-
tasies

tales des choses: & que l'entendement & l'imagination les mettent en œuvre. Et si le lettré a tout l'art en la mémoire, & que l'entendement & l'imagination luy defail-
lent, il n'a nō plus d'esprit & moyen de iuger & aduocacer, que le Code mesme & le Digeste, lesquels comprenans toutes les reigles & loix du droict, ne peuuent neantmoins faire vn escrit. D'auantage, combien que la loy deust estre telle que porte la diffinition d'icelle, si est ce qu'à grand peine se trouuent les choses, tant parfaites que l'entendement les faine. Que la loy soit iuste & raisonnable, qu'elle serue à tout ce qui peut aduenir, qu'elle s'escriue par termes clairs & manifestes, qu'elle n'ait point de doubtes, ny de contrarietez, & qu'elle ne reçoie diuers sens, ne se peut pastouours faire,
pource

pource qu'en fin, elle ha esté establie par conseil humain, lequel n'a force pour donner ordre à tout ce qui est à venir. Ce qui se voit tous les iours par experiëce: car depuis qu'une loy a esté faite, par bon conseil & meure deliberation, en peu de temps elle se défait, pource que par l'usage d'icelle, se sont découuers mille inconueniens, auxquels personne n'auoit pensé, quād elle fut establie. Et pour ceste cause le droit aduise les Rois & les Empe-reurs de n'auoir honte de corriger leurs loix, pource qu'en fin, ils sont hommes, & ne se faut pas étonner s'ils errent: veu mesmement que l'on ne scauroit trouuer aucune loy, qui puisse cōprendre par sentēces ny parolles toutes les circon-stances du fait qu'elle determine, pource que l'astuce & cautelle des mauuais est plus grande pour in-
 uenter

*Les pensees
 des hommes
 timides, &
 nox, prou-
 dences sont
 incertaines.
 Sap. cha 9.*

uenter faiçts, que la prudence des bons, pour se prouuoir de deffen-
ce, & preuoir quel iugemēt se doit
asseoir: & pour ceste cause est dict:

Neque leges, nec senatusconsulta ita L. Nec le-
scribi possunt, ut omnes casus, qui quā ges. ff. xi. de
doque inciderint, comprehendantur. le.

*Sed sufficit ea quæ plerunque accidunt
contineri.* C'est à dire, Il n'est possi-
ble d'escrire les loix de telle ma-
niere, qu'elles comprennent tous
les cas qui peuuent écheoir: c'est
assez de determiner ceux qui ad-
uiennent ordinairement: & si au-
tres aduenoient, qui n'eussent loy,
qui les decidaſt en propres ter-
mes, le droict n'est pas tant de-
prouueu de reigles & principes,
que si le Iuge ou l'aduocat a bon
entendement, pour ſçauoir in-
ferer & conclure, il ne trouue
la vraye decision & deſenſe, & le
lieu d'où il la peut tirer. De ma-

niere

niere que si se trouuent plus d'affaires que de loix, il faut que le Juge ou l'Aduocat ayent beaucoup d'entendement, pour les faire de nouveau: & non en quelque maniere que ce soit, mais conformes & non contredisantes au droict. Les lettrez qui ont grande memoire ne peuuent faire cela: car si les cas que l'artleur met en la bouche, ne sont tous taillés & maschez, ils ne sont habiles à dauantage. L'on a coustume de cōparer le lettré qui sçait beaucoup de loix par cœur, au fripier ou cousturier qui ha beaucoup de sayes en monstre en sa boutique: lequel pour en bailler vn, à la mesure de celuy qui le demande, les fait tous essayer: & s'il ne s'en trouue aucun bien seant, il r'ennoye le marchand: mais le lettré de bõ entendement est comme le bon cousturier,

sturier, qui ha les ciseaux en la main, & la piece de drap en la maison: lequel prenant la mesure, taille vn saye à la maniere de celuy qui le veut: les ciseaux du bon aduocat, est l'entendement aigu, par lequel il prend la mesure au cas, & luy baille vestement de la loy, qui le determine, & s'il ne la trouue entiere, pour le decider en propres termes, il luy fait vn acoustrement de pieces du droict, pour le defendre. Les Legistes qui sont douez d'un tel esprit, ne se doiuent pas appeller lettrez, pource qu'ils ne construisent la lettre, & ne s'amusent aux parolles formelles de la loy: ains ils semblent legislateurs ou Iuriscōsultes, auxquels les mesmes loix demandent, Parquoy, s'ils ont pouuoir & autorité de les interpreter, reserrer, amplifier, & d'en tirer exceptions, s'ils les peuuent cor

riger & améder, ie dy bien qu'ils
semblét Legiflateurs. On dit d'un
tel ſçauoir que cetuy, *Scire leges nō*

*ff. de leg. hoc est verba earum tenere, ſed vim
huius & ſen. ac poteſtatem habere.* Cōme ſi l'on
cōſu. l. ſcire leges. vouloit dire, Perſonne ne penſe

que ſçauoir les loix, ſoit la memoi
re des formelles parolles, eſquel
les on les a eſcrites : mais ſçauoir
les loix, eſt entēdre iuſques où s'e
ſtendent leurs forces, & que c'eſt
qu'elles peuuēt determiner : pour
ce que la raiſon d'icelles eſt ſuiet
te à pluſieurs diuerſitez à cauſe des
circonſtances, du temps, de la per
ſonne, du lieu, du moyen, de la ma
tiere, cauſe & de la choſe. Tout ce
la fait changer la determinaiſon
de la lo. y Et ſi le iuge ou l'aduocat
n'a bon entēdement, pour tirer de
la loy, ſouſtraire & adiouſter ce
qu'elle ne peut dire par parolles, il
fera beaucoup de fautes, ſuiuant

la lettre. Et pourtant est dit, *Verba legis non sunt capienda Iudaicè.*

C'est à dire, Les termes de la loy *Glo. in. l. dāni. pa. sē is. verb. ali*
ne se doiuent prendre à la maniere *is. verb. ali*
Iudaïque, qui est cōstruire la lettre *is. verb. ali*
& en prendre seulement le sens. *quas. de dā no infecto.*

Parce que nous auons dit, nous cōcluōs que l'aduocacie est œuvre de l'entendement, & que si le lettré a grande memoire, il n'est aucunemēt propre à iuger ny aduocier, pour la repugnāce de ces deux puissances: & c'est pourquoy les lettrez ayans grande memoire, que note Platon, ne defendoient pas biē les causes & n'appliquoient le droit, cōme il falloit. Mais il y a une difficulté, en cete doctrine, & non legere à mon aduis: car si l'entendement est celuy qui assiet le cas en la propre loy qui le determine, en distinguāt, limitāt, amplifiant, inferant & respondant aux argu-

mens de la partie contraire, cōment est il possible que l'entendement fasse cela, si la memoire ne luy fournittout le droit: car comme nous venons de dire, il est enjoint que, *Nemo in actionibus vel iudicijs suo sensu utatur, sed legū auctoritate ducatur.* C'est à dire, Que personne aux actions & iugemens ne se serue de sō sens, ains soit induit par l'autorité des loix. Suyuāt cela, il faut premierement sçauoir toutes les loix & reigles du droit deuant que venir à ce qui fait à la cause: car encores que nous ayons dit que l'aduocat de bon entendement est maistre des loix, si est ce que toutes les raisons & argumens d'iceluy doiuent estre fondez & appuyez sur les principes de cete faculté, sans lesquels ils sont de nul effect & valeur. Et à fin de pouuoir faire cela, il est besoin

soin d'une grande mémoire, laquelle garde & retienne un si grand nombre de loix écrites aux livres. Cet argument prouve estre nécessaire au parfait advocat d'avoir grand entendement & mémoire: ce que ie confesse. Mais, quant à moy ie veux dire, que, là où ne se trouvera un grand entendement joint à une grande mémoire (à cause de leur repugnance) il vaut mieux que l'avocat soit prouvé d'un haut entendement, & de peu de mémoire, que d'une grande mémoire, ayant peu d'entendement: car pour supléer à la mémoire, il y a beaucoup de remèdes, comme les livres, tables alphabétiques & autres inventions des hommes: mais s'il lui faut d'entendement, il n'est possible d'y remédier. Davantage, Aristote dit, que les hommes de grand entendement (bien

*En livre
de la Mé-
moire &c
souvenance.*

qu'ils soyent deprouueuz de memoire) ont vne grãde reminiscence ou resouuenãce, au moyen de laquelle ils ont vne certaine cognoissance cõfuse de ce qu'ils ont veu vne fois, ouy ou leu, surquoy discourant, ils la remettẽt en memoire. Et combiẽ que ne se peussent trouuer tant de remedes, pour représenter tout le droict à l'entendement, les loix sont fondees sur vne telle & si grande raison, que les anciens (comme dit Platon) appeloient la loy raison & prudence. Parquoy le Iuge ou l'aduocat de grand entendement (iugeant ou conseillant) bien qu'il n'eust la loy deuant soy & toute preste, ne failliroit gueres, s'il auoit avec soy l'instrument duquel les Empereurs ont fait les loix. Ainsi donc aduient maintes fois qu'un Iuge de bon enten

entendement dōne sentence, sans
 sçauoir la decision de la loy, qu'il
 va trouuer puis apres dedans les li-
 ures: ce que mesmes nous voyons
 aduenir aux aduocats, quand aucu-
 ne fois ils donnēt leur aduis sur le
 chāp. Les loix & reigles de droict
 sont la fontaine & l'origine, d'oū
 les aduocats tirent leurs argumēs
 & raisons, pour prouuer ce qu'ils
 veulēt, ce qui se fait avec l'enten-
 dement, de laquelle puissance si
 l'aduocat est deprouueu, ou qu'il
 l'ait lasche & de peu de force, il ne
 sçaura iamais former vn argumēt,
 encores qu'il sçache tout le droict
 par cœur. Nous voyons clairemēt
 cela en ceux qui estudient l'oratoi-
 re, & qui ont fauté de l'habilité
 pour l'aprendre: car combien que
 ils aprennent par cœur les Topi-
 ques de Cicerō, (qui sont les lieux
 & fontaines d'oū sourdent les ar-

gumés, pour prouuer chacun probleme & question, par la partie affirmatiue & negatiue) ils ne peuuent neantmoins former vne raison. Autres viennent de grand esprit & habilité, lesquels sans voir liure & sans estudier les topiques, & lieux des argumens, en formēt neantmoins mille, accommodez au propos duquel il est question. Ceste mesme chose se voit aux Legistes de grande memoire, qui reciteront fidelement tout le droit par cœur, & ne sçauront tirer d'vn si grand nombre de loix qu'il y a, vn argument sur lequel ils se puissent fonder. Au cōtraire s'en trouuent autres, lesquels ayans mal estudié à Salamanque, sans liures, font merueilles en l'auocacerie. Parquoy se peut facilement entendre combien importe à la Re-

examen

examen d'esprits pour aprendre ^{*esprits, d'im*}
 les sciences, puis que les vns, sans ^{*portance à la*}
 art, sçauent & entendent ce qu'ils ^{*republique*}
 doyuent faire, & les autres char-
 gez de preceptes & reigles (pour-
 ce qu'ils n'ont l'esprit que la prati-
 que requiert) font mille absurdi-
 tez. Si donc la maniere de iuger &
 aduocacer, se fait en distinguant,
 inferant, discourant & élisant, il
 est raisonnable que celuy qui se
 mettra à l'estude des loix, ait bon
 entendement, puis que telles œu-
 res appartiennēt à ceste puissan-
 ce & non à la memoire ny à l'ima-
 gination. Mais il est bon de sça-
 uoir en quelle maniere se peut en-
 tēdre, si le ieune homme est doué
 de ceste differēce d'esprit ou non:
 & faut dire & auerir premiere-
 ment les qualitez de l'entende-
 ment & toutes les differences d'i-
 celuy, à fin que nous sçachions di-

stinctement , à laquelle d'icelles
 lesloix appartiennent. Quant au
 premier, il faut ſçauoir que com-
 bien que l'entendement ſoit la
 puiffance la plus noble del'hom-
 me, & de la plus grande dignité, il
 n'y en a pas vne neantmoins, qui
 ſe trompe ſi aisément entour la ve-
 rité, qu'elle fait. Aristote a com-
 mancé à le prouuer diſant, que le
 ſens eſt touſiours veritable: mais
 que l'entendement, pour la plus
 part, diſcourt mal. Ce qui ſe voit
 clairement par experience: car ſi
 ainſi n'eſtoit, on voirroit de gran-
 des diſſentions entre les graues
 philoſophes, medecins, theolo-
 giens & legiſtes: on voirroit ſur
 chacune choſe diuerſes opinions
 & iugemens, attendu qu'il n'y a
 qu'une verité. Il eſt aisé à enten-
 dre d'où vient que les ſens ſont ſi
 certains, ne ſe trompans iamais à
 l'endroit

*Au 3. liu.
 de l'Ame.*

l'endroit de leurs obiects, au lieu que l'entendement est tant suiect à se tromper entour le sien: ce que nous entendrons en considerant que les obiects des cinq sens, & les especes par lesquelles ils se cognoissent, sont fermes & stables, naturellement deuant que les cognoistre. Mais la verité (que l'entendement doit contempler) n'a de soy aucun estre formel, si l'entendement mesme ne l'a fait & compose: elle est entierement desiointe & dissipée en ses materiaux, comme la maison conuertie en pierres, terre, briques, mortier, bois & chauls, desquels se pourroyent faire autant d'erreurs au bastiment, par la mauuaise imagination, que viendroyent d'hommes pour edifier. Autant en est de l'edifice que l'entendement fait (composant la verité) car si n'est celuy

celuy qui habon esprit, tous les autres commettent mille fautes, avecques mesmes principes. De là vient la diuerse opinion des hommes, touchant vne mesme chose, pource que chacun fait vne telle composition & figure que porte son entendement. Les cinq sens sont exempts de ces erreurs & opinions: car les yeux ne font pas la couleur: ny le goust, les saveurs: ny le toucher, les qualitez qui se touchent: le tout est faict & composé par la nature, deuant que chacun cognoisse son obiect. Et pour ce que les hommes ne sont aduertis de ceste mauuaise condition de l'entendement, ils donnent hardiment leur aduis, sans cognoistre certainement la maniere & differéce de leur esprit, & s'il compose bien ou mal, la verité. Sinon, demandons à aucuns hom

mes

mes de lettres lesquels (apres auoir escrit & confirmé leur opinion , par plusieurs argumens & raisons) ont changé d'aduis, quelque temps apres , comment ils pouuoient entendre qu'ils se fussent trompez à ceste composition de verité ? Premièrement ils confessent eux mesmes qu'ils ont failly : & puis ils se retractent de ce qu'ils ont dit deuant. A la seconde fois iedy qu'ils se doyuent moins fier à leur entendement , pource que la puissance , qui ha vne fois mal composé la verité, se confiant trop en ses raisons & argumens, peut encores faillir vne autre fois ayant la mesme raison, veu mesmement que s'est veu par experience, qu'il a eu au commencement la vraye opinion , & depuis, vne pire , & moins probable. Ils

ont

ont pour indice suffisant , & croient que leur entendement compose bien la verité , quand ils le voyent affectonné à ceste figure , muni d'argumens & raisons qui l'incitent à composer de telle maniere. Mais, de fait ils se trompent : car il y a tel regard de l'entendement avec ses fausses opinions , que des autres puissances inferieures , avec les differences de leur obiect : pource que si nous demandons aux medecins quelle viande est la meilleure & la plus salubre, de toutes celles que l'homme mange , ie pense qu'ils diront ne s'en trouuera aucune (pour les hommes intemperez & de mauuais estomac) qui soit absolument bonne ny mauuaise , si ellen'est conforme à l'estomac qui la reçoit. Car Galen parle d'aucuns esto

*Resp. au li-
vre, des ali-
mens.*

*An 1. liure
de la facul-*

estomacs, qui se trouuent mieux ^{té des ali-}
 de manger de la chair de bœuf, ^{mous.}
 que des chappons, perdrix & trui-
 tes: autres qui abhorrent les œufs
 & le laiët, & autres qui aiment ce-
 la merueilleusement. Et en la ma-
 niere d'aprester les viandes, les
 vns veulent la chair rostie: les au-
 tres, la demandent bouillie: & en
 la rostie, aucuns la veulent san-
 glante: autres, la veulent toute
 brulée de cuire: & ce qui est en-
 cores plus noté, aucuns mangent
 aujourd'huy vne viande, de bon
 appetit, qui l'ont en horreur le
 lendemain, & en appetent vne au-
 tre pire. Tout celas'entend lors
 que l'estomac est bon & sain: car
 s'il est malade & vicié, il appete
 des choses que la nature humaine
 abhorre, & ayne mieux manger
 du plastre, de la terre & charbons
 que

que poulets & perdrix. Si nous passons à la faculté generatiue, nous trouuerons en icelle autant d'appetits & diuersitez: car se trouuent aucuns hommes qui apètent vne laide femme, & abhorrent la belle: autres aiment mieux vne ignorante, qu'vne accorte: autres, la maigre, que la grasse: autres haïssent celles qui sont propres, & bien parées, & aiment les femmes au contraire. Cela s'entend quand les membres genitaux sont en santé: mais s'ils tombent en la maladie fufdite del'estomac corrompu & vicié, ils appètent choses horribles & illicites. On voit le semblable en la faculté sensitive, pource que des qualitez qui se peuent toucher, dur, mol, aspre, doux, chaud, froid, humide, sec, ne se trouuera pas vne qui contenté

vn chacun, pource que quelques vns reposent mieux en vn liêt dur qu'en vn mol:& autres en vn mol, qu'en vn dur. Toute ceste diuersité de goust & appetits estranges se trouuēt es cōpositiōs q̃l'entendement fait: car si nous assemblons cent hommes de lettres,& si nous leur proposons quelque question, chacun en iuge particulièrement, & en parle de diuerse sorte: vn mesme argument semble à l'vn,raison sophistique, à vn autre vraysemblable & probable, à vn autre tres certaine: voire mesme voyons nous par experience que vne mesme raison se trouue certaine & veritable en vn mesme entendement, en vn temps & en vn autre, non. Et pourtāt voyons nous tous les iours, les hommes changer d'aduis: les vns recouurās avec le temps vn entendement

plus subtil, cognoissent la faute de la raison qui les menoit au parauant: les autres (en perdant le bon temperament du cerueau) abhorrent la verité & aprouuēt le mensonge. Mais si le cerueau tombe

* *Que l'on appelle Malacia.* en la maladie susdite, * nous voirons à ceste heure là des iugemens

& cōpositions estranges: les faux & debiles argumens ont plus de force que les certains & veritables: telles gens respondent à vn bon argument: & le mauuais les fait rendre. Des choses premieres mises en auant, ils tirēt fausse conclusion, & par argumens estranges, & raisons mal fondées, ils prouuent leurs mauuaises imaginations. A quoy ayans égard les hommes graues & sçauans, ils tâchent de dōner leur aduis, en trouuant les raisons en quoy ils se fondent: car les hommes se persuadēt qu'au

qu'autant vaut l'autorité humaine, que la raison en quoy elle se fonde peut auoir de force: & selon que les argumens sont tant differens pour conclurre (à cause de la diuersité des entendemens) chacun iuge de la raison, selon l'esprit qu'il ha: & ainsi tient on pour vne plus grande gravité de dire, C'est mon aduis, pour certaines raisons qui me mouuent à cela, que d'expliquer les argumens auxquels ils se tiennent. Mais estans contrains de donner raison de leur aduis, ils ne laissent aucun argument en arriere, quelque petit qu'il soit, pource que celuy qu'ils ne pensent pas, conclud mieux aucunesfois, & est de plus grande force & vertu que le bon. En quoy se monstre la grande misere de nostre entendement qui compose & diuise, argumente &

discourt, & despuis qu'il a conclud, n'a preuue pour cognoistre si son opinion est veritable. Les Theologiens ont ceste incertitude es matieres qui ne sont de la foy: car apres auoir bien discouru, il n'y a preuue infallible ny succes euidēt, qui decouure qu'elles sont les meilleures raisons: & ainsi chacun Theologien donne tel aduis qu'il luy semble bon. Et de respondre avec apparence aux argumens de la partie contraire, il suffit, & n'y faut regarder dauantage. Mais es affaires du medecin & du capitaine general, apres auoir bien discouru, & reprouuē les fondemens de la partie contraire, l'on doit prendre garde au succes: & s'il est bon, on le doit tenir pour sage, & s'il est mauuais, chacun doit entendre qu'il s'est fondé en mauuaises raisons. En cas

cas de la foy que l'Eglise propose, ne se peut trouuer aucun erreur: car Dieu entendant combien les raisons de l'homme sont incertaines, & comme aisement il se trompe, il n'a permis que choses de si grande importance & si hautes, fussent par luy seulement determinees: mais s'assemblas deux ou trois en son nom, avec la solennité de l'Eglise, il se met incontinent au milieu, pour president de l'acte, où il approuue ce qu'ils disent de bon: il reiette les erreurs & reuele ce qui ne se peut trouuer par les forces humaines. Ainsi d'óc, *Dieu reue-* pour prouuer les raisons qui sont *le les choses* alleguees es matieres de la foy, il *profondes* faut regarder seulement, si elles *& cachees.* prouuent & inferent ce que dit & *Dan. ch. 2.* declare l'Eglise Catholique: car si l'on peut recueillir quelque chose du cõtraire, telles raisons sont cer-

tainemēt mauuaises. Mais en toutes les autres questiōs, où l'étende métaliberté d'opiner, n'a esté trouuee aucune maniere, pour sçauoir quelles raisons cōcluent, ny mesmes quand l'entendement cōpose bien la verité. On se tiēt seulement, en la bonne consonance ou conformité d'icelles : ce qui est vn argument qui peut trompet : car on trouue maintes faussetez, qui ont plus grande apparence de verité, que les choses vrayes. Les medecins & ceux là qui gouernent en la guerre, tiennēt le succes & l'experience, pour la preuue de leurs raisons : car si dix capitaines preuent par plusieurs raisons qu'il est conuenable de donner la bataille, & autant d'autres defendent le cōtraire, le succes confirmera vne opinion, & reprouuera l'autre. Et si deux medecins debatent sur la

mort

mort ou la vie du malade, guarissant ou mourant, on découvrira lequel auoit raison. Mais neantmoins, le succes n'est pas preuue suffisante, pource qu'ayant vn effect plusieurs causes, le succes peut estre bon d'vn costé, & pour vne d'icelles: mais les raisons peuuent estre fondées en vne autre cōtraire. Aristote dit aussi que pour sçauoir les raisons qui concluent, il est bon de suivre la commune opinion: car quand plusieurs sçauans hommes disent & assument vne mesme chose, & quand tous concluent par mesmes raisons, c'est vn argument (bien qu'il soit topique) qu'ils sont conclués & qu'ils composent bien la verité. Mais si l'on regarde bien, c'est pareillement vne preuue qui trôpe, pource qu'és forces de l'entendement, l'intension ou force sert plus que

*Am 1. livre
des Topi-
ques.*

le nombre: car il n'en prend pas comme des forces corporelles, où quand plusieurs s'amassent & se joignent ensemble pour leuer vn fardeau, ils peuuent beaucoup: & au contraire, quand il y a peu de gens, ils ne peuuent gueres aussi. Mais pour trouuer vne verité plus cachee, vaut mieux vn haut entendemēt, que cent mille qui ne sont tels, & la cause de cela est que les entendemens ne s'aydent pas, & de plusieurs ne se peut faire vn, cōme en la vertu du corps. Et pourtant le sage a bien dit. *Multi pacifici sint tibi, & consiliarius vnus de mille.* C'est à dire, Ayez beaucoup d'amis qui te defendent, s'il est question de venir aux mains: mais pour prendre conseil, euy vn seul entre mille. Suiuant laquelle sentence Heraclite dit pareillement, *Vnus mihi instar est mille.* Vn m'est
 autant

autant que mille. Au plaider des causes, chacun lettré donne son opinion, selō que mieux il la peut fonder en droict: mais apres auoir fort bien discouru, il n'a point d'art pour cognoistre avec certitude, si son entendement a fait la composition que la vraye iustice demande. Car si vn aduocat prouue par le droict, que le demādeur ha raison: & l'autre deffend par le mesme droict, que non, comment sçaura l'on lequel des deux aduocats forme les meilleures raisons? La sentence du Iuge ne demōstre la vraye iustice, & ne se peut appeller succes: pource que la sentence est pareillemēt opinion, & qu'il ne fait qu'aprocher & se ioindre à la cause del'vn des deux aduocats: & croistre le nombre des lettrez, en vn mesme aduis, n'est pas argument pour estimer q̄ ce qu'ils

disent & alleguent soit verité: car nous auons deia dit & prouué que plusieurs mauuais entendemens, encores qu'ils se ioingnent pour decouurir quelque verité fort cachee, iamaïs ne viēdrōt au point de la vertu & forces d'vn seul, s'il est fort haut & excellent. Que la sentence du Iuge ne preuue & demontre certainement, se voit assez, pource que la partie condamnée en appelle en vn autre siege superieur, où elle est reuoquee par vn autre iugemēt: & ce qui est pis, il peut aduenir que le iuge inferior a meilleur entendement que le superieur, de maniere que la sentence sera plus conforme à la raison. Or que la sentence du Iuge superieur nesoit pareillemēt prouué de la iustice, est chose encores plus manifeste: car nous voyons tous les iours des mesmes actes & des

mesmes

mesmes iuges sortir sentences cō-
 traies: de maniere qu'il est à pre-
 sumer que celuy, lequel est trom-
 pé vne fois, se confiant trop en ses
 raisons, se trompera encores vne
 autrefois: & ainsi se doit on moins
 fier en sa sentence: car, *Qui semel* *En la Sa-*
est malus, eiice. Les aduocats voyās *pièce ch. 9.*
 la grande diuersité des entende-
 mens des iuges, comme chacun
 est affectionné à la raison, qui con-
 uient à son esprit, & comme au-
 iourd'huy ils concluent, par vn ar-
 gument, & vn autre iour, par le
 contraire, se hazardent à deffen-
 dre chacun proces, pour la partie
 affirmatiue & negatiue: voyans
 mesmement par experience, que
 des deux manieres ils obtiennent
 sentence en leur faueur: & ainsi est
 veritable ce qu'a dit la Sapience,
Cogitationes mortalium timida &
incerta prouidentia nostra, Les pen-
 sées

sees des hommes sont timides & noz prouidences incertaines. Le remede qu'il y a en cela (puis que les raisons de la cognoissance du droict, n'ont point de preuue ny d'experience) est d'élire personna- ges de grand entendement, pour estre iuges & aduocats: car Aristote dit que les raisons & argumens de ceux là sont aussi certains & fermes que la mesme experience. Et faisant ceste electiō, il semble que la Republique sera asseuree de l'administration de iustice par ses officiers. Mais si on permet en ce cas, que les hommes entrēt en ces charges, à la foule, sans faire preuue de leur esprit (comme maintenant est la coustume) tousiours aduiendront les desordres & erreurs que nous auons noté. Nous auons deia dit aucunemēt ailleurs par quels signes on pourra cognoistre

*Am 1. liure
de la meta-
physique.*

gnoistre si celuy qui veut estudier les loix, a la difference de l'entendement que ceste faculté requiert: mais pour en refreschir la memoire & le monstrier plus amplement il faut sçauoir que l'enfant, lequel aprenant à lire, cognoistra bien tost les lettres & nommera facilemēt chacune en son alphabet, ha grāde memoire, pource que ceste facilité qu'il a d'apprendre en est l'indice: car il est certain que l'entendement ne fait pas cest œuvre, ny l'imagination aussi, ainsest ce l'office de la memoire de garder les figures des choses, & de dire le nom de chacune, quand il est besoin: & s'il a grāde memoire, nous auons deia prouué autre fois, que par conséquent il ha faute d'entendement. Nous auons dit aussi que la facile esécriture & les bons traits & lettres decourent vne grande
 imagina

imagination:& pourtāt quand vn
 enfant en peu de iours ſçait biē af-
 ſeoir la main, faire ſes lignes droi-
 tes & la lettre pareille, & de bōne
 forme & figure, c'eſt vn mauuais
 ſigne pour l'entendement, pource
 que ceſt œuvre ſe fait par le mo-
 yen de l'imagination:& ces deux
 puiffances ſont cōtraires, comme
 nous auōs dit & noté. Et eſtāt mis
 à la Grammaire, ſ'il l'apprend aſe-
 mēt, ſ'il parle latin en peu de tēps,
 ſ'il l'eſcrit elegamment, & à l'imi-
 tation de Cicerō, il ne ſera iamais
 bon iuge ny aduocat, pource que
 c'eſt vn ſigne qu'il ha vne grande
 memoire, de maniere q̄ c'eſt grād
 cas d'auēture, ſ'il n'eſt deprouueu
 d'entendement. Mais ſi ceſtuy là
 ſe met à l'eſtude des loix, & ſ'il de-
 meure aux eſcoles long temps, il
 ſera fameux lēcteur, & aura plu-
 ſieurs auditeurs, pource que la lan-

gue Latine est fort gracieuse en la chaire: & pour lire avec grande apparence, sont necessaires plusieurs allegations, & mesmes faut amonceller en chacune loy, tout ce qui est escrit sur icelle: à quoy la memoire est plus necessaire que l'entendement. Et combien qu'en la chaire on doive distinguer, inferer, discourir, iuger & élire pour tirer le vray sens de la loy, si est ce qu'en fin le lecteur expose le cas comme il luy semble, resout les doutes & contrarietez à son plaisir, & donne son aduis comme il veut, sans que nul luy contredise: à quoy faire suffit vn mediocre entendement. Mais quand vn aduocat parle pour vne partie: & vn autre, pour l'autre, & qu'entre eux il y a vn iuge pour decider le different: c'est vn vray proces, où n'est parlé comme si l'õ escrimoit

sans

sans aduersaire. Et si l'enfant ne
 profite bien en la Grammaire, il y
 a soupçon qu'il puisse auoir bon
 entendement : ie dy qu'il y a soup-
 çon : car il ne s'ensuit pas que ce-
 luy qui ne peut aprédre Latin , ait
 bon entendement , ayant prouué
 ailleurs , que les enfans de grande
 imagination , ne profitent iamais
 en la langue Latine. Mais la Dia-
 lectique peut decouurir cela pour
 ce que ceste science se rapporte
 avec l'entendement, côme la pier-
 re de touche avec l'or. Et pourtāt
 il est certain, que si en vn mois ou
 deux, celuy qui oyt les arts, ne cō-
 mance à discourir & ne se presen-
 tent à luy argumens & responce
 en la matiere qui se traicte , il n'a
 aucun entendemēt : mais s'il pro-
 fite bien en ceste science , c'est vn
 argument infallible, qu'il a vn tel
 entendement que les loix deman-
 dent:

dent:& pourtant peutil aller incontinent les estudier, sans y regarder l'õg temps. Toutesfois estimay-ie qu'il vaut mieux ouir premierement tout le cours des arts: car la Dialectique n'est non plus à l'entendement, que les trauers que l'õ met aux pieds d'vne mule, pour la faire aller l'able, & d'vne maniere gracieuse & posée. L'entendement prend en ses disputes cete mesme maniere d'aller à l'aise, l'ayant aprins par les reigles & preceptes de la Dialectique. Mais si ce ieune homme (que nous examinons) ne profite en Latin ny en la Dialectique, comme il faut, il est besoin de voir s'il est proueu de bonne imagination, deuant que nous l'ostions de l'estude des loix: car en cela se trouue vn fort grand secret, & est bon que la Republique le sache, c'est que se trou

uent des lettrez lesquels mis en chaire, font merueilles en l'interpretatiō du droict, & autres à l'aduocacerie, ausquels si l'on met vn baston ou sceptre en la main, ils n'ont l'esprit de gouverner non plus que si les loix n'auoient esté faites à ce propos. Et au contraire se trouuent autres avec trois mal entédues, aprinſes à Salamanque, lesquels commis à vn gouuernemēt, s'en ſçauent aquiter le mieux du monde. Dequoy ſont emerueillez aucuns curieux, pource qu'ils n'en peuuent ſçauoir la raiſon: qui eſt que le gouuernemēt appartient à l'imagination, & non pas à l'entendement ny à la memoire. Et qu'ainſi ſoit, il eſt aiſé à le prouuer, conſiderāt, que la republique doit eſtre gouuernee par bon ordre & conſeil, mettāt chacune choſe en ſon lieu, de maniere q̄ tout ioinct
face

face vne bonne figure, & soit correspondant. Ce que nous auons prouué beaucoup de fois, estre l'œuvre de l'imaginatiō. Et ne gägneroit on nō plus de bailler vn gouuernement à vn gräd lettré, q̄ de faire vn fourdiuge de la musique: mais cela se doit entēdre cōmunēmēt & non pas comme reigle generale. Car nous auons deia prouué qu'il y a moyē de faire q̄ nature puisse ioin dre grand entendement avec grāde imagination. Parquoy n'est ce chose repugnante d'estre gräd ad uocat, & fameux gouuerneur, voire mesmes decouurirons nous cy apres qu'estāt la nature garnie de toutes les forces qu'elle peut auoir, & avec vne matiere biē saisonnee, elle fera vn homme de grande memoire, de grand entendement, & de grande imaginatiō: lequel estudiant les loix, sera fameux lecteur,

grand aduocat, & non moindre
gouuerneur: mais nature forme
tant peu de ceux là, que cete rei-
gle peut passer pour generale.

*Comme se prouue qu'une partie de la
theorique de Medecine appartient
à la memoire, l'autre partie à l'en-
tendement, & la pratique, à l'i-
magination.*

C H A P. X I I.



V temps que la Mede-
cine des Arabes florif-
scit, y auoit vn mede-
cin fort renommé, tât
à lire, comme à escrire, argumen-
ter, distinguer, respondre & cõclu-
re: duquel le bruit estoit (veu son
grãd esprit) qu'il deuoit resusciter
les morts & guarir toute maladie:
ce qui luy aduenoit tât au rebours,
qu'il ne gouuernoit aucũ malade,
duquel il peust sortir à son hon-
neur,

neur, & qu'il ne fist mourir. Dequoy estant merueilleusement irrité, il se rédit moyne, se plaignāt de sa mauuaise fortune, & n'entendant pas d'où elle pouuoit proceder. Et pource que les exemples plus frais font meilleure prouue & conuainquent mieux les sens, plusieurs graues medecins ont opiniō q̃ Ieā Argētiet, medecin moderne de nostre tēps, a surpassé de beaucoup Galen, à reduire l'art de medecine en meilleure methode: & neantmoins on dit qu'il estoit tāt infortuné en la pratiq̃, q̃ nul malade, le cognoissant, ne s'osoit commettre à luy, craignāt les mauuais succés d'iceluy: dequoy il semble q̃ le vulgaire a bien occasion de s'emerueiller, voyāt par experiēce non seulement en ceux que nous auons dit, mais aussi en plusieurs autres que nous voions, qu'estant

vn medecin fort lettré, par la mesme raison, il est inhabile à medeciner: de quoy Aristote a voulu donner la raison, mais il n'y a peu venir. Quāt à ce qu'il n'aduenoit q̄ les medecins raisonnables de son temps peussent guarir, il pensoit q̄ cel auenoit de ce qu'ils auoiēt vne cōmune cognoissance de l'hōme, & qu'ils ignoroyent la nature du particulier (au cōtraire des Empiriques qui mettoyent peine de sçauoir les proprietez indiuidues des hōmes, sans s'adōner aucunemēt à l'vniuersel) mais il n'auoit raison: car les vns & les autres s'exercēt à guarir les singuliers & travaillent tant qu'ils peuuēt à auerir ce te nature particuliere. Ainsi dōc la difficulté n'est qu'à sçauoir pour quoy les medecins fort lettrés, biē qu'ils s'exercēt toute leur vie à guarir, ne sont iamais bōs praticiens:

& au

& autres ignorans avec trois ou quatre reigles de medecine qu'ils ont aprins à l'escole, en beaucoup moins de tēps, sçauent mieux pratiquer & faire la medecine. La vraye responce à ce doute est fort difficile, veu qu'Aristote ne l'a peu trouuer, combié qu'il en ait approché aucunement : mais nous tenans aux principes de nostre doctrine, nous y respondrons entierement. Ainsi donc il faut sçauoir que la perfection du medecin con-

*Galen au
liu 9. de la
meth. ch. 9.*

siste en deux choses, autant necessaires pour obtenir la fin de son art, que sont les deux plantes des pieds pour cheminer. La premiere est de sçauoir, par methode, les preceptes & reigles de medeciner l'homme en commun, sans venir au particulier. L'autre, de s'estre long temps exercé à medeciner, & cognoistre, à l'œil, le grand nō-

bre des malades : car les hōmes ne sont pas tant differens entre eux, qu'ils ne cōviennent en plusieurs choses : ny tant conformes aussi, qu'il n'y ait entr'eux certaines particularitez de telle nature qu'elles ne se peuuent dire ny escrire, ny enseigner, ny recueillir, de maniere qu'on les puisse reduire en art : mais seulement congnoistre en ceux qui les ont. Ce qui se peut facilement entendre en considerāt qu'estant le visage del'hōme composé de si petit nombre de parties, comme sont les deux yeux, le nez, les deux iouës, la bouche, le front, nature fait tant de compositions particulieres, que si l'on voyoit cent mille hommes assemblez, chacun se pourroit remarquer avec son visage tāt singulier & propre, qu'à peine s'en trouueroient deux qui se ressemblassent

entie

entièrement. Le mesme cas a lieu aux quatre elemens & quatre premieres qualitez, la chaleur, froideur, humidité & siccité, de l'harmonie desquelles se compose la vie & santé de l'homme. De tant petit nombre de parties que celles cy, nature fait tant de proportions, que si cent mille hommes s'engendrent, chacun sort avec sa santé tant singuliere & propre pour soy, que si Dieu miraculeusement & à l'improuiste leur troquoit la proportion de ces premieres qualitez, ils demoureroyent tous malades, exceptez parauanture deux ou trois, lesquels se rencontreroyent conformes & de mesme paste & proportion. Dequoy s'inferent necessairement deux conclusions: La premiere est que tout homme qui tombera en maladie, se doit guarir seló la par-

ticuliere proportion , de maniere que si le medecin ne le remet à la cōuenāce & accord des humeurs & qualitez qu'il auoit au precedent, il ne demoure guarý: l'autre, que pour ce faire, comme il faut, il est necessaire que le medecin aye veu & manié le malade plusieurs fois, quād il estoit en santé, en luy touchant le pouls, voyant son vrine, la couleur de son visage, & remarquant sa téperature, à fin qu'il puisse iuger, quand il sera malade, de cōbien il est éloigné de sa santé: & le guarissant, qu'il sçache en quel estat il le doit restituer. Pour le premier (qui est d'entendre & sçauoir la theorique & composition de l'art) Galen dit qu'il est necessaire d'auoir grād entendemēt & beaucoup de memoire ; pource qu'vne partie de la medecine consiste en raison , & l'autre en experience

rience & histoire : à quoy, pour le
 premier, est requis l'entendement,
 & pour l'autre, la memoire : & se-
 lon qu'il est tant difficile d'assem-
 bler ces deux puissances en degré
 intensif, necessairement le mede-
 cin doit defaillir en la theorique:
 & ainsi voyons nous plusieurs me-
 decins grands Latins & Grecs,
 grands anatomistes & herboristes
 (desquels les œuvres appartiennent
 à la memoire) lesquels estans
 mis aux argumens & disputes pour
 auer la cause de quelque effect
 (qui appartient à l'entendement)
 n'y entendēt rien. Autres se voyēt
 au contraire, lesquels en la diale-
 ctique & philosophie de l'art, se
 montrent de grand esprit & ha-
 bilité: mais estans mis au Latin &
 Grec, aux herbes & à l'anatomie,
 ils n'y font pas grand profit, pour-
 ce qu'ils sont deprouuez de me-
 moire:

Au liu. de
l'ordre de
ses livres.

moire: & pour ceste cause, Galen
a dit, *Mirum non est in tanta homi-
num multitudine, qui in medica &
philosophica exercitatione studiôque
versantur, inueniri tam paucos, qui
rectè in illis profecerint.* C'est à dire,
Je ne suis pas émerueillé, qu'en vn
si grand nombre d'hommes qui
s'adônent à la medecine, peu de-
viennent bons medecins; de quoy
donnant la raison, il dit, qu'à pei-
ne se trouue l'esprit requis en ce-
ste science, ny maistre qui l'ensei-
gne avec perfection, ny qui l'estu-
die songneusemēt. Mais avec tou-
tes ces raisons, Galen ne vient pas
au poinct, pource qu'il ne sçait
pas en quoy consiste, que person-
ne ne deuiant parfait medecin.
Toutesfois quād il a dict, qu'à pei-
ne se trouue, entre les hommes
vn esprit conuenable à ceste scien-
ce, il a dit vray, bien qu'il n'ait spe-
cifié

cifié cela , comme nous ferons maintenant : car pour estre tant difficile d'assembler vn grand entendement avec vne grande memoire , personne nedeuient parfait en la theorique de la medecine. Et pource qu'il y a repugnance entre l'entendement & l'imagination (à laquelle nous prouuerons maintenant que la pratique appartient & la maniere de guarir avecques certitude) à peine se trouue vn medecin, qui ait la parfaite cognoissance de la medecine , que lon dit theorique , & qui soit bon praticien : ny au contraire, vn bon praticien, qui sçache bien la theorique. Or est-il aisé à prouuer que l'imagination est la puissance, de laquelle le medecin se sert en la cognoissance & cure des particuliers : & non pas l'entendement , en supposant la doctrine

doctrine d'Aristote , qui dit que l'entendement ne peut cognoistre les singuliers , ny faire difference d'un avec l'autre, ny cognoistre le temps & lieu , ny autres particularitez qui font differer les hommes entre eux , & medeciner chacun de differente maniere: de quoy la raison est (selon que disent les philosophes vulgaires) que l'entendement est vne puissance spirituelle, qui ne se peut alterer des singuliers , pour estre remplis de matiere. Et pour ceste cause Aristote a dit , que le sens est des singuliers , & l'entendement des vniuersels. Si donc les cures se doyent faire à l'endroit des singuliers & non des vniuersels (qui ne se peuuent engendrer & sont incorruptibles) l'entendement est vne puissance impertinente pour curer ou guarir. La difficulté est
mainte

maintenant de ſçauoir pourquoy les hommes de grand entendement ne peuuent auoir bons ſens extérieurs, pour les ſinguliers, eſtans puiffances tant différentes? La raiſon en eſt fort claire, qui eſt que les ſens extérieurs ne peuuent bien ouurer, ſi la bonne imagination ne leur aſſiſte. Nous prouuerons cela par l'opinion d'Ariſtote, lequel voulant declarer que c'eſt de l'imagination, dit eſtre vn mouuement cauſé du ſens extérieur, de la maniere que la couleur (qui ſe multiplie de la choſe coloree) altere l'œil, ce qui eſt ainſi: car ceſte meſme couleur qui eſt en l'humeur criſtallin, paſſe plus auant en l'imagination, & fait en icelle la meſme figure qui eſtoit en l'œil. Et ſi l'on demande de laquelle de ces deux eſpeces ſe fait la cognoiſſance du ſingulier,

*Au liu. 3.
de l'ame.*

tous les philosophes disent fort bien, que la seconde figure est celle qui altere l'imagination : & des deux est causee la cognoissance, suivant ce dict tant commun, *Ab obiectis & potentia, paritur notitia.* Des obiects & de la puissance, la cognoissances'engendre. Mais de la premiere qui est en l'humeur cristalin & de la puissance de la veüe, n'est causee aucune cognoissance, sans l'esgard de l'imagination : ce que les medecins preuuent manifestement, disant, Que si l'on coupe ou brusle la chair à vn malade, lequel pourtant ne sente point de douleur, c'est signe que l'imagination est distraite en quelque profonde contemplation : & ainsi le voyons nous par experience en ceux qui sont sains : car s'ils sont distraits en quelque imagination, ils ne voyent les choses qui sont

Quiconque est malade en quelque partie du corps & ne sent douleur, a l'esprit malade. Hip 2. des Aph 6.

font deuant eux, & ne goustēt les bonnes viandes, encores qu'ils en mangēt: à raison dequoy, il est certain que l'imaginatiō est celle qui cause le iugement, & la cognoissance des choses particulieres, & non l'entendement ny les sens extérieurs. Il s'ensuit donc fort bien, que le medecin qui sçaura beaucoup de theorique, ou pource que il ha grand entendement ou grand memoire, sera indubitablemēt mauuais praticien, pource qu'il doit auoir faute d'imagination: & au contraire celuy qui sera grand praticien, par consequent sera mauuais theoricien, c'est à dire n'aura pas la theorique, pource que la grande imagination ne se peut assembler avec beaucoup d'entendement & memoire. Et voila pourquoy personne ne peut estre parfait medecin, & pratiquer.

sans faillir : car pour n'errer en la
 pratique, il faut sçauoir l'art & a-
 uoir bonne imagination, pour la
 pouuoir exercer : & nous auons
 prouué que ces deux choses là sont
 incompatibles. Le medecin ne va
 iamais cognoistre & curer quel-
 que maladie, qu'il ne fasse en soy-
 mesme vn silogisme en *Darij*,
 combien qu'il soit empirique: par
 lequel vne partie de sa preuue ap-
 partient à l'entendement, & l'aut-
 re à l'imagination. Et pour ceste
 cause les plus grands theoriciens
 errent ordinairement en la mi-
 neur : & les grands praticiens
 en la maieur : comme si nous
 disions ainsi, Toute chaleur qui
 depend des humeurs froids & hu-
 mides, se doit curer par medeci-
 nes chaudes & seiches (prenant
 l'indice de la cause) la chaleur que
 souffre cest homme depend des
 humeurs

humeurs froids & humides, il se doit donc curer par medecines chaudes & seiches. L'entendement prouuera bien la verité de la maladie, pour estre vniuerselle, disant que la froideur & l'humidité, pour leur moderation demandent chaleur & siccité : pource que chacune qualité se diminue, de force, par son contraire: mais pour prouuer la mineur, l'entendement ne sert de rien, pour estre chose particuliere & d'autre iurisdiction, dont la cognoissance appartient à l'imagination, en prenant des cinq sens exterieurs les propres & particuliers signes de la maladie. Et si l'indice se doit prendre de la chaleur, ou de sa cause, l'entendement ne le peut sçauoir. Il enseigne seulement à prendre l'indice de ce qui promet plus de danger : mais la seule imagination

demonstre, lequel des indices est le plus grand, conferât le mal que fait la chaleur, avec celui du symptome, la cause, le peu de force, ou grande vertu. Pour auoir ceste cognoissance, l'imagination a certaines proprietiez infallibles, par lesquelles elle ataint aux choses qui ne se peuuent dire ny entendre, & ne se trouuent arts, pour icelles. Et pourtant nous voyons entrer vn medecin vers vn malade, lequel par la veüe, l'ouye, le sentir, le toucher, trouue ce qui semble impossible, de maniere que si nous demandions à ce medecin mesme, comme il a peu ataindre à vne si haute cognoissance, il n'en pourroit donner raison: car c'est vne grace qui vient d'une fecondité de l'imagination, qui s'appelle autrement *Solertia*, qui veut dire Industrie, laquelle par signes communs, incertaines con-

iectures & de peu de fermeté, en moins d'un rien, trouue mille differences de choses esquelles consiste la force de medeciner & pronostiquer certainement. De ceste maniere d'industrie sont priuez les hommes de grand entendement, pour estre vne partie d'imagination. Et ainsi, ayant les signes deuant les yeux, que ceux qui sont auisez de la maladie, ne reçoient en leurs sens aucune alteration; pource qu'ils sont deprouuez de la puissance imaginatiue, vn medecin me demanda vne fois, secretement, pourquoy ayant estudié curieusement toutes les reigles & considerations de l'art de pronostiquer, & les sachant fort bien, il n'auenoit iamais que son pronostic fust veritable. Auquel il me souldoit auoir respondu que par vne puissance s'apred l'art de me-

decine, & que par vne autre ce
 mesme art se met en execution.
 Cetuy là auoit fort bon entende-
 ment : mais il estoit deprouueu
 d'imagination. Mais il y a en
 ceste doctrine vne grande difficul-
 té, qui est, de sçauoir comme les
 medecins de grande imagination
 peuvent apprendre l'art de mede-
 cine, veu qu'ils sont deprouueuz
 d'entendement: & s'il est ainsi qu'ils
 pratiquent mieux que ceux qui la
 sçauent bien, de quoy sert aux hom-
 mes d'aller l'apprendre aux escol-
 les. On peut respondre à cela, estre
 chose de grande importance sça-
 uoir premierement l'art de mede-
 cine, pource qu'en deux ou trois
 ans, l'homme apprend tout ce que
 les anciens ont trouué en deux
 mille: de maniere que s'il le deuoit
 aquerir par experience, il luy fau-
 droit viure trois mille ans: en quoy
 esprou

esprouuant les medecines, il tue-
 roit, deuât que sçauoit leurs quali-
 tez, vne infinité d'hômes: en quoy
 il sera excusé s'il lit les liures des
 medecins raisonnables & experi-
 mentez: lesquels aduisent les estu-
 dians de ce qu'ils ont trouué du-
 rant leur vie, à fin que les nouveaux
 medecins se seruent hardiment
 d'une chose, & se gardent d'une
 autre, pource qu'elle est veneneu-
 se. Dauantage il faut sçauoir que
 les choses communes & vulgaires
 de tous les arts, sont fort claires &
 faciles à apprendre, mais elles sont
 les plus importantes en l'œuvre:
 & au contraire les plus curieuses
 & hautes sont les plus obscures &
 les moins necessaires pour la pra-
 tique. Les hommes de grâde ima-
 gination ne sont totalement pri-
 uez d'entendement ny de memo-
 ire. Et ainsi par la diminution de

ces deux puissances , ils peuuent
 apprendre le plus necessaire de la
 medecine , pource qu'il est le plus
 aisé & le plus clair: & par la bonne
 imagination , ils peuuent mieux
 cognoistre la maladie & sa cause,
 q̃ les plus raisonnables & entédutz:
 veu que l'imaginatiō est celle qui
 trouue l'occasion du remede qui
 se doit appliquer: en quoy consiste
 la plus grande partie de la prati-
 que. Et pourtant Galen a dict, que
 le propre nom du medecin est, *In-
 uentor occasionis*: & sçauoir cognoi-
 stre le temps, le lieu & l'occasion,
 il est certain qu'il appartient à l'i-
 magination, puis qu'elle porte fi-
 gure & correspōdāce. La difficul-
 té est maintenant de sçauoir, à la-
 quelle de tant de differēces de l'i-
 magination , appartient la prati-
 que de la medecine: car il est cer-
 tain qu'elles ne conuiennent tou-
 tes

*Lib. 6. des
 Epid. par.
 5. sem. 1.*

tés en vne mesme raison particulière : laquelle consideration m'a donné plus de peine & travail d'esprit que toutes les autres. Et neátmoins ie ne luy ay peu donner le nom qu'il faut, sinon qu'elle vient d'un degré de chaleur moins que n'a la difference de l'imagination, par laquelle se font les vers & couplets. Toutesfois ie ne certifie pas cela du tout, pource que la raison en laquelle ie me fonde est, Que ceux que j'ay considéré bons praticiens, sont tous un peu adonnés à l'art de versifier, & n'est leur contemplation trop haute, ny leurs vers merueilleux: ce qu'il peut aduenir aussi de ce que defaut la chaleur du poinct que la Poësie requiert: & si c'est pour ceste raison, la chaleur doit estre telle, qu'elle touche un peu la substance du cerueau, sans resouldre beaucoup la

chaleur naturelle: combien que si elle passe outre, elle ne fait mauuaise difference d'esprit, pour la medecine, pource qu'elle ioint l'entendement avec l'imaginatiō par adustion. Mais ceste imagination n'est pas tant bōne pour guarir, cōme celleq̃ ie cherche: car elle inuite l'hōme à estre superstitieux, magicien, sorcier, interprete, chiromancien, iuge & deuineur: car les maladies des hommes sont tāt cachees & secretes, qu'il sont tous iours deuiner ce qui en est. Ceste differēce d'imagination est facheuse à trouuer en Hespagne: car nous auons prouué ailleurs que ceux là qui demourent en ceste regiō ont faute d'imaginatiō & de memoire, & sont prouuez de bon entendement. L'Imagination aussi de ceux qui habitent au deffouz du Septentrion ne vaut rien pour la
mede

medecine: car elle est fort tardifue
 & lasche: elle est bonne seulement
 pour faire horloges, peintures, e-
 guilles & autres mesmes beson-
 gnes pour le seruice de l'homme.
 Il n'ya que l'Ægypte qui engédre
 en ses habitans ceste maniere d'i-
 magination: & pourtant les histo-
 riens ne disent iamais du tout, cõ-
 bien les Gitains sont magiciens &
 forciers, & prongs à cognoistre les
 choses & à trouuer les remedes à
 leurs neceffitez. Iosephe pour
 louër & priser la grãde sagesse de
 Salomõ, dit en ceste maniere, *Tã-
 ta fuit sapientia & prudentia quam
 Salomon diuinitus acceperat, ut om-
 nes prius superaret atq; etiam Æ-
 gyptios qui omnium sapientissimi ha-
 bentur.* Salomon a esté si sage &
 prudent, qu'il a surmonté tous les
 anciens voire mesme ceux d'Ægy-
 pte, qui sont estimez les plus sages
 de

*Peuples de
 Gette, cité
 de Palesti-
 ne.*

de tous. Platon dit bien aussi que les *Ægyptiens* surpassent tous les hommes du monde, à sçauoir gâ-gner la vie: qui est vne habilité laquelle appartient à l'imaginatiō. Il appert clairement que cela est veritable, pource que toutes les sciences qui appartiennent à l'imagination ont esté inuentees en *Ægypte*: comme les mathematiques, l'astrologie, l'arithmetique, perspective, iudiciaire & autres. Mais l'argument qui à ce propos, me conuain le plus & me semble de plus grande force, est qu'estant le treschrestie & magnanime *Frâçois de Valois Roy de Frâce* molesté d'vne longue maladie, & voyant que les medecins de sa maison & court ne luy donnoyent remede, toutes les fois que la chaleur luy croissoit, il disoit n'estre possible que les medecins Chre-

stiens

stiés le sceus sēt guarir, de maniere
 qu'il n'esperoit iamais aucun re-
 mede d'eux. Parquoy estant fasché
 de se voir tousiours en chaleur, il
 depescha vne fois, vn courrier en
 Hespagne, par deuers l'Empereur
 Charles Quint, pout le prier de
 luy enuoyer vn medecin Iuif, le
 meilleur qu'il eust en sa court, du-
 quel il pensoit pouuoir trouuer re-
 mede à sa maladie, si aucun y en
 auoit en l'art: de laquelle deman-
 de on se mit à rire en Hespagne:
 & tous conclurent que c'estoit
 l'appetit d'un homme qui estoit
 en chaleur. Ce neantmoins l'Em-
 pereur fit chercher vn tel mede-
 cin, iusques hors le royaume, & ne
 le pouuant trouuer, il enuoya vn
 medecin nouueau Chrestié, pen-
 sant que par iceluy la volonté du
 Roy seroit accomplie. Mais quād
 le medecin fut en France, deuant
 le

le Roy, se passa entre eux deux vn deuils fort gracieux, auquel fut decouuert q̃ le medecin estoit Chrestien, & pour ceste cause le Roy ne se voulut seruir de luy. Le Roy (auec l'opinion qu'il auoit du medecin qui estoit Iuif) luy demanda par maniere de deuils, s'il estoit point las d'attendre le Messie promis en la loy. Sire (respondit le Medecin) ie n'atten pas le messie promis en la loy Iudaïque. Et vous sage en cela, dit le Roy: car les signes notez en la sainte escripture, pour cognoistre sa venue, sont deia accompliz long temps y a. Nous autres Chrestiens (respondit le Medecin) sçauons bien le temps qu'il y a qu'ils sont accompliz: car il y a aujour d'huy & compté l'on mil cinq cens quarante & deux ans qu'il vint: il fut au monde trente trois ans, au bout desquels

quels il mourut crucifié & le troi-
sieme jour resuscita: & puis il mō-
ta aux cieux où il est maintenant.
Vous estes donc Chrestien, dist le
Roy? Ouy, Sire, respondit le Me-
decin, par la grace de Dieu. Puis
qu'ainsi est dist le Roy, retournez
à la bonne heure, en vostre pays:
car i'ay en ma Court de grans me-
decins Chrestiens: i'en voudroy
auoir de Iuifs, lesquels, à mon ad-
uis, sont ceux qui ont vne nature &
le habilité de guarir & pratiquer.
Parquoy il le r'enuoya sans luy
vouloir bailler le pouls, sans luy
faire monstrex son vrine, & sans
luy toucher aucun mot de sa ma-
ladie. Et tout soudain il enuoya en
Constantinoble pour faire venir
vn Iuif, lequel le guarit avec du
lai & d'anesse seulemēt. Ceste ima-
gination du Roy Fráçois (à ce que
ie pèse) est fort veritable, & croy
qu'il

qu'il est ainsi : car aux grandes intemperatures chaudes du cerueau, i'ay experimenté autrefois que l'imagination trouue ce que l'homme estant en santé, elle ne peut faire. Et à fin qu'il ne semble que cela soit dit sans fondement, il faut sçauoir que la diuersité des hommes, tant en la composition du corps, comme en l'esprit, & conditions de l'ame, vient d'habiter régions de differente temperature, de boire eaux contraires & de n'vser tous de mesmes & semblables alimens: & pour ceste cause

An dialogue, de la nature.

Platon a dit, *Alij ob varios ventos & astus, & moribus & specie diuersi inter se sunt: alij ob aquas quidē, propter alimentum ex terra prodiens, quod non solum in corporibus melius ac deterius, sed in animis quoque id genus omnia patere non minus potest.*

C'est à dire, aucuns hōmes différēt
des

des autres, à cause des vêts cōtraires, ou pour ce qu'ils boient eaux differētes, ou pource que tous n'y sent de mesme viande: & cete difference non seulement se trouue au visage & compositiō du corps, mais aussi en l'esprit de l'ame. Or si ie prouue maintenāt que le peuple d'Israel demoura plusieurs ans en Aegypte, & que sortant de là, il eut la nourriture propre à cete difference d'imagination, nous aurōs aueré l'opinion du Roy de Frāce, & sçaurons aussi par mesme moyé, quels esprits se doiuent élire en Hespagne pour la medecine. Quant au premier, il faut sçauoir que Abrahā demandant les signes pour entendre que luy ou ses successeurs deuoyent posseder la terre, qui luy auoit esté promise, le texte dit, qu'en dormant Dieu luy respondit en ceste maniere,

*En Genes.
chap. 15.*

Scito, prænoscēs quod peregrinum futurum sit semē tuum, in terra nō sua: & subijcient eos seruituti & affligent quadringentis annis: verumtamen gētem cui seruituri sunt ego iudicabo: & postea egrediētur cum magna substantia. C'est à dire. Sachez Abrahā, que tes successeurs errerōt en pays estrāge, où ils seront assuiettis quatre cens ans: mais sois certain que ie chastieray le peuple qui les opprimerā, & que ie les deliureray de cete seruitude, & leur donneray beaucoup de biens. Cete prophetie s'est acomplie: combien que Dieu, pour certain respect, y ait aiousté trente ans d'auātage: & ain

in Exode,
chap. 12. si dit le texte diuin, *Habitatio autē filiorum Israel, quā manserunt in Aegypto, fuit quadringentorum triginta annorum, quibus expletis, eadē die egressus est omnis exercitus domini, de terra Aegypti:* C'est à dire, Le peuple

peuple d'Israel a demouré en Ægypte quatre cens & trente ans, lesquels accôpliz, ce mesme iour tout l'exercite du Seigneur fut deliuré de seruitude, & sortit de la terre d'Ægypte. Mais combien que ce texte die manifestement que le peuple d'Israel a demouré quatre cens trente ans en Ægypte, vne glose declare que par ce nombre d'ans est entendu tout le temps que le peuple d'Israel fut vagabond, iusqu'à tant qu'il eut vne terre propre: & qu'il ne fut en Ægypte que deux cens & dix ans: laquelle declaration ne s'accorde bien à ce qu'a dict S. Estienne en ce propos qu'il eut avec les Iuifs, il faut scauoir que le peuple d'Israel demoura quatre cens, & trente ans en la seruitude d'Ægypte. Et combien que la demeure des deux cens & dix ans fust suffi-

fante au peuple Romain, pour prē
 dre les qualitez d'Ægypte, si est
 ce que ne fut perdu pour luy, le
 temps qu'il en fut hors, quant à ce
 qui touche l'esprit: car ceux qui vi
 uent en seruitude, en tristesse &
 ennuy en pays estrange, engen
 drent beaucoup de colere aduste,
 pource qu'ils n'ont pas liberté de
 parler ny se vanger du tort qu'on
 leur fait: & cet humeur, estant ro
 ty, est l'instrument de l'astuce ou
 ruse, de l'industrie & de la malice.
 Et pourtant voit on par experien
 ce, ne se trouuer pires coustu
 mes & conditions que celles de
 l'esclau, lequel imagine tous
 iours comment il endommagera
 son maistre & se deliurera de ser
 uitude. Dauantage la terre par
 laquelle chemina le peuple d'Is
 rael n'estoit pas fort estrange ny
 clongnee des qualitez d'Ægypte,
 car

car eu egard à la misere & sterilité, Dieu promit à Abraham, qu'il luy en donneroît vne autre abondante & fertile. Or est il certain, tant en bonne philosophie naturelle qu'on experience que les regions sterilles, maigres & qui n'abondent en fruiçts de la terre, produisent des hommes d'esprit fort subtile & au contraire les terres grasses & fertiles engendrent les hommes membruz, courageux & de grandes forces corporelles: mais fort lourds & pesans d'esprit. Les historiens ne cessent de dire & raconter la propriété de la region de Grece, pour produire hommes de grand esprit: & particulièrement Galen dit, par merueille qu'à Athenes naquit vn homme ignorant, & note que c'estoit la terre la plus pauvre & sterile de toute la Grece. Parquoy il

*En son orat
son.*

colige que par les qualitez d'Ægypte & des autres prouinces où le peuple d'Israel alla, il se fit d'un esprit fort subtil: mais il faut sçauoir pourquoy la temperature d'Ægypte cree cete difference d'imagination: ce qui est fort clair, sachant qu'en ce pays là le soleil est fort ardent, & pour cete cause ceux qui y habitent ont le cerueau tout brulé & la colere aduste, qui est l'instrument de la finesse & de l'industrie:

En la. 14. à raison de quoy Aristote demande,
sec. prob. 4. Cur blasus pedibus sunt Æthiopes &
Ægyptij. Comme disant, Pour-
 quoy les noirs d'Ætiopie & les naturels d'Egypte sont de formes & contrefaits des iambes & ont le nez camus? A quoy il répond que la grande chaleur du pays brule la substance de ces membres, & les fait griller cōme le cuir auprès du feu: & par la mesme raison se crépēt leurs

leurs cheueux. Nous auons desia prouué que ceux là qui habitét en pays chaud, sont plus aduisez que ceux qui habitent au froid, par l'opinion d'Aristote, lequel demâde, *Cur locis calidis homines sapientiores sunt quàm frigidis?* D'où vient que les hômes qui demoutent en pays chauds, sont plus sages que ceux là qui demourent en pays froids? mais il ne respond pas bien au probleme, & ne fait distinction de la sagesse: car nous auons desia prouué ailleurs, qu'il y a deux sortes de prudence en l'homme: vne de laquelle Platon a dit, *Scientia qua est remota à iustitia, calliditas potius quàm sapientia est appellanda.* La science qui est sepatee de la iustice, se doit plustost appeller ruse que sagesse. L'autre est jointe à la droiture & simplicité, sans aucune tromperie: & ceste là est pro-

Sect. 14.
probl. 5.

prement appelée sagesse, pource qu'elle est tousiours assistee de la iustice & droicteure. Ceux qui habitent en pays fort chauds, sont sages, au premier genre de sagesse, & sont ceux d'Ægypte. Voyons maintenant apres que le peuple d'Israel fut sorty d'Ægypte, & mis au desert, quelles viandes il mangea, quelles eaues il beut, & de quelle température estoit l'eau où il alla: à fin que nous entendions, si pour ceste raison, il changea l'esprit, qu'il auoit quand il sortit de ceste captiuité, ou s'il le retint tousiours. L'escriture dit que Dieu nourrit & entretint ce peuple, avec la manne, par l'espace de quarante ans: qui estoit la viande la plus delicate que iamais homme mangea. de maniere que Moÿse voyant la delicatesse & gratieuse saueur d'icelle, il en chargea à son frere Aaron

En Exode,
chap. 17.

En Exode,
chap. 16.

Aaró d'emplir vn vaisseau d'icelle pour le mettre en l'arche de l'aliãce: à fin que ceux qui descendroyẽt de ce peuple (estãs en la terre promise) vissent le pain duquel Dieu auoit nourry & sustenté leurs peres, cheminãs par le desert, & l'ingratitude d'iceux enuers sa maïesté, pour vn tel benefice. Et à fin que nous autres qui n'auons veu ceste nourriture, cognoissĩõs que elle estoit telle, il est bon que nous nous representiõs la manne que nous produit la nature, & y a-ioustât vne plus grãde delicatessẽ, nous pourrons entierement imaginer la bôté d'icelle. La cause materielle, dont la manne s'engẽdre est vne vapeur fort delicate, que le Solcil enleue de la tent, par la force de sa chaleur, laquelle estãt paruenue au haut de la region, se cuit & se parfait: & suruenant le froid

de la nuit elle tombe sur les arbres & pierres, d'où on l'amasse, & la met l'on en certains vases pour manger: on l'appelle, *Mel roscidum & aëreum*: miel de rosee & d'air: pour la semblance qu'elle a avec la rosee, & pour auoir esté faite en l'air: sa couleur est blanche, & est de saveur douce, comme le miel: la figure d'icelle ressemble à celle du coriandre: lesquels signes l'écriture sainte donne pareillement à la manne, que le peuple d'Israël mangea au desert: au moyen dequoy, ie pense q̃ les deux auoyēt vne mesme nature: & si la manne que Dieu créa estoit d'une substance plus friande & delicate, nous confirmerons d'autant mieux nostre opinion: mais i'ay tousiours creu que Dieu s'accommode des moyens naturels, quand par le moyē d'iceux, il peut faire ce qu'il veut:

veut:supléant au defaut de nature,
 par la toute-puissance. Je le dy,
 pource que de bailler à ce peuple
 la manne à mager au desert (hors
 mis ce que par icelle Dieu vouloit
 signifier) il semble qu'elle pou-
 uoit venir de la disposition de la
 terre, laquelle auourd'huy pro-
 duit la meilleure manne qui soit
 au monde:& pourtant Galen dit *Au liu. 3.*
 qu'au mont Liban (qui n'est pas *des facul-*
 loin de là) elle se fait en grande *tez des ali-*
 quantité, de maniere que les labou- *més, ch. 39.*
 reurs ont coustume de châter par *admirail. c.*
 passer temps, que Iupiter en ce pays
 là, enuoye vne pluye de miel. Et
 combien que Dieu creast à ceste
 heure là miraculeusement la man-
 ne, en si grande quantité, à iours
 déterminez, si est ce qu'il se peut
 faire qu'elle fust de la mesme natu-
 re de la nostre, côme l'estoit l'eau
 que Moysc tira des pierres, & le
 feu

feu qu'Elie fit tomber du ciel, par sa parolle : qui furent choses naturelles, combié qu'elles fussent miraculeusement tirees. La manne de-
pinte en la sainte escriture e-

En Exode
chap. 16.

estoit comme rosee, *Quasi semence coriandri, album, gustusq, eius quasi simile cum melle.* c'est à dire, ressembloit à la semence de coriandre, estoit blanche, & douce comme miel : qui sont les conditions propres à la manne que la nature nous produit. Les medecins disent que le temperament de ceste nourriture, est chaud & de parties subtiles & fort delicates : qui est vne composition que deuoit auoir pareillement la manne que les Hebreux mangerent. Et pourtant ils s'ennuyérét de sa delicatesse & dirent ainsi, *Anima nostra iam nauseat super cibo isto lenissimo.* c'est à dire, Nostre estomac ne peut plus souffrir

de si sub-
-limes
-limes
Mesue au
2. liure cha-
pit. 16.

fouffrir cet alimēt tāt leger. La philosophie de cela estoit, qu'ils auoyēt forts estomacs, entretenus d'aulx, oignons, & pourreaux, de maniere que venans à manger vn aliment de si peu de resistance, il se conuertissoit du tout en colere.

Et pour ceste cause, Galen defend *Au liure 1. de la vertu des alimēts. chap. 1.* à ceux qui ont beaucoup de chaleur naturelle, de māger du miel, & autres legers alimens, pource qu'ils se corromproyent, & au lieu de se caire, se bruleroient comme suie. Ce qui aduint aux Hebrieux, avec leur manne, qui se conuertissoit en eux en colere aduste: à raison dequoy ils estoient merueilleusement fecs & mangres, pource que cest alimēt n'est propre pout engresser. *Anima nostra arida est, nihil aliud respiciunt oculi nostri nisi manna.* *Aux Nombrés. ch. 11.* Nostre ame est seiche & consummee, & noz yeux ne voyēt

En Exode, autre chose que mäne. L'eau qu'ils
chap. 15. beuuoÿët avec ceste viande, estoit

telle, qu'ils demädoÿent; & s'ils ne
 la trouuoÿent telle, Dieu möstroït
 à Moÿse vn baston de tant diuine
 vertu, que le mettant dedans les
 eaux grosses & troubles, il les fai-

soit deuenir bönes & delicates: &
 quand ils n'auoÿent aucune eau,
En Exode, Moÿse prenoit la verge de laquel-
chap. 16. le il ouurit la mer rouge, de laquel
 le frappant les pierres, il en faisoit
 sortir de l'eau fort agreable à leur
 goust, de maniere q̃ S. Paul a dit,

En la 1. *Petra consequente eos.* Cöme disant,
aux Cor. L'eau de la pierre les suyuoit, ayät
chap. 10. vn goust delectable & saoureux.

Et ils auoÿent l'estomac fait à boi-
 re des eaux grosses & ameres: car
An 6. des Galen raconte qu'en Egypte elles
Epid. p. 4 se cuisent, pour boire, à cause qu'el-
com 10. les sont mauuaises & corrompues:
 de maniere que beuuant des eaux

tant

tant delicates, elles ne pouuoient
 faillir de se conuertir en eux en co-
 lere, pource qu'elles auoient peu de
 resistēce. Galē dit que l'eau pour se *Au 5. des*
 biē cuire en l'estomac, & ne se cor- *Aphor. 26.*
 rōpre, doit auoir les mēsmes qua-
 litez que l'alimēt solide que nous
 mangeons. Si l'estomac est fort, il
 luy faut bailler aliment correspon-
 dant: mais s'il est petit & delicat,
 les alimens doyuent estre sembla-
 bles. On doit auoir sēblable egard
 en l'eau: & ainsi voyons nous par
 experience que si vn hōme est ac-
 coustumē à boire de grosses eaux,
 iamais n'apaise sa soif, avec les
 eaux delicates, & ne les sent en l'e-
 stomac, ains l'alterent dauantage,
 pource que la grande chaleur de
 l'estomac les brule & resoult in-
 continent à l'entree, d'autāt qu'el-
 les n'ont resistance. Nous pourrōs
 dire aussy qu'ils jouissoient au de-
 sert

fert d'un air subtil & delicat : car allans par pays & lieux non peuplez à toute heute il s'offroit à eux frais , clair & sans aucune corruption: pour ce qu'ils n'arrestoyent en nul lieu. Ils l'auoyent tousiours temperé : car de iour , se mettoit vne nue deuant le Soleil , à fin que ils n'eussent trop grand chaud : & la nuit apparoiſſoit vne colonne

En Exode, chap. 13. de feu, pour temperer l'air. *Aristote dit que la iouissance d'un tel air, rend l'esprit fort vif. Considerons maintenāt cōbiē deuoit estre delicate la semence de ce peuple, mangeant vne viāde tāt saueureuse, & beuvāt les eaux q nous auons dit, avec la iouissance d'un air tāt purifié & net: & cōbien estoit subtil le sang menstrual des Hebrieux, & nous souuenons de ce qu'a dit Aristote, qu'estāt ce sang subtil & delicat, l'enfant qui s'en engēdrera,*

fera

sera hōme de bō esprit. Nous prou
 uerōs biē au long au dernier chap.
 de cet œuvre, cōbien importe aux
 peres de māger viandes delicates,
 pour engendrer enfans de grand
 esprit. Et pource que tous les He-
 brieux māgerēt vne mesme viande
 tāt spirituelle & delicate & beurēt
 vne mesme eau, tous leurs enfans
 furēt de grād esprit, es choses de ce
 siecle. Or estant le peuple d'Israēl d'Isr. ch. 2
 en la terre de promission, avec vn . 21
 esprit tāt subtil, cōme nous auons
 dict, il eut en apres tāt de maux &
 aduersitez, endura faim, fut enui-
 ronné des ennemis, & soumis à tāt
 de peines & mauuais traitemēs, q̄
 cōbiē qu'il n'eust tiré d'Ægypte &
 du desert ce tēperamēt chaud, sec
 & rosty, q̄ nous auōs dit, il l'eust ré-
 du tel, en ceste mauuaise & triste
 vie: pource q̄ la cōtinuelle tristesse
 & facherie assemble les esprits vi-
 els, ch. 2. motans 28, 29. E. 21

taux & le sang des arteres au cer-
 ueau, au foye & au cœur : & estans
 là, les vns sur les autres, ils se vien-
 nēt à bruler & roſtir. Parquoy sou-
 uēt ils font leuer vne chaleur, & or-
 dinairement cauſent la melācholie
 par aduſtiō : de laquelle quasi tous
 participent iuſques au iourd'huy,
 veu ce q̄ dit Hippocrate, *Metus &*
mœſtitia diu durans, melancholiā ſi-
gnificat. Nous auōs dit autrefois q̄
 cēſte colere roſtie eſt l'inſtrument
 de l'induſtrie, aſtuce, cautelle, &
 malice : laq̄lle eſt accōmodée aux
 cōiectures de la medecine : & par
 le moyē d'icelle congnoit l'on la
 maladie, la cauſe & le remede que
 elle peut auoir. Et pour cēſte cauſe
 le tres-chreſtiē Roy François ren-
 cōtra merueilleuſemēt, & eut grā-
 de raiſon en ce qu'il diſt : ſil'on ne
 peſc que par la grāde chaleur lōg
 tēps ſoufferte, & par la triſteſſe de
 ſon malade, & ſans remede, le

cerueau se brula en luy, & s'eleua soudain l'imaginatiō, laq̃lle (comme nous auons prouué autre fois) ayāt le temperamēt qu'il luy faut, fait dire incōtinēt à l'hōme ce que iamais il n'aprint. Mais cōtre tout ce q̃ nous auōs dit se presente vne difficulté fort grāde: qui est, q̃ si les enfās ou nepueux de ceux qui ont esté en Ægypte, & qui ont iouy de la manne, des eaux & del'air, que nous auons dit cy dessus, estoient eleuz pour medecins, il semble q̃ l'opinion du Roy François auroit quelque probabilité, pour les raisons que nous auons dit. Mais que ceux qui sont descēduz d'eux ayēt gardé iusqu'au iourd'huy les dispositions de la manne, del'eau, de l'air, des afflictions & traux que leurs predecesseurs endurerēt en la captiuité de Babylone, c'est chose qui ne se peut entendre: car si

en quatre cés & trête ans q̄ le peuple d'Israël fut en Ægypte & quarâte ans au desert, la seméce d'iceluy peut aq̄uerir ces dispositions d'habileté, elles se pouuoient plus aisemēt perdre en deux mille ans qu'il y a que ce peuple est sorty du desert: & principalement estant venu en Hespagne, region tant contraire à l'Ægypte, & où il a m̄gé viandes differentes & beu des eaux qui ne sont pas d'vn si bon temperament & sũstance que là. La nature de l'homme est telle & de quelque animal & plante que soit, que tout aussi tost il prend les mœurs & coustumes du pays où il est viuant, & perd celles qu'il a apporté d'autre part: & en quelque chose qu'il s'employe, en peu de iours il en vient à bout, sans cōtradiction. Hippocrate fait mention d'vne maniere d'hōmes, lesquels

*Au liare
de l'air,
liens, &
eaux.*

pour

pour se rendre differés du vulgaire, voulurent auoir, pour marque de leur noblesse, la teste pointue & pour faire, par art, vne telle figure, quand l'enfant naissoit, les commeres auoient le soin deluy ferrer la teste avec certaines bandes, iusqu'à ce qu'elle eust ce signe. Et cest artifice fut de tel pouuoir qu'à la fin il se conuertit en nature, pource qu'avec le temps, tous les enfans nobles qui naissoient, auoient deia la teste pointue: au moyen dequoy vint à cesser l'art & diligence des commeres. Mais ayans laissé, vn temps, la nature libre, sans la contraindre par art, elle retourna peu à peu prendre la figure qu'elle souloit auoir au precedent. Il en peut auenir de mesme au peuple d'Israël: car posé le cas que le pays d'Ægypte, la manne, les eaux delicates & la tristesse cau-

fassent ces dispositions d'esprit en leur semence, si est il que cessans ces raisons & causes & suruenans autres cōtraires, il est certain que se deuoient perdre peu à peu, les qualitez de la manne, & succeder autres differentes, conformes à la region qu'ils habitoient, aux viandes & eaux, dont ils se nourrissoient, & à l'air qu'ils respiroyent. Ce doute, en philosophie naturelle, n'a pas grande difficulté: car il y a des accidens qui s'introduisent en vn momēt, & durent tousiours au suieēt, sans se pouoir corrompre: autres se trouuent, qui demourent autant à se perdre, qu'ils ont demouré à s'engendrer: & aucunes fois plus, aucunes fois moins, selon la force de l'agent, & la disposition de celuy qui patit. Pour exēple du premier, il faut scauoir que d'vne grande peur & espou-

uante

uantement qui fut fait, yne fois, à vn homme, il demoura tant defait & decoloré, qu'il ressembloit vn mort: ce qui luy dura non seulement toute sa vie; mais aussi fut transféré en ses enfans, qu'il engendra depuis, de maniere qu'il n'y auoit remede pour oster ceste couleur. Suyuant ce propos, peut estre qu'é quatre cens & trente ans que le peuple d'Israël fut en Égypte, quarante au desert, & soixante en la captiuité de Babylone, qu'eussent esté nécessaires plus de trois mille ans à faire que la semence d'Abraham acheuast de perdre les dispositions del'esprit causees par la manie: puis que pour corrompre la mauuaise couleur, que ceste frayeur suscita en vn moment, furent requis plus de cent ans. Mais à fin de scauoir de fonds en cime la verité de ceste doctrine, il faut respon-

dre à deux doutes, qui font à ce propos, que iamais l'on n'acheue de souldre. Le premier est, D'où vient que tant plus les viâdes sont delicates & sauoureuses, comme chapons & perdrix, tant plustost l'estomac les viét à hair & abhorrer: & au contraire d'où vient, que nous voyons l'homme manger la chair de bœuf toute l'année, sans en estre aucunement ennuyé & degousté. L'autre est, Pourquoi n'estant le pain de fromêt, & la chair de mouton de si bonne substance ne si delicate, comme le chapon ou la perdrix, iamais l'estomac ne les refuse ny abhorre, combien que nous en vsions, toute nostre vie, de maniere que nous defaillant le pain, nous ne pouuons mager toutes les autres viâdes, & ne nous semblent bonnes. Celuy qui scaura respôdre à ces deux doutes entendra

tendra facilement pourquoy ceux qui sont descenduz du peuple d'Israël n'ont perdu les dispositiōs & accidens, que la manne auoit introduit en la semence, de maniere que la subtilité d'esprit qui leur est venue à ceste raison, ne cesse firost. On trouue en la philosophie naturelle, deux principes certains & veritables, desquels depend la responce & solution de ces doutes. Le premier est, que toutes les puissances qui gouernent l'homme sont denüees & priuees des cōditiōs & qualitez de leur obiect à fin qu'elles puissent cognoistre & iuger de toutes les differences. Les yeux ont cela, lesquels ayans à receuoir toutes les figures & couleurs, par consequent sont priuez totalement d'icelles: cars' ils estoient passez, cōme de ceux qui sont lōteriques, tout ce qu'ils regarde-

*Tout rece-
uant doit
estre denüé
de la natu-
re de la cho-
se receüe.
au liure 2.
de l'ame, &
au 3.*

royent, leur sembleroit de la me-
me couleur. La langue aussi, qui
est l'instrument du goust, doit estre
privee de toutes saveurs: & si elle
est douce ou amere, nous scauons
par experience q̃ tout ce que nous
mangeons & beuuõs tient la mes-
me saveur. Autant en est de l'ouye
du s̃lerer & toucher. L'autre prin-
cipe est, q̃ toutes les choses creẽes
appetent naturellement leur con-
seruation & taschẽt de durer tou-
iours, de maniere que l'estre receu
de Dieu & de nature, ne prenne
iamais fin, combien qu'en apres
elles doiuent obtenir vne meilleu-
re nature. A ceste cause, toutes cho-
ses naturelles qui ont cognoissan-
ce & sens abhõrent ce qui altere
& corrompt leur naturelle com-
position, & le fuient. L'Estomac
est denuẽ & priuẽ de la substance
& qualitez de toutes les viandes du
monde

monde (comme l'œil l'est des couleurs & figures) & quand nous en mangeons aucune, combien que l'estomac la vainque, si est ce que le mesme alimēt, oppugner l'estomac (pour estre contraire au principe) altere & corrompt sa temperature & substance: car il n'y a *Arist. an* agent si fort, lequel faisant & exer *liure 2. de* ceant sa force, ne patisse à l'encō- *l'Amē &* tre. Les alimens fort delicats & se- *Gal. au li-* uoreux alterent grandement l'e- *ure des cau-* stomac: l'un, pource qu'il les cuit *s. des sim-* & reçoit d'un grand appetit: l'aut- *ples.* tre, pource qu'ils sont tant subtils & sans excremens, ils demourent en la substāce de l'estomac & n'en peuuent sortir. Et puis l'estomac sentant bien que cest aliment luy altere sa nature, & luy oste les autres qui luy sont conformes & cōuenables, il le vient à hair: & si d'auanture il le mäge, il luy faut faire plusieurs

plusieurs fausses, pour le mettre en appetit & le decevoir par ce moyen. La manna eutout cela des le commencement: car combien qu'elle fust delicate & gracieuse à manger, en fin le peuple d'Israël en fut ennuyé, & dist, *Ani ma nostra iam nauseat, super cibo isto leuissimo*. Plainte indigne d'un peu ple tant favorisé de Dieu, qui l'auoit prouueu de ce remede, faisant que la manne eust vn goust &

*Aux Nom
bres, ch. 21.*

Ceux qui saueur agreable. *Panem de caelo praesentem accumsististis eis, omne delectamentum in se habentem*. Vous leur auez baillé à manger par vn pain du ciel, contenant en soy toute delectatiō & saueur. Et pour tant plusieurs de ce peuple le vindrent: pour ce qu'ils ont avec plaisir, pour ce qu'ils auoyēt, les os, les nerfs & la chair tāt imbuée de la manne & de ses qualitez, que pour la semblâce, ils n'appetoient

tiré douze negres masles & autāt de femelles, qu'il ait enuoyez en nostre regiō: en combié d'annees pēsez vous que ces negres & leurs successeurs viendrōt à perdre leur couleur, ne se meflans point avec les blancs? il m'est aduis qu'il en faudroit beaucoup, & qu'ils demoureroyent long temps deuant que la perdre: car combien qu'il y ait plus de deux cens ans que les premiers Gitains vindrent d'Ægypte en Espagne, leurs nepueuz & successeurs n'ont peu neātmoins, perdre la subtilité d'esprit & l'industrie, que leurs peres auoyent apporté d'Ægypte, ny mesmes la couleur basannee: tant est grande la force de la semence humaine, quand elle reçoit en soy quelque qualité bien enracinee. Et comme les negres communiquēt en Hespagne à leurs neueux & descen-

dans,

dans, leur naturelle couleur, par le
 moyen de la semence, sans estre
 en *Æthiopie*, ainsi le peuple d'*Is-
 raël*, y venât aussi, peut communi-
 quer à ses successeurs, la subtilité
 d'esprit, sans estre en *Ægypte*, &
 sans manger la manne: car estre
 ignorant ou sçauant est aussi bien
 accidēt de l'homme, cōme d'estre
 blanc ou noir. Il est biē vray qu'ils
 ne sont maintenāt si aiguz & sub-
 tils qu'ils estoient il ya mil ans,
 pourcé que des qu'ils cessèrent à
 manger la manne, les successeurs
 commencerent à perdre peu à peu
 ceste vigueur d'esprit, iusques à
 maintenant, pourcé qu'ils vsent
 de viandes contraires, & qu'ils
 sont en pays differēt de l'*Ægypte*,
 qu'ils ne beuent les eaux tant de-
 licates, comme au desert, & pour-
 ce qu'ils se sont meslez avec ceux
 qui sont descenduz des Gentils,
 lesquels

lesquels sont priuez de ceste difference d'esprit: mais on ne leur peut nier qu'ils n'en tiennent tous iours, & faut cōfesser, qu'ils n'ont perdu entièrement ceste naturelle habilité.

Comme icy se declare à quelle difference d'habilité appartient l'art militaire: & par quels signes se doit cognoistre l'homme prouueu de ceste maniere d'esprit.

CHAP. XIII.

*En la 17.
sect. prob. 5.*



ARISTOTE demande pourquoy, n'estant la vaillance la plus grāde vertu de toutes, mais plustost la iustice & prudence, la Republique neantmoins & quasi tous les hommes, d'un commun consentement, estiment plus en leur cœur, vn vaillant hōme, & luy font plus d'honneur, qu'aux iustes & pru

& prudens, bien qu'ils soyent constitués en grandes charges & dignitez? Il respôd à ce probleme & dit, Qu'il n'ya Roy au monde, qui ne fasse guerre à vn autre, ou qui ne la souffre: & comme ainsi soit que les vaillâs hommes maintiennent les Roys en leur empire, & les vangent de leurs ennemis, ils font plus d'honneur non à la vertu supreme, qui est la iustice, mais à celle, qui leur est plus profitable: car s'ils ne traitoient ainsi les vaillans hommes, cōment leur seroit il possible de trouuer capitaines & soldats qui de bon cœur hazardassent leurs vies pour la defense de leurs maiestez & estatz? On dit que ceux d'Asie estoient estimes fort courageux, ausquels comme l'on eust demandé pourquoy ils ne vouloient point de Roy ny de loix: ils respondirēt que les loix

*Hippo. au
liure de
l'air, lienz
& eaux.*

les faisoÿét couards , & qu'ils trou-
 uoient que c'estoit vne grande be-
 stie de se mettre aux hazards de la
 guerre, pour agrandir l'Éstat d'au-
 truy: qu'ils aymoïét mieux cōbatre
 poureux mesmes & recueillir le
 fruiet de la victoire que de le bail-
 ler à vn autre: mais cete responce
 est d'hommes barbares & non
 d'un peuple raisonnable, qui est
 certain que sans Roy, sans Repu-
 blique & loix, il est impossible que
 les hommes se puissent maintenir
 en paix. Aristote a fort bien respō-
 du, bien qu'il y ait vne autre meil-
 leure responce: qui est, Que quād
 Rome honoroit ses capitaines de
 guerre, par triomphes & passetēps,
 elle ne prenoit ny guerdonnoit
 seulement la vertu & vaillance
 de celuy qui triōphoit, mais aussi
 la iustice, par laquelle l'armee
 estoit maintenue en paix & con-
 corde:

corde: la prudence, de laquelle on procedoit aux affaires: la temperance, dont elle vîa, ostant le vin, les femmes, & la gourmandise qui font troubler le iugement & errer le conseil. Voire mesme la prudence se doit trouuer plustost en vn Chef de guerre & capitaine General, & se doit plustost premier & honorer, que le courage & vaillance. Car comme a dit Vegece, il n'auient pas souuent que les Capitaines fort vaillans, fassent de grands actes: & la cause est, que la prudence est plus necessaire en la guerre, que la hardiessede combattre. Mais Vegece n'a onques dit quelle est cete prudence, & n'a sceu denoter de quelle difference d'esprit doit estre prouueu celuy, qui doit gouverner vne armee: & ne m'en esbahy pour n'auoir encores esté trouuee la maniere de

philosopher, dont elle depend. Il est vray que d'auerer cela, est contre l'intentiõ qui nous meine (qui est d'elire les esprits que les lettres requerent) mais la guerre est bien tant perilleuse, & est chose tant importante & necessaire au Roy de sçauoir à qui sa maiesté doit commettre sa puissance & son Estat, que nous ne ferons moindre seruice à la Republique, de noter cete difference & signes d'esprit, que nous auons fait, à depaindre toutes les autres. Et pourtant faut sçauoir que la malice & milicie, (qui veut dire guerre) conuiennent quasi de nom & ont aussi vne mesme definition, pource que comme par échange, de l'vn aisement se fait l'autre. Ciceron allegue quelles sont les proprietiez & nature de la malice, quand il dit, *Malicia est versuta & fallax nocendi ratio.*

Au liure,
de la natu.
des dieux.

diratio. La malice n'est autre chose, qu'un double, cauteleux & fallacieux moyen de faire mal: & pourtant en la guerre on ne parle que des moyens d'offenser l'ennemy, & de le vaincre. Parquoy la meilleure propriété que puisse auoir vn capitaine general, est d'estre malicieux à l'endroit de son ennemy, & luy faire du pis qu'il pourra: ce qui se prouue par cecy, *Nō credas inimico tuo in ater nū: in labijs suis indulcat, & in corde suo insidiatur vt subuertat te in foueā: in oculis suis lachrymatur., & si venerit tempus non satiabitur sanguine.* Ne crois iamais ton ennemy: car il t'vsera de parolles emmiellées, & il te trayra en son cœur, pour te tuer & te faire choit en la fosse: il pleure, & s'il trouue l'opportunité; il ne se saoulera de ton sang.

*En l'Ecl.
chap. 12.*

Nous auons de cela vn exemple
manifeste en la saincte escripture:
Car comme le peuple d'Israel fut
assiegé en Betulie & trauaillé de
soif & de faim, la fameuse Iudith
sortit en intentiõ de tuer Holofer-
ne:& cheminant par l'armee des
Assiriens, elle fut prinse par les sen-
tinelles & gardes, qui luy deman-
derent où elle alloit, & elle res-
pondit finement, Je suis fille des
Hebrieux, que vous tenez assie-
gez, & m'enfuy pource que ie
sçay qu'ils doiuent tomber entre
voz mains, & que vous auez de-
libéré de les traiter mal, pour-
ce qu'ils n'ont voulu se rendre à
vous. Et pour ceste cause, ay-ie
deliberé m'en aller à Holoferne,
pour luy descourir les secrets
de ce peuple obstiné, & luy en-
seigner comme il pourra entrer
en

Iudith,
chap. 10.

en Betulie sans perdre vn seul soldat. Quand Iudith fut deuant Holoferne, elle se ietta à ses pieds, & ioignant les mains, commença à l'adorer, & vser de propos les plus fallacieux du monde, de maniere, qu'elle fut volontiers entendue, & Holoferne avec tous ceux de son conseil, aiousta foy à ses paroles. Adonc n'oubliant ce qu'elle auoit dedans le cœur, trouuât l'occasion à propos, elle luy trancha la teste. L'amy tient la condition cōtraire, & pour ceste cause il doit estre tousiours creu: & ainsi mieux eust valu à Holoferne croire Achior, puis qu'il estoit son amy, lequel luy dist d'un grand zele, à fin qu'il ne leuast ce siege, à son grād deshōneur. Sire, sçachez premierement si ce peuple a offensé son Dieu: car s'il est ainsi, il le vous liurera, sans que vous vous met-

tiez en peine de le vaincre : mais s'il est en sa grace , soyez certain que nous ne le pourrons vaincre. Mais Holoferne ne print bié cest aduis comme vn homme credule, adonné aux femmes & qui beu-uoit du vin : lesquelles trois choses peruertissent le conseil, qui est necessaire en l'art militaire. Et pour

*Au liure,
des Loix.*

ceste cause Platon a dit , qu'il trou-uoit bonne la loy des Carthagi- nois, par laquelle ils defendoient au chef general, estant en l'armee, de boire du vin : pource que ceste

En la 14.

sect. probl.

15.

liqueur, comme dit Aristote, trou-ble l'esprit des hommes , & leur donne vn merueilleux courage (ainsi que se demonstre en Holo-ferne, par les parolles tant furieu-

Au liu. de

la nature

des Dieux.

ses qu'il dist à Achior) Cicero a touché l'esprit qui est necessaire, tant pour dresser embusches que pour les cognoistre , & y trouuer

le

le remede qu'il faut, amenant l'e-
tymologie de ce mot (*versutia*,) &
a dit qu'il vient de ce verbe, (*ver-
sor, ris*) pource que ceux là qui sont
fins & cauteleux, sentent inconti-
nent là tromperie, & y touchent
facilement: & ainsi l'a monstre Ci-
cero par exemple, disant, *Chrysip-
pus homo sine dubio versutus & calli-
dus: versutos appello quorum celeri-
ter mens versatur*. Ceste propriété
de toucher incōtinent au poinct,
est industrie, & subtilité qui appar-
tient à l'imagination, pource que
les puissances qui cōsistent en cha-
leur, sont incontinent l'œuure, &
pour ceste cause les hommes de
grand entendement ne sont pas
propres à la guerre: car ceste puis-
sance est fort tardifue en son œu-
ure, & est amie de droicteure, de
simplicité, bōté & misericorde: ce
qui est fort contraire en la guerre.

Dauantage les hommes d'entendement ne ſçauent point de ruses & cautelles, & n'entēdent les ſtratagemes de la guerre, à raiſon dequoy, ils ſont le plus ſouuēt trompez, pource qu'ils ſe fient en tous. Ceux là ſont propres pour auoir affaire avec les amis, entre leſquels n'eſt beſoin auoir la prudence de l'imagination, mais ſeulement la droicteure & ſimplicité de l'entendement, lequel ne veut admettre aucune tromperie ny permettre quel'on faſſe mal à perſonne. Mais ceux là ne ſont pas propres avec les ennemis, qui ne penſent qu'à ſurprendre par cautelle: & eſt beſoin de la meſme dextérité, pour ſe garder des embuſches. Et pourtant Chriſt noſtre redempteur aduiſe ainſi les diſciples, & dit, *Ecce mitto vos ſicut oues in medio luporum : eſtote ergo prudentes ſicut ſerpen*

serpentes: & simplices sicut columba.
 Je vous enuoye comme brebis au milieu des loups, soyez donc aduisez cōme serpens, & simples comme colōbes. Il se faut seruir de prudence avec l'ennemy, & de simplicité avec l'amy. Si donc le capitaine ne doit croire son ennemy, & s'il doit penser tousiours, qu'il le veut tromper, il faut qu'il ait vne difference d'imagination, deuineresse, ingenieuse, & qu'il sçache cognoistre les embusches qui se brassent souz quelque couverture: car la mesme puissance qui les inuente & trouue, peut y trouuer le remede conuenable. L'autre difference d'imagination semble estre celle, qui trouue & fait les subtils moyens & machines, pour gagner les forces inexpugnables, celle qui ordonne le camp, qui pose chacun escadron en son lieu, qui
 cognoit

cognoit quand il faut combattre,
 & se retirer, & celle qui fait les
 traitez, accords & appointemens
 avec l'ennemy. A toutes lesquel-
 les choses l'entendement n'est non
 plus propre, que l'ouye, à la veüe.
 Parquoy ie ne fay aucun doute,
 que l'art militaire n'appartienne à
 l'imagination: car tout ce que le
 bon capitaine doit faire, emporte
 consonance, figure, & correspon-
 dance. La difficulté est maintenât
 de noter particulièrement, par
 quelle difference d'imagination
 se doit exercer & faire la guerre.
 En quoy ie ne me sçauroy resoul-
 dre certainement, pour estre vne
 cognoissance haute: toutesfois ie
 pense que l'art militaire requiert
 vn degré de chaleur plus que la
 pratique de medecine. Or qu'elle
 attire la colere à se bruler du tout,
 se voit clairement parce que les
 capitai

capitaines fort cauteleux, ne sont beaucoup courageux, & n'ayment à rompre ny donner bataille, ains procedēt au faiēt de la guerre par embusches, surprinſes & decep-tions : laquelle propriēté eſt trou-uee meilleure de Vegece que nul-le autre. *Boni enim duces non aperto pralio in quo eſt commune periculum, ſed ex occulto ſemper attentant, ut in-tegris ſuis, quantum poſſunt, hoſtes in-terimant certè aut terreant.* C'eſt à dire, Les bons capitaines ne ſont ceux, qui combattent ouuertemēt & dōnēt vne bataille, en laquelle le danger eſt commun : mais ceux qui par embusches, ſans la perte de leurs gens, tuent les ennemis, ou les épouuantent. Le Senat de Rome cognoiſſoit bien le profit qui viēt de ceſte manière d'eſprit : car combien qu'aucuns fameux & vaillans capitaines qu'il auoit,

veinquissent plusieurs batailles, si
 est ce qu'estans venuz à Rome re-
 cevoir le triomphe & gloire de
 leurs faicts, les pleurs & plaintes
 que faisoient les peres de leurs
 enfans: les femmes, de leurs ma-
 ris, & les freres, de leurs freres, e-
 stoyent si grands, que l'on ne s'es-
 iouysoit point des ieux & passe-
 temps, à raison de la perte de ceux
 qui estoient demourez en la ba-
 taille. Parquoy le Senat delibera
 de trouver capitaines qui fussent
 vn peu craintifs & fort aduisez &
 cauteleux, non pas de ces vaillans
 & courageux qui ne demandent
 qu'à combattre: & trouua, comme
 vn Q. Fabius, duquel est escrit,
 qu'il ne mettoit iamais en danger
 l'armee des Romains, principal-
 lement quād il estoit loing de Ro-
 me, & en lieu où ayant du pire, il
 ne pouuoit estre promptemēt se-
 couru:

couru : toute son industrie estoit de faire place à l'ennemy, & trouuer ruses & embusches, par lesquelles il ha faict de grandes choses, & obtenu de grandes victoires, sans perdre vn seul soldat. Cestuy là estoit receu à Rome en grande alegresse, d'vn chacun : car s'il en auoit leué cent mille combata's, il les remenoit tous (hors mis ceux qui mouroyent de maladie) de maniere que le cry de ioye estoit ce qu'a dit Ennius,

Vnus homo nobis cunctando restituit rem.

Ciceron au dialogue de l'artellese.

C'est à dire,
*Vn homme en dilayant remit la re-
publique.*

Comme voulant dire, Vn seul faisant place à l'ennemy, nous fit seigneurs du monde & nous retourna noz soldats. Depuis, quelques capitaines se sont efforcés de l'imiter,

ter, & pource qu'ils n'estoyent prouuez de son esprit & ruse, ils ont laissé passer plusieurs fois l'occasion de combattre: dequoy sont suruenues plus grandes pertes & inconueniens, q's'ils eussent promptement combatu. Aussi pouuons nous amener pour exemple ce vaillant capitaine des Carthagi-
nois, duquel Plutarque escrit ces parolles, Quand Hannibal eut aquis ceste grande victoire, il commanda que sans rançon, on donnast congé à plusieurs qui auoyent esté prins, du nom Italië, à fin que la renommée de son humanité & pardon se diuulgast entre les peuples: bien que son esprit fust bien loin de ces vertuz. Il estoit naturellement fier & inhumain, tellement instruit de sa premiere enfance, qu'il n'auoit aprins loix ny coustumes ciuiles, mais seulement
guerres,

guerres, morts & trahisons. Et pourtāt fut il fort cruel capitaine, & malicieux à deceuoir les hommes, pensant tousiours comme, il pourroit tromper & surprendre son ennemy. Et quand il ne pouuoit vaincre par bataille manifeste, il auoit recours aux embusches, comme il ha monstře legērement en la presente bataille, & par celle qu'il eut au parauant contre Sempronius aupres de la riuēre Trebia. Les signes par lesquels se doit cognoistre l'hōme qui aura ceste difference d'esprit, sont fort estranges, & dignes de cōtemplation: & pour ceste cause Platon dit, que l'hōme qui sera fort sage (en ce genre d'habilitē que nous traitons) ne peut estre vaillant ny bien conditionnē: car Aristote dit que la prudence consiste en froidur & le courage & valiance en

chaleur. Et pource que ces deux qualitez sont repugnantes & contraires, il est impossible qu'un homme soit fort courageux & prudent. Parquoy il est necessaire que la colere se brule & se fasse la bile noire, à fin que l'homme soit prudent: mais la crainte & couardise naist

*Les enfans qui seroient no-
tez, crain-
tifs, demon-
strent certai-
nemēt que
ils seroient ho-
mes fort
prudents,
pource que
la semence
de laquelle
ils ont esté
engendrez,
estoit fort
roſtie,
de la natu-
re de la bi-
le noire.* incōtinent, là où se trouue ce genre de melancholie, pource qu'elle est froide. De maniere que l'astuce & fallace demāde la chaleur, pour ce que c'est œuvre qui appartient à l'imagination, mais non pas en si haut degré, que la vaillance: & ainsi se contredisent en l'intēſion & force. Mais en cela y a vne chose digne à noter, que des quatre vertus morales, Iustice, Prudence, Force & Temperance, les deux premieres ont besoin d'esprit & d'un bon temperament, pour estre exercées: car si un iuge n'a en-

tende

tendemēt pour trouuer le poinct de la iustice, il sert de peu d'auoir la volonté, d'adiuger le bien à qui il appartient : il peut errer avec sa bonne intention, & l'oster à celuy qui y a droict. Le mesme s'entend de la prudence : car si la volonté suffisoit pour faire les choses bien ordonnées, les hommes ne failliroient iamais quoy qu'ils fissent. Il n'y a pas vn larron, qui ne pense à faire mal, de maniere qu'il ne soit veu, & n'y a capitaine qui ne desire vne prudence pour vaincre son ennemy : mais le larron qui n'a esprit de dérober finement, est incontinent decouvert, & le capitaine de prouueu d'imagination, est bien tost vaincu. La Force & Temperance sont deux vertuz que l'homme tiēt en main : (combien que luy defaille la dispo-

sition naturelle) car s'il veut faire peu cas de sa vie, & estre vaillant, il le peut faire : mais s'il est vaillant par disposition naturelle, Aristote & Platon disent fort bien qu'il est impossible qu'il soit prudent, encores qu'il le voulust : de maniere que suyuant cela, il n'y a point de repugnâce d'assembler la prudence, avec le courage & la vaillance, pource que le prudent & sage tiét pour certain, q̄ pour l'aine il doit mettre l'honneur, pour l'honneur, la vie, & pour la vie, le bien. De là vient que les nobles, pour estre tât honorez, sont si vaillans, & n'y a personne qui trauaille plus en la guerre, combien qu'ils ayent esté nourris en tous plaisirs & delices, de peur qu'on ne les appelle couards. Parquoy l'on dit (Dieu nous deliure du noble de iour, & du moyen

moyne de nuit), car l'un pour estre veu & l'autre pource qu'on ne le cognoist pas, combatét d'un cœur double. Par ceste mesme raison est fondée la religion de Malte: car sachant combien importe la noblesse, pour estre vaillât, elle veut & constitue, que tous les cheualiers de Malte soyent nobles de race, de pere & de mere, pensant que pour ceste cause chacun combatra, pour deux genealogies & maisons. Mais si l'on enchargeoit à vn géttilhomme d'assoier vn cāp, & desfaire son ennemy, s'il n'auoit l'esprit pour donner ordre à telles affaires, il feroit & diroit mille absurditez: car la prudence n'est pas au pouuoir des hommes: mais si on luy enchargeoit de garder vne tranchee ou rempart, on s'en pourroit bien fier en luy, combien

qu'il fust naturellement couard.
 La sentence de Platon se doit entendre quand l'homme prudent suit son inclination naturelle, & qu'il ne la cõtrige par la raison. Ainsi est il vray que l'homme fort sage ne peut estre vaillant par disposition naturelle : pource que la colere aduste qui le fait prudent, le fait craintif & couard, comme

*6 des Ape
rismes, 23.* dit Hippocrate. La seconde propriety (que ne peut auoir l'homme, qui sera prouueu de ceste difference d'esprit) est d'estre doux & de bonne complexion : car sachant que pour quelque erreur & negligence se vient à perdre vne armee, il pose le cas de ce qu'il faut. Mais le peuple de peu de sçauoir appelle le soucy, negligence & empeschement sans repos : le chastiment, cruauté : la remission, misericorde : le souffrir & diffimu

dissimuler des choses mal faites,
 vne bonne nature & complexiõ.
 Et de fait, cela vient de ce que
 les hommes sont ignorans qui ne
 cognoissent la valeur des choses,
 ny où elles tendent: mais les pru-
 dens & sages n'ont point de pa-
 tience & ne peuvent souffrir les
 choses qui vont mal, combien
 qu'ils n'y ayent interest: & pour
 ceste cause ils ne viuent gueres, &
 ont plusieurs douleurs d'esprit.
 Et pourtant Salomon disoit, *De-* En l'Eccle.
di quoque cor meum ut scirem pru- chap. I.
dentiam atque doctrinam, erroresq;
& stultitiam, & agnoui quod in his
quoque esset labor & afflictio spiritus:
eo quod in multa sapientia, multa sit
indignatio: & qui addit ad scien-
tiam addit & dolorem. Comme s'il
 vouloit dire, I'ay esté ignorât & sa-
 ge, & i'ay trouué qu'il y a en tout
 de la peine. Celuy qui apprend

beaucoup de sagesse, aquier par
 consequent mauuaise conditió &
 douleurs: par lesquelles parolles,
 il semble que Salomon donne à
 entendre, qu'il viuoit plus contét
 en son ignorance, que quand la sa
 gesse luy fut donnée. Et de fait les
 ignorans viuent en plus grand ré
 pos que les autres, pource qu'ils
 n'ont aucune peine ny ennuy, &
 ne pensent qu'en sçauoir person
 ne les surpasse: lesquels le vulgaire
 appelle Anges du ciel, voyant que
 rien ne les offense, qu'ils ne s'en
 nuient, qu'ils ne reprennent les
 choses mal faites & qu'ils passent
 par tout: mais s'ils consideroyét la
 sagesse & condition des Anges, ils
 verroyent comme ceste parolle
 conuient mal, & que c'est vn cas
 d'inquisition. Car des que nous a
 uons vsage de raison, iusques à
 l'heure de nostre mort, ils ne font
 autre

autre chose que nous reprendre de ce que nous faisons de mal, & nous aduïser de ce qu'il nous faut faire. Et comme ils parlent à nous en leur langage spirituel, mouuant l'imagination, s'ils nous disoyent par parolles expresses & materielles, leur aduis, nous les tiendrions pour importuns & mal complexionnez. Regardons que cest Ange, duquel parle S. Mathieu, sembla tel à Herodes & à la femme de son frere Philippe, veu que pour n'ouyr sa reprehension, ils luy firent trâcher la teste. Mais le vulgaire ignorât parleroit plus certainement, si au lieu d'appeller ces hommes Anges du ciel, il les appelloit asnes de la terre: car entre les bestes brutes, Galé dit, qu'il n'y en a point de plus doux & de moindre esprit que l'Asne, cōbien qu'il ait meilleure memoire que

S. Jean Baptiste estoit

l'Ange, en son office.

Mat. ch. 11

Au 2. Mat.

chap. 7.

Notez cō-

bien est cō-

traire la

memoire de
la puissance
qui dis-
cours, voire
mesme es
bestes bru-
tes.

toutes les autres: il ne refuse aucu-
ne charge, il va où l'on le chasse,
sans aucune contradiction: il ne
rue point, ny ne mord: il ne fuit
point & n'est point malicieux: si
on le frappe, il nes'en fache point:
il est du tout fait au plaisir & con-
tentement de celuy qui en a affai-
re. Les hommes que le vulgaire ap-
pelle Anges du ciel tiennent ces
mesmes proprietéz; ausquels ce-
ste complexion tant douce vient
de ce qu'ils sont ignorans & de-
prouuez d'imagination, & pour-
ce qu'ils ont la faculté de l'ire im-
becille: ce qui est vn grand defect
en l'homme, demonstrent qu'il
est mal composé. Il n'y eut i'ama-
is au monde Ange ny homme de
meilleure complexion que Christ
nostre redempteur, lequel neant-
moins entrant vn iour au temple,
donna de bons coups à ceux qu'il
trouua

trouua y vendre certaines marchandises. La cause de cela est, Que la puissance de l'ire est le baston & l'espee de la raison : & l'homme qui ne reprend les choses mal faites, ou le fait comme ignorant, ou pource qu'il est deprouueu d'ire : de maniere que l'homme sage à peine est doux, ny de la complexion que desireroyét les mauuais. Et pour ceste cause ceux qui escriuent l'histoire de lules Cesar sont estonnez de voir cómo les soldats pouuoient souffrir vn homme tant rude & reueche: ce qui luy proceddoit de l'esprit qu'il auoit propre à la guerre. La troisieme proprieté de ceux qui s'ont prouueus de ceste maniere d'esprit, est de ne soucier de l'ornement de leur corps: car ils sont quasi tous mal propres, sales & ords: ils ont les chausses rôpues, la cape mal

agen

agencee, ils sont vestuz de vieils accoustremés, & ne les changēt iamais. Horace dit de ceux qui sont occupez en profondes imaginations, qu'ils ne soucient pas de se couper les ongles, ny de se lauer les mains, tant ils sont sales. Lucius Florus raconte que ce fameux capitaine Viriatus de nation Portugais auoit ceste proprieté: & dit, louant sa grande humilité, qu'il se soucioit tant peu de l'agencemēt de sa personne, qu'il n'y auoit soldat en toute son armée, qui fust en pire equipage qu'il estoit. Et certainement n'estoit ce vertu, & ne le faisoit par art ny expressement: c'est vn effect naturel de ceux qui ont cesté difference d'imaginatiō que nous cherchons. Le mal propre de Iules Cesar deceut & trompa grandement Cicerō: car, apres la bataille, comme il luy eust demandé,

mandé, pourquoy il auoit suyuy le party de Pompee, Macrobe raconte qu'il respondit ; *Præcinctura me fefellit*, comme voulât dire, l'ay esté trompé de voir, que Iules Cesar estoit vn homme mal propre en ses accoustremens, qui ne portoit iamais de ceinture, & pour ceste cause les soldats se rioient de luy: mais cela les deuoit inciter à entendre qu'il auoit vn esprit requis pour le conseil de la guerre: comme Silla le touche, ainsi que dit Tranquille, lequel voyât Iules Cesar enfant, mal propre en ses habits, aduisa les Romains de cela & leur dist. *Cauete puerum male præcinctum*. C'est à dire, Gardez vous, Romains, de cest enfât mal ceinct. Les historiens ne cessent de reciter d'Hannibal le peu de soucy qu'il auoit de se tenir propre en ses accoustremens. Ceste propriété & netteté

Par le vestemēt se cognoit l'homme, & s'il est bien paré d'autant plus le faut suir Hipp. au liure de l'acoustre-

netteté

ment con-
uenable.

netteté appartient à vne difference d'imagination, fort basse, qui contredit à l'entendement, & à la difference d'imaginatiō que l'art militaire requiert. Le quatriesme signe est d'auoir la teste chauue: dequoy la raison est fort claire car ceste difference d'imaginatiō reside en la partie de deuant de la teste, comme aussi toutes les autres. Et l'extreme chaleur brulle le cuir de la teste, & clost les pores & lieux par où les cheueux doiuent passer: ioint que la matiere de laquelle ils s'engendrent est l'excrement du cerueau, comme disent les medecins, au temps de sa nourriture: de maniere que par le grād feu qui y est, tous les excremens sont consommez, & defaut la matiere pour engendrer le poil. Si Iules Cesar eust sceu ceste philosophie, il ne se fust pas tant fasché d'a

d'auoir la teste chauue, lequel pour la couvrir, faisoit rebrousser sur son front vne partie des cheueux qui luy pendoit sur le derriere de la teste. Tranquille dit qu'il estoit bié aisé de porter tousiours la couronne de laurier sur sa teste (côme si le Senat luy eut enchargé) seulement pource qu'elle estoit chauue & qu'il la vouloit couvrir. Il y a vne autre maniere de chauues, qui ont le cerueau dur, terrestre & de grosse composition : qui est signe que l'homme est deprouueu d'entendement, d'imagination & de memoire. Le cinquième signe par lequel se cognoissent ceux qui tiennent ceste difference d'imagination est, Que tels parlent peu & sentétieusement, pource qu'estât le cerueau dur, il est force qu'ils soyent deproueus de memoire à laquelle appartient l'abondance des parolles.

Et

Et quant à ce que l'homme parle beaucoup, cela vient de l'assemblée qui se fait de la mémoire avec l'imaginatiō au premier de gré de chaleur. Ceux qui obtiennent ceste coniunction des deux puissances, sont ordinairement mœurs, qui n'ont i'amaï faute de propos, encores qu'o les escoute tousiours. La sixiesme propriété de ceux qui ont ceste differēce d'imagination, est d'estre honnestes, & de s'offenser notamment des parolles des-honestes & vilaines. Et pour ceste cause, Ciceron dit, que les hommes fort raisonnables, imitent l'honnesteré de la nature, laquelle ha caché les parties laides & honteuses, qu'elle ha fait pour les prouoir de leur necessitez & nō pas pour les embellir; car mesmes elle ne consent que l'on y fiche le regard, ou qu'on les entende nommer.

*An 2. li.
ure des Of-
fices;*

mer. Cela se peut bien attribuer à l'imagination, & dire qu'elle s'offense par la mauuaise figure de ces parties. Mais, au dernier chapitre nous donnons raison de cet effect, & le rapportons à l'entendement: & iugeôs de prouueuz de cete puissance ceux qui ne sont offensez de la deshonesteté. Et pource que la difference de l'imagination que l'art militaire requiert, se ioinct quasi à l'entendement, les bons capitaines sont treshonestes: & pourtant en l'histoire de Iules Cesar se trouuera vn acte d'honesteté le plus grand que iamais fit homme. Car ainsi qu'on le pugnoit au Senat (voyât qu'il ne pouuoit fuir la mort) il se laissa choir en terre, & s'agencea de l'accoustrement Imperial, de telle maniere, que depuis qu'il fut mort, on le trouua estendu, avec grande honesteté,

ayant les pieds couuerts & toutes
 les autres parties, qui pouuoient
 offenser la veuë. La septiesme pro
 prieté & la plus importâte de tou
 tes, est que le Chef general soit
 bié fortuné & heureux: par lequel
 signe, nous entendrons clairemēt,
 qu'il ha l'esprit & habilité requi
 se au fait de la guerre: car verita
 blement, il n'y a rien qui fasse les
 hommes infortunez: & quand les
 affaires ne leur succedent à sou
 hait, cela aduiēt pource qu'ils ont
 faute de prudence, & qu'ils n'em
 ployent les moyens conuenables
 aux affaires, qu'ils entreprennent.
 Pource que Iules Cesar estoit
 proueu d'une grande prudence
 en ce qu'il faisoit, il estoit bien le
 plus heureux & fortuné qui fut ia
 mais au monde, de maniere
 qu'aux plus grands dangers, il en
 couraigeoit ses soldats, disant, Ne
 craignez

craignez point: car la bonne fortune de Cesar vous accompagne. Les philosophes Stoïques ont entendu que comme il y a vne cause premiere, eternelle, toute-puissante, de sçauoir infiny, cognue par l'ordre & disposition de ses œuvres admirables, il y en ha aussi vne autre imprudente, nonchalante & incertaine, de laquelle les œuvres sont sans ordre ny raison & deprouuees de sçauoir: car, par vne affection irraisonnable, elle donne & oste aux hommes les richesses, dignitez & honneurs. Ils l'appellerent de ce nom, *Fortune*, voyant qu'elle estoit amie de ceux qui font leurs affaires *fortuite* *ment*, c'est à dire à l'auanture, sans prudence & raison. On la representoit (pour donner à entendre ses mœurs & manieres) en forme de femme, avec vn sceptre Roial

en la main, ayant les yeux bandez,
 & les pieds sur vne boule ronde,
 accompagnée d'hommes igno-
 rans, tous sans art & maniere de
 viure. Par la figure de femme, on
 denotoit sa grande legereté & in-
 cōstâce: par le sceptre Roial, on la
 confessoit dame des richesses &
 honneurs: & par les yeux bandez,
 on donnoit à entendre le peu d'e-
 gard qu'elle a à departir ses biens
 & honneurs: & quant à ce qu'elle
 ha les pieds sur vne boule ronde,
 c'estoit pour signifier le peu de
 fermeté qu'elle ha és faueurs qu'elle
 donne: car elle les oste aussi fa-
 cilement comme elle les donne,
 sans estre aucunement stable.
 Mais le pis qui se trouue en elle,
 est qu'elle fauorise les mauvais &
 persecute les bons: qu'elle aime
 les ignorans & abhorre les sages:

qu'elle abaisse les nobles, & eleue les vils & inobles: q̃ le laid luy est agreable, & le beau en horreur. En laquelle proprieté se confians plusieurs hommes, qui cognoissent leur bonne fortune, osent bien faire actes fols & temeraires, qui leur succedent fort bien: & autres hommes sages & aduisez n'osent entreprendre les choses qu'ils peuuent conduire avec grande prudence, sachant par experience que telles choses ont souuent mauuais succés. *Aristote* ^{*En la 29. sec probl. 8*} prouue combien la fortune est amie des mechans, quand il demande, Pourquoi, les hommes mechans sont volontiers pour la plus part, plustost riches que les gens de bien, qui sont volontiers pauvres? A quoy il respond & dit, est ce pource que la

Fortune est aveugle, & qu'elle n'a discretion pour elire le meilleur? Mais cete responce est indigne d'un si grand philosophe: car il n'y a point de Fortune, qui donne les richesses aux hommes: & quand il y en auroit, elle n'a point de raison, pource qu'elle fauorise tousiours les mechans, & chasse les bons. La vraye solution de cete demande est, Que les mechans sont fort ingenieux & ont vne forte imagination, pour tromper, en achetant & vendant: ils sçauent amasser le bien, & comme il en faut auoir. Mais les bons ont faute d'imagination, plusieurs desquels ont voulu imiter les mauuais, mais en fin ils s'y sont trouuez courts.

*En S. Luc
chap. 26.*

Christ nostre redempteur nota bien cela, voyant l'habilité de ce

de ce maistre d'hostel auquel le maistre demanda compte de l'administration de la maison : ce que fit prudemment le dispensateur, combien qu'il eust dissipé beaucoup des biens de son maistre. Et Dieuloua ceste prudence (encores qu'elle fust en mal) & dist, *Quia filij huius seculi prudentiores filijs lucis in generatione sua sunt.* C'est à dire, Les enfans de ce siecle sont plus aduisez en leurs inventions & finesces, que ceux qui sont du costé de Dieu : car ceux cy sont volontiers de bon entendement : par laquelle puissance ils s'affectionnent à la loy de Dieu, & sont priuez d'imagination : à laquelle puissance appartient le moyen de viure au monde : & ainsi plusieurs sont bons moralement, pource qu'ils n'ont l'esprit & habilité d'estre mauuais : ceste

responce est plus certaine & veritable. Les philosophes naturels ne pouuans toucher à ce poinct, ont controuué vne cause autant sottise & impertinente, comme la Fortune, à laquelle ils attribuent les bons & mauuais succez, & non à l'imprudēce & peu de sçauoir des hommes. On trouue quatre differences ou manieres d'hommes en chacune Republique, si quelqu'un les veut rechercher: aucuns se trouuent qui sont sages & ne le semblent: autres le semblent, qui ne sont pas tels: autres ne sont sages, ny ne le semblent. On trouue vne maniere d'hommes taciturnes, tardifs à parler, à respōdre, & n'ayās aucun ornement de parolles, lesquels ont en eux vne puissance naturelle, touchant l'imagination, par le moyen de laquelle ils cognoissent le temps, l'occasion, & l'adresse

l'adresse de mener les affaires sans le donner à entendre à personne. Le vulgaire appelle ceux là heureux & bien fortunez, pensant que tout leur vient à souhait, avec peu de sçauoir & prudence. Au contraire, se trouuent autres hommes de grande eloquence qui parlent beaucoup, manient beaucoup, parlent de gouverner tout le monde, & pensent comme avec peu d'argent on pourroit gagner à viure, & ceux là, au dire du peuple, sont sçauans: mais quand ils viennent à l'œuure, tout leur fond entre les mains. Ceux la se plaignent de la fortune & l'appellent aueugle, sotte & brutalle, pource qu'elle fait que les choses par eux ordonnees avec prudence, ont mauuaise issue. Mais s'il y auoit vne Fortune qui peust respondre pour soy, elle leur diroit, Vous

estes fots & ignorans : car vous vous estimez sages , au lieu que vous estes mal aduisez : vous vſez de mauuais moyens , & vous demandez les bons ſuccez. Ceste maniere d'hommes eſt prouueuë d'une difference d'imagination qui eſtablit vn ornement & grace aux parolles & raiſons : qu'elles ſemblent & paroître ce qu'elles ne ſont pas. Parquoy ie concluds que le Chef general , qui aura l'eſprit propre & requis en l'art militaire , & qui regardera bien premiere-ment ce qu'il veut faire , ſera bien heureux & fortuné : autrement eſt ce folie de penſer , qu'il obtienne aucune victoire : ſi n'eſt que Dieu combat pour luy , comme il faiſoit es armées d'Iſrael : & neantmoins , il choiſiſſoit les plus ſages & prudens capitaines qu'il euſt, pource qu'il n'eſt pas conuenable

aux hommes de remettre tout à Dieu, ny de se fier trop aussi en leur esprit & habilité : il vaut mieux assembler le tout : car il n'y a autre fortune que Dieu, & la bonne diligence de l'homme. Celly qui inuenta le ieu des échets, fit vn modele de l'art militaire, representant en iceluy tous les tours & contemplations de la guerre, sans faillir en rien. Et comme en ce ieu n'y a point de fortune, & ne se peut appeller heureux, le iouëur qui vainc & surmonte son aduersaire : aussi le Capitaine qui vaincra, se doit appeller sage, & le vaincu ignorant, & non infortuné ny malheureux. La premiere chose qui a esté ordonnée en ce ieu, est qu'en donnant echec & mat au Roy, le contraire demoure victorieux : pour donner à entendre que toutes les forces d'une

armee,

armee, consistent au bon sens & cerueau de celuy qui la gouuerne & conduit. Et pour demonstrier cela, l'inuenteur de ce ieu donne autant de pieces à l'vn, comme à l'autre, à fin que celuy qui perdra sçache, que le sçauoir luy a defaillly & non pas la fortune. Ce qui se voit plus euidentement en ce que vn bon iouëur, donne à vn moindre que luy, la moitié des pieces, & neantmoins il le gangne. Et en ceste maniere l'a bien noté Vegece, disant, *Pauciores numero & inferioribus viribus superuentius & insidias facientes sub bonis ducibus, reportarunt saepe victoriam.* C'est à dire, Il auient souuent que le petit nombre de soldats & de peu de forces, surmonte le grand nombre de ceux qui sont forts & robustes, quand il est gouuerné par vn Chef bien sage & aduisé. Il a fait

An 3. liu.

fait aussi en sorte, que les pions ne
 peussent tourner arriere, pour ad-
 uiser le Chef general de regarder
 diligemment à son fait, deuant que
 faire marcher ses soldats, & les
 mettre en œuvre: car s'ils s'auan-
 cent legerement & à l'auanture,
 il leur cōuient demourer plustost
 & mourir en la place que tourner
 le dos: car le soldat ne doit sçauoir
 le temps de fuir & de combattre
 en la guerre, sinon par le moyen
 & adresse de celuy qui le gouver-
 ne: & ainsi, tant qu'il viura, il se
 doit garder d'infamie. Avec ce, il
 a fait vne autre loy, que le pion
 qui paruiendra iusques au septies-
 me lieu de l'échiquier, reçoynie
 estre nouveau de piece d'hon-
 neur, & puisse aller où il voudra
 & s'assoier aupres du Roy, comme
 piece afranchie & noble. En quoy
 est.

est donné à entendre, qu'il importe beaucoup, en la guerre (à fin de rendre les soldats vaillans) de récompenser ceux qui ont fait de grandes prouesses & actes magnanimes. Et si les successeurs doyuent iouyr des honneurs & profits, ils employent vn plus grand cœur & vaillance. Et pour ceste

*Au 1. liure
de l'Ame.*

cause Aristote dit, que l'homme estime plus l'estre vniuersel de sa race, que sa vie particuliere. Saul entendit bien cela, quand il fit faire vne crie en son exercite, qui por-

*Au 1. liure
des Rois,
chap. 27.*

toit, *Virum, qui percussit eum dabit rex diuitijs magnis, & filiam suam dabit ei, & domum patris eius faciet absque tributo in Israel.* C'est à dire. Le soldat qui tuera Goliath aura du Roy beaucoup de richesses, lequel luy donnera sa fille en mariage, & exemptera la maison
de

de son pere de tailles & subsides. Suiuant ce cry, y auoit vne Court en Hespagne, qui ordonnoit, que le soldat qui pour ses bons seruices auoit vingtcinq liures de paye & salaire (qui estoit le plus que l'on donnoit à vn soldat en la guerre) demourast & tous les successeurs aussi, à iamais exempt de payer tailles & impôts. Les Mores (selon qu'ils sont grands ioueurs d'echets) gardent sept degrez de paye, à l'imitation des sept lieux que doit passer le pion, pour estre damé: & ainsi ils haussent d'une paye à deux, & de deux à trois: iusques à venir au sept, selon les actes du soldat & les seruices qu'il aura fait: & s'il est si vaillant qu'il merite la plus grande paye, on la luy donne: & pour ceste cause l'on appelle ceux la Sep-

tenai

tenaires, lesquels ont de grandes libertez & exemptions, comme en Hespagne les gentilzhommes. La raison de cela est fort claire en philosophie naturelle : car il n'y a pas vne faculté de toutes celles qui gouvernent l'homme, qui vueille trauailler & œurer de bon cœur si elle ne voit le profit deuant soy, qui la mouue. Ce que

En la 4. sect. probl. prouue Aristote de la puissance generative ou qui engendre, & s'en peut autant dire des autres. Nous auons deia dit autrefois quel honneur & le profit est l'obiet de la faculté de l'ire. Si cest obiet defaut, le courage & la vaillâce cesse incontinent. De tout cela s'entendra la grande signification qu'emporte le pion, en ceste maniere qu'il a de se faire dame & piece d'honneur, quand il passe (sans estre

estre prins) les sept carreaux du tablier. Car toute la noblesse qui a esté au monde, est & sera à iamais, est venue & viendra de pions & hommes particuliers, lesquels par la vertu de leurs personnes ont tant fait qu'ils ont merité & meritent pour eux & leur posterité, tiltre de gentilshommes, cheualiers, nobles, Comtes, Marquis, Ducs & Roys. Il est vray, qu'aucuns se trouuent tant ignorans, & priuez de consideration, de dire que leur noblesse n'a receu commencement, mais qu'elle est eternelle & cōuertie en sang, non par grace speciale & particuliere du Roy, mais par la supernaturelle & diuine. A propos de cela, encores que ie m'elongne vn peu de nostre sujet, ie veux raconter icy vn gentil deuis qui se passa entre le prince don Charles nostre Seigneur, & le

docteur Suarez de Toledé, estant
President de la court en Alcala de
Henares.

LE PRINCE, LE DOCTEUR.

QUE vous semble de ce peu-
ple?

LE DOCT. Tout bien, Mon-
seigneur : car il iouyt du meilleur
ciel & pays qui soit en Hespagne.

LE PRIN. Les medecins l'ont
choisi tel, pour ma santé : auez
vous veu l'vniuersité?

LE DOCT. Non, M^{seigneur}.

LE PRIN. Voyez la, elle est
celebre, & en laquelle on medit
qu'il y a bon exercice des lettres
& sciences.

LE DOCT. Certainement i'en
ay ouy faire grand cas: elle est fort
renommee : & par ainsi doit elle
bien estre telle d'effect, que dit vo-
stre Altesse.

LE PR. Où auez vous estudié?

LE DOCT. A Salemanque, monseigneur. LE PRIN. Estes vous Docteur passé à Salamâque?

LE DOCT. Non, mōseigneur.

LE PRIN. Il me semble fort mauuais, d'estudier en vne vniuersité, & prendre les degrez en vne autre.

LE DOCT. Vostre Altesse doit sçauoir, que la despense, es degrez, est excessiue à Salamanque: & pour ceste cause les pauures fuyent cela, & vont en lieu où ils puissent se graduer à meilleur marché, sçachans que l'habilité & les lettres ne s'aquierēt pas, du degré, mais par l'estude & le trauail, combien q mon pere n'oust si pauvre, que, s'il eust voulu, il n'eust eu le moyen de me graduer à Salamanque: mais vostre Altesse sçait bien, que les docteurs de ceste vniuersité

iouissent des mesmes franchises, que les nobles d'Espagne (qui s'appellent *Hidalgos* :) & à nous qui le sommes de nature ceste exemption nous fait tort, au moins à noz nepueux & à ceux qui viendront apres nous.

LE PRIN. Quel Roy de mes predecesseurs ha fait vostre race noble?

LE DOCT. Nul : car vostre Altesse doit sçauoir qu'il y a deux sortes de nobles en Espagne. Aucuns le sont de sang, les autres, par priuilege : ceux qui sont nobles, de sang, comme ie suis, n'ont receu leur noblesse de la main du Roy : mais ceux qui le sont par priuilege, ouy bien.

LE PRIN. Je ne peux bien entendre cela : ie seray bien aise que vous mel'eussiez declaré, en termes manifestes : car si mô sang
Royal

Royal (contant de moy , à mon pere, de mon pere à mon ayeul & de luy aux autres par ordre) vient à commander en Delaye (lequel par la mort du Roy dom Rodrigue, fut esleu Roy, ne l'estant au precedant) si nous contons ainsi & regardons à vostre race, viendrés nous pas à acheuer en quelqu'un qui n'estoit noble?

LE D O C T. Ce discours ne se peut pas nier: car toutes choses ont prins commencement.

LE P R I N. Je demande donc maintenant, d'où le premier qui ha donné commencement à vostre noblesse, auoit prins la sienne: car il ne se pouuoit exempter ny affranchir de soy mesme des tailles que iusques là, ses predecesseurs auoyent payé au Roy: car c'eust esté vn larcin, & crime de s'esleuer ainsi, du patrimoine

Royal : & n'est pas raisonnable que les nobles de sang ayent vn si mauuais commencement que cestuy là. Il s'en suit donc que le Roy l'affranchit & le fist noble : si vous ne me dites d'où il eut sa noblesse.

LE D O C T. Vostre Altesse conclud fort biẽ: car il est certain, qu'il n'y a aucune* vraye noblesse, qui ne vienne du Roy & qui ne soit facture Royale. Mais nous appelons nobles de sang ceux, du commencement desquels n'est point de memoire, & ne se sçait par escrit, quand leur noblesse commancea, & quel Roy leur fit ceste grace. La Republique tient ceste obscurité beaucoup plus honorable, que de sçauoir distinctement le contraire, &c. La Republique fait pareillement des nobles: car quand vn homme est vertueux, & riche, elle

* *A la difference des autres qui s'aquerent autrement comme l'on sçait, par industrie, ruse, & par le moyẽ des tesmoins & d'un receueur, plus tost que du Roy.*

ne l'ose assuiettir, & luy semble qu'il est digne de viure en liberté, sans l'egaller au bas populaire. Tel le estime s'estandant aux enfans & nepueux, se conuertit en noblesse, de maniere qu'ils ont droit contre le Roy. Ceux là ne sont nobles ny afranchiz par la solde, & les armes: mais pource qu'on ne le sçauroit prouuer, ils passent pour tels. L'Hespagnol qui trouua ce nô (hijo dalgo) donna bien à entendre la doctrine que nous auons proposee: car suyuant son opiniô, les hômes ont deux manieres de naissance. L'vne est naturelle, par laquelle tous sont egaux: l'autre est spirituelle, quand l'homme fait quelque acte heroique, & qu'il demontre quelque vertu excellente; il naist de nouveau, recouure autres meilleurs parens, & perd son estre premier.

Ayer s'appelloit fils de Pierre & nepueu de Sancho: maintenant il s'appelle fils de ses œuvres: & de là procede le prouerbe Castillá, qui dit, *Cada vno es hyo do sus obras*: C'est à dire, Chacun est fils de ses œuvres: & pource que l'escriture

Aux A- faincte appelle les bonnes & ver-
tes, cha. 5 tueuses (algo) c'est à dire quel-
 que chose, & les vices & pechez
 (nada) qui veut dire riē, il ha cō-
 posé ce nom, *Hyo dalgo*, qui veut
 dire maintenant, Le descendant
 ou fils de celuy qui a fait quelque
 chose vertueuse, au moyen de la-
 quelle il a esté premié & recom-
 pensé du Roy, ou de la Republi-
 que, luy & tous ses successeurs, à
 iamais. La loy de la condition dit
 que *Hyo dalgo*, veut dire fils de
 biens: mais si elle entend des biēs
 temporels, elle entēd mal: car on
 trouue plusieurs nobles & affran-
 chis

Aux A-
tes, cha. 5

S. Jean,
chap. 1.

En la loy
2. p. 2. til. 2. 1

chis en ceste maniere qui sont p^{au}res, & autres infinis riches, qui ne sont nobles & n'ont pas telles franchises que ceux qui s'appellēt de ce nom *Hiyo dalgos* : mais si la loy veut dire, Homme de biens, que nous appellons vertus, c'est la mesme signification que nous auons dit. Quant à la seconde naissance que doyuent auoir les hommes, hors la naturelle, nous en auons vn exemple manifeste en la sainte escriture, où Christ nostre Redempteur reprend Nicodeme, de ce qu'estant docteur de la loy, il ne sçauoit qu'il estoit necessaire que l'homme retournast naistre, pour auoir vn estre meilleur & autres parens plus honorables que les naturels. Et ainsi tout le temps que l'homme ne fait aucun acte heroïque, il s'appelle en ceste signification, *hiyo de nada*, c'est à di-

*En S. Ieā,
chap. 3.*

re, Homme de nulle valeur, com-
 bié que par ses predecesseurs, il ait
 le nom d'*Hyodalgo*. A ce propos,
 ie veux reciter en cest endroit, vn
 deuils qui se tint entre vn capitai-
 ne fort honorable & vn cheua-
 lier, qui s'estimoit beaucoup, à cau-
 se de sa race : auquel se voirra en
 quoy consiste l'honneur, & com-
 me chacun entend ceste seconde
 naissance. Estant donc ce Capi-
 taine en vne compagnie de che-
 ualiers, traitants de la liberté des
 soldats d'Italie, en vne certaine
 demande qu'vn d'eux, luy fit, il
 dist, (vous) attendu qu'il estoit du
 pays, & fils de pauures parés, d'un
 petit village, peu habité: & le Ca-
 pitaine se resellant de ceste pa-
 rolle, respondit en ceste maniere,
 Seigneur, sache vostre seigneurie,
 que les soldats qui ont iouy de la
 liberté d'Italie, ne se peuuent bien
 trouuer

trouuer en Hespagne, pour le grád nōbre de loix qu'il y a cōtre ceux qui mettēt la main à l'espee. Les autres cheualiers, voyās qu'il vsoit de ce mot, seigneurie, ne se peurent tenir de rire. Dequoy le cheualier courroucé, dist en ceste maniere, Voz mercis sachent que la seigneurie d'Italie, est en Hespagne, mercy: & pource que le seigneur Capitaine est faict à l'vsage & coustume de ce pays là, il vse de ce terme, seigneurie, au lieu de mercy, comme il doit dire. Le Capitaine respondit à cela & dist, vostre seigneurie ne me tienne pour vn homme tant ignorāt que ie ne me sache accommoder au langage d'Italie, estant en Italic, & à celuy d'Hespagne, estant en Hespagne. Mais celuy qui m'appellera ou me diravo⁹, en Hespagne,

pour

pour le moins doit estre Seigneurie d'Espagne, encores qu'il m'en fasse bien mal. Le cheualier à demy piqué de ces parolles, luy repliqua, en ceste maniere, Cōment cela, Seigneur Capitaine ? n'estes vous pas natif de telle part ? & fils d'un foulon ? & avec tout cela, sçavez vous pas qui ie suis, & quels ont esté mes predecesseurs ? Seigneur, dist le Capitaine, ielçay bié que vostre Seigneurie, est fort bō cheualier & que voz peres l'ont esté aussi : mais moy & mon bras droict (que maintenant ie reconnoy pour pere) sommes meilleurs que vous & que tout vostre lignage. Ce Capitaine vſa d'une allusion à la ſecōde naiſſance des hommes, en ce qu'il diſt, (Moy & mon bras droict que maintenant ie reconnoy pour pere.) Il pouoit auoir fait telles œures, par
son

son bon entendemēt & son espee,
 qu'il esgalloit par la valeur de sa
 personne, la noblesse du cheua-
 lier. Platon dit que la loy & la na-
 ture sont pour la plus part cōtrai- *En Gor-*
 res : car vous voyez que nature *gias.*
 fait vn homme, d'un cœur tref-
 prudent, illustre, genereux, libre,
 & d'un esprit pour commander à
 tout le monde : mais pource qu'il
 naist en la maison d'Amicla (qui
 estoit vn paysan fort pauvre & cō-
 temptible) il demoure par la loy
 priué de l'honneur & liberté, en
 laquelle nature l'a constitué. Au
 cōtraire nous en voyōs autres, des
 quels l'esprit & mœurs ont esté or-
 dōnez pour estre esclaves & serfs :
 mais pource qu'ils naissent en
 maisons illustres, ils sont faits Sei-
 gneurs par la loy. Mais il y a vne
 chose notable, à quoy ce croy-ie,
 l'on n'a onques pensé, & qui tou-
 tesfois

tesfois est digne de considératiō:
 c'est qu'à grâde peine sortent des
 hommes vertueux ou de grand es-
 prit pour les sciences & armes qui
 ne naissent es bourgs & villages,
 & non pas aux plus grandes villes.
 Et neantmoins le vulgaire est bié
 si ignorant, qu'il préd cela, de nai-
 stre en lieux vils, comme petis
 bourgs & villages, pour vn argu-
 ment au contraire. Dequoy nous
 auons vn exemple manifeste en la
 saincte escriture, Que le peuple
 d'Israël estonné des grandeurs de
 Christ nostre redempteur, dist,
*A Nazareth potest quicquam boni
 exire?* C'est à dire, peut il sortir
 qlque chose de bon de Nazareth?
 Mais retournant à l'esprit de ce
 Capitaine que nous auons dict, il
 deuoit auoir grand entendement
 avec la difference de l'imagina-
 tion que l'art militaire requiert.

Et

Et pour ceste cause comprint il en ce colloque, vne grande doctrine, de laquelle nous pourrions recueillir en quoy consiste la valeur des hommes, pour estre estimez en la republique. Il m'est aduis quel'homme doit auoir six choses, pour estre appellé honorable: & si aucune d'icelles luy defaut, il en demeurera moins estimé. Mais elles ne sont pas toutes constituees en mesme degré, & ne sont de mesme valeur & qualité.

La premiere & principale est la valeur de la propre personne: en prudence, en iustice, en courage & vaillance. Ceste valeur cause les richesses & grandeurs: de là viennent les furnōs illustres: de ce cōmācemēt tiēnent leur origine toutes les noblesses du mōde. Qu'ainsi soit, allons aux grandes maisons
d'Espagne

d'Espagne & nous trouuerons qu'elles ont quasi toutes prins origine d'hommes particuliers, lesquels par la valeur de leurs personnes ont gagné ce que leurs successeurs tiennent maintenant. Ce qui en apres honore l'homme, est le bien, sans lequel nous ne voyons personne estre estimé en la republique. La troisieme chose, est la noblesse & antiquité de race: c'est vne ioye grande, estre bien né, & de noble race: mais il ya vn defect bien grand, que seule & à part elle n'est pas de grand profit, ny pour le noble, ny pour les autres qui ont necessité. Car elle n'est bone ny pour manger, ny pour boire, ny pour vestir ny pour chauffer, ny pour donner, ny pour confier, ains elle fait viure l'homme en mourant, le priuant des remedes qui sont pour accóplir ses necessitez: mais

mais estant conioincte à la richesse, il n'y a poinct d'honneur qui l'égale. Aucuns ont coustume de cōparer la noblesse au zero du chiffre & nombre: car estant seul, il ne vaut rien, mais estant ioint avec autre nombre, il sert beaucoup, & le fait monter. La quatriesme, qui fait estimer l'homme est d'auoir quelque dignité ou office honorable: & au contraire il n'y a rien qui abaisse tant l'homme, que de gagner sa vie en charge mecanique. La cinquiesme, est d'auoir vn bon & gracieux nom, qui sonne bien aux oreilles d'vn chacun: sans s'appeller ny pillon ny mortier, cōme i'en cognoy. On lit en ^{l'Espagnol} la generale histoire d'Espagne, ^{dit, Majagracias, à} qu'vn iour vindrent deux Ambassadeurs de France vers le Roy dō Alonse neuuesme, luy demander vne de ses filles, pour estre femme

Roy Philippe leur souuerain Seigneur, desquelles l'une estoit fort belle, & s'appelloit Vrraque: l'autre n'estoit pas tant belle ny gracieuse, mais elle se nommoit, Blanche. Quand elles furēt toutes deux deuant les Ambassadeurs, chacun pensoit qu'ils prendroient madame Vrraque, pource qu'elle estoit la plus grande, la plus belle & la mieux agencee: mais comme les Ambassadeurs eussent demandé le nom de chacune, ils furēt offenzes du nom d'Vrraque, & eleurent madame Blanche, disans, que ce nom seroit mieux receu en France que l'autre. Le sixiesme poinct qui honore l'homme, est la propriete de la personne, aller bien vestu & accompagné de plusieurs seruiteurs & domestiques. L'avraye descente des nobles d'Espagne, dits *Hijos dalgo*, est de ceux, les
quels

quels pour la valeur de leur personne ; & actes magnanimes, auoyent en la guerre vingt cinq francs de paye. Les modernes esclians n'ont peu auerir cete origine : car sans les choses qu'ils trouuēt escriptes ou dites par autres, personne n'a aucune propre inuention. La differēce que met Aristote entre la memoire & la reminiscence ; est, que si la memoire ha perdu quelque chose, de cē qu'elle sçauoit au precedent, elle n'a le pouuoir de s'en pouuoir souuenir, si elle ne la retourne a prendre : mais la reminiscence a vne grace particuliere, que si elle a oublié quelque chose, & elle vient à discourir sur ce tant soit peu, incontinent elle retourne trouuer ce qu'elle auoit perdu. Or est dcia perdu tant es liures qu'en la memoire des hommes, quelle est la

An liure de la memoire & reminiscence,

Court qui parle en faueur des bōs
soldatz: ce neantmoins cēs parol-
les sont demourees, (*Hijo dalgo de
deuengar quinientos sueldos*) segun
fuero de España y de solar conocido.
Sur lesquelles si l'on discourt &
raisonne, on trouuera aisement
celles qui les accompagnent. An-
toine de Nebrixie donnant la si-
gnification de ce verbe *uendico as*,
dit qu'il signifie, tirer pour soy ce
qui est deu pour paye; ou de
droict; comme nous disons main-
tenant, par vne nouuelle manie-
re de parler, tirer gages du Roy ou
solde. Et est la coustume en Castil-
le la vieille tant cōmune de dire,
Fulano bien à denengado su trauajo:
c'est à dire, il a bien tiré le salaire
de sa peine (quād il est bien payé)
qu'il n'y a entre les personnes
d'etose & qualité maniere de par-
ler, qui soit plus à propos. De cete
signifi

signification a prins origine cete maniere de dire *vengar*, c'est à dire venger, quand quelqu'un se paye de l'iniure qu'un autre luy a faite: car l'iniure, par metaphore, est appelée debte. Suiuant cela ie voudroy dire maintenant, *Fulano es hijo d'algo de deuengar quinientos sueldos*: c'est à dire descendant d'un soldat tant vertueux que pour les faits d'armes il a merité de tirer vne telle paye: & cetuy là, par l'ordonnance de la Court d'Espagne, & tous ses successeurs estoient affranchis & exemptz de payer tribut au Roy. Tout ce qu'éportent ces motz, *El solar conocido*, est que quand un soldat entroit au nombre de ceux qui tiroient du Roy la plus haute paye, l'un couchoit par escrit le nom du soldat, es liures du Roy, le lieu de sa nais-

156 r. 4. b.
c. 105 b.
81: 4. b.

sance, & les parens, pour auoir certitude de celuy auquel se faisoit telle grace. Comme l'on voit aujour d'huy au liure du Coustumier qui est en Simanque, où se trouuent es crits les commancemens quasi de toute la noblesse d'hespagne. Saul vfa de la mesme diligence quand Dauid tua Goliath: car il commâda incontinēt à son capitaine Abner, de sçauoir de quelle race en Israel estoit descendu ce ieune hōme. Anciēnement appelloit on (solar) la maison tant du païsā que du noble. Mais, apres ceste digressiō, il faut retourner prēdre nōtre suiet, & sçauoir d'oū viēt qu'au ieu des echets (puis q nous disōs qu'il est le pourtraiēt de la militie, ou art militaire) l'hōme se fâche plus de perdre qu'ē nul autre ieu, encores qu'il ne ioue riē & qu'il n'y ait point

*Au 1. des
Rois,
chap. 18.*

point d'intérêt? & d'où vient que ceux là qui voyent iouër, cognoissent mieux les ruses du ieu que ceux là qui iouënt, combien qu'ils l'entendent moins? Mais ce qui emporte encores plus grande difficulté est que nous voyons des ioueurs, lesquels, à ieu, trouuent plus de ruses, qu'après auoir mangé: & les autres iouënt mieux après le repas. Il n'y a pas grande difficulté au premier doute: car nous auons deia dit qu'il n'y a point de fortune, ny en la guerre, ny au ieu des echets, si l'on y pense bien: pource que l'on perd par ignorance & negligence: & l'on gangne au contraire par prudence & sçoucy. Et combien que l'homme soit vaincu, en choses d'esprit & habilité (sans pouuoit donner autre excuse que son ignorance) il ne peut laisser de se facher: car il est raisonnable &

amy d'honneur, & ne peut souffrir qu'aux œuvres de ceste puissance, vn autre le surpasse. Et pour ceste

*En la 30. cause Aristote demande pourquoy
sest. probl.* les anciens ne voulurent qu'il y

10.

eust prix & loyer notable pour ceux qui vaincroient ou surpasseroient les autres es sciences : & pourquoy ils l'ont estably pour le meilleur sauteur, coureur, tireur de masse de fer ou autre pesant metal & luteur? A quoy il respond qu'en la lutte & autres efforts corporels, est permis d'auoir des iuges, pour iuger de l'excez que l'un fait à l'autre: pourcé qu'ils pourront, à iuste cause, donner le prix à celuy qui vaincra : car il est aisé à cognoistre qui saute plus loin, & qui court le plus legerement. Mais, en la sciéce, il est bien difficile, de sçauoir par le moyen de l'entendement, celuy qui surpasse l'autre,
pour

pource que c'est vne chose tant
 haute & spirituelle. Et si le iuge
 veut donner le prix par faueur &
 malice, tous ne le pourrôt pas en-
 tendre, pour estre vn iugemēt tāt
 caché au sens de ceux qui s'y trou-
 uent. Outre ceste responce, Aristo-
 te en donne vne autre meilleure
 & dit que les hommes ne se sou-
 cient pas beaucoup, d'estre vain-
 cus par les autres, à tirer, lutter,
 courir & sauter, qui sont choses en
 quoy les bestes brutes nous sur-
 passent & auancent. Mais ils ne
 peuuent souffrir qu'un autre soit
 iugé plus sage & prudent : & pour
 ceste cause ont ils les iuges en hai-
 ne & taschent de se vanger d'eux,
 pensant qu'ils les ont trompez, en
 fauorisant malicieusement les au-
 tres. Et pour euiter cest inconue-
 nient, ils n'ont permis d'establie
 iuges ny prix en ce qui concerne

la partie raisonnable: d'où s'infere
 & s'ensuit que les Vniuersitez font
 mal, qui donnent prix de premier,
 second & troisieme lieu és licen-
 ces à ceux qui font le mieux. Car
 outrecc que tous les iours aduen-
 nent les inconueniens qu'Aristo-
 te a dict, la doctrine Euangelique
 ne permet, de mettre les hommes
 en debat pour la preeminence ou
 le premier lieu. Ce qui est manife-
 ste, parce que cheminans vn iour,
 de compagnie, les disciples de
 Christ nostre redempteur, ils par-
 lerent entr'eux, & traicterent le-
 quel de la compagnie deuoit estre
 le plus grand: & quand ils furent
 en la maison, leur maistre leur de-
 mada de quoy ils auoyent parlé en
 chemin: & à ceste heure là, enco-
 res qu'ils fussent rudes, ils con-
 gneurent bien que ceste question
 n'estoit licite ny raisonnable: & le

texte dit, qu'ils ne luy oferent pas
 dire : mais selon que rien n'est ca-
 ché à Dieu, il leur dist en ceste ma-
 niere, *Si quis vult primus esse, erit* En saint
omnium nouissimus. & omnium mi- Marc, cha-
nister. C'est à dire : Celuy qui veut *pit. 9.*
 estre premier, sera le dernier & ser-
 uiteur de tous les autres. Christ no- *En S. Ma-*
 stre redempteur auoit en haine les *thieu. ch. 23*
 Phariseens, pource qu'ils ay moyēt
 les premieres places es cenes, &
 les premieres chaires aux Sinaguo-
 gues. La principale raisō de ceux-
 qui donnent & establisent de grés
 en ceste maniere, est de dire, que
 les Estudians, qui scauent que l'on
 donne prix & honneur, selon la
 capacité, ne cesseront tant qu'ils
 ayent bien estudié, & qu'ils soyent
 dignes du degré qu'ils pretendēt
 ce qu'ils ne feroient, s'il n'y auoit
 vn loyer pour celuy qui travaille,
 & chastiment pour celuy qui se
 donne

donne bon temps, & ne fait que
 dormir. Mais ceste raison est lege-
 re & apparente, qui presuppose v-
 ne fausseté grande, qui est que la
 science s'acquiert tousiours pour
 traualler sur les liures, pour l'en-
 tendre de bons maistres, sans ia-
 mais perdre la leçon: mais ils ne
 pensent pas que si l'estudiant n'a
 l'esprit & habilité propre aux let-
 tres qu'il estudie, pour neant il se
 rompt la teste nuit & iour apres
 les liures. L'erreur est telle, que
 l'on voit entrer en concurrence
 deux differences d'esprit fort e-
 stranges & cōtraires: car l'un pour
 estre fort subtil (sans estudier ny
 voir liure) acquiert la science en
 vn momēt: & l'autre, pource qu'il
 est rude & pesant, traualle toute
 sa vie, & iamaïs ne sçait rié. Et lors
 les iuges viennent (estans hom-
 mes) à donner le premier lieu, à
 celuy

celuy que nature a fait habile, & qui n'a trauaillé: & le dernier, à celuy qui est nay sans esprit, & qui n'a onques cessé d'estudier: comme si l'vn auoit aquis les lettres en fucilletant les liures, & l'autre ne les auoit aquis, par sa negligence & paresse. C'est comme si l'on establiroit prix à deux coureurs, desquels l'vn eust bös pieds & legers, & l'autre defaillist en vn. Si les vniuersitez n'admettoient aux sciences, sinö ceux qui ont l'esprit propre à icelles, & que tous fussent egaux, ce seroit bien fait, qu'il y eust loyer & chastiment: car il est certain que celuy qui sçauroit le plus auroit trauaillé dauantage, & celuy qui sçauroit le moins, se seroit donné bon temps. On peut respondre à l'autre doute, que comme les yeux ont besoin de lumie-

re pour

re pour voir les figures & couleurs : ainsi l'imagination , a besoin de lumière dedans le cerueau , pour voir les figures & fantasies qui sont en la memoire. Le Soleil, ny la chandele ne donnent pas, ceste clarté, mais seulement les esprits vitaux, qui naissent au cœur, & se distribuent par tout le corps. En outre il faut sçauoir que la crainte amasse tous les esprits vitaux au cœur, & laisse le cerueau obscur & toutes les autres parties du corps froides : & ainsi Aristote demande, Pourquoi ceux qui craignent tremblent de la voix, des mains, & de la lente? A quoy il respond que par la crainte, s'amasse la chaleur naturelle au cœur, & que toutes les parties du corps demeurent froides. Nous auons dit vne autrefois, suuant l'opinion

de

*En la 17.
sect. probl.
6.*

de Galen, que la froideur endor- *Au liure,*
 mit & appesantit toutes les facul- *Que les*
 tez & puissances de l'ame, de ma- *mœurs de*
 niere qu'elles ne peuvent œurer. *l'esprit, cha*
pit. 7.

Par ce moyen est manifeste la re-
 sponce au second doute ; qui est que
 ceux qui iouent aux echets ont
 peur de perdre, pource que ce ieu
 n'est pas hazardeux, & que la for-
 tune n'y a point de lieu ; comme
 nous auons dit ; de maniere que
 s'amassans les esprits vitaux au
 cœur, l'imagination demeure en-
 dormie, à cause de la froideur, &
 les fantasies à l'obscur : pour les-
 quelles deux raisons, celuy qui iu-
 ge ne peut bien œurer. Mais ceux
 qui regardent, n'y ayans aucun in-
 terest, & n'ayans point peur de
 perdre, avec moins de sçauoir en
 ce ieu, cōgnoissent mieux les rui-
 ses d'iceluy que ceux qui iouent,
 pource que leur imagination n'est
 desti

destituée de chaleur, & que les figures sont éclairées de la lumiere des esprits vitaux. Il est vray, q̃ la grãde lumiere obscurcit pareillemēt l'imagination : ce qui aduiet quād celuy qui iouë est faché de voir qu'on le gangne. Cependant, avec l'énuy, la chaleur naturelle, croist & allume dauantage qu'il ne faut : dequoy est exempt celuy qui regarde. De là aduiēt vne chose fort en vsage au monde, que le iour que l'homme veut faire quelque grande monstre de soy, & donner à entendre qu'il est sçauant & habile ; ce iour mesme il fait pis que s'il n'y pensoit pas. Autres se trouuent au contraire ; lesquels estans en *aprieto* font vne grande monstre d'eux : mais estans sortis de là, ils ne sçauent rien ; dequoy la raison est fort claire : car à celuy qui ha beaucoup de chaleur naturelle

relle en la teste, estant remarqué
 en vingt & quatre heures d'une
 lesion opposite, yne partie de la
 chaleur naturelle qui est extreme
 fuit au cœur, & par ce moyen le
 cerueau demeure temperé: & en
 ceste disposition, nous prouue-
 rons au chapitre ensuiuant, que se
 presentent à l'homme beaucoup
 de choses à dire. Mais à celuy qui
 est fort sage & qui ha grand en-
 tendement, estant pressé, ne de-
 demeure la chaleur naturelle en la
 teste avec la crainte: & ainsi par
 faute de lumiere, il ne trouue que
 dire en sa memoire. Si ceux qui
 parlent des Chefs de guerre, en
 condamnant leurs stratagemes &
 l'ordre qu'ils mettent au camp,
 consideroyent cela, ils verroyent
 la difference qu'il y a de regarder
 la guerre de sa maison, & de rom-

pre vne lance & iouër des cousteaux, avec la crainte de perdre vne armee que le Roy a mis entre les mains d'un Chef. La crain-

Les riches sent plustost mal medecinez, que les pauures
Gal. II. de sa meth. ch. 15.
 te ne fait pas moins de mal au medecin, pour guarir le malade : car nous auons prouué ailleurs que la pratique d'iceluy appartient à l'imagination, laquelle est plustost offensee par la froideur qu'autre puissance quelconque, pource que son œuure consiste en chaleur. Et ainsi se voit par experience, que les medecins guarissent mieux le menu peuple que les princes & grands seigneurs. Vn homme lettré me demanda vn iour (sachant que ie traitoye de ceste inuention) d'où venoit qu'en l'affaire duquel il estoit bien payé, s'offroyent à luy plusieurs loix & appointemens en droict : & en celuy,

luy, auquel on ne faisoit compte de sa peine, il sembloit qu'il eust oublié tout ce qu'il sçauoit? auquel ie fis responce quel'intérest appartient à la faculté de l'ire, laquelle reside au cœur: & si elle n'est contente, elle ne donne pas de bon cœur les esprits vitaux, par la lumiere desquels se doyuent voir les figures qui sont en la memoire: mais estant contente, elle donne gayement la chaleur naturelle. Et ainsi l'ame raisonnable ha la clarté suffisante pour voir tout ce qui est escrit en la teste. Les hommes de grand entendement ont ce defect, qu'ils sont échaus, & pourchassans fort leur profit: & en ceux là peut on voir la propriété de ce lettré. Mais quand tout est bien regardé, il semble que soit acte de iustice, de vou-

loir estre payé, quand on travaille en la vigne d'autrui. La mesme raison peut estre pour les medecins, lesquels estans bien payez, trouuent plusieurs remedes: autrement l'art les fuit aussi bien que le lettré & legiste. Mais il faut noter icy vne chose fort importâte, qui est que la bonne imagination du medecin, en vn moment trouue ce qu'il faut faire: & s'il y pense long téps, soudain accourent mille inconueniens, qui le mettent en doute, le tiennent suspens & ce pendant se passe l'occasion du remede. Parquoy ne faut iamais recommander au bon medecin de bien regarder ce qu'il ha à faire; mais qu'il execute ce que premierement luy a semblé bon de faire. Car nous auons prouué autrefois que la grande consideration, surpasse d'vn poinct la chaleur naturelle,

relle, & peut tant croistre, qu'elle trouble & empesche l'imagination: mais il n'y aura point de mal que le medecin qui l'a vn peu lasche & foible demeure vn peu à contempler: car, par ce moyen, venant la chaleur à monter au cerueau, elle obtiendra le poinct que ceste puissancerequiert. Le troisieme doute, pour ce que i'ay dit, a la responce manifeste: car la difference de l'imagination, de laquelle on iouë aux échetsrequiert vn certain poinct de chaleur, pour trouuer les bons tours & ruses: & celuy qui iouë bien à ieun a cependant le degré de chaleur qu'il faut: mais par la chaleur du repas, il passe d'vn poinct qu'il ne faut: & par ainsi il ne iouë pas si bien. il aduiët au contraire à ceux qui iouent apres le repas: car montant la chaleur avec les alimens & le vin, ils

trouuent le poinct qui leur defail-
loit à ieun : & par ainſi ſant corri-

Au di. lo ger vn lieu de Platon, qui dit que
gue, de la nature ha prudemment élongné
nature.

le foye, du cerueau, de peur que les
alimés, par leurs vapeurs, ne trou-
blaſſent la contemplation de l'a-
me raifonnable. S'il entend cela
des œuvres qui appartiennent à
l'entendement, il dit bien : mais
cela n'a lieu en nulles différences
de l'imagination. Ce qui ſe voit
clairement par expérience aux fe-
ſtins & bâquets : car au milieu d'i-
ceux, les banqueteurs commancēt
à deuifer avecques grace & à dire
pluſieurs ſornettes & faceties : mais
au commencement perſonne ne
diſoit mot, & à la fin, à peine ad-
uiēt il à ceux qui ſont affiz de par-
ler, pource que la chaleur que l'i-
magination requiert eſt montée
trop haut d'un degré. Ceux qui
ont

ont besoin de boire & manger vn peu, à fin d'émouuoir l'imagination, sont les melancholiques par adustió: car ceux là ont le cerueau comme chauls viue, laquelle prise en la main, est froide & seche au toucher: mais si on l'arrouse de quelque liqueur, la chaleur qui en procede est insupportable. Il faut pareillement corriger la loy, qu'a-meine Platon des Carthaginois: *Au 2. des Loix.* par laquelle ils deffendoyent aux Capitaines de boire du vin en la guerre: & aux gouuerneurs aussi durant l'annee de leur magistrat. Et combien que Platon la tienne pour tres-iuste, & qu'il en fasse grãde estime, il faut neãtmoins en cest endroit faire distinció. Nous auons deia dit vne autrefois que l'œuure de iuger appartient à l'entendement: & que ceste puissance abhorre la chaleur: à quoy le

vin fait vn grand dommage. Mais de gouverner vne republique (qui est autre chose que de prendre vn proces en main & en donner sentence) il appartient à l'Imaginatiō: & ceste là demande chaleur. Mais le gouverneur n'arriuat au point qui est necessaire, peut bien boire vn peu de vin, à fin d'y venir. Autant en faut il entendre du Capitaine general, duquelle conseil se doit pratiquer aussi par le moyen de l'imagination. Et si par aucune chose chaude, la chaleur naturelle doit mōter, il n'y en a pas vne qui le fasse tant bien que le vin: mais il le faut boire modérément: car il n'y a aliment aucun qui donne ou qui oste à l'homme, tāt d'esprit que faiēt ceste liqueur. Et ainsi faut il que le Capitaine ou Chef general cognoisse si la maniere de son imaginatiō est de celles qui
ont

ont besoin du boire & manger,
pour founir la chaleur qui luy de-
faut, ou bié si elle requiert d'estre
à ieun: car en cela seulemēt consi-
ste de trouuer vn expediēt, pour la
guerre, ou de le perdre.

*Comme il est icy declaré à quelle dif-
ference d'habilité appartient l'of-
fice de Roy, & quels signes doit a-
voir celuy, qui aura ceste maniere
d'esprit.*

CHAP. IIII.



QUAND Salomon fut
eleu Roy d'un peuple
si grand qu'estoit celuy
d'Israël, le texte porte
que pour le pouuoir regir & gou-
uerner, il demanda sagesse du ciel
& non d'auantage. Qui fut vne
demande tant agreable à Dieu,
que pour ceste cause il le fit le plus

*An 3. des
Rois, cha. 3.*

sage Roy du monde : & non content de cela, il luy donna de grandes richesses & gloire, faisant tous iours grand cas de sa demâde. De là voit on clairement que la plus grande prudence & sagesse que puisse auoir l'homme, est le fondement auquel tient & gist l'office de Roy : laquelle conclusion est tât certaine & veritable, qu'il n'est besoin perdre temps à la prouuer. Il conuient seulemēt monstrier à quelle difference d'esprit appartient l'art d'estre Roy & tel que la République requiert; & declarer les signes par lesquels il faut cognoistre l'homme ayant tel esprit & habilité. Parquoy, il est certain que comme l'office de Roy surpasse tous les arts du monde, aussi requiert il la meilleure & plus grāde difference que nature puisse faire. Nous n'auons encores touché

ché iusques à presēt quelle est ceste difference, ayans esté occupez à despartir à tous les autres arts leurs differences & moyens. Mais puis que nous la tenons maintenant entre les mains, il faut sçauoir que de neuf temperamens qui se trouuent en l'espece humaine, Galen dit qu'vn seul rend l'homme tresprudent, en tout ce que naturellement il peut auoir. En iceluy les premieres qualitez sont tellement mesurees, que la chaleur ne surpasse la froideur, ny l'humidité, la siccité: ains se trouuent egaux & conformes, comme si de fait entre eux n'y auoit contrariété & naturelle opposition. Dequoy resulte & prouient vn instrument tant propre aux œuures de l'ame raisonnable, q̃ l'hōme vient à auoir parfaite memoire, pour les choses passees: vne grāde imagination

*Au 1. liure
des tempera-
mens, ch.
9. & au li-
ure, Quod
animi mo-
res. chap. 4.
& en Pla-
ton, de la
nature.*

tion, pour voir ce qui est à venir
& vn grand entendemēt pour di-
stinguer, inferer, discourir, iuger
& elire. Nulle de toutes les autres
differences d'esprit que nous auōs
traité, n'est entierement parfaite:
car si l'homme est de grand en-
tendement, à raison de la siccité,
il ne peut aprēdre les sciences, qui
appartiennent à l'imagination &
à la memoire: & s'il a vne grande
imagination (à raison de la gran-
de chaleur) elle demeure sans ha-
bilité pour les sciences de l'enten-
demēt & de la memoire: & s'il ha
grande memoire (à cause de l'hu-
midité) nous auōs deia dit ailleurs
combien telles gens memoratifz,
sont inhabiles à toutes les scien-
ces. La seule differēce d'esprit que
nous cherchons est celle qui cor-
respond & est proportionnee à
tous les arts. Platon a bien noté
quel

quel dommage se fait à vne science, quand on ne peut ioindre les autres à icelle: car il dit que la perfection de chacune en particulier depend de la cognoissance de toutes. Il ny a pas vne sorte ou genre de lettres, tant impropre soit il à vn autre, que le sçachât bien n'aide à sa perfection. Mais ayant cherché ceste difference d'esprit, avec vn grand soin & diligence, ie ne l'ay peu trouuer qu'en Hespagne.

Et pour ceste cause Galen a bien dit que hors mis le pays de Grece, ny par le somme, nature ne fait vn homme temperé, ny avec l'esprit que toutes les sciences requerent. *An 2. liure de la cōseruation de santé.*

Galen mesme amaine la raison de cela & dit que la Grece est la region la plus temperee qui soit au monde: où la chaleur de l'air, ne surpasse la froideur: ny l'humidité la siccité: laquelle température fait

les

les hommes tresprudens & habiles à toutes les sciences, comme l'on voit par la consideration du grand nombre des hommes illustres qui en sont sortiz, Socrate, Platō, Aristote, Hippocrate, Galé, Theophraste, Demosthene, Homere, Thales Milesiē, Diogene Cinique, Solon & autres infiniz desquels les histoires font mention, & qui ont fait des œuvres plaines de toutes les sciēces : non comme les Ecrivans des autres prouinces, lesquels escrivans en medecine ou en quelque autre science, à peine ioignent ils la cognoissance des autres lettres pour leur aider : ils sont tous pauvres & sans fonds, pource qu'ils n'ont l'esprit propre à tous les arts. Mais ce qui plus estonne, touchāt la Grece, est qu'estant l'esprit des femmes tant cōtraire aux lettres, comme nous prouverons cy apres, se sont neāt-

moins, trouuees tant de Grecques
 seignalees es sciéces, qu'elles ont
 presque e gallé les hōmes plus rai-
 sonnables & sçauans: cōme on lit
 de Leoncium, femme tressage, qui
 a escrit contre Theophraste, com-
 bien qu'il fust le plus grand Philo-
 sophe de son temps, & l'a noté de
 plusieurs erreurs en philosophie.
 Et si nous regardons les autres re-
 gions du monde, à peine est sorty
 d'elles vn esprit qui soit notable.
 Cela vient pource qu'ils habitent
 en lieux qui ne sont pas temperez:
 à raison de quoy les hōmes se font
 laids, endormiz, negligens & de
 mauuaises mœurs. Et pourtāt Ari-
 stote demande pourquoy ceux qui
 habitēt en pays, ou trop chaud ou
 trop froids, sōt de mauuais regard
 & mœurs? A quoy il respōd fort biē
 & dit, que la bonne température nō
 seulement rend le corps gracieux,

*En la 14.
 sect. prob.*

mais

mais aussi sert à l'esprit & habilité. Et comme les excès de chaleur & de froideur empêchent nature de faire l'homme bien formé, par la même raison l'harmonie de l'ame se débände, & l'esprit devient tardif. Les Grecs sçauoyent bien cela, veu qu'ils appelloient toutes les nations du monde, Barbares, voyant leur inhabilité & peu de sçauoir. Et ainsi voyons nous que nul philosophe, de tout tant qui naissent & estudient hors de Grece, n'arriue à la doctrine de Platon d'Aristote: & s'ils sont medecins, à celle d'Hippocrate & de Galen: s'ils sont orateurs, à l'éloquence de Demosthene: s'ils sont Poëtes, au sçauoir d'Homere: & ainsi en toutes autres sciences & arts, les Grecs ont tousiours eu la preeminence sans aucune contradiction. Au moins le problème d'Aristote

*Je suis deb-
teur aux
Grecs &
barbares,
sages & nō
sages. Aux
Rom. cha. I.*

d'Aristote, se verifie pareillement par les Grecs : car, de fait, ils sont les plus beaux hommes du monde & de plus grand esprit: n'estoit qu'ils ont esté infortunez, oprimez par armes, assuietiz & mal traitez par la venue du Turc, lequel a banny les lettres & sciences, de Grece, & a fait passer l'Vniuersité d'Athenes à Paris ville capitale de France, où elle est maintenant. Et ainsi pour n'estre cultiuez, se perdēt ces tant bons esprits que nous disons à cete heure. Es autres regions, hors la Grece, combien que l'on trouue des escoles, & qu'il y ait exercice de lettres, personne n'en est toutesfois sorty fort eminent ny excellent. Le medecin pense auoir assez faiēt d'entédre par les forces de son esprit ce qu'a dit Hippocrate & Galen: & le philosophe naturel s'estime sçauant,

pource qu'il luy est aduis qu'il en-
 tend Aristote. Ce neantmoins, ie
 ne veux dire que soit vne reigle ge-
 neralle que tous ceux qui naissent
 en Grece doiuent estre necessaire-
 ment tēperez & sages & les autres
 distemperez & ignorans. Car le
 mesme Galé dit qu'Anacharsis du
 pays de Scithie fut d'esprit admira-
 ble entre les Grecs, combien qu'il
 fust barbare: & cōme vn Philoso-
 phe natif d'Athenes, l'eust taxé d'e-
 stre barbare & Scithe de nation, il
 respondit, *Patria mihi dedecori est,*
tu verò, patria. C'est à dire, Mō pays
 me fait deshonneur, & tu fais des-
 hōneur au tiē: pource que Scithie
 estant vne region tant intempe-
 ree, & où naissent tant d'hommes
 ignorās, i'en suis sorty sage: & toy
 qui es né en Athenes (lieu d'esprit
 & de sagesse) tu es vn asne. De ma-
 niere qu'il ne se faut desesperer à
 raison

En sa harā
 que So.

raison de cete temperature, ny pẽ
 ser estre impossible la trouuer
 hors de Grece, principalement
 en Hespagne (region nõ trop in-
 temperée) car par la mẽme raison
 que i'en ay trouué vne, il y en aura
 plusieurs autres, qui ne sont ve-
 nues à ma cognoissance & que ie
 n'ay peu examiner. Parquoy il
 vaudra mieux amener les signes
 par lesquels l'homme temperé se
 cognoist, à fin qu'il ne se puisse cé-
 ler où il sera. Les medecins en cõ-
 stituent plusieurs, pour decouurir
 cete difference d'esprit: mais les
 principaux & qui la donnẽt mieux
 à entendre sont ceux qui s'ensui-
 uent. Le premier, comme dit Ga-
 len, est le poil blond ou iaune, qui
 d'âge en âge se dore tousiours de
 plus en plus, pource que la cause
 materielle des cheueux, est (com-
 me disent les medecins) vne gros-

*Au liure
 de l'art de
 med. ch. 13.*

se vapeur qui s'élève de la concoctiō, que fait le cerueau au temps de sa nourriture: & sont les excremens de la couleur du membre ou du cerueau, si le cerueau a beaucoup de flegme en sa composition, le poil sort blanc: s'il a beaucoup de colere, il sort iaune: mais estās ces deux humeurs également meslez, le cerueau demeure temperé en chaleur, froideur, humidité & siccité, avec le poil roux, participant des deux extremes. Il est vray que Hippocrate dit que cete couleur aux hommes qui sont au dessouz de Septentrion (comme sont les Anglois, Flamens & Alemans) vient de la blancheur qui est haüe & brulée, pour la grande froideur & non pour la raison que nous auōs dit. Et pourtant faut prendre garde à ce signe: car il peut grandement

*Au livre
de l'air,
lieux &
eaux.*

ment tromper. Galen dit que l'au-
 tre signe est d'estre bien fait, beau,
 de bonne grace & facctieux, de
 maniere que la veue se recree en
 voyant vn tel homme comme vn
 figure de grande perfection. La
 raison en est claire: car si nature
 ha beaucoup de force, & si la se-
 mence est biē assaisonnee, elle fait
 tousiours des choses possibles, la
 meilleure & la plus parfaite en
 son genre: mais se voyant de prou-
 ueue de forces, elle met bien sou-
 uent peine en la formatiō du cer-
 ueau, pource qu'il est le siege prin-
 cipal de l'ame raisonnable. Et ain-
 si voyons nous plusieurs hommes
 grands & difformes, qui ont neant
 moins bon esprit. Galē dit, au mes-
 me lieu, que la quantité du corps
 que doit auoir l'homme temperé
 n'est pas determinee: car il peut
 estre grand, petit & de moyenne

*Au liure,
 De la bon-
 ne constitu-
 tion du
 corps. ch. 4.
 & l. l. de la
 conseruatiō
 de santé.*

stature, selon la quantité de la sem-
 mee temperée au temps qu'il fut
 formé. Mais quant à ce qui concer-
 ne l'esprit, la moyenne stature vaut
 mieux aux hommes temperez que
 la grande ny la petite. Et s'il doit
 incliner à l'un des deux extremes,
 il vaut mieux estre petit que grand:
 car nous auons deia prouué, par
 l'opinion de Platon & d'Aristote,
 que les gros os & la chair, nuisent
 grandement à l'esprit. Suiuant ce-
 la, les philosophes naturels ont
 coustume de demander, Pourquoi
 les hommes petis de corps sont vo-
 lontiers plus sages que les grands?
 pour la prouue de laquelle chose
 ils citent Homere qui fait Ulixé
 tres prudēt & petit de stature: & au
 contraire Ajax fol & temeraire &
 de grande stature. Ils respōdent fort
 mal à cete demande & disent, que
 l'ame raisonnable, amassée en
 brief,

*Alexandre
 Aplied.
 liure. I.
 probl. 25.*

brief, a plus de force pour œurer, suyuant ce dict fort celebre, *Vir-tus unita fortior est seipsa dispersa.* c'est à dire, la vertu vnie & assem-blee est plus forte que quand elle est dispersee. Et au cōtraire estant en vn corps large & spacieux, elle n'a force suffisante pour le mou-uoir & animer. Mais ceste n'est la raison, & faut dire qu'elle vient de ce que les hommes grands & larges ont beaucoup d'humidité en leur composition, laquelle di-late grandement la chair, & la fait obeillante à l'augmentation que la chaleur naturelle tasche touf-jours de faire. Il aduient au con-Galen au liure de la bonne cōsti-tution du corps. ch. 4. traire aux petis hommes: car pour leur grande siccité, ils ne peuuent se dilater ny engraisser par la cha-leur naturelle: à raison dequoy ils demourent petis. Et entre les pre-mieres qualitez, nous auōs prouué

autre part, ne s'en trouuer pas vne qui nuise tant aux œuures de l'ame raisonnable, que fait la grande humidité, & qui rende l'entendement si vigoureux que fait la siccité. Ga-

*Au 1. liu.
de la cōser-
natiō de la
santé.*

*Au Dialo-
gue de la
nature.*

len dit que le troisieme signe de la temperature de l'homme, est d'estre vertueux & de bonnes mœurs: car Platon dit que quand l'homme est mauuais & vicieux, cela vient de ce qu'il ha quelque qualité intemperee qui l'incite à pecher: & s'il luy cōvient œurer selon la vertu, il luy faut premierement renoncer sa naturelle inclination. Mais celuy qui sera bien temperé, tant qu'il sera ainsi, n'a que faire d'vser de ceste diligence, pource que les puissances inferieures ne feront aucune resistan-

*Au 1. liu.
de la cōser-
natiō de la
santé.*

ce à la raison. Et pour ceste cause Galen dit qu'il ne faut point taxer ny limiter à vn homme de telle tempe

temperature, ce qu'il doit boire & manger, pource qu'il n'excede iamais la quātité & mesure que l'art de medecine luy pourroit prescrire & limiter. Et Galen ne se contente de les appeller tres-temperrez : mais dit aussi n'estre besoin de moderer les autres passions de l'ame, pource que leur ennuy, leur tristesse, leur plaisir & alegresse sont tousiours mesurez par la raison. Et de là vient qu'ils sont tousiours sains, & non malades : qui est le quatriesme signe. Mais Galen n'a point de raison en cela : car il est impossible de composer vn homme qui soit parfait en toutes ses puissances (côme le corps est temperé) de maniere que l'ire & la cōcupiscence ne surpasse la raison & l'incite à faire mal. Et ainsi ne faut permettre à personne quel que téperature qu'il ait, de suyure

toujours la naturelle inclination,
 sans la corriger par le moyen de
 la raison. Cela s'entend facilement,
 en considerant le temperament
 que doit auoir le cerueau, à fin
 qu'il soit instrument conuenable
 de la faculté de la raison: celuy que
 doit auoir le cœur, à fin que l'ire
 appete gloire, empire, victoire, &
 soit par sus tous: celuy que doit a-
 uoir le foye, pour cuire les viâdes,
 & celuy que doyuent auoir les
 couillons pour conseruer l'espece
 humaine, & faire qu'elle passe ou-
 tre. Nous auons dit plusieurs fois
 ailleurs, que le cerueau doit estre
 humide pour la mémoire: sec,
 pour l'entendement: & chaud,
 pour l'imagination. Mais ce non-
 obstant son temperament natu-
 rel est froideur & humidité, & à
 raison de la force & debilité de ces
 deux qualitez, aucunes fois nous

Papellôs chaud, aucunesfois froid,
 aucunesfois humide & autresfois,
 sec: mais iamais de la froideur &
 humidité, il ne vient à surpasser
 ny dominer. Le foye, où reside la
 faculté de concupiscence, a pour
 naturel temperament la chaleur
 & humidité qui domine, duquel
 iamais il ne sort, tant que l'hom-
 me est vivant: car si nous disons
 aucunesfois que le foye est froid,
 c'est pource qu'il n'a tous les de-
 grez de chaleur, que requièrent
 les œuures. Galen dit que le cœur *Auliere,*
 (instrument de la faculté de l'ire) *de l'impuls.*
 est si chaud de sa propre nature,
 que si l'animal estant vif, nous
 mettions le doigt dedans ses con-
 cauitez, il seroit impossible l'y te-
 nir vn seul momēt, sans se bruster.
 Et combien que nous le disions
 froid aucunesfois, cela ne se doit
 entendre par domination: car il
 est

est impossible: mais il se peut taire qu'il n'ait le point de chaleur que requierent les operations d'iceluy. Autant en est des couillons, esquels reside l'autre partie de la faculté de concupiscence: car le naturel temperament d'iceux est la chaleur & siccité qui dominant: car si nous disons aucune fois que l'homme a les couillons froids, cela ne se doit pas entendre absolument ny par domination ou excez, si n'estoit qu'ils n'eussent le degré de chaleur que requiert la faculté generative. De là s'infere

*Le cœur in
uoye la cha
leur au cer
veau, par
les arteres:
le foye, par
les veines,
& les couil
lons par les
mesmes
royes.*

clairement que si l'homme est bien composé & organizé, il doit auoir par consequent le cœur excessiuelement chaud: autrement la faculté de l'ire demoureroit fort debile: & si le foye n'est chaud en excez, il ne pourra cuire les aliments, ny faire le sang pour la nourri

nourriture : & si les couillons n'estoyent plus chauds que froids, l'homme demoureroit impuissant & sans forces pour engendrer. Parquoy, estâs ces membres tant forts, comme nous disons, necessairement le cerueau se doit alterer, par la grande chaleur qui est vne des qualitez qui trouble plus la raison : mais le pis est que la volonté estant libre s'irrite & veut condescendre aux appetits de la partie inferieure. A ce compte il semble que nature ne peut faire vn homme qui soit parfait en toutes les puissances, le former & produire enclin à vertu. On peut voir clairement combien repugne à la nature de l'homme, de sortir & estre fait enclin à vertu, si nous considerons la composition du premier homme, laquelle bien qu'elle ait esté la plus parfaite qui se

Cōbiē que l'homme soit irrité par sa mauuaise composition, si est ce que il demeure libre, pour faire ce qui luy plaist.

foit onques trouuee en tout le genre humain (depuis celle de Christ nostre redempteur) pour estre venue de la main d'un si grand ouurier, se fust neantmoins inclinee à mal (pour estre impossible autrement) si Dieu ne luy eust infus vne qualité supernatuelle, pour reprimer la partie inferieure. Or que Dieu ait fait Adam de parfaite puissance d'ire & concupiscence, est aisé à entendre : car quand il luy dist, *Crescite & multiplicamini, & replete terram* : il est certain qu'il luy donna puissance forte pour engendrer, & qu'il ne le rendit froid, puis qu'il luy enchargea de remplir la terre d'hommes : ce qui ne se peut faire sans beaucoup de chaleur. Il ne donna pas moins de chaleur à la faculté nourriciere, pour repa-
stance

*Il t'a bail-
 lé de l'eau
 & du feu à
 ce que tu
 voudras;
 t'esta main.
 Eccl. ch. 15.*

stance perdue, & en refaite vne autre en son lieu, veu qu'il à dit, *Ecce dedi vobis omnem herbam asferentem semen super terram & vniuersa ligna quæ habent in semetipsis sementem generis sui, vt sint vobis in escam.* C'est à dire. Je vous ay donné toute herbe apportant semence sur la terre & tout bois qui fructifie, à fin de vous nourrir. Si Dieu leur eust fait le foye & l'estomac froid, & leur eust octroyé peu de chaleur, il est certain qu'ils n'eussent peu cuire la viande ny le conseruer neuf cens & trente ans au monde. Il luy fortifia pareillement le cœur, & luy donna vne faculté d'ire, propre pour estre Roy & seigneur, & pour commander à tout le monde; & luy dist, *Subycite terram & dominamini piscibus maris, & volatilibus celi, & vniuersis animantibus quæ mouent*

in supra terram. Et s'il ne luy eust baillé beaucoup de chaleur, il n'eust eu pouuoir ny autorité, pour auoir empire, commandement, gloire, maiesté & honneur. On ne sçauroit dire le grand tort que l'ire trop lasche & foible fait au prince : car pour ceste seule cause, ses suiets ne le craignent, ne le reuerent, & ne luy veulent obeir. Apres auoir fortifié l'ire & la concupiscence, (donnant aux membres que nous auons dit, tant de chaleur) il passa à la faculté de la raison, & luy fit vn cerueau en tel poinct froid & humide & d'une substance tant delicate, que l'ame peust, par le moyen d'iceluy, discourir & philosopher, & se seruir de la science infuse. Car nous auons deia dit & prouué ailleurs que Dieu pour donner quelque science supernaturelle aux hommes,

mes,

mes, leur dispose premierement l'esprit, & les rend capables (par dispositions naturelles, donnees de sa main) de la recevoir. Et ainsi le porte la sainte escriture , *Et En l'Ecl. cor dedit illis excogitandi & discipli-* chap. 17.
na intellectus repleuit illos. Estant, en apres, la faculté de l'ire & de la concupiscence, tant puissante, à raison de la grande chaleur: & la raisonnable, tant lasche & imbecile pour resister, Dieu prouueut l'homme d'une qualité supernaturelle (que les Theologiens appellent Iustice originelle) par laquelle fussent reprimees les forces de la partie inferieure : & la partie raisonnable demourast superieure & l'homme enclin à la vertu. Mais apres que noz premiers parens eurent peché, ils perdirent ceste qualité, & demoura la faculté de l'ire & de la

concupiscence en son naturel, par dessus la raison, (pour la force des trois membres que nous avons dit) & l'homme *Pronus ab adolescentia sua ad malum*. C'est à dire, Enclin à mal dès son adolescence. Adam fut créé en l'âge d'adolescence, laquelle selon les medecins est la plus temperee de toutes : & depuis cest âge il fut enclin à mal, sinon ce peu de tēps qu'il fut en grace, & avec iustice originelle.

*Galē au 6.
liure de la
cōservation
de santé.*

De ceste doctrine s'infere en bonne philosophie naturelle que si l'hōme doit faire quelque acte de vertu (en contradiction de la chair) il est impossible que ce soit sans l'aide exterieure de quelque grace speciale, pource que les qualitez desquelles œuvre la puissance inferieure, sont de plus grande efficace : l'ay dit (avec
contra

contradiction de la chair) pour-
ce que se trouuent plusieurs ver-
tuz en l'homme, qui viennent de
la lascheté & debilité de l'ire &
de la concupiscence, comme la
chasteté, en l'homme froid: mais
cela est plustost vne impuissance
que vertu.

P A R Q U O Y, sans que l'Egli-
se Catholique nous enseigne, que
hors mise l'aide particuliere de
Dieu, nous ne pouons vaincre
nostre naturel, la philosophie
naturelle nous le monstre: qui est
que la grace conforte nostre vo-
lonté. Galen a voulu dire, depuis,
que l'homme temperé surpasse en
vertu tous les autres qui ont faute
de ceste bonne température, pour-
ce qu'elle est moins irritée, par la
partie inferieure. La cinquiè-
me propriété que tiennent ceux
de ceste température est, qu'ils

viuēt longuement , pource qu'ils
sont fort puissans pour resister aux
causes qui font les hommes mala-

Pseau 89. yal David a voulu dire, *Dies anno-*
rū nostrorū in ipsis septuaginta anni:
si autem in potentibus, octoginta anni
& amplius eorum labor & dolor. Les
hommes viuent iusques à soixan-
te & dix ans: & si les plus robustes
viuent quatre vingts ans & qu'ils
passent cest âge, ils viuent en mou-
rant. Il appelle puissans ceux qui
sont de ceste temperature, pour-
ce qu'ils resistent mieux que tous,

An 1. liure aux causes qui abregent la vie. Ga-
des tempe- len escrit le dernier signe & dit,
ramens, ch. Que les tresprudens sont de gran-
9. de memoire pour les choses pas-
see, de grande imagination pour
prevoir ce qui est à venir & de
grand entendement pour sçauoir
la verité en toutes choses. Ils ne
sont

font point malicieux, cauteleux ny trompeurs : ce qui vient du vice du temperament. Il est certain que nature n'a pas fait vn tel esprit, pour estudier le Latin, la Dialectique, la Philosophie, la medecine, la Theologie ny les loix: car posé le cas qu'il peust aisement apprendre toutes ces sciences, nulle d'icelles ne peut emplir toute sa capacité. L'office de Roy seulemēt luy est propre & conuenable ; & se doit employer seulement à regir & gouverner. Cela s'entendra facilement en discourant toutes les proprieté & signes que nous auons dit, des hommes temperez, considerans comme chacun est conuenable au sceptre royal, & combien elle est impertinente à toutes les autres sciences & arts. Quand le Roy est beau & gracieux c'est vne des choses qui conuie le

*Au dialo-
gue , du
Beau.*

plus les suiets à le cherir & aymer.
Car Platon dit que la beauté &
bonne proportion est l'obiet de
l'amour : mais si le Roy est laid &
mal proportionné, il est impossi-
ble que ses suiets luy portent af-
fection, & sont fachez qu'un hō-
me imparfait & deprouueu des
biens de nature, les vienne regir
& gouverner. Il est aisé à entendre
combien importe au prince d'es-
tre vertueux & de bōnes mœurs:
car il faut que celuy qui donne à
ses suiets, reigles & loix de viure
selon raison, en fasse tout autant:
car les grands, moyens & petits
se conforment à l'exemple du
Roy & sont tels que luy. Ioint
que par ce moyen il autorisera
dauantage les commandemens
& pourra, à bon droit, chastier
ceux qui ne les obserueront. Estre
parfait

parfait en toutes les puissances qui gouvernent l'homme, generatiue ou de l'engendrer, de la nourriture, de l'ire & de la raison, est plus conuenable au Roy, qu'à nul autre ouurier : car comme dit Platon en sa Republique bien ordonnee, il seroit besoin qu'il y eust des brasseurs de mariages, qui sceussent, par art, cognoistre les qualitez des personnes qui se marieroyent, pour donner à chacun la femme, qui seroit conuenable, & à chacune femme aussi, vn mary determiné. Et par ce moyen, seroit tousiours bonne la principale fin du mariage: car nous voyons par experience, qu'une femme ne peut concevoir avec le premier mary, & se mariant à vn autre, incontinent elle peut engendrer : nous voyons aussi plusieurs hommes qui n'ont point d'enfans

*In Theete-
to.*

de la premiere femme , lesquels se remarians, en ont incontinent, sans diferer. Platon dit que cest art seroit principalement conuenable és mariages des Roys : car comme ainsi soit qu'il importe tât à la paix & tranquillité d'un Royaume , que le prince ait enfans legitimes, qui succedent à la coronne, il pourroit aduenir que le Roy se mariant à l'auanture , rencontrast vne femme sterile, de laquelle il fust empesché toute sa vie, sans esperance de lignee : lequel mourant sans heritiers , engendre guerres ciuiles entre les princes pour venir à la coronne. Mais Hippocrate dit que cest art est necessaire aux hommes intemperez , & non à ceux qui sont douez du temperament parfait que nous auons dit & depaint. Ceux là n'ont besoin de faire election de femmes,

*Au liure de
la nature
humaine,
com. 11.*

ny chercher celle qui leur sera correspondante en proportion : car Galen dit qu'ils auront incontinēt lignee , quelque femme qu'ils prennent. Mais cela s'entēd pour- *Aus des Aphorif. com. 62.* ueu que la femme soit saine, & de l'âge de faire enfans, selon l'ordre de nature. Ainsi la fecundité est meilleure au Roy qu'en aucun autre, pour les raisons que nous auōs dit. Si la puissance nutritiue ou de nourriture , est goulue , Galen dit *Au liure de la conserua- tion de la santé.* que cela vient de ce que le foye & l'estomac n'ont la temperature qui conuient à ses œuures : au moyē dequoy les hommes se font luxurieux , malades , & de courte vie. Mais si ces membres sont temperez, comme il faut, le mesme Galen dit qu'ils n'appetent pas de manger & boire plus qu'il est necessaire , pour sustanter la vie : laquelle propriēté est tāt importāte

au Roy que Dieu tient pour bien
heureuse la terre qui trouue vn tel

*En l'Ecl. prince. Beata terra cuius Rex nobilis
chap. 10. est, & cuius principes vescuntur in
tempore suo ad reficiendum & non*

*An liure de
l'art med.
chap. 9. &*

*36. & au 1.
liure de la
conseruatiō
de la santé.*

*obseruatiō
de la santé.*

c'est signe que le cœur est mal cō-
posé & n'a la temperature que la
perfection de ses œuvres requiert:
desquels deux extremes le Roy
doit estre priué, plus qu'aucun au-
tre: car de ioindre la colere & l'ire
avec le grand pouuoir, n'est chose
conuenable aux suiects. Aussi ne
conuiét au Roy d'auoir la faculté
de l'ire trop foible: car s'il passe le-
gerement les choses mal faites &
les attentats en son royaume, il
ne sera point redouté ny respecté
de ses suiects: dont aduiennent
souuentefois grands desordres

en la Republique auxquels il est malaisé de prouuoir. Mais si l'hôme est temperé, il se fache, avec grande raison, & s'appaise quand il est besoin: propriété, qui est autant nécessaire au Roy, que toutes les autres que nous auons dict.

On peut clairement prouuer combien peut il importer que la faculté raisonnable (l'imagination, la memoire & l'entendement) soit parfaite en vn Roy plus qu'en nul autre: car il semble que toutes les autres sciences & arts se peuuent pratiquer & mettre en œuvre par les forces de l'esprit humain: mais pour gouverner vn royaume, & pour le tenir en paix & concorde, non seulement est besoin que le Roy ait vne prudence naturelle à ce faire, mais il faut que Dieu par sa grace luy assiste

*Aux Pro-
uerbes, 11.*

assiste & luy ayde à gouuerner : & ainsi le note la sainte escriture, disant. *Cor Regis in manu domini.* Le cœur du Roy est en la main de Dieu. De viure aussi plusieurs années & estre tousiours sain , est plus conuenable à vn bon Roy qu'à autre quelconque : car l'industrie & trauail d'iceluy est vniuersel pour tous : & s'il n'est sain, pour le pouuoir supporter, la re-publique demoure perdue. Cete doctrine que nous auons traité, se confirmeroit clairemēt si nous trouuions par histoire veritable, qu'en quelque temps se fust eleu quelque homme fameux pour Roy , auquel se fussent trouuées toutes les marques & conditions que nous auōs dit. Il est vray qu'elle n'a fauted'argumens pour estre prouuée. Il est dit en la sainte Es-criture que Dieu estāt faché contre

*Au 1. des
Reis, ch. 16.*

tre Saul (pour auoir sauué la vie à Malec) commanda à Samuel d'aller à Belem, & oindre Roy d'Israel vn fils d'Ysay, de huiét qu'il auoit. Et pensant le S. personnage que Dieu se contéteroit d'Eliab, pour ce qu'il estoit de grande stature, il luy demanda ainsi, *Num coram domino est Christus eius?* A laquelle demande fut respõdu en ceste maniere, *Ne respicias vultum eius, nec altitudinem stature eius, quoniam abieci eum: nec iuxta intuitum hominis, ego iudico: homo enim videt ea que parent, dominus autem intuetur cor.* C'est à dire, Ne regarde, Samuel, à la stature d'Eliab, qui est grande: ie l'ay deprimee en Saul. Vous iugez les hommes par les signes exterieurs, mais ie regarde au iugement & à la prudence, par laquelle se doit gouverner mon peuple. Samuel (informé avec crainte

crainte de ceste election) passa
 outre, pour executer le comman-
 dement de Dieu, luy demandant
 tousiours l'un apres l'autre, lequel
 il vouloit estre oingt pour Roy, &
 comme nul ne luy fust agreable, il
 dist à Ysay, as tu point d'aventure
 plus d'enfans que ceux qui sont icy
 presens? Il respondit qu'il en auoit
 encore vn qui gardoit le bestail
 aux champs: mais qu'il estoit petit
 de corps, & qu'il pésoit bien qu'il
 ne fust propre, pour le sceptre Ro-
 yal. Mais Samuel estant deia ad-
 uerty que la grâde stature n'estoit
 pas bon signe, fit venir cetuy là. Et
 est chose notable que devant que
 l'escriture récite cōme il fut oingt
 Roy, il est dit en icelle, *Erat au-*
tem rufus & pulcher aspectu, decorá-
que facie, surge & unge eum, ipse
est enim. C'est à dire, Il estoit
 blond & beau de visage: leue toy,
 Samuel

Samuel & l'oings pour Roy: car il est celuy que ie demande: de maniere que Dauid auoit les deux premiers signes desquels nous auons parlé: il estoit blond, bien fait, & moyen de corps: il estoit vertueux & de bonnes mœurs (qui est la troisieme marque d'un Roy) car Dieu dist deluy, *Inueni* *Aux Act.*
virum iuxta cor meum. J'ay trouué *chap. 13.*
 un homme selon mon cœur. Car combien qu'il pechast beaucoup de fois, il ne perdoit pas pourtāt le nom & habit de vertueux, non plus que celuy qui est mauuais par habit & nature, encores qu'il fasse quelque chose de bon, ne perd pourtant le nom de mauuais & vicieux.

Il semble qu'on puisse prouuer qu'il a vescu sain, toute sa *Au 3. des*
 vie: car, il n'est fait mention en *Rois, cha. 1.*
 l'histoire que d'une seule maladie:
 qui

qui estoit vne dispositiō naturelle de ceux qui viuent longtemps: car s'estant en luy resolue & consommee la chaleur naturelle, il ne pouoit s'echauffer dedans le liēt: au moyen dequoy, on approchoit de luy vne belle damoiselle, pour le tenir chaud. Et ainsi il vesquit tāt

Au 1. des Paral. cha. 29. d'annees, que le texte dit, *Et mortuus est in senectute bona, plenus dierum & diuitijs & gloria.* C'est à dire, Dauid est mort vieil, plain de iours, de richesses & de gloire: apres auoir souffert tant de trauaux en la guerre, & fait si grande penitence de ses pechez. Il a vescu lōg temps, pource qu'il estoit bien temperé & composé pour resister aux causes qui font les maladies, & qui accourcissent la vie de l'homme.

1. des Rois, chap. 16. Saul nota bien la grande prudence & sçauoir d'iceluy, quād il dist. Seigneur ie cognoyvn grand musicien

ficien fils d'Ysay natif de Belem, courageux pour combattre, prudent en ses raisons, & beau de visage. Par lesquelles marques susdites il est certain que David estoit homme temperé, & que à telles gés est deule sceptre royal: car leur esprit est le meilleur que nature puisse faire. Mais contre cete doctrine se presente vne difficulté fort grande, qui est, Pourquoi Dieu cognoissant tous les esprits & habilitiez d'Israel, & sachant que les hommes temperés ont la prudence & le sçauoir, requis à l'office de Roy, en la premiere election, il ne trouua vn homme tel? car le texte dit *Aut. des Rois, ch. 9.* que Saul estoit si grand, qu'il surpassoit des espaules tout le peuple d'Israel. Et ce signe (non seulement en philosophie naturelle) est vn mauuais signe pour l'esprit, mais aussi nous voyons que Dieu

mesme, comme nous auons prou-
 ué, reprint Samuel, de ce qu'incité
 par la grande stature d'Eliab ille
 vouloit oindre Roy. Mais, ce dou-
 te declare estre vray ce que dit Ga-
 len, que hors de Grece ne se trou-
 ue vn homme temperé, puis qu'en
 vn peuple si grand qu'Israel, Dieu
 n'é troua vn pour estre eleu Roy:
 n'estoit qu'il fut besoin attendre
 que Dauid fust grand, cependant
 lequel temps ileleut Saul. Car le
 texte dit qu'il estoit le meilleur de
 tout Israel: & de fait, il deuoit auoir
 plus de bonté que de sciéce: ce qui
 ne suffit pas pour regir & gouver-
 ner. *Bonitatem & disciplinam &*
scientiã doce me: disoit le prophete
 Royal Dauid, voyant qu'il ne sert
 que le Roy soit bon & vertueux,
 s'il n'a par mesme moyen la sages-
 se. Par cet exemple, il semble que
 nous ayons suffisamment confir-
 mé

*Au 2. liure
 de la conser-
 uation de
 la santé.*

Psalm. 118.

mé nostre opinion: mais en Israel
 naquit pareillement vn Roy, du-
 quel a esté dit, *Vbi est qui natus est*
rex Iudaorū? Et si nous prouuiōs *En S. Ma-*
 qu'il fut blond, biē proportionné, *thieu. chap.*
 moyen de corps, vertueux, sain & *2. 13. 28. 31.*
 de grande prudence & sçauoir, *3. 1. 2. 3.*
 cela ne nuirait point à nostre do-
 ctrine. Les Euangelistes ne se sont
 point amusez à dire la composi-
 tiō de Christ nostre redempteur:
 pource que cela ne seruoit pas à
 la matiere qu'ils vouloyēt traiter:
 mais c'est vne chose aisée à enten-
 dre, supposé que d'estre propre-
 ment temperé, est toute la perfe-
 ction que l'hōme sçauoit auoir.
 Et veu que le S. Esprit le composa
 & le forma, il est certain que la
 cause materielle dont il le forma,
 ny l'intemperature de Nazareth
 ne peurent luy résister ny le faire
 errer en ses œuvres, comme les

autres agés naturels : ains il a fait ce qu'il a voulu: car il n'a eu faute de pouuoir, de sçauoir, & de volôté, pour faire vn hôme tresparfait & sans aucune faute. loin Et que sa venue (côme luy mesme le dit) a esté pour endurer beaucoup de peines pour l'homme, & pour luy enseigner la verité. Or auôs nous prouué ailleurs, que cete température est le meilleur instrumēt naturel pour ces deux choses. Et ainsi ie tiens pour vray ce que P. Lentulus proconsul escriuit au Senat Romain de Hierusalé, en cete maniere. De nostre temps est apparu vn homme qui est viuant à cete heure, de grâde vertu, appelé Iesus Christ, que le peuple appelle vray prophete, & duquel les disciples disent qu'il est fils de Dieu. Il resuscite les morts, il guarit les malades: il est homme de moyenne stature, & droite:

*En S. Iean
chap. 18.*

*S. Math.
chap. 10.*

*Lettres de
P. Lentu-
lus procon-
sul, tou-
chant Iesus
Christ.*

droite: beau de visage, auquel se voit vne telle reuerēce imprimée, que ceux qui le regardent sont induitz à l'aymer & craindre. Il a les cheveux de couleur d'aucune bien meure: iusques aux oreilles ils sōt vniz & d'vne mesme sorte, mais depuis les oreilles iusques aux espaulles ils sont de couleur de cire, & pour cete cause ils reluisent davantage. Au milieu du front & en la teste, il est ny plus ny moins que les Nazareens: il a le front vny & fort serain: le visage sans aucune ride ny tache, accompagné d'vne couleur modérée. On ne scauroit trouuer à redire ny à son nez ny en la bouche: il ha la barbe espaisse à la semblāce des cheveux, non large, mais sēdue par le milieu: il a vn regard fort graue: il a les yeux clairs & esclatāz: il est ōne quād il reprēde: & quād il amonestē, il est gracieux

il se fait aymer : il est ioyeux avec
 grauité : iamais on ne le vid rire,
 mais bié l'a on veu plourer : il a les
 mains & les bras gracieux à voir :
 en cōpagnie il cōtête fort : mais il
 ne s'y trouue gueres , & quād il s'y
 trouue, il est fort modeste : en sa re
 presentatiō, il est le plus bel hōme
 q̄ l'ō sauroit imaginer. En ce recit
 sont contenus trois ou quatre si
 gnes de l'hōme tēperé : le premier
 est la cheuelure & la barbe blōde
 tirāt sur la couleur d'aueleine, qui
 est vn iaune bruslé, de laquelle cou
 leur Dieu vouloit q̄ fust la beste q̄
 l'on deuoit sacrifier, pour la figure
 de Christ. Et quād il entra au ciel,
 en triōphe & maiesté telle qu'il ap
 partenoit à vn tel prince, aucūs an
 ges dirēt, qui ne sçauoient rien de
 son incarnatiō, *Quis est iste qui ve-*
nit de Edō, tinctis vestibus de Bosrā?
 Qui est cestuy là qui viét de la ter
 re

Aux Non
bres, ch. 19.

En Esaie,
chap. 63.

re rouge, ayant les accoustremens taints de la mesme couleur: ce que ils disoyēt à cause de sa chenelure & barbe qu'il auoit rousse, & à cause du sang, dont il estoit marqué. L'escriture recite aussi qu'il estoit le plus bel hōme que l'on vit onc: qui est le second signe que doyuēt auoir les hommes temperez: & ainsi estoit pronostiqué en la sainte escriture, pour signal à fin de le cognoistre. *Speciosus forma pro* Psean. 44.
filij hominum. Et en vne autre part l'escriture porte, *Pulchriores sunt*
oculi eius, vino: & dentes eius lacte En Genes.
candidiores. Il est beau entre les chap. 49.
 fils des hommes: les yeux sont plus beaux que le vin, & les dents plus blanches que lait. Laquelle beauté & bonne composition du corps importoit beaucoup, à ce que tous luy fussent affectionnez, n'ayant en soy chose qu'on peust

abhorrer. Et ainsi l'écriture dit que chacun l'aimoit & luy portoit grande affection. Elle declare aussi qu'il estoit de corps moyen : nō pas pource que le S. Esprit eust faute de matiere pour le faire plus grand, s'il eust voulu, mais nous auōs prouué ailleurs de l'opinion de Platon & d'Aristote, que chargeant l'ame raisonnable de beaucoup d'os & de chair, cela fait grand tort à l'esprit. L'écriture certifie pareillement en luy, le troisieme signe, qui est d'estre vertueux & de bonnes mœurs. Les Iuifs n'ont peu prouuer le contraire, avec leurs faux tesmoignages, & ne luy ont peu respondre, quād il les a interrogez. *Quis vestrum arguet me de peccato?* Qui est celuy d'entre vous qui me reprendra de peché? Et Iosephe, pour la fidelité qu'il deuoit à son histoire, affirme de

de luy, qu'il sembloit auoir vne
 autre plus grande nature q̄ d'hom-
 me, veu la bonté & sçauoir d'ice-
 luy. Il n'y a que la longue vie, qui
 ne se peut pas verifier, de Christ
 nostre redempteur, pource qu'il
 fut crucifié tant ieune: & de fait, si
 on l'eust laissé viure (& que luy
 mesme l'eust permis) le cours na-
 turel, il eust vescu plus de quatre
 vingts ans. Car celuy qui a peu de-
 mouurer quarante iours & quarant *En saint*
 tenuits en vn desert, sans boire *Matth. ch. 4*
 & manger, se defendroit & preser-
 ueroit mieux des autres choses
 plus legeres qui le pouuoient al-
 terer & offenser: combien que ce
 fait soit reputé pour miracle &
 chose qui naturellement ne peut
 aduenir. Ces deux exemples de
 Roys que nous auons amenez, suf-
 fisoient pour donner à entendre
 que le sceptre Royal est deu aux

hommes temperez, & que ceux là ont l'esprit & prudence que cest officelà requiert. Mais il y a vn autre homme fait par les propres mains de Dieu, pour estre Roy & seigneur de toutes les choses creées. Il la fait pareillement roux & blond, bien proportionné, vertueux, sain, de grande vie & tres-prudent : & ne sera pas mal fait,

Ad Dia- de le prouuer. Platon tient pour
logue de la chose impossible que Dieu ny la
nature. nature puissent faire vn homme
 temperé, en pays de mauuaise tem-
 perature : & ainsi il dit, que Dieu
 pour faire le premier homme fort
 sage & temperé, trouua vn lieu, où
 la chaleur de l'air n'excedast la
 froideur : ny l'humidité la siccité.
 Et la sainte escriture (où il a trou-
 ué ceste sentence) ne dit pas que
 Dieu crea Adam dedans le Para-
 dis terrestre (qui estoit le lieu fort
 temperé

temperé qu'il dit) mais que depuis qu'il fut formé , il le mit là.

*Tulit ergo dominus Deus hominem, Gen. ch. 2.
& posuit eum in paradisum voluptatis, ut operaretur & custodiret illum.*

Dieu donc enleua l'homme & le mit au paradis de volupté , à fin qu'il fît son œuvre & qu'il le gardast. Car estât le pouuoir de Dieu infiny, & son sçauoir sans mesure, & en volonté de luy donner toute la perfection naturelle qui peut estre au genre humain, il est à croire, que le morceau de terre duquel il le forma, ny l'intemperature du champ Damascene (où il fut crée) ne l'ont peu empescher de le faire temperé. L'opinion de Platon, d'Aristote & de Galen , a lieu es œuvres de nature : & bien quel'on habite en pays intemperez, il aduient, neantmoins aucunes fois d'engendrer vn homme

tempe

temperé. Mais il est manifeste que Adam auoit la cheuelure & la barbe rousse, qui est le premier signe de l'homme temperé: car eu égard à ceste marque tant notable; on luy imposa ce nom, *Adam*, lequel signifie, comme S. Hierosme l'interprete, *Homo rufus*. Hôme rousseau ou blond. On ne scauroit nier non plus qu'il n'ait esté bien fait & bien proportionné: car quand Dieu eut acheué de le creer, le texte dit, *Vidit Deus cuncta quæ fecerat & erant valde bona*. Par consequent il est certain qu'il ne sortit laid de la main de Dieu & mal basti: car, *Dei perfecta sunt opera*: & le texte dit des arbres qu'ils estoient fort beaux à voir. A plus forte raison l'estoit Adam, que Dieu auoit fait pour vne principale fin, & pour estre seigneur & president du monde. On peut recueillir

Gen. ch. 1.

*Au Deut.
chap. 32.*

cueillir qu'il fut sage, vertueux & de bonnes mœurs (qui est la troisieme & sixieme marque) par ces parolles, *Faciamus hominem ad Gen. cha. 3. imaginem & similitudinem nostrā.*

Car, suyuant les anciens philoso- *Galen. de curand. anim. mor.* phes, le fondement en quoy gist la semblance qu'a l'homme avec

Dieu, est la vertu & science. Et pour ceste cause Platon dit que *Au liure, des Loix.* l'vn des plus grans contentemens

q̃ Dieu reçoynie au ciel, est d'ouyr louer & agrâdir en la terre l'homme sage & vertueux: car vn tel hōme est le vray pourtraict de luy. Au contraire, il se fache si les ignorans & vicieux sont estimez & honorez: ce qui est pour la grande dissimilitude qui se trouue entre Dieu & eux. Il n'est pas difficile à prouuer qu'il ha vescu sain & fort long temps (qui est le quatriesme & cinquiesme signe) puis qu'il a vescu

vescu neuf cens & trente ans ac-
 cōplis. Et ainsi ie peux cōclurre q̃
 l'hōme qui sera rousseau, biē fait,
 de moyēne stature, vertueux, sain,
 & de lōgue vie, sera par cōsequēt,
 de grāde prudēce, & aura vn esprit
 propre & conuenable au sceptre
 Royal. Nous auons par mēsmē
 moyen découuert comme se peut
 ioindre & assembler vn grād entē
 demēt, avec vne grāde imaginatiō
 & memoire: biē qu'il y ait vn au-
 tre moyé, sans q̃ l'hōme soit tépe-
 ré. Mais nature en fait si peu de
 ceste maniere, qu'il ne s'en est ia-
 mais trouué que deux, de tout tant
 d'esprits q̃ i'ay peu examiner. Il est
 facile à entēdre cōme se peut fai-
 re, qu'un grād entēdemēt s'assem-
 ble avec vne grāde imaginatiō &
 memoire, n'estant l'hōme téperé,
 supposant l'opiniō d'aucūs mede-
 cins, qui affirmēt q̃ l'imagination
 reside

refide en la partie de deuant du cerueau : la memoire en la partie de derriere, & l'entédement en celle du milieu : on peut dire le meſme en noſtre imagination : mais c'eſt grád cas qu'eſtant le cerueau non plus gros qu'un grain de poyure, quád nature le forme, il faſſe, neát moins, vn ventricule & lieu de ſeméce fort chaude, vn autre de fort humide, le troiſieme du milieu, de fort ſeche ; mais en fin ce n'eſt pas vne choſe impoſſible.

Comme les peres doyuent engendrer enfans ſages & d'eſprit tel querequierenent les lettres : en quoy ſe trouuent choſes notables.

CHAP. XV.



EST vne choſe digne de grande merueille, qu'eſtát la nature telle que nous ſcauóſ tous, prudente,

prudente, accorte, de grand artifice, sçauoir & pouuoir, si elle se tro-
 pe tant à faire l'hôme, de maniere
 q̄ pour vn qu'elle fait sage & pru-
 dent, elle en crée vne infinité qui
 sont deprouuez d'esprit: dequoy
 cherchant la raison & causes natu-
 relles, i'ay trouué, que les peres ne
 viennent à l'acte de la generation
 par le moyen & ordre que nature
 a estably, & ne sçauent les condi-
 tions qui se doyuent garder: à fin
 que leurs enfans soyent prudēs &
 sages. Car par la mesme raison
 qu'en quelque region que ce soit,
 temperee ou non tēperee, naistra
 vn homme fort ingenieux, en sor-
 tiront autres cent mille, si l'on gar-
 de tousiours ce mesme ordre de
 causes. Si nous pouuions remedier
 à cela, par art, nous auriōs fait à la
 republique le plus grand bien que
 l'on sçauroit faire. Mais la difficul-
 té de

ré de ceste matiere est, qu'elle ne se peut traiter par termes tant hōnestes que requiert la honté naturelle que les hommes ont; & par la mesme raison que nous laissons de dire & noter quelque diligence ou cōtemplation nécessaire, il est certain que tout s'en va perdu: de maniere que l'opinion de plusieurs graves philosophes est que les hommes sages engendrent ordinairement des enfans fort ignorans: pource qu'en l'acte charnel, ils se gardent, par hōnesteté, d'aucunes diligēces, qui sont requises, à fin que l'enfant tire la sagesse du pere. Aucuns anciens philosophes ont voulu trouver la raison naturelle, pourquoy les yeux sont naturellement honteux, quand on leur met devant les instrumēts de la generation: & pourquoy l'ouye est quēcée, quād elle en entend par-

ler : estàs esmerueillez de voir que nature ait fait ces parties avec vn tel soucy & diligence, & pour vne fin de telle importance, comme de faire le genre humain immortel : & neantmoins que l'homme plus est sage & prudent, plus est honteux & émeu quand il les regarde ou qu'il les entéd nommer.

*Au 3. liure
d:l'ame &
au 4. des to
pic.*

Aristote dit que la honte & l'honesteté est propre passion de l'entendement, de maniere que quiconque ne s'offensera par le nom & actes de la generation, est certainemét deprouueu de ceste puissance, comme nous dirions que celuy n'auroit pas le toucher, lequel ayant mis la main au feu, ne se bruleroit. Par ce moyen Caton l'ancien descouurit que Manilius, homme illustre estoit deprouueu d'entendement, pource qu'on l'aduertit qu'il befoit sa femme en

la presence d'une sienne fille qu'il auoit. Et pour ceste raison il le pria du Senat, & ne peut tant faire qu'il fut admis au nombre des Senateurs. De ceste contéplatiō, Aristote a fait vn probleme demandant, *En la 4. sect. probl. 18.* Pourquoi les hommes qui veulent exercer l'acte Venerien, ont hōte de le cōfesser: & quād ils ont enuie de viure, ou de manger ou de faire quelque autre chose, ils ne se souciēt point de le dire. A quoy il respōd & dit: Qu'il y a vn appetit de beaucoup de choses, qui sont necessaires à la vie de l'homme, desquelles aucunes sōt de si grāde importāce, q̄s'il ne les mettoit en execution, elles le feroient mourir. Mais l'appetit de l'acte Venerien est plustost indice d'abōdāce q̄ de faute. Mais certainement le probleme est faux & la respōce aussi: car non seulemēt l'hōme a honte

de manifester le desir qu'il a d'auoir affaire à la femme, mais aussi de boire, de manger & de dormir. Et s'il a enuie de ietter dehors quelque excrement, il ne l'ose dire ny faire, si n'est avecques peine & honte: & avec ce il va au lieu le plus secret, afin que personne ne le voye. Nous voyons mesmes des hommes tant honteux qu'ayans grande enuie de pisser, ils ne le peuvent faire, si quelqu'un les regarde: & si on les laisse seuls, ils peuvent pisser incontinēt & à leur aise: ce qui est l'appetit de ietter ce qui est superflu au corps: de maniere que si on ne le faisoit, l'homme viendroit à mourir & beaucoup plustost qu'il ne feroit pas, s'il ne mangeoit ny ne beuuoit. Et si aucū le dit ou fait en presence d'un autre, Hippocrate dit qu'il n'est pas en son libre iugemēt. Galen dit que la semēce a telle

*Lib. 6 des
Deux. ff.
De exch. 6.*

à telle proportion & conuénance, avec les vases spermatiques que l'vrine avec la vessie: car comme la quantité de l'vrine incite la vessie à la chasser de là, la quantité de la semence moleste aussi les vases spermatiques. Et quant à ce qu'Aristote pèse quel homme & la femme ne deuiennent malades & ne meurent à cause de la retention de la semence, c'est contre l'opinion de tous les medecins, principalement de Galen, qui dit & affirme que maintes femmes, demourans ieunes & veufues, sont venues à perdre le sens & le mouuement, le pouls & la respiratiō, & sur les entrefaites, la vie. Le mesme Aristote allegue plusieurs maladies que les hommes continens souffrent, pour la mesme raison. La vraye responce au problème ne se peut dōner en philosophienaturelle: car ellen'est

*Au 6 liure
des lieux
affectez,
chap. 6.*

de la iurisdiction. Et pourtant est
 besoin passer à autre science supe-
 rieure, que l'on appelle Metaphy-
 sique, en laquelle Aristote dit, que
 l'ame raisonnable est la plus basse
 de toutes les intelligēces: & pour-
 ce qu'elle est procedee de la natu-
 re des Anges, elle est fachee, de se
 voir mise au corps, lequel ha cō-
 munauté avec les bestes brutes. Et
 ainsi la saincte escriture note, cō-
 me chose contenant mistere, que
 le premier homme estant nud, n'a-
 uoit point de honte: mais que se
 voyant ainsi il se couurit, cognois-
 sant que par sa faute, il auoit per-
 du l'immortalité: & que son corps
 estoit suiet à alteration & corru-
 ption & qu'on luy auoit baillé ces
 instrumens & parties, à fin que ne-
 cessairement il mourust & laissast
 vn autre en sa place: & que pour
 conseruer ce peu de temps qu'il
 auoit

*Au liure
 12. de la
 Metaph.*

*Il y a
 une
 autre
 chose*

auoit à viure, il luy estoit necessai-
 re de boire & de mâger, & de iet-
 ter hors de si mauuais excremens.
 Et s'est augmentee en luy la hôte,
 voyât q̄ les Anges, auxquels il tou-
 choit, sont immortels, n'ont que
 faire de boire, de mâger ny de dor-
 mir, pour la conseruation de la vie
 & n'ont instrumens pour s'engen-
 drer les vns les autres : ains qu'ils
 ont esté creez tous ensemble de
 nulle matiere & sans crainte de se
 corrompre: de quoy sont naturelle-
 ment instruits les yeux & l'ouye.
 Parquoy l'ame raisonnable, s'en
 fache & a honte que luy viennent
 en memoire les choses que l'on a
 donné à l'homme pour estre mor-
 tel & corruptible. Que ceste soit
 la cōuenable raison, il appert clai-
 rement : car Dieu pour contenter
 l'ame, apres le iugement vniuer-
 sel & pour luy dōner entiere gloi-

*Noter, vn
 indice de
 l'immorta-
 lité de l'a-
 me.*

re, il doit faire que son corps ait les proprietez d'un Ange, luy donnât febrilité, agilité, immortalité & splendeur: à raison dequoy il n'aura befoin de manger ny de boire, comme les bestes brutes. Et estans au ciel de ceste maniere, les ames n'aurôit honte de se voir en chair, côme maintenant ne l'ont Christ nostre redempteur & sa mere: ains vne gloire accidentale de voir ceste l'usage des parties qu'auoyét coustume d'offenser l'ouye & la veüe. Ayant l'homme, en apres egard à l'honnesteté naturelle de l'ouye, il tache d'euitier les termes durs & aspres de ceste matiere, & va à l'entour par aucunes douces manieres de parler, là où il ne se peut excuser. L'honneste lecteur me pardonnera: car de reduire en art parfait la maniere qui se doit tenir, à ce que les hommes soyent de bon esprit, c'est vne des choses

dont la republique a plus de be-
 soin: attendu que par la mesme rai-
 son, naistront des hommes ver-
 tueux, bien faits, sains, & de lógue
 vie. Il me semble propre de diui-
 ser la matiere de ce chapitre en
 quatre principales parties, pour
 éclaircir ce qui se doit dire, & à fin
 que le lecteur ne se confonde. Pre-
 mierement il faut móstrer les qua-
 litez & le naturel temperament
 que l'homme & la femme doiuent
 auoir, à fin de pouuoir engendrer:
 secondemét il faut declarer quel-
 le diligence doiuent employer les
 peres, à ce que les enfans soyent
 masles & nō femelles: tiercemét,
 comme ils viendront sages & nō
 ignorans: & puis cōme on les doit
 nourrir, apres qu'ils sont nez, pour
 conseruer leur esprit. Pour venir
 au premier poinct, nous auōs deia
 dit, de l'opinion de Platon, qu'en *In Theet.*

la republique bien ordonnee de-
 uroyent estre des forgeurs de ma-
 riages, qui sceussent, par art, co-
 gnoistre les qualitez des person-
 nes qui se marieroyent, pour bien
 accorder l'une & l'autre partie. En
 laquelle matiere Hippocrate &
 Galen ont commandé à trauailler
 & ont donné quelques reigles pour
 cognoistre la femme qui est fecó-
 de, & celle qui ne peut enfanter:
 & quel homme est inhabile à en-
 gédrer, & lequel est puissant pour
 ce faire. Mais de tout cela ils n'ont
 dit gueres de choses, & n'en ont
 parlé avec telle distinction qu'il
 falloit, au moins au propos qui se
 presente: à raison dequoy sera be-
 soin commander l'art des les prin-
 cipes, & luy donner en brief l'or-
 dre qu'il faut, pour éclaircir de q̃ls
 peres sortent enfans sages & de
 quels, ignorás & paresseux. A quoy
 faire,

faire, il est besoin ſçauoir premierement vne certaine Philoſophie particuliere, laquelle eſtant fort manifeſte aux maiſtres de l'art, le vulgaire toutesfois n'ë a point de ſoucy, veu que tout ce qui ſe doit dire touchant le premier poinct, depend de ſa cognoiſſance: c'eſt quel'homme (bien qu'il nous ſemble de la compoſition que nous voyons) ne differe point de la femme, ſelon que dit Galen, d'autre choſe que de ce qu'il ha les membranes genitales hors du corps. Car ſi nous faiſons anatomie d'une femme nous trouuerons qu'elle a au dedans deux couillons, deux vaiſes ſpermatiques & le vëtre, de la meſme cõpoſition q̃ le mēbre de l'hõme, ſans qu'aucun lineament luy defaille. Ce qui eſt tãt veritable, q̃ ſi nature acheuât de forgervn hõme parfait, le vouloit conuertir en

*Au liure
de la diſſe-
ction de la
matrice, &
au 2. liure
de la ſemē-
ce. chap. 5.*

femme

femme, il n'y auroit autre chose à faire, que de remettre au dedans les instrumens de la generation : & si estant la femme faite, elle vouloit la changer en homme, elle n'auroit autre chose à faire qu'à luy tirer les couillons dehors. Cela est auenu plusieurs fois à la nature, estât la creature aussi bié au corps comme dehors : dequoy les histoires sont plaines : mais aucuns ont pensé que c'estoit vne chose fabuleuse, veu que les Poëtes en ont fait leur profit : & toutesfois il est ainsi. Car nature ha souvent fait vne fille, qui ha demouré vn ou deux mois au ventre de la mere, & suruenant aux membres genitaux abondance de chaleur (pour quelque occasion) elle les fera sortir dehors & fera vn masculin. On cognoit apres apertement qui sont ceux, auxquels est auenue cette

transmu

transmutation au ventre de leur mere, en certains mouuemens qu'ils ont, qui ne sont propres ny conuenables aux hommes: ils sont feminins: ils ont la voix delicate cōme les femmes, & sont inclinez à faire les œuures de femmes, & tombēt ordinairement au peché execrable. Au contraire nature a fait souuentefois vn masse, avec ses membres genitaux de hors, & suruenāt vne froideur, elle les a fait retourner au dedans & en a fait vne femme. Ce qui se cognoit apres la naissance, en ce qu'une telle fille a l'air d'un garçon, tant en la parole, qu'en tous ses mouuemens & œuures. Il semble que cela soit difficile à prouuer: mais considerant ce que plusieurs anciens historographes affirment, il est fort aisé de le croire. Or que les femmes se soyent tournees en hommes, depuis

puis la naissance, le vulgaire ne s'étonne de l'entendre : car outre ce qu'en racôtét pour chose vraye plusieurs anciens, c'est vne chose qui est auenue en Hespagne, depuis peu d'annees en ça, de maniere qu'il n'est besoin debatre ny disputer ce q l'experience demonstre. Dauantage, il est aisé à entendre quelle est la raison & cause que les membres genitaux s'engendrent dedás ou dehors, & que vient à sortir vne fille & non vn garçon ; sachant que la chaleur dilate & élargit toutes choses & la froideur, les detient & reserre. Par quoy tous les philosophes & medecins accordent que si la semence est froide & humide, se fait vne fille & non pas vn garçon, mais si elle est chaude & seiche que s'engendrera vn garçon & non pas vne

*Galen au
2. liure de
la semence,
chap 5.*

une fille : d'où s'infere clairement qu'il n'y a homme qui se puisse appeller froid, au respect de la femme : ny femme chaude, au respect de l'homme.

Aristote dit, que la femme pour estre feconde, ou pour porter enfans, doit estre froide & humide : car si elle ne l'estoit, il seroit impossible qu'elle eust du lait, pour sustanter neuf mois, la creature en son ventre, & deux ans après qu'il est né : le tout se gasteroit & consumerait.

Tous les philosophes & medecins disent qu'il y a telle conuenance entre la matrice de la femme & la semence de l'homme, qu'entre la terre & le froment ou autre semence quelconque. Or voyons nous que si la terre n'est froide & humide, les laboureurs n'osent

*En la 4.
se. 7. prob. 2.*

*Galē, dans
aphorisme,
com. 62.*

n'osent semer, pource que la semé-
 ce ne prend ny germe: & entre les
 terres, celles là sont les plus fecon-
 des & fertiles, qui ont plus de froi-
 deur & d'humidité: comme se voit
 par experience, es pays du Nort,
 Angleterre, Flandre & Alemagne,
 l'abondance de(que)ls en biens de
 la terre, rend esmerueillez ceux
 qui n'en sçauent pas la cause: & en
 telles terres, ne se voit pasvne fem-
 me mariee, qui soit sterile & qui
 ne porte des enfans, à cause de leur
 grande froideur & humidité. Mais
 combië que la femme doiue estre
 froide & humide, à fin de conce-
 uoir, elle pourroit, neantmoins,
 l'estre en tel excès, qu'elle gaste-
 roit la semence, comme nous vo-
 yons que les bleds se perdent par
 les trop grandes pluyes, & qu'ils
 ne peuuent meurir, qu'ad le temps
 est trop froid. Parquoy l'on peut
 entendre

entendre que ces deux qualitez doi-
 uent estre moderees, autrement la
 fecondité se perd. Hippocrate tiét *Lib. 1. des*
 pour seconde la femme de laquel- *Aphor. 62.*
 le le vêtre est temperé de telle ma-
 nière que la chaleur n'excede la
 froideur, ny l'humidité, la siccité:
 & ainsi dit il que les femmes qui
 ont leurs ventres froids ne con-
 çoyent ny celles qui les ont fort
 humides, fort chauds & secs. Et cō-
 me il est impossible que la femme
 puisse concevoir, & moins encore
 estre femme, si elle & ses membres
 genitaux sont temperez, (pource
 que si la semence de laquelle au cō-
 mancement elle est formee, estoit
 temperee, les membres genitaux
 sortiroiēt dehors & en seroit fait
 vn garçon avec la barbe, & mes-
 mes le plus parfait que nature sa-
 che faire) aussi peu la matrice & la
 femme peut estre chaude, en ex-

ces & domination: pource que à la semence de laquelle elle a esté engendree auoit cete temperature, elle fust sortie masle & non femelle. Il est donc certain que la froideur & l'humidité sont les deux qualitez qui rendent la femme feconde: car la nature del'homme a besoin de beaucoup de nourriture, pour se pouuoir engendrer & conseruer. Et pour cete cause voyons nous que de toutes les femelles qui se trouuent entre les brutz animaux, n'y en a pas vne qui ait menstres comme la femme. Parquoy estoit necessaire la faire toute froide & humide, & en tel poinct ou degré qu'elle creast beaucoup de sang flegmatic, qui ne peust estre gasté ny consommé: i'ay dit sang flegmatic, pource qu'il est propre à la generation du laiët, duquel Galen & Hippo-

Hippocrate disent que la creature se maintiét, tout le temps qu'elle demoure au ventre de la mere. Que si elle estoit temperee, elle engendreroit beaucoup de sang, mal propre à la generatiõ du lait, qui se resouldroit du tout (comme en l'homme temperé) & ainsi ne demoureroit chose aucune, pour maintenir la creature. Par quoy ie tiés pour impossible qu'aucune femme soit temperee : elles sont toutes froides & humides, si les medecins & philosophes ne me donnent la raison pourquoy la barbe ne viét à aucune femme, & qu'à toutes, estans en santé, leur viennent les menstrues, ou pourquoy, si la semence de laquelle la femme a esté faite, estoit temperee ou chaude, s'en est fait plus tost vne fille qu'un garçon ? Mais combien qu'elles soient toutes

froides & humides, elles ne le sont pas toutes en pareil degré de froid & humidité. Aucunes le sont au premier: autres, au second: & autres, au troisieme: toutes lesquelles peuuent deuenir grosses & enceintes, si l'homme correspond en la proportion de chaleur, que nous dirons cy apres. On ne trouuera pas vn philosophe ny medecin, qui ait encores dit iusques à present, par quels signes on doit cognoistre ces trois degrez de froid & humidité en la femme, & sçauoir laquelle est froide & humide, au premier: quelle au second: & quelle au troisieme. Mais considérant les effets q̃ ces qualitez produisent aux femmes, nous pourrôs les departir, par le moyé de la force & vigueur: & ainsi nous pourrôs entendre le premier par l'esprit & habilité de la femme: l'autre, par les mœurs.

mœurs & cōplexion: le troisieme, par la grosse voix ou delice: le quatrieme, par la chair, en abôdance ou au cōtraire: le cinquieme, par la couleur: le sixiesme, par le poil: le septiesme, par la beauté ou laidur. Quant au premier, il faut sçauoir, que encores qu'il soit vray (comme nous auons prouué en vn autre endroit) que l'esprit & habilité de la femme suit le temperament du cerueau, & non d'aucun autre membre: si est il pourtāt que la matrice & couillôs d'icelle sont de telle force & vigueur, pour alterer ou changer tout le corps, que s'ils sont chauds & secs, ou froids & humides, ou de quelque autre temperature, Galen dit que les autres parties en tiennent & sont de mēme. Mais tous les medecins disent que de tous les membres, le cerueau reçoit les altera-

Aug. des

Aph. com.

62.

Hippo. au

6. des epid

p. 1 com 2.

tions le plustost, cōbien qu'ils n'a
yent raison, sur laquelle ils puis-
sent fonder vne telle conuenan-
ce. Il est vray, que par experience
Galen prouue, que chastrant vne
truie, incontinent elle s'adoucit &
s'engraisse, & luy deuient la chair
tendre & sauoureuse: mais si les
couillons luy demourent, la chair
en est dure à manger, comme la
chair d'un chien. Parquoy se peut
entēdre que la matrice & les coail-
lons sont de grande efficace, pour
communiquer à toutes les autres
parties du corps, leur tempera-
ment: principallemēt au cerueau,
pource qu'il est froid & humide,
cōme eux: & où, par la semblāce,
le passage est fort aisé. Et si nous
prenons garde que la froideur &
humidité sont qualitez qui nui-
sent à la partie raisonnable, & que
leurs contraires (la chaleur & sic-
cité)

*As 1. liure,
de la semē-
ce, chap. 15.*

cité) la rendent parfaite & l'aug-
 mentent, nous trouuerons que la
 femme qui monstrea vn grand
 esprit & habilité, sera froide & hu-
 mide au premier degré: & si elle
 est fort bonne, c'est signe qu'elle
 l'est au troisieme degré: & si elle
 participe de ces deux extremes,
 c'est signe qu'elle l'est au second
 degré: car de penser que la femme
 puisse estre chaude & seiche & a-
 uoir vn esprit & habilité conue-
 nable à ces deux qualitez, c'est v-
 ne fort grande erreur: car si la se-
 mence de laquelle elle a esté for-
 mee se fust trouuee chaude & sei-
 che par excez, il en fust prouenu
 vn garçon & non pas vne fille:
 mais pour auoir esté froide & hu-
 mide, en a esté faire vne fille &
 non pas vn garçon. La verité de
 ceste doctrine est claire & manife-
 ste, si l'on considere l'esprit de la

premiere femme qui fut au monde: car quand Dieu l'eut faite de sa propre main, parfaite en son sexe, il est certain neantmoins qu'elle sçauoit beaucoup moins qu'Adá: & pour ceste cause le Diable sçachât cela, fut vers elle pour la tenter, & n'osa venir à l'homme, cognoissant son grand esprit & sçauoir: & de dire que Dieu osta tout le sçauoir à Eue, qui luy defailloit pour egaller Adam à cause de son péché, personne ne le peut affirmer, pource qu'elle n'auoit encore offensé. Il s'ensuit donc que la premiere femme n'auoit pas l'esprit si grand qu'Adam, pource que Dieu la fit froide & humide, qui est le tēperament necessaire, pour estre feconde & pour engendrer, & qui contredit neantmoins au sçauoir: car s'il l'eust faite temperee, cōme Adá, elle se fust trouuee tres-sage: mais

mais elle n'eust peu enfanter, ny auoit ses fleurs, si n'eust esté par voye supernaturelle. Sainct Paul fefonda en ceste nature, quand il dist, *Mulier in silentio discat, cum omni subiectione: docere autem mulieri non permitto, neque dominari in virum, sed esse in silentio.* C'est à dire, Que la femme aprenne en silence, avec toute suiection: ie ne veux pas que la femme enseigne, ny qu'elle domine l'homme, mais qu'elle se taise, & qu'elle obeisse à son mary. Mais cela s'entéd, quád la femme n'a l'esprit ny autre plus gráde grace que sa dispositiõ naturelle: car si elle a quelque dõ special, elle peut bié enseigner & parler. Nous sçauons bié que cõme le peuple d'Israël fut oprimé & assiegé par les Assyriens, Iudith femme tres-sage, enuoya appeller les Sacrificateurs de Chabri & Charmi

& les tâça, disant; Pourquoi souffre lon à Ozias de dire, que si dedans cinq iours, ne luy vient secours, le peuple d'Israel tombera à la miséricorde des Assyriens? Voyez vous pas que ces parolles prouoquent Dieu à ire, & non pas à miséricorde? pourquoi est ce que les hōmes limitent la bonté & clemence de Dieu? pourquoi limitēt ils le iour auquel il les peut secourir & deliurer? Et acheuant de les reprendre en ceste maniere, elle monstra comme ils deuoyent appaiser son ire; & obtenir de luy ce qu'ils demandoient. Elbore aussi (femme non moins sage) enseigna au peuple d'Israel le moyē de rendre graces à Dieu, pout la grāde victoire qu'il auoit eu de ses ennemis. Mais quand la femme demoure en sa dispositiō naturelle; tout le genre de lettres & sçauoir

est

est contraire à son esprit. Et pour ceste cause l'Eglise catholique, à iuste cause, defend à toute femme de prescher, cōfesser, & enseigner: pource que son sexe n'admet aucune prudence ny discipline. On decouure aussi par les mœurs & cōplexion de la femme, en quel degré de froideur & humidité gist son temperament: car si avec l'esprit aigu, elle est rechigneuse, rude & facheuse, elle est au premier degré de froideur & humidité, estant vray ce que nous auōs prouuē ailleurs, que la mauuaise cōplexion tiēt tousiours à la bōne imagination: celle qui ha ce poinct ou degré de froideur & humidité, note & reprend tout, & ne peut rien souffrir. Telles sont de bōne cōpagnie, & ne s'estonnent de voir les hommes, & ne tiennent pour mal complexionné celuy qui leur dit quelque

quelque fornette. Au contraire, quand la femme est de bonne complexion, quand elle ne se dōne aucune peine, qu'elle rid à toute occasion, qu'elle passe par tout, qu'elle dort fort bien, elle découure le troisieme degre de froideur & humidité: car la grande molesse du cerueau & esprit, est ordinairement accompagnee de peu de sçauoir. Celle qui participe des deux extremes, est froide & humide au secōd degre. Galen dit que la voix forte & aspre est indice de grande chaleur & siccité: nous le prouuons aussi ailleurs de l'opinion d'Aristote: par où nous entēdrons que si la femme a la voix cōme d'un hōme, elle est froide & humide au premier degre: & si elle l'a fort delicee & delicate, elle l'est, au troisieme. Et si elle participe des deux extremes, elle ha vne naturelle voix de femme,

*Au liure
de l'art
med.*

*Hip. au 6.
des Epid*

femme, & mesmes est froide & chaude au secōd degré. Nous prouuerons incontinent, quand nous parlerons des signes de l'homme, combien depend la parolle du temperament des couillōs. La femme fort charnue demonstre aussi vne grāde froideur & humidité: car les medecins disent q̄ l'embonpoint & la gresse s'engēdre aux animaux par ce moyē. Et au cōtraire si elle est seiche & maigre, elle demōstre auoir en soy peu de froideur & humidité: & si elle n'est ny trop grasse ny trop maigre, c'est signe qu'elle est froide & humide, au second degré: la molesse & aspreté de la chair monstrēt aussi les degrez de ces deux qualitez: la grande humidité fait la chair molle, & le peu d'humidité, la fait aspre & dure: & la moderee la fait de bonne sorte. La couleur du visage & des autres parties.

parties du corps découurent aussi la force & debilité de ces deux qualitez. Si la femme est fort blanche, Galen dit que c'est signe de grande froideur & humidité: & au contraire, si elle est brune ou noire, elle est froide & humide au premier degré: & de ces deux extremes se fait le second degré, & se cognoist quand elle est blanche & coloree. Quand la femme a beaucoup de poil, & qu'elle a vn peu de barbe, c'est vn signe pour cognoistre en elle le premier degré de froideur & humidité: car sçachant la generation du poil & de la barbe, tous les medecins disent que le poil vient de chaleur & siccité: & s'il est noir, il demonstre beaucoup de chaleur & de siccité: si la femme n'a gueres de poil ny chevelure, elle tient la temperature contraire: celle qui est froide

*Au 1. liure
de san. mis.*

de & humide au second degré, a vn peu de poil, mais il est blond & doré. La laideur & beauté aydent beaucoup a cognoistre les degrez qu'a la femme de froideur & humidité. A peine la belle femme fort au premier degré des susdites qualitez: car la semence seche dont elle ha esté formée, a empesché sa belle forme & figure. La terre doit auoir l'humidité conuenable, à fin que le potier la puisse former & en faire ce qu'il voudra: mais si elle est dure & seche, les vases en seront laids & mal formez. Aristote dit aussi que la grande froideur & humidité rend les femmes naturellement laides: car si la semence est froide & fort humide, elle ne se peut pas bien former, pource qu'elle ne peut consister, comme de la terre fort molle, nous voyons que les vases sont
mal

mal bastis. La femme fort belle est froide & humide au second degré, pource qu'elle ha esté faicte de matiere bien assaisonnée & obeissante à nature: qui est vn signe de soy mesme fort euident, pour cognoistre que la femme est feconde & qu'elle peut enfanter: pource qu'elle est d'un temperament propre & conuenable à cela: & pour ceste cause elle correspond quasi à tous les hommes, & tous les hommes la desirent. L'homme n'a puissance aucune, qui ne decouure la bonté ou malice de son obiect. L'estomac cognoit les alimens, par le goust, par le flairer, & par la veüe: & pourtant la sainte escriture dit qu'Eue assist les yeux sur l'arbre defendu, & qu'il luy sembla que le fruiet d'iceluy estoit gracieux à manger. La faculté d'engendrer tient pour indice de fecô-

dité & fertilité la beauté de la femme, & si elle est laide, elle l'abhorre, cognoissant par cet indice, que nature a failly en elle, & qu'elle ne luy aura donné le temperament propre & conuenable pour enfanter.

Comme l'on cognoit en tout homme, quels degrez il y a de chaleur & siccité. §. I.



L'HOMME n'a son temperament tant limité que la femme: car il peut estre chaud & sec (temperature qu'Aristote & Galen pensent estre la plus conuenable à ce sexe) chaud & humide & tēperé: mais il ne peut estre froid & humide, ny froid & sec, s'il est sain & sans aucune lesion. Car cōme il n'y a point de femme chaude & seche, ny chaude & humide,

ny temperee, aussi n'y a il point d'hōme froid & humide, ny froid & sec, au regard des femmes, sinō de la maniere que ie diray biē tost. L'homme chaud & sec, chaud & humide & temperé a les trois mesmes degrez en son temperament, que la femme en la froideur & humidité: & pourtant faut auoir indices pour cognoistre en quel degré est l'homme, pour luy bailler vne femme qui luy soit cōuenable. Et pour ceste cause il faut sçauoir que des mesmes principes que nous recueillons le temperament de la femme, & le degré qu'elle ha de froideur & humidité, nous deuōs nous aider & servir pour entēdre quel hōme est chaud & sec, & en quel degré. Et pource que nous auons dit que de l'esprit & mœurs de l'homme se colige le temperament des couillons, il faut regarder

der à vne chose notable q̄ dit Galen, qui est que pour donner à entendre la grande vertu des couillons de l'homme, à dōner fermeté & tempérament à toutes les parties du corps, il affirme qu'ils sont de plus grande importance que le cœur: & en donne la raison, disant que le cœur est seulement le principe de la vie: mais les couillons sont le commencement de bien viure, & sans causes. Il ne sera besoin aleguer plusieurs raisons, à fin de prouuer combien est nuisible à l'homme d'estre priué de ces parties, encores qu'elles soyent petites, attendu que nous voyons par experience, que incontinent il en perd le poil & la barbe: il change sa voix grosse en vne deliée, & avec cela, il perd les forces & la chaleur naturelle, de maniere que sa condition est

*Am 1. liu.
De la semēce, ch. 15.*

pire & plus miserable , que s'il estoit femme. Mais ce qu'on doit noter davantage, est que si l'homme deuant qu'en estre priué auoit bon esprit & habilité apres qu'ils luy sont retranchez, il vient à perdre cest esprit , ny plus ny moins que s'il auoit receu au mesme cerueau, quelque notable lesion. Ce qui est vn argument euident, par lequel se voit q̃ les couillons donnent & ostent le temperament à toutes les parties du corps. Considerons vn peu que de mille eunuques qui s'apliquent aux lettres, il n'y en a pas vn qui deuienne sçauant : mais en la musique, qui est leur profession ordinaire, voit on plus clairement, comme ils y sont rudes : ce qui se fait pource que la musique est ceuvre de l'imaginatiō, & que ceste puïssance requiert beaucoup de chaleur, au lieu qu'ils sont

*Gal. au li-
ure 1. de la
semēce. ch. 16.*

sont froids & humides. Il est donc certain, que par l'esprit & habilité, nous tirerons & cognoistront le temperament des couillons. Et pourtant l'homme qui se monstrea aigues œures de l'imaginatiō, sera chaud & sec au troisieme degre. Si l'hōme ne sçait beaucoup, c'est signe qu'avec la chaleur s'est assēblee l'humidité, laquelle nuit toujours & fait perdre la partie raisonnable, & la fait dauantage confirmer, s'il a grande memoire. Les mœurs ordinaires des hōmes chauds & secs au troisieme degre sont telles qu'ils se voyent prouuez de cœur, d'arrogance, de liberalité, de hardiesse, & ont fort bonne grace en leurs façons de faire: & au faict des femmes ils n'ont egard ny moderation. Les chaulds & humides sont ioyeux, rians volotiers, amoureux de passetemps,

simples, de bonne complexion, fort affables, ils sont honteux & non beaucoup adonnez aux femmes. La voix & la parole decouvre aussi beaucoup le temperamēt des couillons. Celle qui sera forte & vn peu aspre, demonstre que l'homme est chaud & sec au troisieme degre: si la voix est douce, amoureuse & fort delicate, c'est signe de peu de chaleur & de grāde humidité, commel'on voit es hōmes qui sont chastrez. L'homme, lequel avec la chaleur assemble l'humidité, a la voix forte, mais douce & sonante. L'homme qui est chaud & sec au troisieme degre a bien peu de chair, dure & aspre, composée de nerfs & muscles, & les veines fort grosses. Au contraire quand l'on est beaucoup charnu, & que l'on a la chair delicate & molle, c'est signe d'humidité, à
raison

raison de laquelle, la chaleur naturelle dilate & engraisse. La couleur de la peau, brune, regrillée, basanée & cendrée demôstre que l'homme est chaud & sec au troisieme degré: & s'il a la chair blanche & colorée, il demonstre peu de chaleur & beaucoup d'humidité. Le poil & la barbe est vn signe auquel on doit le plus regarder: car ces deux choses sont fort adherentes au téperament des couillons. Et si le poil est épais, noir & gros, spécialement des la cuisse iusques au nombril, c'est vn signe infallible d'une grande chaleur & siccité des couillons: si l'homme a du poil aux épaules, cela se confirme encores plus. Mais quand le poil & la barbe est de couleur de chasteigne, mol, delicat & non épais, il ne demonstre pas vne si grande chaleur & siccité aux couil-

lons. A peine voit on aduenir que les hommes fort chauds & secs, soyét fort beaux, ains ils sont laids & mal façonnéz, pource que la chaleur & la siccité (comme dit Aristote de ceux d'Æthiopie) fait regriller & retirer les traits du visage, & ainsi ils sortent de mauuaise figure: au contraire l'homme bien fait & gracieux, demôstre vne humidité & chaleur moderee: & pour ceste raison, la matiere est obeïssante à ce que la nature veut faire: ainsi donc il est certain que la grande beauté en l'homme, ne demonstre pas beaucoup de chaleur. Nous auons parlé bien au lóg au chapitre precedent, des signes de l'homme temperé: & pourtant n'est besoin les redire en cest endroit: il faut noter seulement que comme les medecins mettent en chacū degré de chaleur, trois échelons

En la 14.
sect. probl.
4

lons d'intension ou force, ainsi en l'homme temperé se doit constituer grandeur & largeur d'autres trois. Celuy qui sera au troisieme, vers la froideur & l'humidité, se reputera deia froid & humide: car aucune fois vn degré ressemble à vn autre: ce qui appert, parce que les signes que donne Galen, pour cognoistre l'homme froid & humide, sont les mesmes signes de l'homme temperé, vn peu plus debiles. Et ainsi il est sage, de bonne sorte, vertueux, il ha la parolle claire, il est blanc, de bonne chair, & molle, sans poil: & s'il en a, il est blond: tels sont fort roux & beaux de visage: mais Galen dit que leur semence est inhabile à engendrer.

*Au liure
de l'art de
med.*

R

*Avec quel homme la femme se
doit marier, à fin de conce-
voir. §. II.*

*En la 5.
sect. aph. 59*



HIPPOCRATE en-
charge de faire deux
choies en la fême qui
n'enfante pas, quād el-
le est marice, pour cognoistre s'il
tient à elle, ou si la semence de son
mary est inhabile à engendrer. La
premiere est de s'enfumer avec de
l'encens, par bas, de maniere que
la robe traine de tous costez en ter-
re, pour empescher la vapeur de
sortir: & si delà à vn peu de temps,
elle sent le goust & odeur de l'en-
cens en la bouche, c'est vn certain
signe, qu'il ne tiét pas à elle, si elle
ne porte des enfans, puis que la fu-
mee trouue les chemins de la ma-
trice ouuers, par où elle penetre
iusques au nez & à la bouche.

L'autre

L'autre est de prendre vne teste *Hippocr.*
d'ail plumé iusques au vif & la ^{au liure,}
mettre dedans la matrice, quand ^{des steriles.}
la femme veut dormir, & si le len-
demain elle sent en la bouche, le
goust & saueur de l'ail, elle peut
certainement faire des enfans. Mais
posé le cas que ces deux preuues
demonstrassent l'effect que dit Hip-
pocrate, (qui est quand la vapeur
penetre, par dedans, iusques à la
bouche) cela ne demontre pas abso-
lument la sterilité du mary ny l'en-
tiere fécondité de la femme, mais
aucunefois vne mauuaise conue-
nance ou conformité de l'un à
l'autre: & ainsi elle est autant ste-
rile, pour luy, que luy, pour elle:
ce que nous voyons tous les iours
par expérience: car quand vn tel
hōme se marie avec vne autre fem-
me, il vient à auoir enfans. Et ce
qui plus étonne ceux qui ne sçauēt
pas

pas ceste philosophie naturelle, est
 que les deux se separans, avec le re
 nom & bruit d'impuissance, & se
 remarians, luy à vne autre femme,
 & elle, à vn autre mary, ils sont ve
 nuz tous d'eux à engédrer. La cau
 se de cela est qu'il y a des hommes
 desquels la faculté d'engendrer
 est inhabile pour vne femme, &
 puissante, pour vne autre. Comme
 nous le voyons par experience en
 l'estomac: car il reçoit vne viande
 d'un grand appetit, & l'autre, non,
 encores que parauenture elle soit
 la meilleure. Et pour sçauoir la cō
 formité & conuenance del'hom
 me & de la femme, pour auoir li
 gnee, Hippocrate le dit en ceste
 maniere, Si le chaud, par moyen
 & egalité ne respond au froid: &
 le sec, à l'humide, rien ne s'engen
 drera: comme voulant dire, si les
 deux semences ne s'assemblent en

Au I. liure
 de natu. hu.
 com. II.

la matrice de la femme: l'une chaude, & l'autre froide: ou l'une humide & l'autre sèche, en egal degré & force, rien ne s'engendrera: car vne chose tant merueilleuse, comme la facture de l'homme a besoin d'une temperature, en laquelle la chaleur ne surpasse la froideur: ny l'humidité, le sec. Et pourtant si la semence de l'homme est chaude, & celle de la femme aussi, l'on ne pourra auoir lignee. Ceste doctrine ainsi supposée, venons maintenant, par maniere d'exemple à la femme froide & humide au premier degré (de laquelle les signes nous auons dit estre l'aduís & la mauuaise complexiõ: avec la voix forte, de peu de charrure, noire, velue & laide) ceste là deuiendra facilement enceinte, d'un homme ignorant, bien complexionné, qui aura la voix douce, qui sera gras, qui

qui aura la chair blâche & molle,
 avec vn peu de poil & qui sera blôd
 & beau de visage. Ceste là se peut
 bien marier aussi à vn homme té-
 peré, duquel nous auons dit, de l'o-
 pinion de Galen, que la semence
 est fort propre à la generation &
 correspondante à toute femme,
 pourueu qu'elle soit saine & d'â-
 ge cōuenable: mais ce nonobstât,
 elle ne deuiant facilement en-
 ceindre: & si elle conçoit, Hip-
 pocrate dit que dedâs deux mois,
 elle vient à auorter, pource qu'elle
 n'a point de sang pour se main-
 tenir ny la creature aussi, neuf
 mois durans. Mais on peut reme-
 dier facilement à cela, si la fem-
 me se baigne beaucoup de fois de-
 uant qu'elle vienne à l'acte de la
 generation: & le baing doit es-
 tre d'eau douce & chaude: la-
 quelle, de l'opinion d'Hippocra-
 te, fait

*Au 5. des
 Aph. com.
 62.*

*Au 5. des
 Aph. 44.*

*Au 5. des
 Aph. 16.*

te, fait la vraye temperature de la femme, luy amollit & humecte la chair (qui est la temperature que doit auoir la terre , à fin que le grain de bled y prène racine) elle produit aussi vn autre plus grand effect, qui est d'acroistre l'enuie de manger, empesche & defend la resolution, & fait que la chaleur naturelle est en plus grande quantité: au moyen dequoy s'acquiert grande abondance de sang flegmatic, pour maintenir, neuf mois, la creature. La femme froide & humide au troisieme degré, est bonne, bien complexionnee: elle a la voix fort delicate, elle ha beaucoup de chair molle & blanche, elle n'a point de poil ny barbe, & n'est pas fort belle. Cestelà se doit marier à vn homme chaud & sec au troisieme degré, pource que la semence d'iceluy est si ardante

ardante qu'elle a besoin de tomber en lieu qui soit beaucoup froid & humide, à fin de prendre racine. Ceste là tient la qualité du cresson, qui ne peut venir, s'il n'est dedans l'eau: si elle auoit moins de chaleur & siccité, la semence qui tóberoit en vne matrice tant froide & humide, ne seruiroit nō plus que si l'on semoit le bled dedans l'eau. Hippocrate conseille à vne telle femme, de deuenir maigre, & se cōsommer la chair & la graisse, deuant qu'elle se marie: mais ce faisant, il ne la faut pas mettre avec vn homme si chaud & sec, pour ce que sa temperature ne seroit bonne, & ne pourroit pas deuenir enceinte. La femme qui sera froide & humide au secōd degré, est modérée es signes que nous auōs dit, hors mis en la beauté, qui est pour extreme: Et ainsi est ce vn signe
euident

euident de sa fecondité, quand elle est de bonne grace. Elle correspond quasi à tous les hōmes: premierement au chaud & sec au second degré, & puis au temperé, & entre deux, au chaud & humide. De toutes ces conionctions d'hōmes & femmes que nous auōs dit, peuuent sortir sages enfans: mais de la premiere, ils viennent plus ordinairement. Car cōbien q̄ la semēce de l'hōme tende à froideur & humidité, la continuelle siccité de la mere, avec le peu d'alimēt, corrige & amende la faute du pere. Pource q̄ cete maniere de philosopher n'auoit encores esté cognue, tous les philosophes naturels n'ōt peu respondre à ce probleme, *Cur Alexādre*
plerique stulti liberos prudentissimos *Aphrodif.*
procrearunt? Pourquoy la plus part *libra 2.*
 des hommes ignorans engendrēt enfans tressages? à quoy ils respon-

dent que les hommes ignorans s'appliquent à bon escient à l'acte venerien, sans estre detournez par aucune autre contemplation: & que les hommes fort sages font au contraire, lesquels en tel acte, se mettent à imaginer autres choses que ce qu'ils font: à raison dequoy ils debilitent la semence, & font des enfans qui defaillent tant es puissances raisonnables cōme es naturelles. Mais cete respōce est d'hōmes, qui ne sçauent pas beaucoup de naturelle philosophie. Es autres con iōctiōs il faut regarder q̄ la femme se deseche par la perfection de l'âge, sans la matier trop ieune: car il en viēdroit des enfans ignorans & de peu de sçauoir. La semence des peres fort ieunes est treshumide, pource qu'il n'y a gueres qu'ils nasquirent: & se faisant & formant l'homme de matiere
qui

qui soit trop humide, il sera, par force, de lourd esprit.

Quelles diligences il faut employer, à fin d'engendrer des garçons & non des filles. §. I I I.



Es peres qui veulent auoir enfans sages, & qui soiēt habiles pour apprendre les lettres, doiuent tacher qu'ils naissent masles: pource que les filles, à raison de la froideur & humidité de leur sexe, ne peuuent auoir vn esprit profond. Nous voyons seulement qu'elles parlent avec vne certaine apparence d'habilité en choses faciles & legeres, & par termes communs & fort vſitez: mais si on les met au Latin, elles n'en peuuent gueres apprendre, & encores ce qu'elles en apprennent

est par le moyen de la memoire. Et quât à ce qu'elles sont ainsi rudes aux sciences, ce n'est pas leur faute, mais bien de la froideur & humidité, qui les a fait filles: lesquelles qualitez contredisent à l'esprit & habilité, comme nous auons prouué ailleurs. Salomon, considerant la grande faute qu'il y a d'hommes prudens, & comme il n'y a pas vne femme qui naisse avec esprit & sçauoir, a dit en cete

Eccleſ. ch. 7 maniere, *Entre mille i'ay trouué vn homme, mais ie n'ay pas trouué vne femme, entre toutes.* Et pourtant faut fuir ce sexe, & mettre peine d'engendrer des garçons, puis qu'en iceux se trouue l'esprit propre pour aprêdre les lettres. Aquoy faut considerer premierement quels instrumens nature a ordonné, à ce propos au corps humain, & quel moyen il faut tenir, pour auoir

auoir la fin que nous voulons. Ain
 si donc il faut sçauoir qu'entre plu
 sieurs excremens & humeurs qui
 sont au corps humain, Galen dit *Lib. 1. li. 1. de la semē*
 que nature ne se sert que d'un, *ci, chap. 6.*
 pour faire que la race des hommes
 ne s'acheue. Cet humeur est vn cer
 tain excremēt, qui s'appelle (serū)
 ou sang clair, qui se fait au foye
 & veines, lors que les quatre hu
 meurs, le sang, le flegme, la cole
 re & la melancolie, obtiennent la
 forme & substance qu'elles doi
 uent auoir. Nature se sert de telle
 liqueur, pour subtiliser l'aliment
 & le faire passer par les veines &
 chemins estroitz, à fin de sustan
 ter toutes les parties du corps: &
 cet œuvre estant paracheué, la
 mesme nature, la proueu des rou
 gnons: desquels l'office n'est au
 tre que d'attirer ce sang subtil &
 sereux & le chasser par la voye, en

Hippocrate appelle cet excremēt, l'attirer des aliments, au liure des aliments.

la vessie : & de là , hors du corps. Mais voyant qu'il auoit certaines qualitez conuenables à la generatiō, nature a fait deux veines pour en porter vne partie aux couillons & vases de la semence, avec vn peu de sang , duquel se fit la semence conuenable au genre humain: & ainsi elle a planté vne veine au roignon droit, laquelle va respondre au couillon droit & d'elle mesme se faiēt, le vase droit de la semence: l'autre veine sort du roignon gauche, & respond au couillon gauche: de laquelle mesme se fait le vase spermatique. Le mesme Galen declare les qualitez de cet excrement, par lesquelles il est fait matiere conuenable à la generation de la semence, qui sont vne certaine acrimonie, & corrosion, qui vient d'estre salé, par
lesquel

*Elle ne la
mise qu'en
la veine ca
ne, icignāt
le roignon
droit, à fin
que le sang
serieux fust
plus chaud
& accōmo-
dé à la ge-
neration de
l'homme.*

lesquelles qualitez, il induit les vases spermatiques & incite l'ame à la generation, sans se soucier. Et pourtant les hommes fort luxurieux s'appellent en langue Latine, *Salaces*, c'est à dire, Hommes qui ont beaucoup de sel en la semence. Dauantage, nature a fait autre chose digne de grande consideration : c'est qu'elle a donné vne grâde chaleur & siccité au rongnō & couillon droict : & vne grande froideur & humidité, au rongnon & couillon senestre : & pour ceste cause la semence qui s'elaboure au couillon droit, sort chaude & seche : & celle du couillon gauche sort froide & humide. Or que nature pretēde tousiours, par ceste diuersité de tēperament, tant aux rongnons, comme aux couillons & vases de la semence, est chose claire, sçachāt par les hi-

stoires veritables que au comman-
 cement du monde & plusieurs an-
 nees apres, les femmes enfantoyēt
 rousiours deux enfans d'vne ven-
 tree, desquels l'vn estoit garçon,
 l'autre, fille: à fin que chacun hom-
 me eust sa femme, & chācune fille
 son mary, pour croistre inconti-
 nent le genre des hōmes. Et pour-
 tant nature a fait que le rongnon
 droit dōnast au couillon droit ma-
 tiere chaude & seche, pour la ge-
 neration du masse. Elle a ordonné
 le contraire, pour former la fem-
 me, faisant que le rōgnon gauche
 enuoyast ceste matiere sereuse,
 comme megue, froide & humide,
 au couillō gauche, pour faire avec
 sa froideur & humidité, la semēce
 froide & humide: de laquelle ne-
 cessairement se doit engendrer la
 fille & non le masse. Mais despuis
 que la terre s'est remplie d'hom-
 mes,

mes, il semble que nature ait changé d'ordre, moyen & conseil, en ne doublant ainsi la generation: & ce qui est pis, on voit que pour vn garçon qui s'engédre, naissent ordinairement six ou sept filles: à raison dequoy peut on entendre, ou que nature est deia lassée, ou qu'il y a quelque erreur entre deux, qui l'empesche de faire son œuvre, comme elle voudroit. Nous dirôs cy apres, quel il est, en amenât les conditions, qui se doyuent garder à ce que sans erreur, l'enfant naisse mâle. Ainsi donc, ie dy qu'il faut songneusement regarder à six choses, si l'on veut obtenir ceste fin: l'vne desquelles est de manger alimens chauds & secs: en second lieu, il faut mettre peine qu'ils se cuisent bien en l'estomac: tiercement, il faut faire beaucoup d'exercice: pour la quatrieme chose,

il ne faut venir à l'acte venerien, iusqu'à ce que la semence soit cuite & bien saisonnee : pour la cinquiesme, il faut auoir affaire à la femme, cinq ou six iours deuant qu'elle ait ses fleurs : pour la sixieme, il se faut donner garde que la semence tombe du costé droit de la matrice. Et si l'on garde toutes ces choses là, il est impossible, d'engendrer vne fille. Quant à la premiere cōdition, il faut sçauoir que combien que le bon estomac, cuise & altere la viande, la desnuant des qualitez qu'elle auoit au parauant, si est ce qu'il ne l'en priue pas du tout. Car si nous mangeōs des laitues, qui sont froides & humides, le sang qui s'engendrera d'icelles, sera froid & humide, & le sereux, froid & humide : & si nous mangeons du miel, qui est chaud & sec, le sang qui en pro-
 uendra,

uiendra, sera chaud & sec, & la matiere sereuse, chaude & seche aussi, & la semence tiendra les mesmes qualitez: car il est impossible, dit Galen, que l'on ne sçache les humeurs selon la substance & les qualitez de la viande, deuant qu'on la mäge. Si donc il est certain que le sexe de l'homme consiste en la semence chaude & seche, quand il se forme, il faut que les peres vissent de viandes chaudes & seches, pour engendrer enfans masles. Il est vray qu'il y a vn grand danger, en ceste maniere de generation, qui est qu'estant la semence fort chaude & seche, nous auons dit beaucoup de fois, autrepart, estre force, que s'en engendre vn garçon malin, faux & rusé, tendant à beaucoup de maux & vices. Et tels hommes que ceux là, s'ils ne se corrigent, sont fort pernicioeux à la re-
publique:

*Au liure
de la seigneurie.*

publique : à raison dequoy il vaudroit mieux qu'ils ne fussent formez que d'estre ainsi vicieux. Ce neantmoins se trouuerōt aucuns peres, qui diront, le ne me soucie pas que mon enfant soit, mais que

Eccl. ch 42

il soit masle, pource que, *Melior est iniquitas viri, quàm mulier beneficiens.* c'est à dire, L'iniquité de l'homme vaut mieux, que la femme qui fait bien. Mais on peut facilement remedier à cela, en vsant d'alimens temperez & tendans vn peu à chaleur & siccité, ou par l'appareil, ou y aioustant quelques espices. Galen dit que ces alimens là, sont poulles, perdrix, tourterelles, francolins, pigeons, griues, merles, & cabrils: tous lesquels, suivant le conseil d'Hippocrate, se doyuent manger rostis, pour eschauffer & desecher la semence. Le pain que l'on doit manger doit estre

*Au liure,
des viâdes
de bon &
mauuais
suc. chap. 3.*

*Au liure,
Du viure
salubre.
tom. 1.*

estre blanc, fait de la fleur de farine, avec sel & anis: car le noir est froid & humide (comme nous prouuerons cy apres) & fort preiudiciable à l'esprit. Il faut boire vin blanc, temperé avec del'eau, selon que l'estomac le requerra: & faut que l'eau soit douce & fort delicate. La seconde diligence que nous auons dit qu'il faut employer en cecy, est de manger ces viandes en quantité tant moderee que l'estomac les puisse vaincre: car combien que les alimens soyent chauds & secs de leur propre nature, ils se font froids & humides, si la chaleur naturelle ne les peut cuire. Et pourtant combien que les peres mangent du miel, & boient vin blanc, ils feront de ces viandes, la semence froide, de laquelle s'engendrera vne fille & non pas vn garçon.

Pour

Pour ceste cause , la plus grâde partie des nobles & riches , ont ceste incommodité d'engendrer beaucoup plus de filles que de garçons : pource qu'ils mangent & boient plus que leur estomac ne peut porter : & combien que leurs viandes soyent chaudes & seiches & espièces , si est ce que pour estre prises en grande quantité , leur estomac ne les peut cuire ny vaincre. Mais la crudité qui se fait du vin , fait plus de tort à la generatiõ que nulle autre , pource que ceste liqueur subtile & rendant tant de vapeurs , fait que & le vin & les autres alimens s'en vont cruds aux vases spermatiques , & que la semence induit faussement l'homme , à l'acte de la generation , sans estre cuite & assaisonnée. Et pour-

Ant. 2. des Loix. tant Platõ louë vne loy qu'il trouua en la republique des Carthagi-
nois,

nois, par laquelle ils defendoient à l'hōme marié & à sa femme, de boire vin le iour qu'ils pensoient venir à l'acte charnel, cognoissans que ceste liqueur fait beaucoup de tort à la santé du corps de l'enfant, & qu'elle est cause suffisante, pour le faire deuenir vicieux & de mauuaises mœurs. Mais si le vin se boit modérément, il n'y a viande, qui fasse meilleure semence, pour engendrer selon nostre intention, que fait le vin blanc, specialement pour donner esprit & habilité, qui est ce que plus nous pretendons. La troisieme diligence que nous auons dit qu'il faut employer, est de faire exercice, plus que modéré, pource qu'il consomme l'humidité superflue de la semence, & qu'il l'échauffe & la desseiche. Pour ceste cause se fait l'homme tres-second & puissant

puissant à engendrer : comme au contraire , celuy qui ne prend aucun exercice, se fait grand tort, & refroidit & humecte la semence: à raison dequoy les riches qui viuēt à leur aise, engédrent plus de filles que ne font pas les pauures qui

Au lin. de l'air, lieux & eaux. traouillent. Et ainsi Hippocrate raconte, que les principaux hommes de Scithie estoient fort effeminez, mols & enclins aux œures des femmes, qui sont coudre, balier, pestir, tistre & filer : & avec ce ils estoient impuissans pour engendrer : & s'ils engendroyent quelque enfant masle, ou il naissoit Eunuque ou Hermaphodit : dequoy estans fachez & courroucez, ils delibererent faire sacrifice à Dieu, & luy offrir plusieurs dons, pour le suplier qu'il ne les traitast ainsi, & que son plaisir fust de remedier à ce leur defaut, puis.

puis qu'il le pouuoit faire. Mais Hippocrate se moquoit d'eux disant, n'aduenir aucū effect, qui ne soit merueilleux & diuin, si nous le considerons comme il appartient. Car rapportant les choses à leurs causes naturelles, nous venons en fin tomber en Dieu, en la vertu duquel, tous agents œuurent au monde : mais il y a des effects, lesquels absolument se doyuent rapporter à Dieu, comme ceux qui sont hors de l'ordre de nature : il y en a qui s'y rapportent, par les causes qui sont entredeux, ordonnees à ceste fin. Hippocrate dit que le *Au liure de l'air, lieux & eaux.* pais des Scithes, au dessouz du Septentrion, est froid & humide outre mesure : au moyen dequoy, à raison des épaisnes nues & brouillats, à peine le Soleil s'y decouvre iamais. Les hommes riches y vont tousiours à cheual, ne font exer-

cice aucun, mangent & boient plus que leur chaleur naturelle ne peut porter: ce que fait la semence du tout froide & humide. Et pour ceste cause ils engendrent beaucoup de filles, & s'il leur vient quelque garçon, il est de la complexion que nous auons dit. Sçachez, leur dist Hippocrate, que le remede à cela n'est pas de faire sacrifices à Dieu: car avec cela, il faut aller à pied, manger peu, boire moins, & n'auoir pas tousiours les aises, ou se donner du bon temps. Et à fin que vous entendiez cela clairement, prenez garde vn peu au menu peuple de ceste region, & à voz propres esclaués, lesquels ne font, tant s'en faut, sacrifices à Dieu, & ne luy offrent presens, (pource qu'ils n'ont de quoy) que mesmes ils blasphemēt son nom, & l'iniuriēt, pource qu'il les a faits
de

de si basse condition. Et nonobstant, ils sont tres-puissans pour engendrer: & la plus part de leurs enfans sont massés, robustes & bien composés: non pas des Eunuques, effeminez & hermaphrodits, comme les vostres. Ce qui leur aduiét, pource qu'ils mangent peu, & que ils font beaucoup d'exercice, & pource qu'ils ne vont pas à cheual comme vous autres. Au moyé de quoy, leur seience est chaude & seiche: de laquelle naist & procede vn masse & non vne fille. Pharaon n'a pas entendu ceste philosophie; ny ceux de son conseil, ayant dit ainsi, *Venite sapienter, opprimamus eum, ne forte multiplicetur, & si ingruerit contra nos, bellum addatur inimicis nostris.* Le remede qu'il print pour garder que le peuple d'Israel ne multipliast, ou à tout le moins que ne luy

show'80X

I 9403

En Exode,
chap 1.

...

...

...

...

...

...

...

*En Exode,
chap. 1.*

*Les legu-
mes & ton
tes plantes
debiles, a-
bregent la
vie Hipp
au 6^{es}
Epid. pa. 5
tom. 21.*

maquissent beaucoup d'hommes
(qui estoit ce que plus il craignoit)
fut de l'opprimer par plusieurs tra-
uaux corporels, en luy baillant à
manger pourreaux, ails & ongnōs:
mais ce remede succedoit tāt mal,
que le texte diuin dit, *Quantoq, op-
primebant eos, tanto magis multipli-
cabantur & crescebant.* Et retour-
nant à penser, que cestuy estoit le
meilleur moyē qui se pouuoit trou-
uer, il leur vint à doubler le travail
corporel: mais il ne gangnoit non
plus, que si pour amortir vn grand
feu, il y eust ietté de l'huyle. Mais
s'il eust sceu ceste philosophie na-
turelle, ou aucun de ceux de son
conseil, il leur eust baillé à manger
du pain de seigle ou d'auoyne, des
laitues, melons, courles, & concō-
bres: & les eust tenuz en oisifueté,
paisibles & aises, sans les faire tra-
uailer. Car, par ce moyen, ils eus-
sent

sent rendu leur semence froide &
 humide, de laquelle se fussent en-
 gendrez plus de filles que de gar-
 çons, & en peu de temps, leur vie
 se fust abregée. Mais en leur bail-
 lant à manger beaucoup de chair
 cuite, avec plusieurs ails, porreaux
 & oignons, & les faisant trauail-
 ler en ceste maniere, leur semence
 deuenoit chaude & seche, & par
 ces deux qualitez, ils estoient dauā
 tage incitez à l'œuvre de la genera-
 tion, & tousiours engendroyent
 des masles. En cōfirmation de ce-
 la, Aristote fait vne demāde, Pour
 quoy la semēce a coustume de sor-
 tir de nuict, en dormant, à ceux qui
 sont las de trauail, ou qui sont eti-
 ques & en langueur? auquel pro-
 bleme il ne donne pas vne certai-
 ne responce. La raison de cela est,
 que le trauail corporel & la cha-
 leur etique échauffent & dessechēt

En la
 sect. probl.

la semence, & que ces deux qualitez la font aigre & mordante. Et comme en dormant se fortifient toutes les œuures naturelles, aduient ce que dit le probleme. Galé note bié cōbien est fecōde & mordante la semēce chaude & seiche, disant. *Et fecūdissima est ac celeriter ab initio protinus ad coitum excitat animal: petulca est & ad libidinē pro na.* La quatriēme cōdition est de ne venir à l'acte de la generation, iusqu'à tant que la semence soit reposée, cuite & bié assaisonnée: car combien que les trois diligences passées ayent precedé, nous ne sçauons pas neantmoins si la semence est venue à la perfection qu'elle doit auoir, Et faut vser premierēt, sept ou huit iours, des viādes que nous auons dit, à fin que les couillons ayent temps & espace de consommer en leur nourriture,

*Au liure
de l'art de
medic. cha.
II.*

ture, la seméce qui iusques là auoit esté faite d'autres alimés, à fin q̄ celle q̄ nous qualifions à ceste heure, succede en la place. Les diligences se doyuent employer en la seméce humaine ; à fin qu'elle soit feconde, & fertile ; telles que l'on voit employer aux iardiniers entour les semences qu'ils veulēt garder : car ils attendent qu'elles soyent meures, & defecchees, pource que s'ils les recueilloient, de la plante, deuant la saison & le temps conuenable, si les mettoient l'autre année dedās la terre, elles ne pourroyent pas fructifier. Pour ceste raison i'ay noté qu'aux lieux esquels l'on vse beaucoup de l'acte charnel, il y a moins de generatiō, que là où les hōmes sont plus continens. Et les femmes publiques & putains ne sont iamais enceintes, pource qu'elles n'ont egard à ce

que leur semence se cuise & meurisse. Il faut donc attendre quelques iours que la semence se repose, se cuise, meurisse, & soit bien assaisonnée: car par ce moyen elle gagne la chaleur, siccité & bonne substance plustost qu'elle ne la perd. Mais cōment sçaurons nous que la semence est telle qu'il faut, puis qu'elle est de si grande importance? Cela s'entend facilement, quand il y a lōg temps que l'hōme n'a cogueu sa femme: on le sçait, par la continuelle affection & desir de l'acte venerien: ce qui vient de la fecondité & maturité de la

Pourquoy semence. La cinquiēme chose à *ceux qui* garder estoit de venir à l'acte sus-
n'abondent dit, six ou sept iours deuant que la
en humeur femme ait ses fleurs: car le malle a
generative besoin de beaucoup d'aliment,
comme l. pour se nourrir. La raison de cela
auquel, est que la chaleur & siccité de son
est la voix tempera
et dore,

temperament gaste & consommé non seulement le bon sang de la mere, mais aussi les excremens. Et pourtant Hippocrate dit que la *5. sect. A-* femme laquelle ha conceu vn gar *phorif. 42.* çon, a bonne couleur & est belle, pource que l'enfant, par sa grande chaleur, luy consume tous les excremēs, qui ont coustume d'enlaidir le visage. Et pource qu'il deuore tant, il est bon qu'il ait ceste reprise de sang, dont il se puisse nourrir. Ce qui monstre clairement par experience qu'à peine s'engendre vn garçon, qui ne soit aux derniers iours du mois. Il aduient au contraire, quand la femme est enceinte d'une fille: car, à cause de la grāde froideur & humidité de son sexe, elle mange peu, & fait beaucoup d'excremens. Ainsi donc la femme laquelle a conceu vne fille est laide, crasseuse & a enuie de mil

le vilénies : & à son enfancement elle doit mettre & employer double temps , à se mondifier , & purger plus que si elle enfantoit vn garçon. En laquelle nature Dieu se fonda, quand il dist à Moïse, que la femme qui enfanteroit vn garçon fust souillée de sang , vne semaine , & attendist trente trois iours pour entrer au temple : & enfantant vne fille, qu'elle fust immonde, deux semaines & n'entrast au temple, iusques au bout de soixante six iours : de maniere qu'il doubla le temps de la purgation, en l'enfancement de la fille. Et la raison de cela est , qu'é neuf mois qu'elle a esté au ventre de la mere (à cause de la froideur & humidité de son temperament) elle fait doubles excremens , au regard du garçon, & de fort maligne substance & qualitez. Et ainsi Hippocrate

note

noté pour vne chose fort dange- *de la natu-*
 reuse, quand la purgation est dete- *re du fruit*
 nue à la femme laquelle a enfanté *enfanté, au*
 vne fille. l'ay dit cela à propos: car *3. desep. pa.*
 il faut bien regarder aux derniers *3. com. 75.*
 iours du mois, à fin que la semen-
 ce trouue beaucoup d'aliment à
 manger. Car si l'acte de la genera-
 tion se fait, incontinent apres la
 purgation, par faute de sang, la se-
 mence ne prendra point. Mais les
 peres doyuent estre aduertiz que
 si les deux semences ne se ioignēt
 (celle de l'homme & de la femme)
 tout en vn mesme temps, Galen *Au I. liure*
 dit que ne se fera aucune genera- *de la semē-*
 tion: combien que celle du mary *ce. chap. 6.*
 soit fort propre à engédrer. Nous
 en amenerōs cy apres, la raison, à
 autre propos. Ainsi donc il est cer-
 tain que toutes les diligences que
 nous auons conté, doiuent pareil-
 lement estre employées par la fem-
 me:

me: autrement la semence mal élaborée empescheroit la generation. Et pourtant faut il que l'un regarde à l'autre, à fin qu'ë vn mesme instant les deux semences s'assemblët. Cela importe beaucoup la premiere fois: car Galen dit que le couillon droit, & son vase spermatic est induit premierement & donne la semence, ains que le seinestre: & si de la premiere fois ne se fait la generation, il y a danger en la seconde, que la fille ne s'engendre plustost que le garçon. Ces deux semences se cognoissent premierement en la chaleur & froidur: secondement en la quantité, de beaucoup ou peu: tiercement, en sortie pronte ou tardive. La semence du couillon droit sort tant chaude qu'elle brule la matrice de la femme: quant à la quantité, il n'y en a pas beaucoup, & descend pronte

*Au .i. livre
de la semē-
ce.*

prontement. Au contraire, la semence du couillón gauche sort plus tempérée, en plus grande quantité, & pour sa froideur & grosseur, elle est tardive à sortir. La dernière condition estoit de regarder que les deux semences (du mary & de la femme) tombent au costé droit de la matrice : car Hippocrate dit qu'en ce lieu se font les garçons : & au costé senestre, les filles. Galen en amène la raison & dit, Que le costé droit du vêtre est fort chaud, à cause qu'il est voisin du foye, du rongnon droit & du vase droit de la semence, qui sont tous membres fort chauds, cōme nous auons prouué. Et puis q la raison de l'engédrer du malle cōsiste en ce qu'il ait beaucoup de chaleur, au temps qu'il se forme, il est certain qu'il importe beaucoup de mettre la semence en ce lieu. Ce que la femme
fera

*En la 5.
sect. apho.
48.*

fera aisement, se mettant sur le costé droit (apres l'acte de la generation) tenant la teste basse, & les pieds hauts: mais elle se doit tenir vn iour ou deux au liét, pource que le ventre ou la matrice ne reçoit & ne retient incontinent la semence, sinon quelques heures apres. Les signes par lesquels se cognoistra si la femme demoure enceinte ou non, sont à tous fort manifestes: car estant debout, si la semence tombe incontinent, Galé dit estre chose asseuree, qu'elle n'a pas cōceu: cōbien qu'en cela y ait vne chose à cōsiderer, q̄ toute la semence n'est pas feconde, ny propre à engendrer: car vne partie d'icelle est fort aqueuse, qui atenué la principale semēce, à fin qu'elle puisse passer par les detroits, & nature retient ceste semēce, laquelle demou-
re avec la partie fecōde apres que
la

*Au liure,
de la forma-
tiō du fruit
& Hippoc.
au liure de
la genera-
re.*

la femme a cōceu. On cognoit que ceste partie est comme de l'eau & en petite quantité. Or est il dange reux à la femme, de se mettre debout sur pieds, se passant l'acte de la generation: & Aristote conseil le qu'elle fasse premierement eua cuation des excremens & de l'vri ne, à fin qu'elle n'ait pas occasion de se leuer. L'autre signe de la grois se de la femme, est q le lendemain elle sent le ventre vuide speciale ment entour le nombril: & cela vient de ce que la matrice desirāt concevoir est fort large & se dilate: car de fait elle s'enfle & grossit ny plus ny moins que le membre de l'hōme. Estant dōc de ceste ma niere, elle tient beaucoup de pla ce: mais à l'instant qu'elle conçoit, Hippocrate dit, qu'elle se resserre *Lib. 5. des aphor. 51.* & s'amasse en forme d'une boule, pour recueillir la semence & ne la laisser

laisser saillir: au moyé dequoy, elle
 laisse beaucoup de lieux vuides.
 Ce qu'expliquét les femmes, quád
 elles disent ne leur estre demouré
 aucunes tripes, ny boyaux dedans
 le ventre. Dauátage la femme en-
 ceinte abhorre incontinent l'acte
 venerien, & les douceurs du mary,
 pource que le ventre ha deia ce
 qu'il vouloit: mais le plus certain
 signe que Hippocrate en ameine,
 est, quand elle a perdu ses fleurs,
 quand le sein luy croist, & qu'elle
 est enuieuse de manger certaines
 viandes.

*Au 5. des
 aphor. 61.*

*Quelles diligences se doiuent emplo-
 yer, à ce que les enfans soyent in-
 genieux & sages. §. IIII.*



Il'on ne sçait premie-
 remét la raison & cau-
 se d'où vient qu'un hó-
 me s'engédre de grád
 esprit

esprit & habilité, il est impossible d'en pouuoir trouuer l'art: car par l'assemblee & conionction des principes & causes, on peut venir à cete fin & non pas autrement. Les Astrologues tiennent pour certain, que selon que l'enfant naist souz l'influence d'une ou autre estoille, il est discret, ingenieux, de bonnes ou mauuaises mœurs, heureux, ou avec autres conditions & proprietiez que nous voyons & considérons tous les iours aux hommes. Mais si cela estoit vray, il ne seroit possible établir aucun art, pour autant que ce seroit vn cas fortuit, & non mis en l'election des hommes. Les philosophes naturels (comme Hippocrate, Platon, Aristote & Galen) tiennent pour certain, que quand l'homme se forme, il reçoit les mœurs de l'ame, & non pas au poinct qu'il viét

à naistre, pource que lors les astres les alterent, dōnant superficiellement à l'enfant, chaleur, froideur, humidité & siccité: mais non pas substance, en laquelle il demoure toute la vie, comme font les quatre elemens (le feu, la terre, l'air & l'eau) lesquels non seulement dōnēt au composé chaleur, froideur, humidité & siccité: mais aussi substance, qui luy garde & conserue ces mesmes qualitez tout le temps de la vie. Parquoy ce qui est le plus important en la generatiō des enfans, est de tacher que les elemens desquels ils se composent ayēt les qualitez requises pour l'esprit. Car en tel poids & mesure qu'ils entreront en la composition, ils dureront tousiours au miste & composé, & non les alterations du ciel. Mais quels sont ces elemens, & de quelle maniere entrent ils au ventre de

tre de la fême pour former la creature? Galé dit qu'ils sôt ceux là mesmes qui cōposent toutes les autres choses naturelles: mais que la terre est changee es viandes solides q̄ nous mangeons, cōme le pain, la chair, les poissōs & les fruitz: l'eau es liqueurs q̄ nous beuuōs: & dit q̄ l'air & le feu demourēt meslez par l'ordre de nature, & qu'ils entrent au corps, par le pouls & la respiratiō. De ces quatre elemens, meslez & cuitz par nostre chaleur naturelle, se font les deux principes necessaires de la generatiō de l'enfant, qui sont la semēce & le sang menstruai. Mais ce q̄ l'ō doit faire principalement, est de regarder (pour la fin q̄ nous pretendons) aux viâdes solides q̄ nous mangeons, pource qu'elles cōprenent en soy tous les quatre elemēs, desquels la semēce prend plus de corps & qualitez,

*Au I. liure
de la conser-
uation de
santé.*

que de l'eau que nous beuons, & du feu & de l'air que nous respirons: & pourtant Galen a dit, Que les peres qui veulent engendrer enfans sages eussent à lire les trois liures qu'il a escrit, des facultés des alimens, & qu'ils y trouueroient les viâdes, propres à ce faire. Il n'a point fait mentiõ des eaux, ny des autres elemens, comme materiels de peu de cõsequence: en quoy toutesfois il n'a pas bien fait: car l'eau altere beaucoup plus le corps que l'air, & beaucoup moins que ne font les viandes solides que nous mangeons: & quant à ce qui concerne la generation de la semence, elle est d'aussi grande importance, que tous les autres elemens ensemble. La raison est, comme dit le mesme Galen, que les couillons attirent des veines pour leur nourriture, la partie sereuse & plus

Au liure, Que les mœurs de l'esprit. ch. 10.

Au 1. liure de la semence.

claire

claire du sang, & que les veines re-
 çoiuent de l'eau que nous beuons,
 la plus grãde partie de ce sãg clair
 comme megue. Or que l'eau cau-
 se plus grande alteration & chan-
 gement au corps que ne fait l'air,
 Aristote le prouue en demandãt, *En la 1.*
 Pourquoi le chãgement des eaux *sect. probl.*
 cause à la santé, vne si grande alte- *13.*
 ration, & si nous respirons l'air cõ-
 traire, nous ne le sentons pas tant?
 Aquoy il répond que l'eau donne
 nourriture au corps: & l'air, non.
 mais il n'a point de raison, de ré-
 pôdre en cete maniere: car l'air (le *Au liure,*
 lon l'opinion d'Hippocrate) dõne *des alimẽs:*
 aussi bien nourriture & sustance q̃ *le principe*
 l'eau. Et ainsi, Aristote a trouuẽ *d'aliment,*
 vn'autre meilleure respõce disant, *la bouche,*
 Qu'il ny a pas vn lieu ny region, *le nez, la*
 ayant son air propre: car celuy qui *gorge, &*
 est au iourd'huy en Flandres, cou- *toute la*
 rant à l'entour, en deux ou trois *chair.*

iours passe en Afrique:&celuy qui est en Affrique:par le vêt du midy, s'en va au septentrion:&celuy qui est au iourd'huy en Hierusalem, est chassé par le Leuant, aux Indes du Ponent. Ce qui ne peut aduenir es eaux, pource qu'elles ne sortent pas d'vn mesme territoire:au moyen dequoy chacun peuple a son eau particuliere, conforme aux veines de la terre, d'où elle viét & par où elle passe. Et estant l'homme accoustumé à vne maniere d'eau, quand il en boit vne autre, il s'altere plus que par nouvelles viandes & airs: de maniere que les peres qui voudront engendrer enfans fort sages doiuent boire eaux delicates, & de bõ temperamēt: autrement ils errerõt en la generatiõ. Aristote dit que nous nous gardiõs du vent du midy, plumeux au temps de la generation, pource qu'il est gros,

*En la 14.
sect. probl.*

gros, qu'il humecte fort la semence, & fait engendrer vne fille, non pas vn garçon : mais il louë fort le Ponent, & luy dōne epithetes honorables: Il l'appelle temperé, en- *En la 16. sect. probl.* groisseur de la terre, qui vient des champs Eliseens. Mais combien ^{33.} qu'il importe beaucoup de respirer vn air fort delicat & de bon temperament, & de boire telles eaux, si est ce qu'il vaut mieux, pour ce fait, vser de viandes subtiles & de la tēperature que l'esprit requiert, pource que le sang s'engendre d'iceux: du sang, la semēce: & de la semence, la creature. Si les alimēs sont delicats & de bon temperament, le sang se fait tel: de tel sang, telle semence: & de telle semēce, tel cerueau. Et estāt ce mēbre temperé & composé de substance subtile & delicate, Galē dit *Au liure, de l'art de med. ch. 12.* que l'esprit sera tel: car nostre ame

raisonnable, combien qu'elle soit incorruptible, est tousiours adherante aux dispositions du cerueau, lesquelles n'estans telles qu'il faut pour discourir & philosopher, elle dit & fait mille absurditez, & choses non conuenables. Les viâdes, en apres, que les peres doyuent manger, pour engêdrer enfans de grand entendement (qui est l'esprit le plus ordinaire en Hespagne) font celles cy. En premier lieu, le pain blanc fait de la fleur de la farine, & paistry avec sel : ce pain est froid & sec & de parties subtiles & fort delicates. L'autre pain se fait de bled plus commun & non palse, lequel maintient beaucoup, & fait les hômes membrus & de grâdes forces corporelles, mais pource qu'il est humide & de parties fort grosses, il fait perdre l'entendement, l'ay dit, pestty
 avec

avec du sel, pource que de tous les
 alimens, il n'y en a pas vn qui soit
 plus profitable à l'entendement,
 que le sel. Il est froid, & prouueu
 de la plus grande siccité qui soit es
 choses. Et si nous auons souuenan
 ce de la sentence d'Heraclite, il a
 dit ainsi, *Splendor siccus, animus sa-*
pientissimus: par laquelle il nous a
 voulu donner à entendre, que la
 siccité du corps rend l'ame tres-sa
 ge. Et puis que le sel a vne telle sic
 cité & tant aptopriée à l'esprit, la
 sainte escripture à iuste cause, luy
 donne le nom de prudence & la-
 gesse. Les perdrix & frâcolins sont
 de la mesme substance & tempera-
 ment du pain blanc, du cabril &
 vin muscat: desquelles viandes si
 les peres vsent, de la maniere que
 nous auons noté ailleuts, ils ferôt
 les enfans de grand entédement.
 Et s'ils veulēt auoir vn enfant qui

Quoy que
tu offres en
sacrifice tu
l'assaison-
neras de
sel: reçois le
sel de sapiē
ce: vous e-
stes le sel de
la terre.

soit de grâde memoire, qu'ils mangēt, huiēt ou neuf iours deuāt que venir à l'acte de la generatiō, truites, saumons, lamproyes & anguilles: desquelles viandes ils feront la semence humide & fort glutineuse. Nous auons dit ailleurs que ces deux qualitez rendent la memoire facile à receuoir & propre à garder & conseruer longuement les figures. De pigeons, cabrils, ails, cibouilles & oignons, porreaux, raues, poyre, vinaigre, vin blanc, miel, & toute sorte d'espices, la semence se fait chaude & seiche, & de parties fort delicates. L'enfant ou fils qui s'engendrera de ces alimens fera de grande imagination: mais depourueu d'entendement moins il est (à cause de la grâde chaleur) & de irrité par memoire, à cause de la grande siccité. Ceux là ont coustume d'estre fort preiudiciables à la republi-

Notez que l'homme est libre & seigneur de ses œuvres. Dieu au cōmācemēt a establi l'homme, & l'a laissé en la main de sō conseil. Eccl̃es. cha. iij. Ce neant-moins il est irrité par sa mauuaise tempera-ture.

que : pource que la chaleur les incline à plusieurs vices & maux, & leur donne esprit & courage pour les pouuoir executer. Toutesfois, s'ils s'adonnent à bien, la republique reçoit plus de service de l'imagination d'iceux, que de l'entendement & de la memoire. Les poulles, chappons, le veau & le mouton chastré d'Espagne sont de substance moderee : car ces choses ne sont viandes delicates ny grosses : j'ay dit mouton chastré d'Espagne, pource que Galen sans faire distinction, dit qu'il est de mauuaise & grosse substance : en quoy il n'a point de raison : car combien qu'en Italie (où il a escrit) est la plus mauuaise chair de toutes : si est ce qu'en ceste nostre region, pour la bõté des pasturages, on le doit mettre au nombre des viandes de substance moderee. Les enfans

*Au 3. liu.
de la faculté
des aliments.
ch. 2.*

sans qui s'engendreront de ces ali-
mens, auront vn raisonnable en-
tendement, raisonnable memoire,
& raisonnable imagination. Mais

*Aristotele
dit de ceux
là, l'esprit
est bon qui
obeyt au
biē disant.*

ils ne seront pas beaucoup pro-
fonds aux sciēces, & n'inuenteront
aucune chose nouvelle. Nous auōs
dit ailleurs, que ceux là sont mols,

& qu'il est aisé d'imprimer en eux,
toutes les reigles & consideratiōs
de l'art, claires, obscures, faciles &
difficiles: mais la doctrine, l'argu-
ment, la respōce, le doute, & la di-
stinction leur doit donner à faire.

Or se fera vne semēce grosse & de
mauuais temperamēt, de chair de
vache, de brehaigne, de iambon,
de gros pain, de fromage, d'olives,
de gros vin, & eau trouble. L'en-
fant qui sera engendré de ceste se-
mēce, sera aussi fort qu'un toreau:
mais il sera furieux & d'esprit bru-
tal. De là vient qu'entre les hōmes

rusti

rustiques, à peine sortent enfans
aiguz, ny habiles pour apprendre
les lettres. Ils naissent tous rudes &
lourds, pour auoir esté faits d'ali-
més de grosse & mauuaise sustâce;
ce qui aduient au contraire entre
les citadins, desquels nous voyons
les enfans prouuez de plus grãd
esprit & habilité. Mais si les peres
veulent, à bon escient, engendrer
vn fils gentil, sage, & de bonnes
mœurs, six ou sept iours deuant la
generatiõ, il leur faut mager beau-
coup de laiçt de chieure, pource q̃
cest alimēt, de l'opiniõ de tous les
medecins, est le meilleur & le plus
delicat, de tous ceux que les hom-
mes vsent (ce que i'entens, quand
les hommes sont en santé: & que
cest aliment leur correspõd) mais
Galen dit qu'il le faut manger cuit
avec miel, sans lequel, il est d'age-
reux, & facile à corrompre. La rai-
son est, que le laiçt n'a pas plus de

*Au liure,
des riades
de bon &
mauuais
suc.*

trois elemens, en la composition,
 le fourmage, le megue & le beurre:
 le fourmage respond à la terre: le
 megue à l'eau, & le beurre à l'air.
 Le feu qui se mesloit es autres ele-
 mens, & qui les conseruoit en la
 mixtiõ, en sortât de la terre, s'exa-
 le, pource qu'il est fort delicat:
 mais y aioustant vn peu de miel
 (qui est chaud & sec cõme le feu)
 le laiët demoure avec quatre ele-
 mens: lesquels meslez & cuiçts par
 le moyé de nostre chaleur naturel-
 le, font vne semence fort delicate
 & de bõ réperamēt. Le fils qui en
 sera engendré, sera pour le moins
 de grád entédemēt, & nō deprou-
 ueu de memoire ny d'imaginatiõ.
 Pource qu'Aristote n'a cogneu ce-
 ste doctrine, il n'a pas repõdu à vn
 probleme qu'il fait, demádât Pour
 quoy les petits des bestes brutes,
 pour la plus part tirēt les proprie-
 tez & cõditiõs de leurs peres: & les

*En la 10.
 sect. probl.*

12.

enfans de l'homme, non pas? Ce q̄
 nous voyōs estre ainsi par experiē
 ce: car de peres sages sortēt enfans
 fort ignorās: & de peres ignorans,
 enfans fort aduīsez: de peres ver-
 tueux, enfans mauuais & viciēux:
 de peres viciēux, enfans vertueux:
 de peres laids, enfans beaux: de pe-
 res beaux, enfans laids: de peres
 blancs, enfans noirs: & de peres
 noirs, enfans blancs & colorez. Et
 entre les enfans d'vn mesmē pere
 & d'vne mesme mere, l'vn sort *de d. m. d.*
 ignorāt & l'autre auīsē: l'vn laid, &
 l'autre beau: l'vn de bōne comple-
 xiō & l'autre de mauuaise: l'vn ver-
 tueux & l'autre viciēux. Si lon bail-
 le à vne bōne iumēt, vn tel cheual,
 le poulain qui en sort ressemble à
 ceux qui l'ont engēdrē, tāt en la fi-
 gure & couleur, qu'en les façōs de
 faire. Aristote a fort mal respōdu à
 ce probleme disant, Que l'hōme
 a diuer

a diuerſes imaginations en l'acte charnel, & q̄ de là viēt q̄ les enfans ſont tāt differens des peres : mais, pource q̄ les beſtes brutes, en leur generation, ne ſont diſtraites & n'ont vne tāt forte imagination q̄ l'hōme, les petits qu'elles font ſont tēt touſiours d'vne meſme maniere & ſemblables à elles. Ceſte reſpōce a touſiours cōtētē les philoſophes vulgaires, pour la cōfirmation de laquelle, ils alleguent l'hiſtoire de Iacob, laquelle recite que mettant certaines verges peintes aux abreuoirs des troupeaux chāpeſtres, les moutōs ſont naiz & ſortiz tachez. Mais peu leur ſert d'alleguer cela, pource q̄ ceſte hiſtoire racōte vn fait miraculeux, q̄ Dieu a fait, pour comprendre en iceluy quelque Sacrement. Et meſmes la reſpōce d'Ariſtote eſt vne grande abſurdité: & ſi l'on ne meut croire, que

Gen. ch. 30

re, q̃ les bérgers fassent maintenāt cest essay, & ils verrōt que ce n'est pas vne chose naturelle. On dit aussi qu'une dame enfanta vn fils plus noir qu'il n'estoit cōuenable, pource qu'elle cōtēploit vn visage noir, qui estoit au ciel de son liēt: ce q̃ ie tiēs pour vne grāde moquerie: & si d'auanture elle le fit tel, ie dy q̃ le pere qui l'engēdrauait la mēme couleur de la figure de ce ciel pāint. Et à fin de voir plus clai remēt, cōbiē en cela est mauuaise la philosophie qu'allegue Aristote & ceux qui le suiuent, il est besoin de sçauoir pour chose notoire, q̃ l'œuure de l'engēdrer appartient à l'ame vegetatiue & nō pas à la sensitive ny à la raisonnable: car le che ual engendre, sans la raisonnable, *Arist. mes-* & la plante, sans la sensitive: & si *me le con-* nous regardōs vn arbre chargé de *fesse au lieu* fruits, nous trouuerons en iceluy, *de l'ame.*

plus grande diuersité qu'es enfans des hōmes: nous voyōs vne pomme verte & l'autre coloree, vne petite & l'autre grāde: vne ronde & l'autre mal faite, vne saine & l'autre pourrie: vne douce & l'autre amere: & si nous comparōs les fruits de ceste annce avec ceux du passé, on les trouuera fort differēs & cōtraires. Ce qui ne se peut attribuer à la diuersité de l'imaginatiō, puis que les plātes sont priuees de ceste puissance. L'erreur d'Aristote est fort manifeste en sa propre doctrine: car il dit que la semence de l'hōme est celle qui fait la generation & non pas celle de la femme, mais en l'acte venerien il n'y a autre œuvre de l'hōme que d'espan dre la semēce, sans forme ny figure, cōme le labourer qui es pand & seme le bled en la terre. Cōme donc le bled ne prend pas racine
aussi

aussi tost qu'il est épandu & semé,
 & ne se forme son épice & tuyau q
 quelques iours après, ainsi Galé dit *Au liure,*
 que la creature n'est pas formée *de factus for*
 aussi tost q la semence de l'homme est *matione.*
 en la matrice de la femme: ains qu'il
 faut trête ou quarâte iours deuant
 qu'elle soit formée. Parquoy, que *Hippocrate*
 sert à l'homme d'imaginer diuerses *te au liure,*
 choses en l'acte Venerië, puis que *de nat. sa-*
 l'enfant ne se commâce à former *tur.*
 qu'après quelques iours: ioint que
 l'ame du père ny de la mere, ne
 font ny donnét la forme, mais yne
 autre troisieme, qui est en la mes-
 me semence. Et cestelà, pour estre
 seulement vegetative, n'est pas ca-
 pable de l'imagination, & suit seu-
 lement les naturels mouuemens
 du temperament, sans faire autre
 chose. Or de dire que les enfans
 naissent, de telle & telle forme &
 figure, à cause de la diuerse ima-

gination des peres, c'est comme si l'on pensoit que des bleds & grains, les vns sont grands & les autres petis, pource que le laboureur, en les semant, est diuertý en diuerses imaginations. De ceste mauuaise opinion d'Aristote, aucuns curieux inferent que les enfans de l'adultere ressemblent au mary de la femme adultere, bien qu'ils ne soient fiés. Et leur raison est manifeste: car en l'acte charnel les adulteres imaginent le mary, avec crainte qu'il ne viēne & qu'il ne les trouue sur le fait. Par le mesme argument ils inferent que les enfans du mary, ressemblent à l'adultere, encores qu'ils ne soyent siens: pource que la femme adultere estant en l'acte charnel avec son mary, contemple tousiours la figure de son amy. Et ceux qui disent que l'autre femme enfanta vn enfant

fant noir, pource qu'elle imagi-
noit la figure noire du ciel de liēt,
auquel elle contemploit, doiuent
pareillement admettre ce que ces
curieux ont dit & prouué: car le
tout est de mesme. Quant à moy
ie pense que cela est vne bourde &
pure mensonge, mais l'on infere
fort bien, de l'opinion d'Aristote.
Hippocrate a mieux respondu au
probleme, disant Que les Scithes
ont tous mesmes mœurs & forme
de visage: & donnant la raison de
ceste semblance, il dit qu'ils man-
gent tous vne mesme viande, &
boient mesmes eaux, sont vestuz
d'une mesme maniere: & gardent
vne mesme façon de viure. Les
bestes brutes, pour ceste mesme
raison, engendrent leurs petits à
leur semblance & figure particu-
liere, pource qu'ils vident tousiours
d'une mesme viande, & font la se-

*au liure,
de l'air,
lieux, &
eaux.*

mence d'une mesme forme. Au contraire pource que l'homme mange diuerses viandes chacun iour, il fait la semence differente, tant en substance qu'en temperament. Ce que les Philosophes naturels approuuent, respondans à vn proble

Alexandre me qui demande, Pourquoi les *Aphrodis.* excremens des bestes brutes n'ont
au 1. liure, pas tant mauuaise odeur que ceux
probl. 26. de l'homme? & disent, Que les bestes brutes vsent tousiours de mesmes alimés, & font beaucoup d'exercice: mais l'homme mange tant de viandes & de tant diuers substance, qu'il ne les peut digerer ny vaincre, à raison dequoy elles se viennent à corrompre. La semence humaine & de la beste, sont toutes deux de mesme sorte, pource qu'elles sont faites toutes deux des excremens de la troisieme cōcoction. La diuersité des viandes
desquelles

desquelles vse l'homme, fait tous les iours la semence differente & particuliere. Et pourtant est il certain que le iour que l'homme mange de la vache, ou du salé, il fait la semence grosse, & de mauuais temperament, & pourtāt l'enfant qui s'en engendrera, sera laid, ignorāt, noir & de mauuaise complexion: mais si il mange de la chair de chapeau ou de poule, il fera la semence blanche, delicate & de bon temperament: & pourtant l'enfant qui s'en engendrera sera bien fait, beau, sage, & de complexion fort affable. Dont ie colige & cognoy que nul enfant ne naist qui ne tire les qualitez & le temperament de la viande que les parens ont mangé, vn iour deuant qu'ils l'ayent engendré. Et si quelqu'un veut sçauoir de quelle viande il a esté formé, il ne faut faire autre chose que con-

fiderer quelle viande est la plus familiere à son estomac : car certain-

Alexandre nement c'est de ceste là. Les philo
Aphrodif. sophes naturels demandent aussi,
probl. 18. pourquoy les enfans des hommes
 sages ordinairement sortent igno-
 rās & deprouuez d'esprit? Aquoy
 ils respondēt fort bien disans, que
 les hommes sages sont fort hon-
 nestes & hôteux: à raison dequoy,
 ils se gardent en l'acte charnel de
 faire aucunes choses qui sont ne-
 cessaires à ce que l'enfant sorte a-
 uec la perfection qu'il doit auoir.
 Et le prouuēt par les peres lourds
 & ignorans, lesquels, pour emplo-
 yer toutes leurs forces, au temps
 qu'ils engendrent, font des enfans
 ingenieux & sages : mais ceste res-
 ponce est d'hommes qui sçauent
 peu de philosophien naturelle. Il est
 vray que pour respondre comme
 il faut, il est besoin presupposer &
 prouuer

prouuer quelques choses premierement: l'une desquelles est que la faculté raisonnable est contraire à celle de l'ire & concupiscence, de telle maniere que si vn homme est fort sage, il ne peut estre courageux, de grandes forces corporelles, grand mangeur, ny puissant pour engendrer, pource que les dispositions naturelles necessaires à ce q̄ la faculté raisonnable puisse œurer, sont totalement contraires à celles que requiert celle de l'ire & de la cōcupiscence. *En la 14. sect. probl.* Aristote dit (& il est vray) que le courage & vaillance naturelle consiste^{15.} en chaleur: & la prudence & sçauoir en siccité. Et ainsi voyons nous clairement par experience, que ceux qui sont fort courageux, sont deprouuez de raison, parlēt peu, n'endurent moqueries, & se courroucent prōtement. Et pour

y remedier, ils mettent incontinent la main à l'espee, pource qu'ils ne peuuent donner autre responce: mais ceux qui ont bon esprit, fournissent de plusieurs raisons & responses aigues: ils vsent de propositions ioyeux, desquels ils s'entretiennent de peur de venir aux mains. De ceste maniere d'esprit Saluste nota Ciceron, disant qu'il auoit beau coup de langue & les pieds fort legers: en quoy il auoit raison, pource que tant de sçauoir ne pouuoit se tourner qu'en couardise pour le fait des armes. Et de là dit on par maniere de gaudisserie, Il est vail lât cōme vn Cicerō, & sage comme vn Hector, pour noter vn homme d'ignorance & couardise. La faculté animale ne contredit pas moins à l'entendement: car estant vn homme de grandes forces corporelles, il ne peut auoir l'esprit delicat

delicat:& la raison est que la force des bras & des pieds vient de ce que le cerueau est dur & terrestre. Et combien que pour la froideur & siccité de la terre, il puisse auoir bon entédemét, si est ce que pour ce qu'il est de grosse substance, il ne le peut auoir: ce qui fait, par mesme moyen vn autre mal, qui est q̄ pour la froideur, se perd le cœur & la vaillance:& ainsi auons nous veu aucuns hommes des grandes forces, estre fort conards. La contrarieté d'entre l'ame vegetatiue & la raisonnable, est plus manifeste que toutes: pource que les œures de la vegetatiue (qui sont nourrir & engédrer) se font mieux avec chaleur & humidité, qu'avec les qualités contraires: ce que l'experience monstre clairement, cōsiderât combien ces qualitez sont puissantes en l'âge des enfans, & lasches

lasches en la vieillesse: en l'enfance, l'ame raisonnable ne peut œurer, & en l'âge dernière (en laquelle n'y a ny chaleur ny humidité) elle œure merueilleusement & ha grãde vigueur: de maniere que tant plus vn homme sera puissant pour engêdrer, & cuire beaucoup de viande, tant plus il perd de la faculté raisonnable. Platon fait à cecy vne allusion, quand il dit, qu'il n'y a humeur en l'hôme, qui trouble tât la faculté raisonnable, que la semence feconde. Il dit seulement qu'elle aide à l'art de faire des vers: ce que nous voyons tous les iours par experience: car quãd vn homme commence à estre amoureux, il se met incontinent à la poësie: & s'il estoit au parauant sale & mal propre, il deuient tout aussi tost propre & gentil, & n'endure pas vne petite ordure sur sa cappe.

Au Dialogue, de la nature.

Au Sophiste.

cappe. Cela viét pource que telles
 œuures appartiennent à l'imagi-
 nation: laquelle croist & monte
 d'un degré, avec la grâde chaleur,
 que la passion amoureuse a causé.
 Or que l'amour soit vne alteratiō
 chaude, se voit clairement, par le
 courage & vaillâce qu'il cause en
 l'amoureux, par ce qu'il luy oste le
 desir de manger & qu'il ne le lais-
 se point dormir. Si la republique
 auoit egard à ces signes, elle oste-
 roit des vniuersitez les estudians
 qui sont vaillás, qui ayment les ar-
 mes, & qui sont amoureux: elle
 chasseroit les Poètes, ceux qui sont
 propres & mistes: car ceux là n'ôt,
 ny elprit ny habilité, à aucun gen-
 re de lettres. Aristote excepte de
 ceste reigle, les melancholiques *En la 4.^e sect. probl.*
 par adustion, desquels la semence *31.*
 (bien qu'elle soit feconde) n'oste
 pas l'esprit. En fin toutes les facul-
 tez

tez qui gōuvernēt l'homme, empêchent la faculté de la raison, si elles sont fortes. Et de là vient que si vn hōme est fort sage, il est incontinent couard, de peu de forces corporelles, petit mangeur & non puissant pour engendrer. La cause de cela est que les qualitez qui le font sage (qui sont froideur & siccité) debilitēt les autres puissances, comme l'on voit aux hommes vieux, lesquels n'ont force ny valeur si n'est pour le cōseil & prudence. Ceste doctrine ainsi supposée, l'opinion de Galen est, que deux semences sont nécessaires, à fin que la generation ait l'effet de quelque parfait animal: l'vne qui soit agente & qui forme: & l'autre qui serue d'aliment: car vne chose tant delicate que la geniture ne peut incontinent vaincre vne viade tāt grosse, cōme est le sang, iusqu'à tant

tant que l'effect soit plus grand. Et que la semence soit le vray alimēt des membres contenans la semence, Hippocrate, Platon & Galen l'atestent: car selon leur opinion, si le sang ne se conuertit en semence, il est impossible que les nerfs, les veines & arteres se puissent maintenir. Et ainsi Galē dit que la difference qui est entre les veines & les couillons, est que les couillons font bien tost beaucoup de semence: & les veines, peu, & en long temps. De maniere que nature a fait prouision d'un aliment tant semblable, que par vne legere alteration & sans faire excremens, elle peut maintenir l'autre semence: ce qui ne pourroit aduenir si la nourriture se deuoit faire de sang. Galen dit que nature a fait la mesme prouision, en la generation de l'homme, qu'elle fait pour
former

*Au 1. liure
de la semē-
ce, chap. 15.*

*Au 2. liure
de la semē-
ce, chap. 16.*

former le poulet & les autres oiseaux qui sortent des œufs: esquels nous voyons qu'il y a deux substances: la glaire, & le iaune: l'une, de laquelle se fait le poulet, & l'autre, dont il se maintient tout le temps que se fait la forme. Par la mesme raison sont necessaires deux semences en la generation de l'homme: l'une, de laquelle se fait la creature, & l'autre, dont elle se maintiét, durant le temps qu'elle se forme. Mais Hippocrate allègue vne chose digne de grande consideration: c'est que nature n'a pas déterminé quelle des deux semences doit estre agente & former, ny quelle doit seruir d'aliment. Car la semence de la femme est souuentefois de plus grande efficace que celle de l'homme: & quand il aduient ainsi, elle fait la generatiō, & celle du mary sert d'aliment: autrefois
celle

celle du mary est plus puissante, à engendrer, & celle de la femme ne fait que nourrir. Aristote n'a peuventêdre dequoyseruoit la semēce de la fēme, & ainsi a il dit mille absurditez, qu'elle estoit cōme vn peud'eau, sās vertuz ny forces pour engendrer. s'il estoit ainsi, la femme ne voudroit iamais auoir affaire avec l'homme & iamais n'appeteroit sa compagnie, ains fueroit l'acte charnel, pour estre vn œuvre tant sale & deshonneste, à len droit d'elle qui se monstre tant hōneste. Au moyen dequoy en peu de temps, le gēre humain prédroit fin, & le monde demoureroit priué de l'animal le plus beau que nature ait iamais créé. Ainsi Aristote demande, pourquoy l'acte venerien est la chose plus agreable que nature ait ordonné, pour la recreation des animaux? Aquoy il ré

*En la 4. sec.
probl. 16.*

pond que comme ainsi soit que nature procurast tant la perpetuité des hommes ; elle a mis en ces œuvres là vn grand plaisir & delectation , à fin qu'ils s'adônassent volontiers, par tels plaisans eguillons, à l'acte de la generation: car s'ils n'auoient ces eguillons là , il n'y auroit homme ny femme qui se voulust marier, veu que la femme porte en son ventre l'enfant neuf mois , avec grande peine & douleur , & en danger de perdre la vie , quand elle l'enfante. Et pourtant faudroit il que la republique contraignist les femmes à se marier, craignant que la generation humaine vint à defaillir. Mais comme nature fait les choses avec douceur , elle a donné à la femme tous les instrumens qui estoient necessaires, pour faire la semence laquelle incitast & fust propre à engendrer

gendrer: au moyé dequoy, elle desirast l'homme, & fust bien aise de sa compagnie. Et si elle eust tenu les qualitez que dit Aristote, elle l'eust eu en horreur plustost que del'aymer. Galen prouue cela par l'exemple des bestes brutes: car il dit que si vne truie est chaste, elle n'appete iamais le pourceau, & ne le veut souffrir, quand il vient à elle. Le semblable se void en vne femme, de laquelle le temperament est plus froid qu'il ne faut: car si on luy parle de mariage, il n'y a chose, qu'elle haïsse plus. Autant en est de l'homme froid, & le tout, pour la priuation de la semence feconde. Dauantage si la semence de la femme estoit de la maniere que dit Aristote, elle ne pourroit estre propre aliment: car pour auoir les qualitez dernieres de la nourriture actuel-

*Au 1. liure
de la semen
ce, chap. 15.*

le, est requise l'entiere semblance à ce qui se doit nourrir. Et si elle n'estoit deia parfaite & semblable, elle ne pourroit en apres acquir cete perfection & semblance, pource que la semence de l'homme n'a point d'instrumens ny lieux (comme sont l'estomac, le foye, & les couillons) où il la puisse cuire & parfaire. Parquoy nature a fait qu'il y eust deux semences en la generation de l'animal, desquelles meslees, la plus puissante formast, & l'autre seruist d'entretenement & nourriture. Ce qui appert estre veritable : car si vn homme noir engroisse vne femme blanche, & vn homme blanc, vne femme noire, la creature tiendra de l'vn & de l'autre, & sera de couleur brune. Par cete doctrine voit on estre vray ce que plusieurs histoires anciennes affirment, qu'vn

qu'un chié ayât eu affaire avecvne femme l'ëgroissa: & autât en fit vn Ours, avec vne damoiselle qu'il trouua seule aux champs: vn singe, qui fit deux enfans à vne autre femme: & mesmes est fait métiõ d'vne autre laquelle en passant le lög de la mer, fut engroissie par vn poisson qui saillit de l'eau. Le vulgaire trouue cela difficile, & demandet comme se pouuoit faire q̃ ces femmes enfantassent hõmes parfaitz, & avecv sage de raison, veu q̃ les peres qui les engendrèrent estoient animaux tant laids? On peut répõdre à cela que la semëce de toutes ces femmes là estoit agente & formoit la creature, pour ce qu'elle estoit la plus puissäte: & ainsi qu'elle la formoit par les accidens de l'espece humaine. La semence du laid animal (pource qu'elle n'auoit tant de force) ne seruoit d'autre

chose que de nourriture. Car il est aisé à entendre que la semence de ces bestes irraisonnables peust donner nourriture à la semence humaine : pource que si chacune de ces femmes eust mangé vn morceau d'Ours, ou de chien cuit ou roty, elle s'en fust sustantee, encores que ce n'eust esté tant bien que si elle eust mangé du mouton ou des perdrix. Autât en auient à la semence humaine, de laquelle la vraye nourriture, durât q̄ la creature se forme, est l'autre semence humaine : & si elle leuiét à defaillir, la semence de la beste brute y peut biē suppleer. Mais ces histoires là, notēt q̄ les enfans qui naquirēt de telles cōiunctions demōstroiet biē en leurs mœurs & cōplexiōs, que leur generatiō n'auoit esté naturelle. Or, encores q̄ nous ayōs vn peu tardé, nous pourrōs biē de tout ce q̄ nous auōs dit,

tirer

tirer responce au principal probleme, qui est que les enfans des hommes sages se font quasi tousiours de la seméce de leurs mères, pour ce que celle des peres (pour la raison que nous auons dit) n'est propre pour engendrer, & ne sert que d'aliment en la generation. Ainsi donc l'homme qui se fait de la semence de la femme ne peut estre ingenieux, ny habile, à cause de la grande froideur & humidité de ce sexe. Parquoy est-il certain que si l'enfant est discret & aduisé, indubitablement il a esté fait de la seméce de son pere : & s'il est lasche & ignorant, on cognoit, par ce moyen, qu'il a esté formé de la semence de sa mere. Et suyuant cela, le Sage a dit, *Filius sapiens latificat patrem : filius vero stultus, mæstina est matris sue.* li peut aduenir aussi, par quelque occasion, q la seméce

Comme la semence est es femmes plus humide, elle est aussi plus froide. Galien. 6. des li. ux. ch. 5.

Prov. 5. ch. 10.

de l'homme sage soit l'agent & celle qui forme, & que celle de la femme serue de nourriture. Mais le fils qui s'en engendrera, sera de peu de sçauoir: car combié que la froideur & siccité soyēt deux qualitez necessaires à l'entendement, si est il qu'elles doyuent auoir certaine mesure & quantité, surpassant laquelle, il est certain qu'elles font plus de mal que de bien: comme l'on voit es hōmes fort vieux, lesquels pour la grande froideur & siccité qui est en eux, disent mille absurditez. Dauantage posons le cas qu'à l'homme sage restassent dix ans à viure de conuenable froideur & siccité, pour raisonner & discourir de telle maniere, que passant de là en auant, il vint à changer, si de la semence de cestuy là s'engendroir vn fils, il seroit iusques à dix ans, de grand esprit,

(pource

(pource qu'il iouyroit de la froid-
 deur & siccité conuenable de son
 pere :) mais quand il auroit onze
 ans, il viendroità changer, pour
 auoir outrepassé le poinct que ces
 deux qualitez doyuent auoir. Ce
 que nous voyõs tous les iours par
 experience es enfans que lon a eü
 en vieillesse : lesquels en enfance,
 sont fort auisez : mais en apres, ils
 sont hommes fort ignorans, & ne
 vinèt gueres. La raison de cela est,
 qu'ils ont esté faits de semécefroi-
 de & seche, qui auoit deia passé la
 moitié du cours de la vie. Si le pe-
 re aussi est sage es œuures de l'ima-
 gination, & s'il est marié (pour sa
 chaleur & siccité) à vne femme
 froide & humide au troisieme de-
 gré, l'enfant qui s'engendrera de
 ceste conionction sera tres-igno-
 rant, s'il est formé de la semence
 de son pere, pour auoir esté en vn

ventre tant froid & humide , & pour auoir esté maintenu d'un sang tant intemperé. Il auient au contraire si le pere est ignorant, duquel la semence est ordinairement chaude & humide en extrémité. L'enfant qui s'en engendra sera grossier iusques à quinze ans, à cause qu'il tient de la superflue humidité du pere : laquelle se perd avec l'âge plus meur, auquel la semence de l'homme ignorant est plus temperée & a moins d'humour. Mieux vaut aussi pour son esprit, quand il a esté porté neuf mois en un vêtre, de si peu de froid & humidité comme celui de la femme froide & humide au premier degré, où il a souffert tant de faim , & eu faute de nourriture. Tout cela aduient ordinairement pour les raisons que nous auons dit : mais il se trouue certaine race d'hom

*Car laf. 1m
desche les
corps. Gal.
au 2. des a-
phor. cō. 16.*

d'hommes, desquels les membres genitaux, sont de si grande force & vigueur, qu'ils denuent totalement les alimens de leurs bonnes qualitez, & les conuertissent en leur mauuaise & grosse substance. Et pour ceste cause, tous les enfans qu'ils engendrent (combien qu'ils aient mangé viandes delicatcs) sont rudes & ignorans. Autres se trouuent au contraire, lesquels vsans de grosses viâdes, & de mauuais temperament, sont tant puissans à les vaincre & digerer, qu'ils ne laissent pas de faire leurs enfans de bon esprit. Ainsi donc est-il certain qu'il y a vne maniere d'hommes ignorans: autre, d'hommes sages, & que l'on en voit d'autres qui sont ordinairement fols & deprouueus de iugement. Aucuns doutes se presentēt à ceux qui veulent parfaitement entendre ceste matiere:

matiere: la responce auxquels est fort aisee, par la doctrine que nous auons deduit. On peut demander d'où vient que les enfans bastards ressemblent ordinairement à leurs peres: & que de cent legitimes, les nonante tirent la figure & mœurs de leurs meres? Secondement on peut demander pourquoy les enfans bastards sont ordinairement gentils de leurs personnes, courageux & aulsez: tiercement, d'où vient que si la mechante femme deuiet enceinte, encores qu'elle boiue la medecine pour supprimer son fruct, & qu'elle se fasse saigner plusieurs fois, elle ne peut neantmoins perdre la creature qu'elle porte: & si la femme mariee est enceinte de son mary, elle viët à auorter pour peu de chose. Platon respond au premier doute & dit, que nul n'est mauuais

mauvais de sa propre volôté, sans estre premierement irrité, par le vice de son temperament. Il ameine l'exemple des hommes luxurieux, lesquels ayans beaucoup de semence feconde, souffrent grandes illusions & beaucoup de douleurs : au moyen dequoy estans molestez de ceste passion, ils cherchent femmes, pour s'en exêpter. Galen dit que ceux là ont les instruments de la generation fort chauds & secs: & pour ceste cause ils font la semence fort acre, mordante & puissante pour engêdrer. L'homme qui va chercher la femme qui n'est pas sienne, va remply de ceste feconde & fertile semence, cuite & bien assaisonnee, de laquelle necessairement se doit faire la generation, pource qu'en l'egalité la semence de l'homme est toujours de plus grande efficace:

& la

& si l'enfant se fait de la semence du pere, necessairement il luy ressemblera. Il auient au contraire es enfans legitimes: car pource que les maris ont tousiours leurs femmes à costé, ils n'attendent iamais que la semence soit meure, ny que elle se fasse propre à engendrer, ains la iettent estans promptemēt induits à l'acte de generation, & vsent de grande violence & force: & pource que les femmes sont en repos en l'acte Venerien, iamais leurs vaisseaux de la semence, ne la donnent que premieremēt elle ne soit cuite & biē meure, & qu'il n'y en ait beaucoup. Et pour ceste cause, les femmes mariees font tousiours la generation, & la semence de leurs maris sert de nourriture. Mais aucunesfois les deux semēces ont vne egalle perfectiō, & combatēt de telle maniere, que

ny

ny l'une ny l'autre gaigne le dessus pour dōner forme, ains se fait l'enfant qui n'est semblable ny au pere ny à la mere. Autres fois elles semblent s'accorder & diuiser la figure & forme: la semence du pere fait le nés & les yeux: & celle de la mere, la bouche & le frōt. Et ce qui est plus admirable, souuentefois est auenu, que l'enfant soit sorty au monde, avec vne oreille semblable à celles du pere: & vne autre, semblable à celles de la mere: & ceste diuision mesme ou difference s'est veuë pareillemēt aux yeux. Mais si la semence du pere surmonte du tout & est la plus forte, l'enfant luy ressemblera de visage & de mœurs: & quand la semence de la mere est la plus puissante, autant en aduient, pource que l'enfant tient de la mere. Parquoy le pere qui voudra que l'enfant

fant se fasse de la propre semence,
 se doit absenter quelques iours de
 sa femme, & attēdre que sa semen-
 ce se cuise & meurisse. Et lors il
 peut estre certain qu'elle aura le
 dessus & la force, & que celle de sa
 femme ne seruira que de nourri-
 ture. Il n'y a pas grande difficulté
 en l'autre doute, pource que les
 enfans bastards se font ordinaire-
 ment de semēce chaude & seiche:
 de laquelle téperature nous auons
 prouué beaucoup de fois, que pro-
 cede le courage, la vaillance, & la
 bonne imagination, à laquelle ap-
 partient la prudence de ce siecle.
 Et pource que la semence est cui-
 te & parfaitement meure, nature
 en fait tout ce qu'elle veut, & les
 paint comme d'un pinceau. Quāt
 au troisieme doute, on peut dire
 que la groisse des meschantes fem-
 mes se fait quasi tousiours de la se-
 mence

menge de l'homme, laquelle pour
estre plus forte & propre à la gene-
ration, s'enracine mieux aussi au
ventre de telles femmes. Mais
quant aux marices, pource qu'el-
les deuiennent enceintes de leur
propre semence, qui n'est pas si
forte, la creature glisse facilement,
pource qu'elle est humide & glueu-
se: ou comme dit Hippocrate, *Ple-* *Lib. 4. des*
na mucoris. *aphor. 45.*

*Quelles diligences doyuent estre em-
ployees, pour conseruer l'esprit aux
enfans, depuis qu'ils sont nés & for-
mez. S. V.*

LA matiere de laquelle
l'homme est composé
est tant aisée à s'alter-
rer, & tât suiette à cor-
ruption, qu'au mesme instant que
elle commence à se former, elle se

vient à alterer, sans y pouuoir re-
En la Sap. sister. Et pourtant est dit, *Nos nati*
chap. 5. *continuo desinimus esse.* Et pour ce-
 ste cause nature aprouueu le corps
 humain de quatre facultez natu-
 relles : pour attirer, retenir, cuire,
 & ietter hors : lesquelles en cui-
 sant & alterant les alimens que
 nous mâgeons, reparent la sustan-
 ce perdue, par la succession d'une
 autre. De là peut on entédre, qu'il
 ne sert de gueres que l'enfant ait
 esté fait de seméce délicatè, si l'on
 ne regarde aux viandes qu'il doit
 manger. Car quâd l'enfant est par-
 fait & formé, il ne luy demoure
 aucune chose de la sustance pre-
 miere de la semence, de laquelle il
 a esté composé. Il est vray que si la
 premiere semence, a esté bien cui-
 te & assaisonnée, elle est de si gran-
 de force & vigueur, que cuisant &
 alterant les viandes, encores qu'el-
 les

les soyent de mauuais suc , elle les reduit à son temperament & bonne substance : mais on pourroit bien tant vser d'alimens contraires , que la creature vint à perdre les bonnes qualitez qu'elle a receu de la semence dont elle a esté faite. Et pour ceste cause Platon dit que la mauuaise nourriture du boire & manger , fait perdre , plus que toute autre chose , l'esprit de l'homme & ses bonnes mœurs. Et pourtant il conseille que nous donnions aliment & nourriture aux enfans , qui soit de bon temperament , à fin que quand ils seront plus grands , ils sçachent reietter le mauuais aliment & choisir le bon. La raison de cela est fort claire : car puis que le cerueau s'est fait au commencement de semence delicate , & puis que ce membre se cōsomme

*Au diable
gue de la
nature.*

iournellement, & se refait & repare par les viandes que nous mangeons, il est certain que si elles sont grosses & de mauuaise temperature, vsant d'icelles plusieurs iours, le cerueau prendra ceste mesme nature. Ainsi donc il ne suffit pas que l'enfant soit fait de bonne semence, si les alimens qu'il mangera (apres la naissance) n'ont les mesmes qualitez. Nous sçaurons aisément quelles sont ces qualitez, veu que les Grecs ont esté les hommes les plus discrets qui aient esté au monde, & que cherchant les alimens & viandes pour faire leurs enfans ingenieux & sages, il est certain qu'ils ont trouué les meilleures & plus propres: car si l'esprit subtil & delicat consiste en ce que le cerueau soit composé de parties subtiles, & de bonne tem-
pera

perature, l'aliment qui aura ces deux qualitez, sur toutes, sera celui duquel il faut vser, pour obtenir la fin que nous voulons. Galen dit que suyuât l'opiniõ de tous les medecins Grecs, le laiët de chieure cuit avec miel, est le meilleur aliment que l'on puisse trouuer: car outre ce qu'il est de substance fort moderee, la chaleur, qu'il a, n'excede pas la froideur; ny l'humidité, la siccité. Parquoy auons nous dit n'agueres, que les peres, qui à la verité voudront engendrer vn enfant sage, gentil & de bonnes mœurs, doyuent manger six ou sept iours, deuant la generation, beaucoup de laiët de chieures, cuit avecques miel. Mais combien que cest aliment soit tât bon, comme dit Galen, il est meilleur, pour l'esprit, que la viande soit des parties subtiles, que de substâce moderee:

car tant plus s'employe la matiere à la nourriture du cerueau, & plus l'esprit deuient subtil & bon. Et pour ceste cause les Grecs tiroient du lait, le fromage & le megue (qui sont les deux elemens de sa composition) & laissoient l'autre partie du beurre, qui est de la nature de l'air. Ils la donnoient à manger à leurs enfans, estant mellee avec miel, en intention de les faire ingenieux & sçauans. Ce qui appert estre veritable, par ceq̃ raconte Homere. Dauantage les enfans mangerent soupes faites de pain blac, d'eau fort delicate, avec miel & vn peu de sel: mais en lieu d'huy le, pource qu'il est mauuais & nuisible à l'entendement, l'on y mettra du beurre du lait de chieure, duquel le temperament & substance est propre pour l'esprit. Mais en cecy y a vn inconuenient fort grand:

*As 10. de
son Illiade.*

grand : qui est que les enfans qui
 vsent de viandes tant delicates,
 n'ont iamais grande force , pour
 resister aux iniures de l'air , & ne
 se peuuent garder des autres in-
 conueniens , qui ont coustume de
 les faire malades. Ainsi donc pour
 les auoir sages , ils seront maladifs
 & ne viuront gueres. Il faut
 donc sçauoir comme les enfans se
 pourront nourrir ingenieux & sa-
 ges , sans q̄ cest art cōtredise à leur
 santé. Ce qui sera facile à faire , si
 les peres osent pratiquer aucunes
 reigles & preceptes que ie diray
 icy. Et pource que les riches &
 gens aisez sont trōpez en la nour-
 riture de leurs enfans , qu'ils trait-
 tent tousiours de la susdite viāde,
 ie leur veux dōner premieremēt la
 raison pourquoy, leurs enfans n'a-
 prennent rien aux sciēces, cōbien
 qu'ils ayent des maistres , qui les

enseignent songneusement : &
 comme l'on pourra remedier à
 cela, sans que leur vie en soit abre-
 gee ny leur santé empiree. Hippo-
 crate dit & nombre huiet choses
 lesquelles humectent la chair de
 l'homme, & qui l'engraissent. La
 premiere est, la ioyeuse & ocieu-
 se vie: l'autre, le dormir beaucoup:
 la troisieme, trouuer vn bon lict:
 la quatrieme, la bonne viande &
 le bon vin: la cinquiesme, les bons
 vestemens: la sixiesme, l'aller touf-
 iours à cheual: la septiesme, faire
 sa volonte: la huietiesme, s'occu-
 per en icux, passer temps & choses
 qui luy donnēt contentement. Ce
 qui est tāt manifeste & veritable,
 que encores qu'Hippocrate ne
 l'eust dit, personne ne le pourroit
 nier. On pourroit seulement dou-
 ter si le peuple qui a son plaisir,
 observe tousiours ceste maniere
 de

*Au liure
 de l'air,
 lieux &
 eaux: au
 liure de sal.
 diata, com.
 14. au 6.
 des Epide.
 par 5. aph.
 9.*

deuiure: car s'il est ainsi qu'il le fa-
 se, nous pouuons bien inferer que
 la semence est tres-humide & que
 les enfans qui s'en engendreront,
 do yuent sortir necessairement,
 avec vne superflue humidité, la-
 quelle se doit consommer, pource
 que ceste qualité supprime les œu-
 res de l'ame raisonnable, & pour-
 ce qu'elle rend les hommes mala-
 difs & leur abrege leurs iours, se- *Hippocra-*
 lon que disent les medecins. Sui- *te, au lin.*
 uant cela, le bon esprit & la ferme *des vlcères*
 santé corporelle, demandent vne
 mesme qualité (qui est le sec) &
 pourtant les reigles que nous auõs
 amené, pour faire les enfans sages
 seruent aussi à les faire sains & de
 longue vie. En apres, aussi tost
 que l'enfant des peres riches &
 aisez, est nay (veu que la chair tient
 plus de froideur & humidité, qu'il
 n'est conuenable à l'enfance) il

faut le lauer avec eau salee, qui soit
chaude, laquelle, suyuant l'opinio
de tous les medecins, deseché

Hippoc. au 2. liure, de diata. & essuye la chair, rend les nerfs
fermes, l'enfant robuste & fort: &

*Au 1. liure
à Glauco.*

*6. des apho.
16.*


*Au liure,
de sal. dia.
ta.*

pource que la superflue humidité
du cerueau se perd & consomme,
il deuient ingenieux & exempt de
grandes maladies. Au contraire, si
on le laue d'eau douce & chaude,
entant qu'elle humecte la chair,
Hippocrate dit, qu'elle fait cinq
maux. Elle effemine la chair: elle
debilite les nerfs: elle endort l'es-
prit: elle cause le flux de sang, &
l'euanoüissement ou deffaut de
cœur. Mais si l'enfant sort du ven-
tre de sa mere, avec vne grande
siccité, il le faut bien lauer, avec
eau chaude, douce. Et ainsi Hip-

*pocrate dit, Infantes diu sunt cali-
da lauandi: quò minus tentent conuul-
siones: ipsiq; crescant & melioris co-
loris*

loris fiant. Par laquelle sentence, il en charge de lauer les enfans avec eau chaude, beaucoup de fois, à fin qu'ils croissent plus aisement & qu'ils se fassent de bonne couleur. Cela s'entend des enfans qui sortent secs du ventre de leur mere, desquels il faut amander la mauuaise tēperature, en leur apliquant les qualitez contraires. Galen dit *Au 1. liure de la conseruation de la santé.* que les Alemans ont coustume de lauer leurs enfans en la riuiera aussi tost qu'ils sont naiz, leur semblant aduisque comme le fer qui fort ardent de la fournaise, se renforce & endurecit, quand on le met dedans l'eau froide: ainsi en tirant l'enfant du ventre de la mere, il se rend plus fort & vigoureux, quand on le laue avec eau froide. Galen blasme ceste maniere de faire, & tient que c'est vne grande folie: en quoy il a bien raison: car cōbien que par ce moyen le cuir luy

deuiene dur & difficile à estre offensé des iniures de l'air, si est ce qu'il est offensé des excremens qui s'engendrent dedans le corps, n'ayans voye ouuerte, pour pouuoir sortir. Le meilleur & plus seur remede est de lauer les enfâs, qui ont beau coup d'humidité, avec eau chaude & salée: car en leur consommant l'humidité superflue, on les rend acheminez à la santé & leur fermât les voyes du cœur, ils ne sont offensez à chacune occasiô & leurs excremens ne sont tant enclos & retenuz qu'ils n'ayent passage pour sortir. Et nature est si forte, que si on luy oste vn chemin public, elle en cherche vn autre propre: & si dauanture tous les passages luy sont bouchez, elle en sçait bien faire de nouueaux, pour ietter ce qui l'empesche & luy est nuisible. Parquoy de deux extremes, il vaut

vaut mieux pour la santé, auoir le cœur vn peu dur & ferré, que mol & ouuert. Secondemēt quand l'enfant vient de naistre, il faut q̄ nous le fassions amy des vens & des alterations de l'air, sans le tenir tousiours à l'abry ou à couuert: car il se rendra lasche, feminin, ignorant, de peu de forces, & mourra en trois iours. Hippocrate dit qu'il n'y a chose qui debilitē tāt la chair q̄ de demourer tousiours en lieux ^{*Au liure, de l'air, lieux*}  ^{*eaux.*} preseruez du froid & de chaleur: & qu'il n'y a meilleur remede pour la santé, q̄ d'exposer le corps à tous les vens, chauds, froids, humides & secs. Et pour ceste cause Aristote demande, pourquoy ceux qui viuent aux galeres sont plus sains ^{*En la 14. sect. probl.*} & ont meilleure couleur, que ceux ^{*12.*} qui viuēt en terroir marescageux? En quoy la difficulté est plus grande, quand l'on considere le mau-
uais

uais temps qu'ils ont, de dormir sur la dure tout vestuz, au serain, au Soleil, au froid & à l'eau, & n'ayans à demy leur vie. L'on en peut autant dire des bergers, qui sont plus sains qu'hommes du monde, Pource qu'ilsont deia accoustumé toutes les qualitez de l'air, & que leur nature ne s'etõne de rien. Au contraire nous voyons apertemēt que l'homme qui se veut garder du Soleil, du froid, du serain & du vêt est dépesché en trois iours : & pour ceste cause peut on biē dire, *Qui diligit animā suam in hoc mundo perdet eam.* car personne ne se peut garder des alteratiōs de l'air. Ainsi donc il vaut mieux s'accoustumer à tout, à fin que l'hōme ne se soucie des iniures de l'air, & ne viue tousiours en peine.

Le vulgaire pense que l'enfant naist tendre & delicat, & que for-
tant

tant du ventre de sa mere, il ne peut endurer l'air froid, sans recevoir grand dommage. Mais il s'abuse grandement. Car combien q l'Alemagne soit vn pays tât froid, ils mettent neantmoins les enfans sortàs du ventre de la mere, dedàs l'eau: en quoy encores qu'ils faillèt lourdemēt, si est ce que les enfans ne s'en trouuent mal, & n'en meurent pas. La troisieme chose qu'il faut faire est de trouver vne ieune nourrice de temperamēt, chaude & seche, ou suiuant nostre doctrine froide & humide au premier degre, nourrie à la peine, accoustumee à dormir à terre, à manger peu, & qui soit mal vestue, & qui soit faite à aller au serain & endurer le froid & le chaud. Vne telle nourrice aura le laiēt bien ferme & accoustumé aux alterations de l'air, duquel si l'enfant est

est long temps nourry & maintenu, les membres de l'enfant en seront merueilleusement fermes. Si elle est discrete & aduisee, cela fera grand bien à son esprit, pource que le laiët d'une telle nourrice est chaud & sec, qui sont deux qualitez par lesquelles se corrigera la grande froideur & humidité que l'enfant apporte du ventre de la mere. Or combié importe aux forces de la creature, de tetter le laiët d'une nourrice qui s'exerce, se prouue claiement es cheuaux, lesquels sortans de iumens qui travaillent & labourent, sont bons courriers & durent long temps au travail. Mais si les iumés sont tousiours à leur aise, paissans au pré, les cheuaux qui en sortent ne se peuvent tenir, de la premiere carrière qu'on leur donne. Il faut aduiser aussi de mettre en sa maison, vne nourrice,

nourrice, quatre ou cinq mois deuant l'enfantement: & luy bail-
 ler à manger les mesmes viandes
 que mange la femme enceinte, à
 fin qu'elle ait loisir & temps de cō-
 sommer le sang, & les autres mau-
 uaises humeurs prouenues des
 mauuais alimēs qu'elle auoit mā-
 gé au commencement, & à fin que
 l'enfant incōtinent qu'il sera nay,
 tette le mesme laiēt, duquel il s'est
 maintenu au ventre de sa mere,
 au moins fait des mesmes vian-
 des. Le quatriesme poinēt qu'il faut
 obseruer est de n'accoustu-
 mer l'enfant à dormir en vn liēt
 mol, à estre trop vestu, & à man-
 ger beaucoup: Car Hippocrate
 dit que cestrois choses là esuyent
 & desleichent la chair, & les con-
 traires les engraisent. Cefaisant
 l'enfant sera de grand esprit, fort
 sain & viura long temps à raison

*Magerme
 fois: coucher
 dur: mēt. &
 chemise
 nud. Hip-
 po. au liēt
 de salubri-
 dieta.*

Celse, au 2.
liure.

Gen. 22. 13.

En Ezech.
chap. 16.

de la siccité. Et au contraire, il se remplira de sang, & se fera d'une constitution mauuaise, que Hippocrate appelle *Athletique*: & la tient fort dangereuse. Par cete maniere de viure se nourrit l'homme le plus sage qui fut iamais au monde (Christ nostre redempteur en tant qu'homme) excepté que pour ce qu'il naquit hors de Nazareth, sa mere d'avanture, ne trouua de l'eau salee à propos, à fin de le laver. Mais cela estoit vne coustume Iudaïque & de toute l'Asie, introduite par aucuns sages medecins, pour la santé des enfans. Et ainsi le prophete dit, *Et quando nata es in die ortus tui, non est precusus umbilicus tuus & aqua non es lota in salutem, nec sale salita, nec involuta pannis.* Mais au demourant, incontinent qu'il fut né, il commença à s'accoustumer au froid & aux autres

tres alterations de l'air. Son premier liēt fut contre la terre, estant mal vestu, comme s'il eust voulu garder la recepte d'Hippocrate: & bien tost apres il fut porté en Ægypte (pays fort chaud) où il fut tout le temps qu'Herodes vesquit: & pourtant il est certain, qu'allant sa mere en ceste maniere, elle luy donnoit le laiēt bien exercé, & fait aux alterations de l'air. La viande qu'il prenoit estoit celle que les Grecs trouuerent pour donner esprit & sçauoir, à leurs enfans: & ceste viande estoit la partie grasse du laiēt, mágé avecques miel, & pourtant Esaye a dit, *Butyrum & mel comedet, ut sciatur re-* Chap 7.
probare malum & eligere bonum.
 Par lesquelles parolles il semble que le Prophete ait voulu donner à entendre, que combien qu'il fust vray Dieu, il deuoit aussi estre

homme parfait, & que pour acquerir science naturelle, il devoit vſer des meſmes diligences deſquelles vſent les autres enfans des hommes. Toutesfois cela ſemble difficile à entendre, & eſtrange de penſer que Chriſt noſtre redempteur, pour manger du beurre & miel, eſtant enfant, deuſt ſçauoir reprouer le mal & elire le bien, quand il ſeroit grand, veu qu'il eſtoit, comme il eſt, Dieu de ſçauoir infiny, & ayant entant qu'homme, toute la ſcience infuſe, qu'il pouuoit recevoir ſelon ſa naturelle capacité. Parquoy eſt-il certain, qu'il ſçauoit autant au ventre de ſa mere, comme quand il auoit trente & trois ans, ſans manger beurre ny miel, ny ſe ſeruir d'autres moyens naturels que la ſageſſe humaine requiert. Ce neâtmoins eſt ce beaucoup que le Prophete ait remarqué

qué la viande que les Troyens & Grecs auoyent coustume de donner ~~à~~ ^à enfans, pour les faire ingénieux & l'ag. ~~à~~ ^à il ait dit, *Ut sciat reprobare malum & bonum*: pour entendre qu'à raison de ces alimens, Christ nostre redempteur (entant qu'homme) auroit plus de sçauoir acquis, qu'il n'eust pas obtenu s'il eust vsé d'autres viandes contraires: ou bien il faut expliquer ceste particule (*ut*) pour sçauoir qu'il a voulu dire, en parlant par tels termes. Ainsi donc nous deuons supposer, que en Christ nostre redempteur y auoit deux natures (comme il est vray, & ainsi la foy nous le demonstre) l'une diuine, entant qu'il estoit & est vray Dieu: & l'autre humaine, composée de l'ame raisonnable & du corps elementel, disposé & organisé comme l'ont les autres en-

fans des hommes. Quant à la pre-
 miere nature, nous ne scauons
 dire de la sagesse d'auant nostre
 redemption, pource qu'elle est in-
 connue, sans augmentation ny dimi-
 nution, ne dependant d'aucune
 autre chose: car, pource qu'il est
 Dieu, il estoit aussi sage au ventre
 de la mere, cōme il l'estoit à tren-
 te & trois ans: pource qu'il l'est
 de tous temps. Mais en ce qui con-
 cerne la secōde nature, il faut sca-
 uoir que l'ame de Christ, dès que
 Dieu la crea, fut bien heureuse &
 glorieuse, comme elle l'est aujour
 d'huy: & puis qu'il iouyssoit de
 l'essence diuine & de son haut sca-
 uoir, il est certain qu'il n'ignoroit
 aucune chose, & qu'il auoit autant
 de science infuse, que pouuoit te-
 nir sa naturelle capacité: mais avec
 tout cela, il est certain que comme
 la gloire ne se communiquoit aux
 instru

instrumens du corps, (à raison de la redemption du gente humain). aussi ne faisoit pas la science infuse, pour n'estre le cerueau disposé ny organisé des qualitez & substance necessaires, à ce quel'ame par tel instrument peust discourir & philosopher. Car si nous auons souuenance de ce que nous auons dit, au commencement de ceste œuvre, les graces que Dieu depart aux hommes, requierent ordinairement quel'instrument, par lequel elles se doyuent exercer & le suiet qui les doit receuoir, tiennent les qualitez naturelles, que chacune grace a besoin d'auoir. Et c'est pourquoy l'ame raisonnable est acte du corps, & qu'ellen'œuvre, sans se seruir de ses instrumens corporels. Le cerueau de Christ nostre redempteur, estant nouveau né, estoit fort humide,

pource qu'en tel âge, c'est vne chose naturelle & conuenable : mais l'ame d'iceluy, pour estre si grâde en quantité, ne pouuoit naturellement discourir, ny philosopher, avec tel instrumēt. Et ainsi la science infuse ne passoit à la memoire corporelle, ny à l'imagination, ny à l'entendement, pource que ces trois puissances sont organiques (comme nous l'auons prouué) & qu'elles n'ont la perfection qu'elles doiuent auoir. Mais le cerueau se desechant avec le temps, l'ame raisonnable manifestoit tous les iours dauantage la science infuse qu'il auoit, & la communiquoit à ses puissances corporelles. Et outre ceste science supernaturelle, il en auoit vne autre qui se prend des choses que les enfans oyent, de ce qu'il voyent, de ce qu'ils sentent, & qu'ils goustent.

*S. Thomas
met vne
troisieme
science en
Christ, &
l'appelle a-
quisse avec*

goustent & touchent. Il est certain ^{l'été demée}
 que Christ nostre redépteur auoit ^{agēt 3. par.}
 ceste là, comme les autres enfans ^{quest. 10.}
 des homes. Et ainsi que pour bien ^{ar. 4. & 9.}
 voir les choses, il auoit besoin de ^{12. ar. 2.}
 bons yeux, & pour ouir le son, de
 bonnes ouyes, aussi auoit il besoin
 de bon cerueau, pour iuger du biē
 & du mal. Parquoy il est certain
 que de ce qu'il mangeoit ces vian-
 des tant delicates, son cerueau
 s'organisait tous les iours de mieux
 en mieux, & aqueroit plus grand
 sçauoir. De maniere que si Dieu
 luy eust osté la science infuse, trois
 fois durât sa vie, (pour voir ce qu'il
 auoit aquis) nous eussions trouué,
 qu'il sçauoit plus à dix ans, qu'à
 cinq; à vingt, plus qu'à dix; & à trē-
 te trois, plus qu'à vingt. Que ceste
 doctrine soit veritable & Catho-
 lique, le texte del'euāgile le prou-

En S. Luc, ue, disant. *Et Iesus proficiebat sapiē-*
chap 2. *tia, & etate & gratia apud Deum*
& homines. De plusieurs sens Ca-
 tholiques que l'escriture sainte
 peut receuoir, ie tiens tousiours
 celuy de la lettre meilleur, que ce-
 luy qui oste aux termes & voca-
 bles leur propre & naturelle signi-
 fication. Quant aux qualitez &
 sustâce que doit auoir le cerueau,
 nous auons de la dit, suyuant l'opi-
 niō d'Heracleite, que la siccité fait
 l'ame tressage: & suyuant l'opiniō
 de Galen, nous auōs prouué, qu'es-
 tant le cerueau composé de sustâ-
 ce fort delicate, l'esprit en est sub-
 til. Christ nostre redēpteur aque-
 roit siccité, avec l'âge: car des que
 nous naissons iusqu'à l'heure que
 nous mourons, nostre chair se de-
 seiche & s'effuye, & mesmes nous
 deuenons plus sçauans. Les parties
 delicatēs

Au liure,
de l'art de
med. ch. 12.

delicates & subriles du cerueau d'iceluy se refaisoiēt, en mangeāt les viandes, qu'a dit le prophete Isaie. Car puis qu'à toute heure il luy estoit besoin prendre nourriture, & reparer la fustance qui s'e-uaporoit, par le moyen de la viande seulement, & non avec aucune autre matiere, il est certain que s'il eust tousiours mangé de grosse chair, son cerueau se fust rendu gros en peu de temps, & eust aquis vn mauuaistemperament, avec lequel son ame raisonnable, n'eust peu reprouuer le mal, ny elire le bien, sinō par miracle, & vsant de sa diuinité. Mais Dieu voulāt qu'il fust nourry par les moyens naturels, cōmanda qu'il vst des viandes tant delicates, desquelles le cerueau d'iceluy fust tellement composé & organisé, que sans se ser-
uir

vir de la science diuine ny inture
 qui estoit en luy, il pouuoit natu-
 rellement reietter le mal, &
 elire le bien; comme les
 autres enfans
 des hom-
 mes.

Fin de l'Examen & differences

des esprits humains.

Imprimé à Lyon, par l'im-

ESTIENNE BRIGNOL.

1610.